


გორაკი



შალვა ნაცვლიშვილის ნახატი

4

2018



საქართველოს ეროვნული ბიბლიოთეკა

ISSN 0134-3459

18004



9 770134 345001

ჭოროხი

გამოცემის მე-60 წელი

ივლისი-აგვისტო

№4

2018 წელი

სალიტერატურო-სამხატვრო და საზოგადოებრივი ჟურნალი

მთავარი რედაქტორი
სანდრო გერიძე

სარედაქციო კოლეგია
როინ აბუსელიძე
ცისანა ანთაძე
გენრი დოლიძე
შოთა ზოიძე
დავით თედორაძე
ლალი კონცელიძე
გუნა სამნიძე
რამაზ სურგანიძე
ჯეგალ სურგანიძე
ბელა ქაბურია
ვახტანგ ლლონტი
თინა შიოშვილი

ტექნიკური რედაქტორი და
კომპიუტერული უზრუნველყოფა
მალხაზ ფაღვაძე

ოპერატორი
მარიკა ლაშხია

დაარსებულია 1958 წელს
გამოდის ორ თვეში ერთხელ

ISSN 0134-3459

© „ჭოროხი“, 2018

რედაქციის მისამართი:
6009, ბათუმი, მელიქიშვილის ქ. №21
ტელ.: (422) 27-15-30

გამომცემელი
ა(ა)იპ აჭარის მწერალთა სახლი



აჭარის მწერალთა სახლი

ჟურნალი დაიბეჭდა შპს „ხომლი ენ“-ის
სტამბაში. ქუთაისი, ჭავჭავაძის ქ. 33



9 1770134 345001

ავტორთა საყურადღებოდ:

რედაქციაში ელექტრონული სახით შემოსული ნაწარმოებები აწყობილი უნდა იყოს შრიფტით Sylfaen, 12 pt. (კოდირება: უნიკოდი (UTF-8)); რედაქციაში შემოსული მასალა ავტორს არ უბრუნდება.

შინაარსი

ჩრქუნ, ჟონუნ

ანზორ კუღბა – ევლია (რომანი. დასაწყისი)	3
მარია მკლასური – ლექსები	23
ზაზა ბიბილაშვილი – ლექსები	32
გიგო თავაძე – ლექსები	43
იზა მსაფაიშვილი – გაიღიმეთ, დროებითია ყველაფერი (მოთხრობა)	50
ვაჟა მთარაშვილი – ლექსები	55
ეკა კვანტალიანი – ლექსები	62

ჩრითუნ, ჟულისთუნ

ზურაბ ხაბაძე – უსათაუროდ და უმისამართოდ (გაგრძელება)	70
--	----

ჩანჩილ ლუნსკაშვილისა და ლუნსკის 140-ე წლისთავისთვის


ილია ჭავჭავაძე – საქართველოს მატრიანე	76
აკაკი წერეთელი – დღევანდელი ლხინი... ..	80
ბრიგოლ მრგალიანი – რა გვიხარია?	82
შერიფ ხიმშიაშვილი – ჩვენ გვინდა განათლება	83

წინილუნი

მამია ფალავა – ექსპედიციის დღიურები (დასასრული)	84
ალექსანდრე ჩხაიძე – სელიმ ხიმშიაშვილი – ოსმალეთის ხელისუფლების სტრუქტურის ურჩი მოხელე	108
ჯემალ (სარგის) ჯაყელი – მხოლოდ სიმართლე და არაფერი სხვა!	116

ჟოლუნუნ

შოთა ზოიძე – „პრელესტ ბაბაღე“, ბარათაშვილის სურათი და ხინკალი იმპერატორისათვის	119
---	-----



უნზორ კუდგუ

ქვლიბ

(რომანი)

გ ა მ ო ც ხ ა დ ე ბ ა :

მეძინა და აღარც მეძინა...

მეძინა თუ არ მეძინა?

ნეტა, საიდან, საიდან მწვევია გაორება მე ამ-
ნაირი?

მეძინაო, ვთქვა, არ ვიქნები მართალი, მა-
გრამ მეღვიძაო, რომ დავიჩემო, მართალი არც
მაშინ ვიქნები.

მაგრამ ეს ხომ ძილ-ღვიძილია ჩვეულებრივი...

ვფიქრობ?

არა მგონია, ვფიქრობდე.

სულაც: დაცლილი ვიყავ ფიქრებისაგან, მა-
გრამ ხომ შეიძლება ვცდებოდე და რა უფლები-
თაა, ჩემს ნებას გახვევდეთ თავს?

ასე რომ: გინდ გიფიქრია, გინდ არც გე-
ფიქროს, განა სულერთი არ არის მავან და მა-
ვანთათვის?! მაინც არავინ გისმენს და აღარც
ისმენს შენსას! შენც ხომ აღარაფერი „გეყურე-
ბა“ კაი ხანია...

იყო და არა იყო რა... მოდიტ და ასე დავინწყოთ
(ხომ მაინც სულერთია მავანთ და მავანთათვის)
და სწორედ ამ დღესა და ამ ყოფაში ვიყავი, რომ

სული შემეხუთა: ვერც ჩავისუნთქე და ველარც
ამოვისუნთქე.

რაო, რა მოხდაო?

ხომ ასე გაიფიქრეთ, თქვენც, უნებლიეთ?

აქ კი გამომღვიძებოდა, თუკი არ მეღვიძა...
(ყურის ბიბილოზე ხომ არ მებზნკინა)?!

– ხდება რამე, თუ უკვე მომხდარ არს, ან აწი
უნდა მოხდეს?

მოემზადეო, თითქოს შეირხაო სივრცე და
მკერდზე ვიტაცე ხელი.

სივრცე კი (იქნებ, თვალი მატყუებდეს) აძა-
გდაგებულებო როგორც არასდროს, სწორედ ვან
გოგის ერთი მშვენიერი სურათის ფონისნაირად
და გამაფრულებს მეც მხატვარივით: – ვინ იყო?
იყო კი? მაგრამ „მოემზადეო“, რომ მიბრძანებენ?

– არ მიბრძანებია, გითხარი მხოლოდ, გირ-
ჩიე, იქნებ, თუკი მიიღებ ამ ჩემს რჩევას: ეს შენი
საქმეა და... შენ თავისუფალი ხარ... – ისევ მაში-
ნდელივით აძაგდაგდა სივრცე და ცაც გადაიხ-
სნა. აღარც კი ვიცი, როგორ და პირფვარი გადა-
ვისახე სამჯერ.

ასეც მსმენოდა: შესთხოვე ზეცას, რაც რომ
ძალიან გინდოდეს და უსიკვდილოდ შეგისრუ-

ლდებაო. მე კი ველარ მომიგონებია, რა მსურდა ყველაზე უფრო და ქანდაკივით დავდუმდები.

– სურვილი... ისურვე რამე, თუნდაც არასასურველი! – მიბრძანებენ და აღარც მიბრძანებენ, მაგრამ ხმა რომ ველარ ამოვიღე, ე, მაშინ იყო, რომ იძრა მთელი ეს სივრცე და გაგიჟებულებით ახარხარდა: – სასურველი გამოგელია? ვერ დამაჯერებ, ბალო... მომიტევე, რომ ბალო გინოდე და... მართლა ვერავინ დამაჯერებს, რომ აგსრულებოდეს თითქოს ყველა სურვილი. რაც იგივეა, გამოგლეოდეს, ან სულაც... იმდენი გსურდეს, რომ ყველაზე სანუკვარიც ველარ გამოგერჩიოს ამდენი სურვილიდანო?!

დამხარხარებდა ზეცა მალლითგან...

მომხშირებოდა სუნთქვა. მიწას დაჭყლეტილებით და ჰაერს მოწყურებულმა შოშიასავით დავალე პირი. მაგრამ ამოტუმბულიყო ჰაერი ჩემ ირგვლივ და ამან შემადრწუნა, – მაინც რამდენ ხანს გამეძლო მე უჟანგბადოდ?

აქ ფიქრმაც დამიტევა და ამან მომგვარა შვება.

ჰოდა: შევეგუე იმას, რომ ორ-სამ წუთში აღარ ვიქნებოდი და მკერდზე დავიკრიფე ხელები.

მალლა ავიხედე და: დამხარხარებდა ისევ ზეცა მალალი:

– ნახეთ, იოლი გამოსავალი არ ნახა?! არა, ბატონო ადამიანო... იცოცხლებ შენ! მე ასე მსურს! – და წაიღო ფიქრმა სივრცე დამცინავი.

ხმას აღარც მე ვიღებ, შევატყვე, ამან უფრო გააღიზიანა უხილავი, რომელსაც თითქოს და რაღაც-რაღაცებისთვის უნდა შევემზადებინე:

– მოემზადეო, ეს შენ მითხარი და აღარ ვიცი, რისთვის შევემზადებულებიყავი... – ავლულლულდი გულუბრყვილო ბავშვივით.

– მე ხომ, მე...

– გაგაფრთხილე და ყური რატომ არ უნდა მოგეპყრო ჩემთვისო, შენ კი მოჰყევი იქითურაქეთურს, ღობე-ყორეს მოდებხარო. შეიძლება, მზადაც იყო ჩემს მოსასმენად, მაგრამ... – ჩვეულ ფიქრს წაუღია სივრცე: აბუტბუტებულიყო ისიც თავისთვის, მაგრამ უკვე მე აღარ მესმოდა მისი. მზერა მის ბაგეებზე შემჩერებოდა. ისიც შემცბა-

რი ჩანდა: – თიხა და კაცი, თიხა-კაცი და თიხის კაცი ჯობდეს იქნება, ან სულაც თიხაკაცი?

„თიხის კაციო... თიხაკაციო, მაგრამ მაინც რას უნდა ნიშნავდეს თიხის კაცი, ან თუნდაც თიხაკაცი? მაინც რომელზე შევაჩერო არჩევანი? – გავიფიქრებ და გამიმწარდება ნერწყვი.“

თიხის კაცი, თიხაკაციო, – ვიმეორებდი დაბნეული და სივრცესაც გააძაგაგებს. ამიტანს ჟრჟოლა: – თიხის კაცი, თუ თიხაკაცი? – ამოვთქვამ და სასულეში არ გადამცდება ის სამსალა ნერწყვი?!

– როგორც გინდოდეს, როგორც შენს სულს წყუროდეს! – იღვებს და სივრცესაც შეაჟრჟოლებს. მაგრამ დალაგდება ყველა და ყველაფერი; მეც აღარ მძაგაგებს უკვე და იმ სამსალა ნერწყვსაც ამოვახველებ.

– იყოს თიხის კაციო, წამოვიძახებ და მივაშტერდები სივრცეს უკვე დალაგებულ-დანყნარებულს. აქ ღრუბელიც გამომიჩნდება, იქიდან კი თეთრწვეროსანი ბერი ჩამოიქნება. იგიც აიქნევს ხელს და გოროზი მთაც აღიმართება იმის წინ. მკლავებანეული თეთრწვეროსანიც ხელისგულეებშუა მოიქცევს მთელ ამ მთას და „სახეში“ შეასუნთქავს, ჩიასუნთქავს და მარჯვენას შემოიქნევს, მერე მარცხენასაც შემოულანუნებს და თვალეები გამინათდება: ამსიმაღლე მთის გაცრას ხომ არ აპირებსო, გამკენწლავს და შემეჭმუნება შუბლი.

ჰოდა: იცრებოდა მთა-გიგანტი ჯადო საცერში... თვალე ვერ მომენწყვიტა გოლიათი თეთრწვეროსანისათვის, თან: ფიქრიც არ მასვენებდა, ამდენის შემძლე მე რატომ ვერ უნდა ვიყოო?!

– საცერ-გობა, საცერ-გობაო, – ჩურჩულებდა თეთრწვეროსანი გოლიათი თავისთვის. ისიც მორჩა, როგორც იქნა, თავის საქმეს და წვიმამაც წამოუშინა, – მადლობა, გამჩინელო ღმერთო! – ამოთქვა და გაცრილ სილაგორას ზედ დაანერწყვა.

„ცომივით მოზელს და...“ – ფიქრი არ დამემთავრებია, რომ აიზილა ის სილაგორაც და თიხის კაციც გამოიკვეთა უცებ იმისგან.

უყურა თეთრწვეროსანმა თავის ნახელავს, უყურა და უკმაყოფილოდ ჩაილაპარაკა. მივაყურადე, მაგრამ ველარ გავარჩიე მისი ნათქვამი, მაგრამ მაინც მოვასწარი, რომ დაკვირვებით შემეთვალყურებინა ის თიხის კაცი. ოღონდაც: ვგრძნობდი ქვეცნობიერად, რომ ჯერ არ დაესრულებინა შემოქმედს თავისი ნახელავი, თავისი ღვთაებრივი ჩანაფიქრისათვის ჯერაც ვერ შეესხა ფრთები და ამით საძირკველიც გაედგარა ლაც დიადისათვის...

– ბიჭოს?! შენ მართლა არ ამოიცანი ჩემი ფიქრი?! – ათრთოლებული სივრცე შუაზე გააპო ელვამ და სუნთქვა შემეკრა. ასე სუნთქვაშეკრული შევყურებდი თეთრწვეროსან გოლიათს და მიფანცქალეზდა გული: – ეს შენი თვალეზია, ასე რომ ელავენ...

ისიც მოიხრება წელში და სულს შთაბერავს თიხის კაცს (დიდება გამჩენს)!

– ადამ! – თეთრწვეროსანმა ხელი დაჰკრა თიხის კაცს და კაცმაც გაკვირვებული მზერა შეაგება სრულიადის შემოქმედს.

– აუუუ... რამდენ ხანს მძინებიაო?! – წამოიძახებს თიხის კაციც და ზანტად გააზმორებს.

ესეც მისი პირველი გაზმორება!

– ჩემი სახება და ხატი ცხოველი... – ამოთქვა თეთრწვეროსანმა, – ხილულ იყავ ანი შენც, ჩემო ადამ! – ზედ დააყოლა გაკვირვებულმა თავის პირველ ნათქვამს, ერთ ჩასუნთქვადაც რომ აღარ ეყო ამხელა (ამხელაო) სივრცე, უსასრულოდაც რომ მოიხსენიება ხალხში, ხელები გაშალა საკუთარი სიდიადით აღფრთოვანებულმა და ჩაიძირა (ოცნებად) თავის ფიქრებში.

იყო...

იყო მაგრამ აღარც იყო(!)

და მაინც: ყოველივე ამის აღსაქმელად როგორღა მემყოფებინა ჩემი თვალსანიერი: „ხდება, ალბათ, რაღაც ისეთი, რომ ველარ გამიცნობიერებია...“ – არც მქონდა ფიქრი დამთავრებული, რომ მოვფხიზლდი უცებ: მე ზეციური კიბე დავლანდე მიწამდე ჩამოშვებული და ამ კიბეზე თიხის კაცი ჩამოდიოდა...

ლალი-შაქირა:

კარი პირველი:

დღეს თორმეტი საათის მარშრუტით ქალაქში უნდა დავბრუნებულიყავი და ადრე გამაღვიძეს. არავინ გამომაცილოთო, ხმასაც კი ავუნეი და გამოვედი სახლიდან.

გზის პირას დავდექი.

ქვევიდან ამოვარდნილი შარა ახმიანებულიყო და თვალი თავდაღმართს გადავტყორცნე. იქ ბავშვები შემოჰხვევიან ვილაცას.

– ლალი-შაქირა, გვიმღერე ერთი შენებურად და... თურა და იაზს გეთამაშები, კაი? – ეხვეწება ერთი კნაჭა ბიჭი.

– ლალი-შაქირავ... თუ იცეკვებ, ფულს მოგცემ, – ხურდა ფულს აჩხრიალებს ჯიბეში ღიპგადმოგდებული ქერათმიანი.

– თუ იზამ, ლალი-შაქირა, ისე, რომ... ხომ ხარ აგზე და უცებ რომ გაქრე... ფხალ-ლობიას გამოგიტან და გაგასისინებ, თუ გატყუებ, თვალეზი დიმიდგეს!

და მართლაც: ბავშვების გუნდი თვალის დახამხამებაში გაიფანტა რატომღაც.

რატომღაცო? რატომ რატომღაც, როცა ლალი-შაქირა მართლა გაქრა თვალდახელშუა.

აღარსად იყო.

ვიდექი გაოგნებული.

– ხომ ნახე ლალი-შაქირაი? იბრეთი კაციო, არა? მაგრამ ჯაზი არაა!

– ბაბუ. ვინაა ლალი-შაქირაი? – ვეკითხები ჩემზე არანაკლებ გაკვირვებულ ბაბუაჩემს.

– ლალი-შაქირაი? ყრუ-მუნჯია ჩვენი ლალი-შაქირაი. მაგრამ არც ყრუ დაბადებულა ამ დუნიაზე და არც – მუნჯი. დამუნჯდა ჯერ და... მერე, აღარც ხმის ამოღება ინება და აღარც – მოსმენა... შეიძლება ყრუ არც იყოს, თუმცა რას გუუგებ, ძიავ, ლალი-შაქირას?

– მაინც რა დაემართა?! – ცნობისმოყვარე თვალეზი შევანათე ბაბუაჩემს და იმანაც გამიღიმა.

– ინათიანი კია, ძიავ და... – თვალი მოხუჭა და მივხვდი ამბის მოსაყოლად რომ მოემზადა.

სუნთქვაც უნებლიეთ შემეკრა და სულაც გადა-
მაინწყდა, რომ ბათუმისაკენ მიმავალ მარშრუტ-
კას ვუცდიდი.

– შაქრო ერქვა, ჩვენებურად შაქირაი...

– მაინც რა კაცია, ბაბუ?

– რა კაცია და... ინათიანი ხომ არ ხარ? მთა-
ვარია, ყველას უყვარს სოფელში! თვითონ ლა-
ლი-შაქირას, ჩემო იმავ, ვინ იცის, რა უყვარს და
რა არ უყვარს... იქნებ, სძულს... არა, ლალი-შა-
ქირას არავინ სძულს! სიძულვილი შეიძლება
არც იცოდეს ლალი-შაქირამ... ლალი-შაქირას
ყველა უყვარს... ადამიანი და... სიცოცხლეს
უყვარს, ძიავ, აბა, ჩემო იმავ?! ღმერთი სიცოც-
ხლეო, გამიგონია ლალი-შაქირასგან, როცა
ლაპარაკობდა... ჰო. ღმერთიაო, ამოთქვამდა
ზოგჯერ თავისთვის, მთელი დუნის გასაგონად
და ჩაილიმილებდა, – და სიყვარულით...

უზენაესზე ლოცულობდა; განგებას მჭევრ-
მეტყველების ნიჭითაც დაუფილდობია ლალი-
შაქირაი. ისიც ქადაგებდა ღმერთზე, რომ ღმე-
რთია სიყვარული და უღმერთოდ, უსიყვარუ-
ლოდ როგორ გაძლოსო ადამიანმა, ველარ წარ-
მომიდგენია, ჩემო იმავო...

ხოჯიობა ხომ არ დაგენყო, – შესთავაზეს
ერთხელ და ჯამეშიც შეუძღვნენ. იმასაც შეეკრა
სუნთქვა და მანამდე არც მოუთქვამს სული, სა-
ნამ არ გამოიყვანეს იქიდან.

საოცარია და იმდენი იცის, ძიავ, რომ... ამდე-
ნი იცოდეს ერთმა კაცმა... – თავი გადააქნია ბა-
ბუაჩემმა, – ძნელი წარმოსადგენია მართლაც!

– მაინც საიდან, ბაბუ? იქ, ქვევით მართლა
იყო ლალი-შაქირა... მერე მოხდა რაღაც... რაღა-
ცას სთხოვდნენ და... ისიც გაქრა, თითქოს არც
ყოფილიყოსო...

– ჰო, არც ეს გამიკვირდება... ფრენაზე ოცნე-
ბობდა ლალი-შაქირაი!

– დამჯდარიყო თვითმფრინავში და...

– ფრენაზე ოცნებობდაო, გეუბნებოდი და...
არ მისმენ, ბაბუ... არწივის ბედს შენატროდა
და უჟმურაყოლილივით დეიარებოდა სოფელ-
სოფელ... კარ და კარ... და გულიც ავს რომ
უგრძნობდა?! ერთ დღეს კაი დაღამებულიც არ

იქნებოდა, რომ ჩაიძინა და ესიზმრა, აფრინდა
თითქოს და არწივივით გაშალა ფრთები. შემ-
ოიფრინა მთელი ხეობა და კაკლის ხის ძირში
უუთეთრეს კრავს მოჰკრა თვალი. ბევრიც აღარ
უფიქრია და ტყვიასავით დაეშვა ძირს. დააცხრა
შიშისგან აცახცახებულ კრავს და კლანჭები ჩაა-
სო ღრმად. აიქნია ფრთები, მაგრამ... არა, ძალა
აღარ ეყო, რომ აფრენილიყო.

გამოღვიძებულმა, თავ-პირში წაიშინა მუშტე-
ბი, რა მჭირს, რა მემართებაო?! რატომ, რატომ
ვერ ავფრენილვარო და: საკუთარ თვალში დაპა-
ტარავ-დამცირდა. გული აიყარა ყველაფერზე:
ემდუროდა სოფელს, ემდუროდა ადამიანს.

კვირის სწორს, სამშაბათი უნდა ყოფილიყო.
მოუბრუნდა გული: ჯერ აქაურობაზე, მერე –
იქაურობაზე.

ფრთები კი მართლა გამოსხმოდა შაქირას.
ირმუნა, რომ შეუძლია ფრენა და დილას, მზის
ამოსვლისხანს აფრინდებოდა მართლაც. მთავა-
რია, დრო მოეკლა იქამდე, – მაგრამ თუ ველარ
ავფრინდი, თავიც არ მინდა ცოცხალიო, – ამოთ-
ქვა ერთხელ გულდათუთქულმა და წარმოიდგი-
ნა ჰაერში იყო და გარს უვლიდა თავის სოფელს.

მთავარია, დრო მოვკლაო იქამდე, ვთქვათ
ასეც: და მართლაც: არ დამდგარიყო ჯერ ამის
ჟამი! არ ჩამომდგარიყო ის ნუთი, როცა აანყდე-
ბოდა მინას და იფრენდა თავდავინწყებამდე,
იფრენდა თავის ნებაზე და რაც შეიძლება მალ-
ლა და მალლა.

„აფრენას რა უნდა, ძიავ, გინდოდეს ფრენა
და ვერ იფრინო?! თუკი ინდომა კაცმა... რას არ
შეძლებსო, ნეტა?! – მუხლზე დაირტყა ხელი და
ადგილიდან წამოიჭრა. ეზო ხელებგაშლილმა შე-
მოიბრინა, მაგრამ ვილაცამ შეასწრო თვალი და
ხელები ჩამოუვარდა ძირს, იმან კი, ვინც „თვა-
ლი შეასწრო“ შაქირას, მთელი სოფელი შემოირ-
ბინა, შაქირაი გაგიჟებულაო და იცით სოფელი
და სოფლის ნისქვილი. ჰოდა, ამბავიც მაშინვე
ჩამოფქვა.

„მზის ამოსვლამდე მთელი საუკუნეა,“ – ამ-
ბობდა შაქირა გულისფანცქალით და აღარც
კი ახსოვს, როგორ აღმოჩნდა დიდი კაკლის ხის

ტოტზე (ადრე კიბის გარეშე, თითქმის აღარავის ახსოვს, ვინმე აცოცებულებს ამ კაკალზე) და წარმოიდგინეთ სახტად დარჩენილი შაქირა, თოკზე მოსიარულე ჯამბაზივით რომ ირწეოდა იმ ხის ტოტზე და მიწას მონუსხული თვალებით ჩასცქეროდა.

თავი მაღლა აიღო და ლოცვად დადგა: „ღმერთო ძლიერო... მე ძე ვარ შენი, შაქირაი, ასე რომ მოწყურებია ფრენა. მომეცი ძალა, რომ ავფრინდე... ჩამისახე ფრენის სურვილი, რომ ავფრინდე მართლა! მე არწივობა მინდა და ნულარ დამიმინებ ამ ჩემს ბავშვურ ოცნებას! შემადლებინე ფრენა და დამითმია ათი წლის სიცოცხლე! არ იკმარებს ათი წელიწადი? ოცი წელიწადი მაშინ! ოციც არ იკმარებს? წაილე მაშინ მთელი ჩემი სიცოცხლე! ოღონდ ავფრინდე ჯერ და მერე მომკალი. არა და: მაინც წაილე ეს ჩემი სიცოცხლე! – გაუფართოვდა თვალეები, რომ რაც შეიძლება უფრო ფართოდ მოეცვა სივრცე და ამ სივრცისათვის მიეცა თავი.

და: მართლა გაფრინდა შაქირაი!

სივრცესაც სულ სხვანაირად, თითქოს ახლებურად აღიქვამდა: მიხვდა: სცნო შაქირა სივრცემ, აღიარა და თავიც მის წიაღში დაიგულვა.

ჰოდა: ხის ტოტიდან ნელ-ნელა ეშვებოდა ძირს, მაგრამ ბოლო წამიც ჩამოდგა მის ცნობიერებაში და აემღვრა სივრცეც, შეკუმშა თითქოს: ჰაერში დატრიალდა და ასე ტრიალ-ტრიალით წამოვიდა მიწისკენ, მაგრამ იმ კრავს მოჰკრა თვალი, სიცოცხლეს რომ ეთხოვებოდა იმ მართლაც უცნაურ სიზმარში. სიზმარიც აუხმიანდა მეხსიერებაში და გუნებაში გაუელვა: „ეს კრავი რომ შემენირა ჩემი ღმერთისთვის...“

არც დაემთავრებინა ფიქრი, რომ ეტკინა ძლიერ, გონის წართმევამდე.

ტკივილი იყო ეს... დიდი ტკივილი, ფიქრიც რომ წარეტანა მისი და სურვილი ყოვლის.

იყო ტკივილი, იყო, მაგრამ მიიღია თითქოს, რომელსაც აღარაფერიც აღარ მოჰყოლია.

მერე: აღარაფერიც აღარ იყო... აღარაფერი! მაგრამ როდის, როდის მოხდა ეს ყველაფერი? დიდი ხნის წინ!

– და დამუნჯდა?

– აბა, რა ვიცი? აღარ ლაპარაკობს, მაგრამ ლაპარაკობდა ადრეო; ამბობენ: აღარც ესმისო!

ისე: ძალიან ბევრი იცის, წარმოუდგენლად ბევრი. თოფალიც ამიტომ არისო... იცის, თითქმის ყველაფერი იცის:

იმდენი, ათ კაცს რომ ეყოსო. ასეც იტყვიან კიდევ:

ამბობენ, თბილისში, უნივერსიტეტში უსწავლიაო, ფილოსოფიურზე. მთელი სამი წელი და შვიდი თვე... ეს ყველაფერი გაფრენამდე იყო... ჩვენებურაი თუ მოუქცევდა ზოგჯერ, თვარა თბილისელი გეგონებოდა მთლად. ჩვენებური იერიც მალე დაიბრუნა, მერე ტონიც შეცვლია, მაგრამ მაინც გამოარჩევდი ყველაში. ზოგჯერ წაიანგლებდა და „ჭოსაც“ გამოურევდა, მაგრამ შევნოდა კიდევ: „ჭოვ, ხობოსავით რომ იკრიჭვი, რა გგონია...“ და სხვა მრავალი ამნაირი უცხო არ ყოფილა მისთვის... – ამოიხვნეშებს ბაბუაჩემი და მხარზე დამიტყაპუნებს ხელს: – საკმარისია, ვინმე ჩვენებური ქალაქში აღმოჩნდეს, თუნდაც ერთი კვირით და ქალაქურად იქცევა უკვე და ესაა გამაღიზიანებელი. ძნელია ქალაქელობა, მაგრამ იოლი არც სოფლელობაა.

– შენ, ბაბუ?

– აჭარულაი კაი ხანია მეც აღარ ვუქცევ, მაგრამ ხეობაში ჩამოსული ვიცვლები როგორღაც და ჩვენებურაი ვუქცევ მეც. ამ ხეობიდან მოვდივართ ჩვენ და მეამაყება მე ჩემი აქაურობა! სოფელში მიბრუნებულეებს ერთი სული გვაქვს, ჩვენებურაი მოვუქციოთ... კახელიც კახურაი უქცევს კახეთში და გურულებიც ხომ უქცევენ ჩაქცეულებივით... ჰოდა, ამითაა კაი სოფელიცა და ქალაქიც. ასეა შაქირაიც, მაგრამ იგი დღეს აღარც ლაპარაკობს და გაგონებაც აღარავისი არ უნდა! შაქირაი სხვა კაცია, სხვა თიხისგანაა მოზელები... შენ კი: არაა აუცილებელი ჩვენებურაი უქცევდე. ერთსაც გეტყვი: შაქირას შეგიძლია მიენდო, რახან ამდენ ბიჭებში შენ გამოგარჩია, უნდა გეამაყებოდეს შენ ეგ ამბავი! შაქირას ესმის შენი... იმას ყველასი ესმის, მაგრამ მისი არავის ესმის! შენ ყური მიუგდე შაქირას

და... იკითხება მისი სული! იგი არ გელაპარაკება, მაგრამ გესმის შენ იმის! იმას ხომ ზათი ესმის შენი! ჰკითხავ რამეს და უკვე პასუხიც იცი. არ ვიცი, რა ჰქვია ამას, შორს ვარ მე ამისგან, შაქირაი... ლალი-შაქირაი შეიძლება არცაა მთლა მიწიერი, აბა?!

* * *

ერთი სული მქონდა არდადეგების დადგომამდე: გული სოფლისკენ მიმინვედა.

მელოდა იგიც. ამბავსაც აუარებას დამახვედრებდა. შენ ოლონდ უსმენდე! მთხრობელიც როგორი იყო, განუმეორებელი! მთხრობელიო, ვამბობ და.. სიტყვას უკან არსადიდებით არ წავილებ!

უსიტყვოდ ჰყვებოდა და ესმოდა(!) მაკითხებდა თავის ფიქრებს. ჩემი ფიქრი ხომ ცხადი იყო მისთვის. კითხვის ჩამოყალიბებამდე იცოდა, რასაც ვკითხავდი.

ბარე სამჯერ მაინც მომინახულებდა დღეში: ლოცვებს მასწავლიდა: „ჭეშარიტი მუსლიმი შენი აზრით მაინც რამდენი იქნება სოფელშიო და ხელს მიიფარებდა ბაგეებზე, ქვას ეურებოდესო... რატომ მართლა არ დამუწვდები ლალი-შაქირავ და მიწით არ ამოგვესება ეს სამინე პირი, ქალაქიდან ამოსულ ბიჭს გონებას რომ უბნელებო. შენ კი არა და... – ჩაიცინებდა და აჩურჩულდებოდა (ისევ უსიტყვოდ): „ამას მე და შენ, ძიავ, როგორ დავადგენთ, როცა ხოჯებსაც კი უჭირთ ამის დადგენა... შენ, ჩემო ნოე, თვითონაც არ იცი, რა კაი სახელი გაქვს, ბიბლიური და ქრისტიანობაც ხომ იუდაიზმის წიაღში იშვა! და მე მუსლიმმა რა უფლებით დავინუნო? ვიცი, შენც ქრისტიანი ხარ, ბაბუაშენის ნებართვით მოგნათლეს, თუმცა თვითონ ნათლობას არ დასწრებია... არავის უმხელს, რომ წინააღმდეგი არ ყოფილა... კი არ ემინია, ერიდება უფრო. გიყვარს ღმერთი და სხვანაირად როგორ შეიძლება! იგი იყოს შენი შემნეც და მფარველიც. მწყალობელი ჩვენი... გახსოვს, როგორ იწყება ერთი ჩვენი ქართული ზღაპარი: „...იყო შაშვი მგალობელი, ღმერთი ჩვენი მწყალობელი“, ძიავ,

ჰოდა, გწყალობდეს ის შენი ქრისტე ღმერთი! შეიძლება, სულაც უფლის რჩეულიც იყო!“...

– შაქირა ძიავ, სადაა ღმერთი? – ვკითხავდი მეც და პასუხის მოლოდინში სუნთქვა შემეკვრებოდა.

„ალაჰი, ძიავ, ყველგანაა... ღმერთი, ძიავ... – თვალეები გაუბრწყინდებოდა და აცახცახებულ ხელებს მაღლა ალაპყრობდა: „მე ვხედავ, ძიავ...“

– იესოსაც ხედავთ?

„იესოს? მაგრამ ერთი რომაა ღმერთი?! მუსლიმი იმას ალაჰად უხმობს, ქრისტიანები – სამებას აღიარებენ... ინდოელებიც თავიანთ სამებას სცემენ თაყვანს... ამიტომ: ღმერთი ერთია, ძიავ... ერთი... ერთადერთი! მეც ერთ ღმერთს ვხედავ... თვალეები დამიდგეს, ერთი ღმერთი თუ არ განაგებდეს სამყაროს!“

– მეც ასეთი ღმერთი მწამს, შაქირა ძიავ...

„ჯერ შეიძლება, ისეც ვერ გწამდეს, როგორც საჭიროა და „ისე“ თუ არ გწამს, ვერც იხილავ!“ – თავს უკმაყოფილოდ გააქნევდა და აუცრემლიანდებოდა თვალეები: „გინატრია, ძიავ და არ გამოგჩენია?! არ გინატრია გულით, თვარა... ნატვრაც უნდა იცოდეს კაცმა, აბა?! იცოდეო? არა... ნატვრა უნდა შეგეძლოს კაცს! ყველას არც შეუძლია ნატვრა. არა ნატვრის სწავლება შეიძლება... შენ ხომ ალაჰის რჩეული ხარ?! მაგრამ შენ ქრისტიანი ხარ, ვიცი, შენი ღმერთი იესო ქრისტეა... და სამება... დაილოცოს მისი სახელი!“

– მე რომ ერთხელაც არ გამომცხადებია?!

„და ეძებ მაინც! მაგრამ სად დაეძებ?! აგერ არაა?! სულ ახლოს, აგერ კი არა, შენშია იგი, შენი ღმერთი! უიმისობაა ძნელი და შეუძლებელია, თვარა... უიმისობა რომ გაგიჭირდება, ძიავ, ე, მაშინ შეიგრძნობ ღმერთს...“

– მაგრამ ზოგჯერ სულ რომ არ მახსოვს?

„ზოგჯერო, თურმე გახსოვს კიდევ... მთლიანად არ დავგინყებია... მთავარია, გწამდეს, რომ შეიგრძნო მერე!“

– არ ვიცი, რა ვიფიქრო ღმერთზე... ხომ უნდა შეგეძლოს მისი წარმოდგენა, რომ იფიქრო?

„შენშივე უნდა მოიძიო იგი... დიდ არს ალაჰი!“

– შაქირა ძიავ... – ყელზე დამდგარი ნერწყვი სასულეში გადამცდა და ხველება ამიტყდა.

„რაც ცოცხალია შენში და ამოძრავებულა, ადგილზე რომ ვეღარ დამდგარა, ალაჰიც ის არის, ძიავ... შენი სულიც ალაჰია! ჩემი სოფლის სულიც ალაჰია. მერე სცილდება ღმერთი ჩვენს სოფელს, ნაბიჯ-ნაბიჯ შემოივლის მთელ ამ მხარეს: და იზრდება და იზრდება, ფართოვდება ჩვენშივე, ჩვენსავე წარმოსახვაში და ამ წარმოსახვას იქითაც და აქეთაც. აბა, აიხედე მაღლა და ტანში რომ გაგაჟრჟოლებს, ე, ალაჰია, ისიც, ძიავ... დაილოცოს მისი სახელი და სახსენებელიც; – დაკვირვებით შემათვალაიერებდა, – მაშალა სუფჰანელაო, ხმას „დაუნევედა“ და მკერდზე მიმიკრავდა. მეც ავმჩატდებოდი მისი შეხებისთანავე, თითქოს და ფრენაც შემძლებოდესო და ხელებს გავშლიდი უნებლიეთ. ოღონდაც მსურვებოდა და.. ფრენა გამიჭირდებოდა ვითომ? ასე რომ, მიხაროდა შაქირა ძიას გამოჩენა, მაგრამ იმასაც ვგრძნობდი, რომ იმას უხაროდა უფრო ჩემი ნახვა, ვიდრე მე – იმისი.

ჩემზე ფიქრობდა ლალი-შაქირა და არა მართო ჩემზე! ყველაზე ფიქრობდა ეს კაცი, ფიქრობდა სოფელზე... ლოცულობდა ჩვენი გულისთვის, მაგრამ ერთხელ: აღარ გამოჩნდა: თითქოს ფეხი დაეკრას და ცხრა მთას იქით გადახვენილიყოსო სოფლიდან.

არავინ უნყოდა: რა იქნა ლალი-შაქირა, პირი მინამ უყო თუ...

* * *

ლალი-შაქირას უმცროსი და ჰყავდა გათხოვილი მეზობელ სოფელში.

ბიჭი შეძენოდა სულ ახლახან.

ხარობდა ლალი-შაქირა... მერე გულმაც ვეღარ დაიგია ამხელა სიხარული... საამისოდ სოფელიც აღარ ეყო დ გასცდა იმ სოფელს.

დადიოდა სოფელ-სოფელ... „დიდი ბიძაა ლალი-შაქირაო, შაქირა ტაიაო და“.. ხარობდა გულით. უნდოდა მთელი ქვეყნიერებისათვის ემცნო ეს ამბავი და... ქალაქშიც ასე ჩააღწია: „მე რომ ახალი სულის გამოჩენა მიხარია, ძიავ,

რატომ სხვებიც ასე ახლო არ მიიტანენ გულთან ამ ამბავსო?“ – დაეთუთქებოდა გული, – რატომ არავის არ ახარებს სხვების სიხარული?!“ – კითხვას სულშივე ჩაიბრუნებდა და შეძრწუნდებოდა, მაგრამ ვცდებოდეო იქნებო, გაუელვებდა და მკერდზე დაირტყამდა მომუშტულ ხელს.

მაღლა აიხედავს ანაზადა:

სამშობიარო სახლის წინ იდგა.

იდგა ლალი-შაქირა და ელოდა.

აქ:

ავს უგრძნობს გული და ნერვიულმა კანკალმა აიტანა.

იქ:

მაღლა, მეორე სართულზე, ნომერ მეცხრე პალატაში დიალოგი გამართულიყო ასეთი:

დი ა ლ ო გ ი:

ბინეკოლოზი: – საქმე ცუდადაა, ქალბატონო... კაი იქნება, თქვენი მეუღლე მენახა...

დედა: – ქმარი? (შეიშშუნება): – ქმარი?

ბინეკოლოზი: – ჰო, ქმარი... დაველაპარკებოდი...

დედა: – რაშია საქმე? იქნებ, მე დამლაპარაკებოდი ჯერ...

ბინეკოლოზი: – ოჯახის უფროსს როდის ვნახავ?

დედა: – იმას ვერ ნახავთ... იმან დაგვტოვა მეც და ჩემი შვილიც (ატირდება).

ბინეკოლოზი: – მაშინ თქვენ გეტყვით... (სახემოქუფრული).

დედა: – რაშია საქმე? აღარ მეტყვით?

ბინეკოლოზი: – გეტყვით, როგორ არ გეტყვით, მაგრამ... (შუბლს გაიხსნის).

დედა: – ექიმო?! (გაკვირვებული და აღშფოთებული).

ბინეკოლოზი: – მე სულაც არ მინდა, გული გატკინოთ... შეგაშინოთ... უკეთესი იყო ჩვილის მამისთვის მეთქვა, მაგრამ რადგან არაა იგი ფიზიკურად... (თავს დახრის ძირს).

დედა: (ნერვიულობისგან აცახცახდება): – მაინც რა მოხდა ისეთი, რომ...

ბინეკოლოზი: – თქვენი შვილი... (თავს აიღებს მაღლა), – უსინათლო...

დედა: – რაო, რა თქვით? (გაოგნებული)

ბინეკოლოზი: – ბრმა დაიბადა...

დედა: – ბრმა?! (გაშეშებულიყოსო თითქოს, ხმაც ჩაუნყდება).

ბინეკოლოზი: – ჰო... ასეა ეს და... მიმძიმს, მაგრამ... ხომ უნდა იცოდეთ, რომ...

დედა: – კიდეც რა ჭირს ჩემს შვილს?

ბინეკოლოზი: – რა ჭირს? ჭირს ნამდვილად: კიდეცო? ვერ გაივლის... ფეხს ვერ აიდგამს... დიაგნოზიც...

დედა: (თვალეებზე აიფარებს ხელებს): – ვაიმე, შვილო... ალაჰის რისხვა ვერ აგვცდა, ვერ აგვცდა... ისეთი რა დავაშავე, შვილო, რომ... ისეთი რა დავაშავეთ?.. ვერც გაივლის, ვერც დაინახავს...

ბინეკოლოზი: (ზურგს შეაქცევს ატირებულ დედას), – იქნებ, ჯობდეს... (ნერწყვი ყელზე დაადგება და გაბმული ხველება აუტყდება).

დედა: – იქნებ ჯობდესო... რა უნდა ჯობდეს, ბატონო.. იქნებ: მაინც ეშველოს რამე...

ბინეკოლოზი: – არაფერიც არ ეშველება... (ძალიან ხმადაბლა), – რა უნდა ეშველოს (კიდეც უფრო დაუნევეს ხმას, ბოლო სიტყვები არც გაუგონია დედას).

დედა: – რალა მეშველება?! (გამნარებული იატაკზე დააბაკუნებს ფეხებს. ხელებს უმწნოდ გაასავსავებს), – იქნებ, ჯობდესო... მაინც რა უნდა ჯობდეს?

ბინეკოლოზი: – ვიცი, რაც უნდა ჯობდეს, მაგრამ... (სუნთქვა შეეკვრება).

დედა: – ვაიმე, შვილო... (ამოიგმინა).

ბინეკოლოზი: – საავადმყოფოში რომ დაგეტოვებინათ...

დედა: – როგორ? აქ ვის დავუტოვო?!

ბინეკოლოზი: – არავის...

დედა: – არავის?!

ბინეკოლოზი: – მაგრამ ნუ აჩქარდევით (ღრმად ჩაისუნთქავს და პირგამშრალი განაგრძობს): – დრო კიდევ გაქვთ...

დედა: – დრო?!

ბინეკოლოზი: (თითქოს დაბნეულიც): – მოიფიქრებდეთ, იქნებ და...

დედა: – რა უნდა მოვიფიქრო?! (აღშფოთებული და დაბნეულიც).

ბინეკოლოზი: – კიდეც გეყოლება...! (ამოთქვამს და შვებით ამოისუნთქავს).

დედა: – მეყოლება?! ჰო, მეყოლება... მეყოლება...

ბინეკოლოზი: – ცოდვა დარჩება...

დედა: – როგორ?

ბინეკოლოზი: – ერთადერთი გამოსავალი...

დედა: (ხელი აიქნია და მოხუჭა თვალი): – დედას ვერ დამიძახებს, ვერ დამიძახებს... (თითქოს ის ერთადერთი სიმიც ჩანყდა, ჩვილთან რომ აკავშირებდა და თვალთ დაუბნელდება): – ნეტაი, მშობიარობას გადავყოლოდი... (თავი ველარ მოაბა სათქმელს და უფიქროდ დარჩა).

* * *

გულმკვდარი დაბრუნდა შინ. სულ გამოცარიელებული. ხის ტახტზე მიესვენა ფერმიხდილი და შიშმა აიტანა უცებ; ბიჭი ეძახდა, დედაო. რა იყო, შვილოო, გასძახებს დედა.

მარტო დამტოვო?!

ვაიმე, შვილოო... მართლა რას გერჩოდი, ასე რომ მოგიძულეო. ხის ტახტიდან წამოიჭრება და ცრემლები გადმოსკდება, თმებს ჩამოიშლის და ჩამოიკანწრავს ლოყებს.

„ეს რა ჩავიდინე? როგორ ჩაიდინე, შე უბედურო?! ამიტომ: დედობის უფლება ჩამოგერთვა შენ! აღარ ხარ დედა, უკვე აღარ ხარ დედა, დედა აღარ ხარ, შე უბედურო!“ – ეს ამოძახილია გულის, იქნებ სულისაც. ჰოდა, ლამის გაუსკდეს ეს გული, ამოენვას სულიც თითქოსო და გრძნობასაც დაკარგავს.

ლალი-შაქირა მოასულიერებს და გონს მოიყვანს.

ქალი წამოიწევა და მალლა აღაპყრობს ხელებს, რატომ არ ჩამქოლავს ალაჰიო და ხმამალლა ატირდება.

„ბიჭი ჰადაა... ჰო, ის ქორი და... თოფალი ბიჭი ჰადაა? ქორი და თოფალი...“ – წამოიღრუბლება ლალი-შაქირა და უხეშად შეანჯღრევს თავის უფროს დას.

– მითხრეს, შაქირავ, ქორი და თოფალიაო... კიდევ და კიდევ... ვინ იცის რალა არ ჭირდა ჩემს ბიჭს?! – თავში შემოირტყამს ხელებს უფლება-აყრილი დედა.

„ბიჭი ჰადაა, ქორი და თოფალი?!“ – ლამის საგულედან ამოუვარდეს ლალი-შაქირას მონურული გული. კაცი ცახცახს აეტანა.

ანაზღად ხელი შეუშვა შეშინებულ ქალს და გადააფურთხა განზე: „ვინ წაიყვანა?“

– სამშობიაროში დატოვეს, შაქირავ...

„სამშობიაროში?! იბრეთი ამბავია... იბრეთი და... რას უპირებენ“.

– აბა, რა ვიცი, რას უზამენ?

ლალი-შაქირამ მთელი „გუგუმი“ წყალი გადაივლო თავზე, შეიბერტყა მერე და მოითქვა სული, წამით გიჟური ფიქრიც მოიწყვიტა თავიდან და თავისთვის ჩაიჩურჩულა: „ბაღვი დააგდე... უცოდველი ჩვილი და მიუსაფარი... ნეტა, ვის იმედად? დატოვე და არც გიფიქრია, რა ბედი ეწეოდა შენ ჯილაგს, მიატოვე სნეული – როგორ, როგორ მოიძულე შენი ბაღვი?! ალაჰის გამოგზავნილი... ადამიანი... ამ დუნიაზე იმასაც უნდა მისცემოდა ადგილი... ასე უსუსური მობრძანდა და შენ უფრო აუბედურებ?! აბა, მითხარი, არის კი შენს ადამიანობაში ადამიანური თუნდაც ნეკისოდენა?! ასე დათვიც არ მოიქცევა! ქორი და თოფალი რომ მოვიდა ქვეყნად, ამიტომაც უნდოდა პატრონობა! ქორი და თოფალი რომაა, ეს არ ეყოფოდა განა? შენ კი... მიაგდე“.

– ფიქრობდა ლალი-შაქირა და განა მარტო ფიქრი იყო ეს?! გოდება იყო ეს... დიდი მოთქმა და... გაგიჟება. ფიქრობდა მართლა გადარეულივით. ამდენს მაინც ვერ გაუძლო და მთლად აცახცახებული ჩაემხო პირქვე. თითქოს და ძვლებგადამტვრეულს ქაფი სდიოდა პირიდან. ტანზე ორთქლი ასდიოდა.

ინოდა ლალი-შაქირაი, გადაინვებოდა სადაცაა და ჩამთავრდებოდა თავის თავში, მაგრამ არ ამონურულიყო ჯერაც ლალი-შაქირას დღენი, იმას უნდა ეცოცხლა კიდევ!

ბოლოს წამოდგება ცოცხალ-მკვდარი, პირს ხელით შეინმენდს და გადააფურთხებს. მიანვე-

ბა კარს და ასე მიუგდებს გაუბედურებულ ქალს: „მე დავბრუნდები და მარტოც არ ვიქნებიო“.

– ლალი-შაქირავ! – წამოიკვილა გაუბედურებულიმა ქალმა, – გევედრები...

„აკვანი დამახვედრე!“

„აკვანს სექვის გვერდით დავდგამთ...“

„ჰო, სექვის გვერდით...“-ო.

საოცარია და ესმოდა ყველას ლალი-შაქირაის ფიქრი...

* * *

ბინდებოდა, ლალი-შაქირაი რომ მობრუნდა. ჩითის ნაჭრებში გახვეული ჩვილი მოუყვანა დედას.

„აკვანიო?!“ თვალთ იკითხა ლალი-შაქირამ: „არ არის აკვანი? სექვი ხომ არის სახლში?! სექვი იქნება ამის აკვანი,“ დაასკვნა და ღრმად ჩაისუნთქა.

– შაქირავ, ჭოვ... ეს ბაღვი ხომ მზის უნახველი მოკტება?! – ატირდება დედა და ჩვილისკენ გაუნწევს გული, – შაქირავ, ჭოვ...

– ზზზზზმმმმუუოო, – დაიზმუვლა შაქირამ და ძალით გაიღიმა: – „კაია, გოვ, რომ მოგბრუნებია გული ბაღვისკენ...“ – მაგიდიდან ფანქარი აიღო და გაკრული ხელით წაანერა კედელზე: ნოე.

– ნოე სადაური სახელია, შაქირავ? – იუცხოვა ქალმა.

მაგას შენ მაინც ვერ გაიგებო, ხელი ჩაიქნია შაქირამ, რაც არ უნდა ერქვას, ერთად უნდა გავზარდოთო.

და უვლიდნენ ნოეს: დედა ხმადაბლა, ლამის ეჩურჩულებოდა ჩვილს, – შაქირა უსიტყვოდ და მაინც ყველაზე გასაგებად.

თვითონ ნოეს ყველაზე მეტად ლალი-შაქირასი ესმოდა.

მაგრამ: შეიცვალა უცებ ქალი-დედა, გული გაუცივდაო თითქოს. გულმაინწყობა დასჩემდა, ნოეს ოდნავ წამოკვნესებაზეც კი უსიამოდ გააჟრიალებდა და გავარდებოდა სახლიდან, გვიან ლამით დაბრუნდებოდა ხოლმე და ჩვილისკენ ხომ არც გაიხედავდა. ერთ დღეს კი: ჯაზი თუ

შეუჩნდა, დაჰკრა ფეხი და გადაიხვეწა სოფლიდან. მერე, მერე შეიტყო შაქირამ, რომ ვილაცას სადღაც, დღევანში კილდის თავზე სამოსახლო რომაა, ფუტკარაძეებში, იქ მოუკრავს თვალი და მერე იმის კვალიც გამქრალა. ფუტკარაძეებში როგორ მოხდა და მერე იქიდან სად ამოყო თავი, არავინ უწყის.

მართალი თუ გინდათ იცოდეთ, ამ ამბავს ლალი-შაქირა დიდად არ შეუწუხებია: თავს ევლებოდა ნოეს ლალი-შაქირა. ჩიტის რძეც რომ ენდომებია ბიჭს, თავს მოიკლავდა ლალი-შაქირა და უსიკვდილოდ გაუჩნდა. ერთხელ წამალი შემოაკლდა ნოესთვის და სოფლის უხუცესმა მოუტანა, მე არა, სოფელს უთახრი მადლობაო. ის დღე იყო და ლალი-შაქირამაც კიდევ უფრო შეიყვარა სოფელი: უყვარდა დიდიც და პატარაც; უყვარდა ხე, ქვა, ზეგანი, ღელე და...

სოფელი ეხმარებოდა ბიჭს და ძღვენით მისულ თანასოფლელებს ხელგაშლილი ხვდებოდა ლალი-შაქირა, დიდი პატივით მიაცილებდა ალაგემდე, უკანმოზრუნებული თვალებით ეფერებოდა სტუმრის ნატერფალებს, კრთოდა მეთისმეტი სიხარულისგან.

დრო კი დიოდა...

ჩვილს, როგორც სამშობიაროში უწინასწარმეტყველეს, ფეხი ვერ აედგა და ენაც ვერ მოებრუნებინა. ბრმა და კოჭლი, ალბათ, არც სოფელს მოსდიოდა თვალში, მაგრამ ამას არ აგრძნობინებდნენ ლალი-შაქირას.

ქარმა არ დაჰკრასო, ეშინოდა და ამიტომაც იტყოდნენ სოფელში: „მზეთუნახავია ლალი-შაქირაის ნოე-ბიჭიო, თუ გარეთ არ გამოიყვანე, მზეთუნახავი იქნება, აბა, როგორ გგონიაო, დასძენდნენ ამ ამბით შეწუხებული თანასოფლელები.

ტიროდა ნოე-ბიჭი, ტიროდა გაუთავებლად. თვითონაც არ იცოდა, რატომ, მაგრამ თავად ამის მიზეზი კაი ხანია იცოდა. ტირილს შებინდებისას წყვეტდა. ჩაესვენებოდა მზე და თავისებურად მოწურავდა ქარისგან დაშაშრულ ტურჩებს, მერე ერთი ნახევარ-პირით ნაიტირებდა, მეორე ნახევარ-პირის ე.წ. ღიმილს სახვალაოდ შემოინახავდა და გრძელდებოდა ასე.

ამასობაში ხუთი წლისაც შესრულდა ნოე ბიჭი. ლალი-შაქირამ დაბადების დღე გადაუხადა. გული კი: ავს უგრძნობდა და არ კი უწყოდა, საიდან? როგორ?

დღისა და ღამის გასაყარზე სამუდამოდ დაღუბდა ბიჭი. აწი ველარასოდეს ატირდებოდა იმ თავისი ერთი ნახევარპირით და ის მეორე ნახევარპირიც დაუშვებლავდა, თითქოსდა, ღიმილისათვის რომ გაეპობოდა ზოგჯერ და ასე იშვიათად.

ყანის დასავლით ერთი მარტოსული ხე იდგა: იმას ამოფარებოდა მზე. სწორედ იმ ხის ძირში გაუთხარა ლალი-შაქირამ პანია საფლავი თავის სათაყვანებელ ბიჭს. შიგ ჩაასვენა ჩონჩხად ქცეული სხეული, მიწაც თითებით წააყარა და ხელისგულებითვე შემოუბეკნა ირგვლივ, ოფლი ვალმოხდილივით შეინმინდა და: ერთი პანია საფლავიც გაითავისა სოფელმა.

„ამდენ ხანს, უბრალოდ, არ მინდოდა ლაპარაკი, აწი კი არაფრის გაგონებაც არ შემეძლიაო!“ – შეეკუმშა გული და უკანმოუხედავად დატოვა იქაურობა.

მერე: ერთხელ ძველ ვაზს, დიდი ხანია გაშენებულს, გადაეყარა გზაზე და თვალები გაუბრწყინდა; ძირფესვიანად მოგლიჯა, მთავარი ძირიდან ჯვარი გამოთალა და ბეჭსა და ბეჭს შუა მიიმაგრა, დადგა, მოითქვა სული, პირჯვარი გადაინერა და მერე: უამჯვაროდ არც არავის უნახავს ლალი-შაქირაი. ჯვარი იყო მისი მარადმეგზური.

შინ გულიც აღარ უჩერდებოდა და ასე ადვილადაც ვერ მოიხელთებდით:

აქ რომ ეგონათ, იქ იყო უკვე, იქ რომ ეგონათ, უკვე აქ იყო, ან სულაც სხვაგან, ყველგან იყო ლალი-შაქირაი და იმავე წუთიდან შეეძლო არსადაც არ ყოფილიყო.

სწორედ რომ წყალივით იყო:

ჰო: წყალიც იყო ლალი-შაქირაი...

გ ა რ დ ა ს ა ხ ვ ა :

სოფელში მთელი სამი თვე არ გამოჩენილა ლალი-შაქირა.

მოენატრათ კიდეც.

და ლალი-შაქირამაც აღარ დაახანა.

ალიონზე გამოჩნდა სოფელში, შემოსავლელ გზაზე. წვერი მოეშვა, დატალღული ქალარა თმა მხრებზე ჩამოშლოდა. ზურგზეც ჯვარი ჰქონდა დაკრული, სხვა არაფერი ებადა.

ხალხიც ნელ-ნელა იყრიდა თავს სოფლის ცენტრში, კანტორის წინ ცაცხვის ხე რომ დგას ტოტებგაშლილი, იმის ჩრდილქვეშ. დაჯვარული კაცი შუაში მოიქცეის თანასოფელელებმა. იგიც იდგა ამ დიდ წრეში სულშეხუთული და ღვარად სდიოდა ოფლი.

– შაქირავ, ჭოვ... ხომ არ მოგწყვიტა ნელი ამსიმძიმე ჯვარმა და... ალაჰის რისხვა არ დაგატყდეს თავზე?! – უსაყვედურებს სოფლის უხუცესი სკენდერ ეფენდი.

– ამ ჯუმა დღეს ჯვარი ამეიტანებოდა სოფელში?! – თოფალი ქემალა მუშტსაც მოუღერებს რჯულის მოღალატეს, – ნახე, ე მათი წვერებით თუ არ გათრიონ... ჯამეზე იყო გადაგებული და...

– ერთი დაანებეთ თავი ლალი-შაქირას, ამას რომ უჭირს, ისე გუუჭირდეს თქვენს მტერს, – სიტყვას სოფლის უხუცესი სკენდერ ეფენდი შეანევს ლალი-შაქირას, – სული მოითქვა და ლალი-შაქირას მიუბრუნდა: – შენ, ძიავ, ქვეყნის ამბავს ამეიტანდი სოფელში, ვიცი... აბა: გვითხარი რასა იქს დუნია-მემლექეთი?

– ჯვარს რა თავში იხლი, ლალი-შაქირავ?! – კითხავს კაცი ჩალმიანი, ყღალწვერიანი.

– შაქირავ, ჭოვ... მეისროლე მათი ჯვარი ხევში და...

– გაქრისტიანდი, ჭოვ?

ლალი-შაქირაც გასწორდა ნელში და ღიმილი ჩაიყენა თვალეებში: „ერთი შენც!... შედი იმ შენს მაღაზიაში...“

– შაქირავ, ორი საკითხი უნდა გეირკვას დღეს: ერთი – დუნია-მემლექეთის და მერეც – შენი, ჭოვ!

„მე ტაბურეტზე თუ არ შედვექი, ისე ვერაფერს შეიტყობთ ჩემგან...“ – ჩაითქვა გულში ლალი-შაქირამ, თუმცა იცოდა, დარწმუნებულიც

იყო, რომ ფიქრი მისი ასე თუ მოუვიდოდა უფრო ზუსტად და ფიქრიანად სოფელს.

– ლალი-შაქირა! – მხრები აიჩეჩა სკენდერ ეფენდომ და ჩაფიქრდა, „ამას... ლალი-შაქირას არაფერი არ უთქვამს ტაბურეტკაზე... იმან, იმან წამაკითხა თავისი ფიქრი, ჯაზია ლალი-შაქირაი! ჯაზი...“

და ისევ გაუგზავნის თავის ფიქრს ლალი-შაქირაი სკენდერ ეფენდის: „წაიკითხე ხომ, ძიავ, შენ ჩემი ფიქრები“, – გაიღიმებს თავისებურად, – გამეიტანს სკენდერ ეფენდი, ჩვენი ხუსია ტაბურეტკას და...“

– გამეიტანე, ხუსიავ იი ტაბურეტკა და ლალი-შაქირაი დუნია მემლექეთის ამბავს დაიწყებს! – სოფლის უხუცესი სკენდერ ეფენდი გაკვირებულია, ამას რას ვლაპარაკობო.

„შევთანხმდით, სკენდერ ეფენდი ხომ?“

„შევთანხმდით! – თქვა სკენდერ ეფენდომ და აქოშინებულ ხუსიას ტაბურეტი გამოართვა, – შევთანხმდით, ძიავ! – შესძახა და ტაბურეტიც წინ დაუდგა ლალი-შაქირას.

ლალი-შაქირა შედგა ტაბურეტზე და იქცა ფიქრად: „ჯერ დუნია-მემლექეთის ამბავს გეტყვით... – ფიქრი გაუგზავნა ხალხს, – იცით, რა ხდება დუნიაზე? აირია დუნია-მემლექეთი, ძიავ...“

– მერე და... შენ საიდან იცი ამდენი, ლალი-შაქირავ? – იკითხა ვილაცამ.

„საიდან ვიცი? საიდან და... – აქ წამით შეიწყვეტს ფიქრს ლალი-შაქირაი და შუბლზე მიიკაკუნებს საჩვენებელსა და შუათითს: „მე ვფიქრობ...“

– ფიქრით მეც ვფიქრობ, ძიავ მაგრამ რათ გინდა ამფერი ფიქრი, თუ ვერავინ გეიგონა... მეც ვფიქრობ, მაგრამ დუნია-მემლექეთის ამბავს მე ვინ მკითხავს?! არც სხვებმა იციან... – ხელეები მაღლა აღაპყრო სკენდერ ეფენდომ და ხალხს გოროზად გადახედა.

„თქვენ ფიქრობთ. მეც ვიცი, რომ ფიქრობთ, მაგრამ აზრიც უნდა დაატანოთ ფიქრს...“ – ფიქრი ბურუსში გახვია როგორღაც, მაგრამ ამით სულაც არ ცდილა შეურაცხყოფა მიეყენებინა ვინმესთვის: – ფიქრობთ კი, მაგრამ...“

– ვფიქრობთ, მაგრამ... – რაღაც ვერ გამაგებინე, ლალი-შაქირავ... ან, არ გინდა გამაგებინო... მიგიხვდი... ვფიქრობთ, მაგრამ არ ვაზროვნებთო, გინდოდა გეთქვა და ბურუსშიც ამიტომ გახვიე ფიქრის მეორე ნახევარი...

„ვერ მოგიცლიათ თქვენ... აზროვნება ბელქი შეგიძლიათ და იცით კიდეც. მოაზროვნე კაცი და მოუთმენლობა ვერ თავსდება ირთად. ესეც ჩემი პირველი შეგონება! დუნია-მემლექეთის ამბავი გაინტერესებთ? უჭირს ჩვენს ქვეყანას და ჩვენით უჭირს! ჩვენ რომ არ გვიჭირდეს, ქვეყანასაც არ გუუჭირდებოდა, ესეც მეორე შეგონება და შეგონებაც მესამე: გაგვიჭირდება უფრო მეტად... ამაზე მეტადაც და რომ აღარ გადავშენდეთ... პირველი: გვიყვარდეს მოყვასი და მეორე, მტერიც გვიყვარდეს ჩვენი!“

– მტრის სიყვარული არ იქს! – ახმიანდა ხალხი.

„ძნელია მტრის სიყვარული, ძიავ, მაგრამ საჭიროც რომაა არ გაულდეს იგი? სიძულვილი დუნია-მემლექეთს დაგვიქცევს... გეთანხმებით, რომ ძნელია, მაგრამ თუკი გადარჩენა გვინდა, უნდა შევიყვაროთ მტერი! სიძულვილი გულიდან ამოვიღოთ, რადგან სიკვდილივითაა სიძულვილი... სიკვდილივითო რომ ვამბობ, არც ამაში ვარ მართალი, რადგან სიძულვილი სიკვდილია თავად, სიყვარული კი – სიცოცხლე და უკვდავება! ამიტომ: შევიყვაროთ! დაე, გვიყვარდეს!“

– ჭოვ... იბრეთი კაცი ხარ, ლალი-შაქირავ... – ჩაფიქრდება სკენდერ ეფენდი, – ლამაზობით ლაპარაკობ, ჭოვ, მაგრამ ვერ დაგიჯერებ, რადგან მოყვარე რომ უნდა გიყვარდეს, ამაში ვერ შეგედავები, მაგრამ მტერი შევიყვარო, ხომ შევიქნები ქვეყნის სასაცილოდ?!

„მაგრამ შენ რომ სიძულვილიც არ შეგიძლია, სკენდერ ეფენდი?! ეს მიხარია მე, ლალი-შაქირას!“

– ლალი-შაქირავ, ჭოვ... ამბობ, მტერიც გიყვარდესო, მაგრამ იმ მტერს რომ არ ვუყვარვარ?! – წამოიძახა ვილაცამ, მაგრამ იცნო ლალი-შაქირამ ეს ჩაბარიტონებული სიტყვა.

„ტარიელავ, არც შენ შეგიძლია სიძულვილი და... ბევრს არ შეგიძლიათ აქ სიძულვილი...“

ამიტომაც არ დავიკარგებით... მახარებს მე ეგ ამბავი... თვალები დამიდგეს, თუ არ მიხაროდეს!“

– არ შეიძლება მტრის სიყვარული, არ შეიძლება! – ხმა ამოიღო ფრიდონა მალალმა, მთელი თავით მალალი რომ იყო შეკრებილთა შორის.

„ბელქი არ დამიჯერებ, მაგრამ მაინც მინდა გირჩიო: ერთ ლოყაზე რომ სილა გაგანწან, მიუშვირე მეორე ლოყაც!“

– ლალი-შაქირავ, გეთანხმებით ყველა, რომ უნდა გვიყვარდეს მოყვასი... ჩვენი მოყვარე, – ჭალარა თმაზე ხელი გადაისვა სკენდერ ეფენდომ, – მაგრამ მტერიც გიყვარდესო, როცა ბრძანებ, მოგვეცი უფლება, რომ არ დაგეთანხმოთ და... ვიცი, არც შურს იძიებ ამაზე... მაგრამ ამდენ ხანს არ ყოფილხარ სოფელში და დღეს გამოგვეცხადე... ამიტომ: სოფელს, კეთილი ინებე და მოახსენე კიდეც შენი ამბავი!

– მოყვე, ლალი-შაქირავ! – იძახის ტარიელი.

– მერე დუნია-მემლექეთის ამბავიც გვითხარ! – ამას ფრიდონა მალალი ითხოვს ლალი-შაქირასგან.

„ჩემი ამბავი, ძიავ? მაგრამ რომ არ დიმიჯეროთ?“

– შენ თქვი, ლალი-შაქირავ და დიმიჯერებთ, თუ არ დიმიჯერებთ, ეს ჩვენი საქმეა, – ხელს მალა ასწევს სკენდერ ეფენდი და სამარისებური სიჩუმე ჩამოვარდება.

„თუკი დამიჯერებთ... – ჩაახველა ლალი-შაქირამ და თვალი მოავლო შეკრებილ ხალხს: – მაშინ ჩემი ნუხანდელი სიზმრით დავიწყებ... იქნებ, არც დაგაინტერესოთ ჩემმა სიზმარმა, მაგრამ ჩემი ამბავი მართლა რომ ნუხანდელი ამბით იწყება?! – წმინდა სალიტერატურო კილოზე ისე გადავიდა, თვითონაც არ იცოდა, რატომ და როდის დაუტევა კუთხური დიალექტით მეტყველება.“

– ჰოდა, მიაწეკი, ჭოვ!

„კაი, ხალხო... მაგრამ მარტო მოსმენაც არ კმარა, უნდა დამიჯეროთ!“

– შენ, ძიავ, ნუხანდელი სიზმარი ჩამოფქვი და დიმიჯერებთ, თუ არ დიმიჯერებთ, ეს ჩვენი გადასაწყვეტია!

„მაშინ, ძიავ... გინდ დამიჯერეთ გინდაც ნუ დამიჯერებთ... კი მენყინება, რომ აღარ გესმით ჩემი, მაგრამ სათქმელიც რომ არ გითხრათ, მართლა არ შემიძლია. ღმერთი მინყენს!“

„ღმერთი კი არა, ალაჰი, ჭოვ! – შეუსწორებენ.

შეცბება უცებ ლალი-შაქირა, მაგრამ სოფელი გაამხნევეს:

– მიდი, შაქირავ!

– მიდი, ძიავ!

– მიდი, ჭოვ!

– მიდი, დიადა!

ჰოდა, მოდგება ჩვენი შაქირაც:

„ნუხელ, ხალხო, ქრისტე ღმერთი მოვიდა ჩემთან...“

– ქრისტე ღმერთს შენთან რა უნდოდა, ჭოვ?

„იცის, ძიავ, იმ ქრისტე ღმერთმა, ვისთანაც მივიდეს...“ – წარბი შეიკრა ლალი-შაქირამ, – მესიზმრა-მეთქი, გამომეცხადაო, კი არ მითქვამს? მხოლოდ მესიზმრა, მაგრამ ისე ნათლად მახსოვს მისი სახე, ცხადში მენახოსო თითქოს. ისეთი იყო, ისეთი... ისე უჩვეულო... თვალები დამიდგეს, ანგელოზი მონაგონია მასთან! სხეული – გამჭვირვალე, ფერი... ვერა, ვერ ვიტყვი, რა ფერისა იყო, ბრწყინვალე და... ამაღლებული... ხელიც კი შევახე, მაგრამ...“

– იყო თუ არ იყო, ლალი-შაქირავ?

– სხეული არ ჰქონდა?

– ჰქონდა სხეული?

„მე ხომ ურწმუნო თომა არ ვყოფილვარ, ჭოვ, ეჭვი შემეტანა მის მატერიალობაში, მაგრამ...“

– თქვი, ლალი-შაქირავ, რატომ არ იტყვი, ჭოვ? – ესმის ყოველი მხრიდან.

– ჰემ და თქვი, რა გითხრა იმ ქრისტე ღმერთმა?

„არც რა...“

– აბა, ისე.. ისე მოვდა შენთან შენი ლამაზი თვალებისთვინ?

„მესმოდა მისი სულისთქმა.. მესმოდა მისი გულისთქმაც... მას შემდეგაა, თქვენი ფიქრი რომ მესმის ასე კარგად... მესმოდა ადრეც, მაგრამ ასე კარგად არა...“

– ჰოდა, თქვი, რა უნდოდა შენთან ქრისტიანების ღმერთს... შენთან?

„იმას ჩემთან? არც რა, ძიავ... ნდომით მე მიუნდოდა მისგან... მივყოლოდი თან, სადაც წავიდოდა, თან ვხლებოდი... მეფიქრა ისე, როგორც ფიქრობდა იგი... წყალში შევიდა ბოლოს, წელამდე წვდებოდა წყალი და მეც თან შევყევი... თვალი გამისწორა გახარებულმა და: თვალი კი არ მიყურებდა უკვე, ზეცა შემომცქეროდა, ზეცა... ზეცით ამომვსებოდა ეს თვალები... და მე: ავმალღდი... წყალი ამოიღო იმან პეშვით და თავზე დამასხა... ეეე... როგორ ხარობდნენ მისი ცისფერი... უძირო თვალები?!“

– მუსლიმი მოუნათლიხარ, ჭოვ?! – უკვირს სოფელს და არც მალავს შემფოთებას.

– მუსლიმი არ ხარ, ჭოვ? თუ... – იკითხავს ერთი.

– მუსლიმი აღარ ხარ, ჭოვ? – ხელებს გაასავსავეს მეორე.

– მერე, ჭოვ?

„რომ მოვფხიზლდი, აღარსად იყო ქრისტე ღმერთი... აღარც მდინარე იყო და...“

– ეს ჯვარი, ჭოვ?

„უკვე მეკიდა ზურგზე... ამ ჯვარით მოვსულვარ თქვენთან და არ გამაგდებთ, მგონია, სოფლიდან, ამ სანუთროდან... ნუთისოფლიდან...“

– სული მოითქვა ლალი-შაქირამ და განაგრძო: – ჯვარი... ეს ჯვარი... ხომ ვაზის ძირისგანაა...“

– მერე და ასე ჯვარაკიდებულმა უნდა იარო, ჭოვ?

„ჰო, ვიარ ასე ჯვარაკიდებული, აბა, არ ვიარ, ძიავ?! სოფელ-სოფელ... ასე უნებებია ქრისტე ღმერთს!“

– მერე, ჭოვ, ალაჰის რისხვის არ გეშინია?

„თითქოსდა არ მსაყვედურობს... შენი ნებააო, ლალი-შაქირაო!“ – დიდ არს ალაჰიო!“ – მუშტები შემართა ლალი-შაქირამ.

– დიდ არს ალაჰი! – ახმიანდა სოფელიც, – ჰოდა, იარე შენც ამ სოფელ-სოფელ, ლალი-შაქირავ ამ დუნიაზე და... დუნია-მემღექეთის ამბავი არ დაგვიგვიანო! არავის, უშავებ შენ, ლალი-შაქირავ...“

– დიდ არს ალაჰი! – ახმიანდა სოფელიც, – ჰოდა, იარე შენც ამ სოფელ-სოფელ, ლალი-შაქირავ ამ დუნიაზე და... დუნია-მემღექეთის ამბავი არ დაგვიგვიანო! არავის, უშავებ შენ, ლალი-შაქირავ...“

– დიდ არს ალაჰი! – ახმიანდა სოფელიც, – ჰოდა, იარე შენც ამ სოფელ-სოფელ, ლალი-შაქირავ ამ დუნიაზე და... დუნია-მემღექეთის ამბავი არ დაგვიგვიანო! არავის, უშავებ შენ, ლალი-შაქირავ...“

– დიდ არს ალაჰი! – ახმიანდა სოფელიც, – ჰოდა, იარე შენც ამ სოფელ-სოფელ, ლალი-შაქირავ ამ დუნიაზე და... დუნია-მემღექეთის ამბავი არ დაგვიგვიანო! არავის, უშავებ შენ, ლალი-შაქირავ...“

– დიდ არს ალაჰი! – ახმიანდა სოფელიც, – ჰოდა, იარე შენც ამ სოფელ-სოფელ, ლალი-შაქირავ ამ დუნიაზე და... დუნია-მემღექეთის ამბავი არ დაგვიგვიანო! არავის, უშავებ შენ, ლალი-შაქირავ...“

– დიდ არს ალაჰი! – ახმიანდა სოფელიც, – ჰოდა, იარე შენც ამ სოფელ-სოფელ, ლალი-შაქირავ ამ დუნიაზე და... დუნია-მემღექეთის ამბავი არ დაგვიგვიანო! არავის, უშავებ შენ, ლალი-შაქირავ...“

– პირჯვარს მალი-მალ იწერს ლალი-შაქირაი,
– ვიარ ასე ჯვარმოკიდებული... ჰოდა, მარად-
ის და უკუნითი უკუნისამდე...“ – აუხმიანდება
სული და ფიქრსაც აქ დაიდუმებს.

დუმს ახლაც...

დუმს ლალი-შაქირაი, მაგრამ ესმის და მერე
როგორ ესმის?!

* * *

მთელი ერთი კვირაა, ადგილზე არ მიჩერდე-
ბა გული. მიხდა, დავკრა ფეხი და გადავიკარგო
აქედან. მიზეზი კი ჩემი გეოგრაფიის მასწავლე-
ბელია, დომინოს რომ ვეძახით.

ვერაფრით გავუგეთ ერთმანეთს. ერთხე-
ლაც... შე რეგვენოო... გაუგებარი რააო აქ და
რუკის ფოხი მესროლა. ამცდა ბედად და იქედ-
ნურად ვუთხარი, არ გაგიმართლათ, მასწ... ვა-
ტყობ, ფიზკულტურაში მოიკოჭლებდით თავის
დროზეო. ეს იყო და ეს: დავცილდით უბრად ერ-
თმანეთს და გვეგონა, ამით ამოიწურებოდა ეს
ჩვენი კონფლიქტი, მაგრამ, ჩვენი მღვდელი რომ
ასე არ წირავდა?!

დერეფანში გამაჩერა და დაცინვით მითხრა:
ისევ შენს ვირზე ზიხარო?!

მეც: ჩამოსვლას არც ვაპირებო, აღარ დავუგ-
ვიანე პასუხი და ახალი კითხვაც გამოვუცხვე
მაშინვე: არც თქვენ ჩამოსულხართ ე მაგ თქვე-
ნი ვირიდანო?

ორჯერ და სამჯერ რეგვენი ყოფილხარო,
მომახალა იმანაც და სილა გამანა მარცხენა
ლოყაზე და მარჯვენა მივუშვირე: ლალი-შაქი-
რა გამახსენდა უცებ და ახლა მუშტი მომხვდა
მარჯვენა ლოყაზე. დავბარბაცდი, მაგრამ არ
წავქცეულვარ და აგიც არ შეგძლებიაო, ვუსა-
ყვედურე... – მაგრამ ამაზე აღარ შევჩერებულ-
ვარ და გუნდასავით ვესროლე გეოგრაფიის
მასწავლებელს: – დომინო ბატონო, თქვენთან
შედარებით იუდა ისკარიოტელი ანგელოზად
მოეჩვენებო კაცს!

– შენ უბრალო ბავშვი მართლა არ ყოფი-
ლხარ, შენ ანტიბავშვი ხარ, ანტიბავშვიო! – მი-
ყვირა.

– თქვენ კი, – ანტიადამიანი! მე კი, სამწუხა-
როდ, მესამე ლოყა არ მომცა ღმერთმა, რომ მო-
გიშვიროთო! – გავძახე და ზურგი შევაქციე.

– მამაშენს მოიყვან ხვალეო! – მომადახა მო-
ულოდნელად.

– მოვა ხვალ დილას და... ბარემ გაკვეთილ-
ზეც დაისწროთო.

– მე ვეცდები, რომ... პედკოლექტივი მოი-
წვიონ და... ამ პედკოლექტივმა გადამიწყვიტოს
შენი ბედი! დარწმუნებული ვარ, იქვე დასრუ-
ლდება შენი სკოლის კარიერაო!

– თქვენი ადამიანობის კარიერაც, ვხედავ,
დღესვე უნდა დასრულდესო! – მივახალე, რომ
არ მეთქვა, გავგიჟდებოდი, ალბათ.

(ასე დასრულდა ჩვენი შეხლა-შემოხლაც).

* * *

...ჩემდა გასაკვირად: მკვდარივით ჩამეძინა.
ძლივს გამაღვიძეს დილას.

– რაო, ყმანვილო, სკოლაში აღარ აპირებ წას-
ვლას?! – მამამ შემომიბღვირა. ამ ბოლო ხანებში
ასე უხეშად მეპყრობა და მიყვირის სულ. თუკი
არ მიყვირის, ზედაც არ მიყურებს, თითქოს არც
ვყოფილვარო. – შავმა კატამ ხომ... არ გადაგი-
ბინა სიზმარში და... – გაანკლაპუნა ენა, – გუშინ-
ნაც ხომ არ დაგიშავებიაო სკოლაშიო?

– არა, მე არ დამიშავებია, მაგრამ მაინც მო-
გინევთ სკოლაში წასვლა – გეოგრაფიის მასწა-
ვლებელს მონატრებიხარო...

– ეს რომელიო?

– დომინოს რომ ვეძახით ბავშვები.

– ჩვენც ასე ვეძახდით... გუშინაც დააშავე?

– ასე ჰგონია დომინოს...

– რაო, არც დომინოს ესმის შენი?

– ასე გამოდის, – ვამბობ.

– ამას უყურეთ ერთი?! – ხელები გაშალა აღ-
შფოთებულმა მამაჩემმა, – მართლა არ ესმით
შენი? სამწუხაროა, სამწუხაროა... არ ესმით
თურმე ამ ვაჟბატონის... ისევ შემარცხვინე ხომ?

– მე არ შემირცხვენიხართ... აქეთ შემარცხვი-
ნეს... დამამცირეს, გათელეს ჩემი უფლებები!

– ბავშვის უფლებები გაუთელია თურმე გე-
ოგრაფიის მასწავლებელს, რომელსაც დომინოს

ეძახიან სიყვარულით... ჩემმა თვალებმა არ დაგინახოს, თორემ... შემომაკვდები, იცოდე!

– და მაინც მიხვალთ სკოლაში? – ვიკითხე დასაზუსტებლად.

– მივდივარ, აბა?! და თუ გინდა, რომ არ შემომაკვდე, აორთქლდი და გიმეორებ: არ დაგინახოს ჩემმა თვალებმა!

– ვეცდები, თვალში აღარ მოგვხდე და...

– ჰო, თავიდან დამეკარგებოდე, კაის იზამდი...

– დაგეკარგები, აბა არ დაგეკარგები?! – ვიტყვი მამაჩემის გასაგონად.

დამეკარგე, დამეკარგეო, ჩაილაპარაკებს იგიც ბრაზმორეული და ეზოდან გადავა. მე კი წამიღებს ჩვეული ფიქრი:

„...და საიდან დაიწყო ეს ყველაფერი? იქიდან, რომ მაისტერ ეკჰარტზე ვკითხულობდი... შტაინერი იყო ნაწარმოების ავტორი. ნოე, ყურადღებით... არ დამანახო მაი წიგნი, თორემ ფანჯრიდან გადავაგდებ... პირდაპირ სანაგვეში აღმოჩნდება, იცოდე... მეც თვალები მოვწყვიტე წიგნს და თვალი გაუფსნორე მასწავლებელს. იმანაც ამარიდა თვალი. კითხვა განვაგრძე; დომინომ კი ახალი გაკვეთილის ახსნა დაიწყო. მაგრამ მთლად მაინც არ დავვინწყებივარ და მეორედაც გამომიჭირა, წამასწრო დანაშაულზე და ხელი გამეტებით დაჭკრა თავის მაგიდას: – ამას არც გეოგრაფია აინტერესებს და აღარც ჩვენი ერის ისტორია... იკითხე ეს სულელური მისტიკა და... სხვა აღარფერიც აღარ უნდა! – რუკის ჯოხი, აღარც კი მახსოვს, მერამდენედ მესროლა დღეს, მაგრამ ახლაც ამაცდინა და ტაში შემოვკარი. კლასმაც მომბაძა და მქუხარე ტაშით დააჯილდოვეს გეოგრაფიის მასწავლებელი, რომელსაც დომინოს ვეძახით. ვილაცამ „დომინო“ შემოსძახა კიდევ.“

ამას ის მოჰყვა, რომ გამაბრძანეს გაკვეთილიდან, მერე: დერეფანში ხდება ამბავი, და მეორედ აღარც მოვყვები... ისედაც იცით ყველაფერი... მხოლოდ იმას ვიტყვი, რომ... სახლში აღარ დავხვედრივარ მამაჩემს. აღარ მინდოდა, კიდევ უფრო გამერთულებინა ჩვენ შორის არსებული ისედაც გართულებული მდგომარეობა.

აქედან შორს, გამკენწლა უნებლიეთ და ლალი-შაქირაც არ გამოჩნდება ამ დროს?

„ვიცი ყველაფერი, ჩემო ნოე... აბა, გელი შენცა და შენს ნოეს კიდობანს! მერე და საქმე მაქვს შენთანო“.

ვიცოდი, მეჩვენებოდა ეს ყველაფერი და მაინც ვკითხე, მართლა ჩამოვიდეო?

თავი დამიქნია ლალი-შაქირამ: „გელოდები, ძიავ...“

მეც სოფლისაკენ გავემუშრები ისე, რომ ერთხელაც არ მოვიხედავ უკან, ჩემი ქალაქისკენ.

და არ ვიცი, რატომ და როგორ და ლალი-შაქირას ჩანანერი გამახსენდა ერთი: „დულს ჩემი ქალაქი, დულს და სადაცაა გადმოვა იმ თავისი პირველსანყისიდან, გადმოდინდება მთის მდინარესავით და... მიექანება სადღაც. სოფელი კი მდორე ლელეა... დგას ეს ლელე, დგას და აღარ მდინარებს, მაგრამ მკვდარიაო, ენა არ მომიბრუნდება, ამის სათქმელად. დულს მირიადი ნაწილაკი... და ყველა კი არ მიმდინარეობს, მიიდრიკება უბრალოდ თავისკენ, რომელშიც სიხარულის თესლი ჩაუგდია და გაუსხივებია შემოქმედს.“

მდინარე: ვითომ შეჩერებული დროა?!

ეს: მასში აჭრილი მილიარდი სიკვდილია... მარადისობას რომ საფუძველს უყრის... გადგმულია სიცოცხლის საძირკველი... უჩინარი და მარადიული მდინარება – თვითონ სიცოცხლე! მე: ამ უჩინარი დრო-მდინარის ერთი უმნიშვნელო ნაწილაკი, სიკვდილი ვარ... მარადისობაში ნებსით თუ უნებლიეთ ჩართული... თითქოს ამ მარადისობას ვქმნიდე...

თავს მალლა ავიღებ და ჩემთან მოდიო, ხელს მიქნევს ლალი-შაქირა და ქრება:

„აბა, სად უნდა წავსულიყავი, თუ არა ჩემს სოფელში... სოფელში, რომელსაც ლალი-შაქირა ჰყავს... იქნებ, გიჟიც და იქნებ, ბრძენიც... მაგრამ ყველაზე ახლობელი ადამიანი ჩემთვის...“ – ვფიქრობ და გულიც გამიწევს მისკენ: „მაგრამ შინ რას იფიქრებენ? იფიქრებენ... მაგრამ... იფიქრონ, რაც უნდათ! მერე და ისე მოიქეცი, როგორც ჩვენ გვინდაო და... მე აღარ მეკითხე“

ბიან, მე როგორ მინდა. რაო, განა საფლავეში არ ვწევარ? აბა, სცადე და გადაბრუნდი! მე არ მინდა ზევიდან დამყურებდნენ... ასე მგონია, დამყურებენ და მიბრძანებენო კიდეც... მე კი არც ის მიყვარს... არ მსიამოვნებს, როცა მიბრძანებენ... არა, ბატონო... ასე მართლა არ იქს! – დავასკვნი თითქმის დაუფიქრებლად და რალა დაუფიქრებლად, როცა ლამის გამისკდეს ფიქრისგან თავი! მერე და... მომნატრებია სოფელი, მომნატრებია ღელე და... მომნატრებია აქ ყველა და ყველაფერი...

მეც დავკარი ფეხი და... ბათუმი უკან დამრჩა.

ბაბუას კი, კარი გამილო თუ არა, მაშინვე განუცხადე: – შენმა შვილმა, თეიმურაზმა, ძალიან მანყენინა და გამოვექეციო. იცოდე, ბაბუ... თუკი ჩამომაკითხა აქ, ისე ჩავთვლი, რომ... ჩამშვები იქნები. მიუღებელია შენთვის ჩემი პირობები, კეთილი, სხვაგან მოვნახავ გადასაყუდრებელს... მითხარი პირდაპირ და... აღარ დავრჩები შენთან.

ბაბუას აღარ უსაყვედურებია ჩემთვის, მაგრამ გულში რომ მამტყუნებდა, ამას გამომაპარებდა?!

– ბაბუო... – მაკოცა მხარზე და მითხრა: – მე არ შევატყობინებ შენს ამბავს, მაგრამ აქ რომ გაჩნდება ამ მოკლე ხანში, ამაში შენც მალე დარწმუნდები!

– მჯერა შენი, ბაბუ, ვიცი, არ ჩამიშვებ, მაგრამ... პირველად აქ მომაკითხავს, რასაკვირველია, მაგრამ... მეც ისე, დაუფიქრებლად გითხარი და ამით განყენინე, ბაბუ...

მერე გავიგე: ბაბუს წერილი მიეწერა თურმე მამაჩემისთვის, „ნოე ჩემთანაა და თუ გინდანა კარგად დამთავრდეს ეს ყველაფერი, სოფელში ფეხიც არ ჩამოდგაო. საქმეც მერენა მოგვარდესა და თვალები წინასწარ რათ უნდა დავითხაროთო?“

ერთხელ ვუსაყვედურე კიდეც, შვილი გაგექცა მაშინ სახლიდან, იცოდი კიდეც, სად იმალე-ბოდა და არც მოიკითხეო.

იმანაც იქედნურად გაიღიმა, „რომ ვიცოდი, სადაც რომ იყო, იმიტომაც არ მოვიკითხეო“ და

სასოებით შენახული წერილიც ამოიღო უბიდან, სული შეუბერა და მუხლზე დაირტყა.

მეც ხელი იმ წერილისკენ გავიწვინე უნებლიეთ და იმანაც, ნუ აჩქარდებო, ცხვირწინ ამიფრიალა წერილი, აქეთ მისაყვედურა და ხელისგულზე დამიდო ბაბუას წერილი: – ბრძენი კაცია ბაბუაშენი, აბაო!

– და ბრძენკაცი ჩაუშვი შენ, მამაჩემო!

– და შენ გგონია, რომ ესაა ჩაშვება? კიდევ ერთხელ დაგიმტკიცებ, რომ ბრძენია ბაბუაშენი, – იმან წინდანინ გათვალა ყველაფერი... აბა, დაფიქრდი, ეს წერილი რომ არ გამოეგზავნა ჩემთვის, რანა მომხდარიყო შენი აზრით? შენ კი ნაადრევად, დაუფიქრებლად გამოგაქვს დასკვნები ისე, რომ წაკითხულიც კი არ გაქვს ეს წერილი. ჯერ წაიკითხე და დასკვნები მერე გამოიტანე!

მეც გავშალე წერილი და სულმოუთქმელად ჩავიკითხე ბოლომდე.

– წაიკითხე ხომ? – ჩაფიქრდა მამაჩემი. – მაინც როდის მოასწრო ამ წერილის გამოგზავნა?! წამოსასვლელად ვიყავი გახაზირებული... მარშრუტკაშიც უნდა ჩავმჯდარიყავი, რომ ნულარ აჩქარდებო, შემაჩერა მარშრუტკის მძღოლმა, შენმა ბაბამ გადმომცა შენდა გადმოსაცემადო.

მეც წავიკითხე ეს წერილი და უკან გამოვბრუნდი სახლში. – ჰოდა, თქვი, რა უნდა მოჰყოლოდა ჩემს ჩასვლას სოფელში და... წარმოგიდგენია?

წარმომიდგენიაო, მეც ვთქვი ჩაფიქრებულმა, – და მაინც ჩაშვება ქვია ამას... შეგეძლო შეგენახა... დაგეკონსერვებია და... მერე, ჰე, მერე გამოგეჩინა... შემდეგ სულ სხვანაირად განვსჯიდი-მეთქი.

ჰე! მართლა კაი უტუხი ვინმე ვყოფილვარ და... თითქმის უტიფარი... თუნდაც ნატიფარი...

...ჰო, სოფელში ვარ და ერთი სული მაქვს, ლალი-შაქირას ნახვამდე (...)

ლალი-შაქირა კი არ უნდა იყოს სოფელში.

მეც განვმარტოვდი და ფიქრებს მივეცი თავი. ეს ფიქრები კი მხოლოდ და მხოლოდ მო-

გონებათა ფრაგმენტები თუ იყო, მოგონებები თუ არა, დაუმთავრებელი ამბები ხომ იყო?!

„ეს ამბავი გამოქცევამდე ერთი კვირით ადრე ხდებოდა და შეიძლება ანიც გაგრძელდეს: ერთმა თანაკლასელმა დამირეკა, შენ რომ იცი, იქ თუ მოხვალ, კმაყოფილი დარჩები, არ ინანებო.“

ჰოდა, რალა გამაჩერებდა სახლში.

თხუთმეტ წუთში იქ ვიყავი, დანიშნულებისამებრო, რომ იტყვიან.

ოთხნი დამხვდნენ, ჩემი თანაკლასელები ყველა.

მივხვდი, რაშიც იყო საქმე და უსიტყვოდ შევუერთდი ოთხეულს.

– ახლა ხუთნი ვართ... ხუთეული, – მითხრა მასპინძელმა, თემო ერქვა: შემზადებულია... შეკეთებულია და შენ გელოდით, ნოე.

– შეკეთებულია... – ვთქვი, მაგრამ აღარ გავაგრძელე. ადრე „პლანს“ ამბობდნენ, მაგრამ შეიძლება ახლა სხვანაირადაც იწოდება იქნებო, გავიფიქრე და ენას კბილი დავაჭირე, სასაცილოდ არ ამიღონო. პირიც მომენვა და გამომიყვანა შექმნილი მდგომარეობიდან. ენის წვერზეც ვიკბინე. მაგრამ რალაც ხომ უნდა მეთქვა და ამოვღერდე: – რატომ არ ვინყებთ? ველოდებით ვინმეს?

– ველოდებით, ნოე, აბა, არ ველოდებით? ისეთი კაცი გავაცნოთ, რომ... – პირი აანკლაპუნა თემომ და თვალი კარისკენ გააპარა.

– ვის? – კი არ მიკითხავს, არამედ წამომცდა უნებურად.

სწორედ ამ დროს შემოაღეს კარი.

კარის ზღურბლზე ერთი მაღალი კაცი იდგა. თვალი შეგვაავლო და ღიმილით ჩაილაპარაკა, – მე ექვსს გელოდით... მეც მეშვიდე ვიქნებოდი და... რიცხვი „7“ საკრალურია და... გვაკლია ერთი... კვირის სწორს უნდა ვიპოვოთ იგი... ისე არაფერი გამოგვივა. დღეს კი... ჩვენს „დღეს“ ექსპერიმენტის სახეს მივცემთ... ჰო, თითქოს გამოცოცხლდაო, გასწორდა და მხრებშიც გაიშალა, სათითაოდ შეგვისწავლაო თითქოს, მაღლა ასწია ხელი და ქანდაკად იქცა. შვიდის დათვლა ძლივს მოვასწარი, რომ ჰაერი მონყურებული-

ვით შეისუნთქა და ამოთქვა: – თავისუფალ ადამიანებს მივესალმები!

ჩვენც კრძალვით წამოვდექით და სალამიც ერთობ მოკრძალებული შევაგებეთ.

– მე თქვენთან თემომ მომიწვია, რომ...

– გაიცანით, მწერალი და მხატვარი გუჯა ჯაფარიძე – სხდომასაც ის გახსნის და...

– არა, სხდომასაც ვერ დავარქმევდი ჩვენს დღევანდელ შეხვედრას... ეს უფრო სამჭედლო იქნება, რადგან აქ უნდა დაიბადოს თავისუფალი აზრი! – სული მოითქვა და ხელი თემოსკენ გამოიწვინა, – შეგიკეთებიათ? აბა, მომანოდეთ! – ეს არც ბრძანება იყო და აღარც – თხოვნა. სანთებელათი მოუკიდა და პირველი ნაფაზიც თვითონვე „დაარტყა“. ველოდი, როდის ამოისუნთქავდა, მაგრამ არა, ბოლი აღარც ამოისუნთქავს და ამან გამაკვირვა. – ფაიზალი ბოლია... – თვალეები აუბრწყინ-აუკიაფდა. – ახლა შენი ჯერია, ნუბუკ, – თემოს მიუბრუნდა და თვალი მოხუჭა, – ისე უნდა ჩაისუნთქო, რომ შეისრუტო... შეინოვო... ტორებში მოიქციო ეს დალოცვილი და... სიცოცხლეა სწორედ... ბოლის მიზერი არ დაიკარგოს, სივრცემ არ მიიტაცოს... გაიჟღინთოს ფილტვები, შეჯერდეს და... ფიქრი ინმინდება ამ დროს და აზრად იქცევა, გესმით თქვენ? თუ ისე შეინოვით, როგორც მე გეუბნებით, ყველაფერი შეგეძლებათ მერე: თვალს დახუჭავთ და... გაფრინდებით! ჰო, გაფრინდებით... „ლალი-შაქირაც გაფრენაზე არ ოცნებობდა?!“ – გავიფიქრე უნებლიეთ და ყურად ვიქეცი.

– ნუ იფიქრებთ, გრაფი ბოდავსო... გრაფს მეძახიან მე! და დიდი კაციც ის არის, ვინც... ყოვლისშემძლეობაზე ფიქრობს, – ყველა სურვილის აღსრულება შეუძლია!... ჩემი ნატვრა ფრენა იყო ყოველთვის და... – დადუმდა.

შევატყვე, სათქმელი ფიქრში გადაიტანა და თვალიც გაახილა: – მეორე წრეს ვინყებთ და... – ისევ ისე, ძველებური მონდომებით შეინოვა „ღვთაებრივი“ ბოლი და ახალგაზრდებს დაგვიტმო სარბიელი.

...უკვე მესამეჯერ შევინოვე ეს თბილი და ასე გამაბრუებელი ბოლი და ჩემს სმენასაც მოა-

წყდა გრაფის სათაყვანებელი სიტყვა: „მივფრინავთ?!“

„ფრენაზე ოცნებობდა ლალი-შაქირაც“. – ისევ შემომიარა იმ ძველმა ფიქრმა.

ამ ფიქრის მოშორება დავაპირე, მაგრამ ფიქრი არ აპირებდა, მომშორებოდა! ჩემთან დარჩენას ცდილობდა: „ჰო ლალი-შაქირა გაფრინდა კიდეც, მაგრამ კრახით დასრულდა მისი ექსპერიმენტი. ოცნება აუსრულებელი დარჩა!“ – ვფიქრობდი, უფრო ღრმად შევყოლოდი ფიქრს და შეკეთებული „ბელომორის“ პაპიროსიც ჩემთან შეჩერდა.

– შეინოვე-მეთქი, გავიგონებ გრაფის ბრძანებას, მაგრამ აღარ მივიხედავ მისკენ. თან გამიეღვება: სათქმელი აქვს რაღაც და რატომ არ მეტყვისო. სწორედ ამ დროს მომწვდება მისი, თითქოსდა, ჩახუთული ხმა: – ხომ ჩაისუნთქე და... მიყევი ახლა იმ შენს ფიქრს და...“ – მეც ზურგზე არ მოვექეცი იმ ჩემს ფიქრს?

„მე ლაპარაკი მინდა შენთან, მაგრამ სახლში ვერ მნახე და ვერ მნახავ იმიტომაც, რომ... უბრალოდ, არ ვიმყოფები სახლში“. – ვიცანი ლალი-შაქირას შენუხებული ხმა.

„აბა, სად უნდა იყო, ნუთუ ფსიქიატრიულში?“ – ვიკითხავ და პასუხის მოლოდინში სუნთქვას შევიკრავ.

„თუკი არ დაგვიწყებია ჯერ და საუბარიც არ მოგწყენია ჩემთან, შეგიძლია მომიხსნაო. ჩვენი შეხვედრა მართლა აუცილებელია... კი მოვიდოდი შენთან, მაგრამ... არ მაძლევენ ამის უფლებას, ზედამხედველები მადგანან თავს, თუმცა რა საჭირონი არიან, როცა განძრევის თავიც აღარა მაქვს, ისეთი ნემსი გამიკეთეს, რომ მურა დათვისთვის რომ გაეკეთებინათ, ისიც ვერ წამოწვდა თავს... ერთ კვირას მამყოფებენ ამ ყოფაში და მერე გზა ხსნილი მაქვს, ძიავ... სადაც უნდა ვიმყოფებოდე... თვითონ, ჩემი ფეხით მივედი ამ სამკურნალო დაწესებულებაში, არავის დაუძალეობია ჩემთვის, გინდა არ გინდა, უნდა იმკურნალო... ასეა ყოველ გაზაფხულზე, მაგრამ გიჟი არ გეგონო?! რაღაცას კი აქვს ადგილი ჩემში, რაღაცა გადახრასო, მინდო-

და, მეთქვა. შენი ნახვა კი აუცილებლად მინდოდა, ნოე! და შენგან მოვითხოვ: მომისმინო!

„მე მესმის შენი... ჰო, მართლა, სულ დავიბენი, მგონია... გახსოვს, გაფრენა რომ ინდომე ერთხელ და...“

„მხოლოდ მახსოვსო? ფრენაში ვხედავ მე სიცოცხლის არსს... აბა, კაცი დაერქმევა იმას, ფრენაზე ერთხელაც რომ ველარ ჩაფიქრდება?!“ – ლალი-შაქირას ხმა აუთრთოლდა მღელვარებისგან.

„და აქ... მეუბნებიან, რომ შემიძლია გავფრინდე! ავიქნო ხელები-ფრთები და მიწას ავცდე! და იმდენხანს ვიფრინო, რამდენ ხანსაც მომეგუნებება...“ – ვჩურჩულებ ხმადაბლა, ისე ხმადაბლა, რომ თვითონვე მიჭირს ჩემი ხმის გაგონება.

„ნოე... ისე ახლა რომ ექსპერიმენტს გიტარებთ ის თქვენი გრაფი... ჰო, გრაფი ჰქვია ჩემი აზრით და დიდი ვინმე უნდა იყოს... ასე მგონია, მაგრამ...“ – აქ ლალი-შაქირას ხმა ვილაცის სიმღერის ხმასაც შეუერთდა და ველარც მე მივყევი იმ ჩემს მინავლებულ ფიქრს. ლალი-შაქირას სახებაც ქრება ჩემი წარმოსახვიდან და დახეთ, ისევ ჩემთან არ შეიკვრება ის ჯადოსნური წრე „ბელომორის“ შეკეთებულმა პაპიროსმა რომ შემოხაზა?!“

ღრმად ჩავისუნთქე ბოლი და გრაფის ფიქრს დავედევნე უკვე, მე მივფრინავდი მართლა.

„ეს ბიჭი გამორჩეულია ყველასგან... შეუძლია ამ ყმაწვილს ფიქრი, რაც იშვიათობაა ჩვენს ყირაზე შემდგარი დროისათვის. მეც ხომ ასეთ შეგირდს დავეძებ ეს ათი წელია... თუმცა დასაშვებია, რომ ვცდებოდე კიდეც, მაგრამ ეს შეცდომა, თავად შეცდომაც დასაშვებია, ეს ცდომილება რომ არა, ექსპერიმენტიც არ იქნებოდა ასე საჭირო! ჰო, მაგრამ რაღა მაინც და მაინც ვცდებოდე უნდა?!“ – გრაფმა თავიდან მოიშორა უსიამო ფიქრი და მიწაზე დავეშვები მეც.

– ახლაც კი... – ისევ დაირხა გრაფის თითქოს და შეხუთული ხმა და თვალეები ამოვიჟლიმე, – ჰო, კაი იქნებოდა ახლა ღრმა მედიტაცია! ეს... იმ პროცედურის შემდეგ დესერტივითაა დასაყოლებელი, – ხმას დაუნია მოულოდნელად და ჩვენც ყურად ვიქცევით ყველა.

გრაფი კი ხმასაც გაიზარავს უკვე: „ჩვენ გამოქვაბულიდან გამოვდივართ... გამოქვაბულიდან-მეთქი! – ექოსავით მოაყოლა და ხმაც დაიტკბო: – მარჯვნივ ჩანჩქერია, დიდი ჩანჩქერი... ხმაურიანი, თითქოს და გამაყრუებელიც, მაგრამ საოცრებაც ის არის, რომ ყურს არ გტკენტ თქვენ ჩანჩქერის ხმაური, პირიქით: გამშვიდებთ თითქოს... თქვენშია გადმოსული მთელი ეს ხმაური... თქვენ ხმაური ხართ! ყურადღება, აბა, ყურადღება! ხმა დაგისაკუთრებიათ თქვენ ამ ჩანჩქერის და ახლა თავად ჩანჩქერი შემოდის თქვენში... თქვენ ჩანჩქერი ხართ! დიდი ჩანჩქერი და... სადაცაა გადმოეშვებით ამ სიმალიდან... მაგრამ კი არ გადმოეშვებით, თქვენ სადაცააო, რომ გეუბნებოდით, გადმოშვებულხართ უკვე... ოღონდაც: სანამ ჩანჩქერად იქცეოდით, მდინარე იყავით თქვენ, შეიძლება ყველაზე წყალუხვი მდინარე მსოფლიოში და... გარდაისახეთ თქვენ ჩანჩქერში, გარდმოისახეთ... რადგან მდინარე ვერ გაფრინდებოდით, თქვენ კი გაფრინა გინდოდათ... ახლა კი დროა, გაფრინდეთ! ამოისუნთქეთ... ამოისუნთქეთ ნამით და... შეწყვიტეთ სუნთქვა... შვიდის დათვლამდე... დროა! დგება ის ნამი, როცა... ნატვრად უნდა იქცეთ და...“ – პირი მოკუმა გრაფმა და ქანდაკად იქცა. მერე, აზრზე მოვიდაო თითქოს, გაფრინდიო, მითხრა და ხელები გაშალა. ხელები გაშალე მეც და... გადმოვეშვი იმ სიმალიდან მე – ახმაურებული ჩანჩქერი... მივფრინავ, მივფრინავ... მე მერცხალი ვარ აჭიკჭიკებული, ვეშვები ქვევით, ვეშვები და უფრო და უფრო მომნატრებია მინა... და შვიდი მეტრი რომ დაგრჩება მინამდეო, ე მაშინ გაახილე თვალიო. მივფრინავ თვალდახუჭული, მაგრამ ვხედავ და შევიგრძნობ მე მოახლოებულ მინას... მიახლოვდება... ვუახლოვდები... ჩვენ ვუახლოვდებით ერთმანეთს, ჩვენს შორის არსებულ ზღვარს.

და ვითვლი: – სულ მალე შევდგები ამ ზღვარზე... ერთი, ორი, სამი და...

– ახელ თვალს!

გავახელ თვალს და... აღარსადაა მინა...

მე ღრუბელს მივაგორებ, მთა-ღრუბელს... სუნთქვა აღარ მიჭირს... თითქოს ზღაპრულ ქვე-

ყანაში ვიყო... აქ აღარაა მინა, არის სივრცე... აქ არ დადიან, აქ ფრინავს ყველა!

დალლითაც რომ აღარ ვიღლები?!

– ფრენა დამთავრებულია და სეანსიც – დამთავრებული. კვირის სწორს აქვე შევიკრიბებით! ერთი გვაკლია, ხომ არ დაგავინყდათ?! შვიდნი უნდა ვიყოთ, მხოლოდ შვიდნი!...

არც გამოგმშვიდობებია გრაფი, ისე წავიდა.

* * *

ჰო, ვთქვი ერთხელ... სოფელში ვარ ქალაქიდან გამოქცეული და ლალი-შაქირას ნახვა მომწყურებია. იგი კი არ დამხვდა სოფელში და მართლა გამიტყდა. ერთ-ორ დღეს კიდეც დავრჩები და... ქალაქში დავბრუნდები. შეიძლება იქ იყოს, რომელიმე საავადმყოფოში. მაინც რომელში? ფსიქიატრიულში ვითომ?

– მე კანტორზე გადავალ, ბაბუ, შენ კი... ვისთანაც გინდა, ზათი შეგიძლია იმასთან გადასვლა. მზე ჩასულიც არ იქნება, რომ სახლში ამოვალ და... დავჯდეთ და ვილაპარაკოთ, ბელქი შევთანხმდეთ... კომპრომისიო, არა?! კომპრომისი ზათი დათმობაა! ამის მემრეა, რომ... და იცი რაფრა იტყვიან ჩვენში ამფერ დროს... დათვი თუ მოგერია, ძიავ, ბაბაი დუუძახეო!

კაი, კაიო, თავი დაფუქნიე ჩემს ამჭევრმეტყველებულ ბაბუას. იგი კი უცებ მომიბრუნდა და როგორღაც მოწყენით მითხრა: – ლალი-შაქირაი გადვიხვენა სადღაც, არავინ იცის მისი გზა-კვალი, მაგრამ დერდს ნუ გეიყოლებ... გამოჩნდება ჩვენი ლალი-შაქირაი, აბა, არ გამოჩნდება?! როცა სოფელშია ლალი-შაქირაი, დერდიც არაფრის არაა აქვს სოფელს... თითქოს იგია ჩვენი მშველელი... იგია ჩვენი ცოდვების... ცოდვებს აგროვებსო, ლალი-შაქირაი, მემრე მოიგდებს ზურგზე იმ ცოდვის ფუთას და... მთელი კვირით გადაიკარგება კაცი... მემრე გამოჩნდება და... ამჩატებული... კაი ხასიათზე... იშტაზე მოსული, მაგრამ ახალ ცოდვებს დაახვედრებს სოფელი ლალი-შაქირას და ისიც თავიდან იწყებს ცოდვების შეგროვებას. ასე გრძელდება, ძიავ და... წვევლ ახლა კანტორზე. დერდს იქ დავაგდებ და მოვბრუნდები... – ულვაშები აიგრიხა მალლა და ეზოდან გადავიდა.

მე კი არსადაც არ დამჭირვებია გადასვლა: აქეთ მომაკითხეს ძველმა მეგობრებმა. ძელსკამზე ჩამოვსხედით და სასაუბროდ განვენწყვეთ.

– ნოე, ისეთი „ბოლი“ იქნება, რომ... დავჯდეთ იმ ჩვენი დიდი კაკლის ძირში და... ნავიკაიფოთ, ისეთი ბოლია, ჩემი დედა... – მკერდზე დაირტყამს მერაბი მუშტს და დადუმდება. ჩემს პასუხს ელის და თვალი ჩავუკარი მეც:

გადავიფართ ჩვენც.

კაკლის ხეც, თითქოს ჩვენ გველოდაო, შეი-რხა და თავისებურად აშრიალდა.

ქარმა გაფანტა შეხუთული ჰაერი და სული არ მოვითქვით?!

და „ბელომორის“ შეკეთებულმა პაპიროსმაც ხუთჯერ შემოიარა თავისი კალო და ჩაცხრა ჩვენშივე, რომ ავთებულისყავით ასაფრენად შემზადებულები...

„ნოე, ჰეი, შენ, ნოე-ბიჭო... იკაროსივით არ დაგემართოს... მზისკენ გატყორცნილს ხელოვნური ფრთები დაგცვივდება და... დაენარცხები შენს მიერვე ათვალწუნებულ მინას! მინა არ გა-პატიებს!“ – მესმის ლალი-შაქირას შენუხებული ფიქრი და ვახელ თვალს.

მოლზე წამოგორებული ბიჭები, აბა, ვინ უნ-ყის საითკენ მიერეკებოდნენ თავიანთი ფიქრე-ბის რაშებს?!

მზესაც ესმა სიზმრის ზარების რეკა, ძილს მონატრული თვალები ამოიჟღელია და ლაზათი-

ანად, მხოლოდ მას რომ სჩვევია, დაამთქნარა და სოფელსაც შეეპარა ბინდი. ერთი შექანდა და შავი ნაბადი მოიგდო მხრებზე.

კაკლის ხემაც გააზმორა და საკუთარ ჩრდი-ლში შეცურა.

პირველი გადმოვეშვი სიზმარეთიდან. ბიჭე-ბიც მოფხიზლებულიყვნენ.

– ესეც კაიფი, – დაამთქნარებს მერაბი და მთქნარება ნაგვილებს ყველას. – ისეთი არაფე-რი, მაგრამ... მართლა რა იყო?! აი, ეს მესმის...

– ხვალ?! – ვიკითხავ მე.

– ხვალაც... მზის ჩასვლისას ისევ ამ კაკლის ძირში გელოდებით, – თქვა მერაბამ და პირზე აიფარა ხელი, – იცი, ნოე, რომ მართლა გავფრი-ნდი?! მზისკენ მივფრინავდი, მაგრამ აღარ მახ-სოვს, დავფრინდი მზეზე თუ... ველარ მივალნიე იქამდე... ვფრინავდი, ხომ იცი?!

„ნოე, ჰეი, შენ ნოე-ბიჭო... იკაროსივით არ დაგემართოს... მზისკენ გატყორცნილს ხელო-ვნური ფრთები დაგცვივდება და... შენ მიერვე ათვალწუნებულ მინას დაენარცხები!“ – ისევ მომეახლა ლალი-შაქირას ფიქრი-გაფრთხილება და გამაძაგძაგა უნებლიეთ:

„უნდა ვნახო ლალი-შაქირაი. უნდა ვნახო!“ – ამწრიალებოდა სული.

„ნოე, შენ მე ვერ მომაგნებ... სადაც ხარ, იყავი იქ და მეც გამოვჩნდები ამ მოკლე ხანში“. – მო-მივიდა ლალი-შაქირას პასუხი და უცებ მოვეშვი.



პარია ნიკდაური

მეტრო

მეტრო – ქალაქის ანგელოზი
გვირაბისმხრისა.
მინისქვეშეთის რკინის ისარი.
გამუდმებული წვრთნის რეჟიმი –
მოპირკეთებულ ქვესკნელს როგორმე
გადაუსხა ცოცხალთა სუნთქვა.
არტი – აქციო ადამიანი ხმაურის ფესვად.
უმზისსხივებოდ ჩახედო მათ მონყენილ თვალებს,
უთვალეერო მუზეუმური სიჩუმით და ხელშეუხებლად
სხეულები, რომლებსაც ახსოვთ მინისზედა ცხოვრება კარგად,
რკინის ბორბლების წამახულ ხმაურზე სევდიანად მოკონწიალე.
მეტრო – ქალაქის ანგელოზი გვირაბისმხრისა,
დღის სინათლეზე როცა გამოდის,
სადაც ჩამსხვრეულ გვირაბების მინისპირებზე ამოუკრავთ
თაბაშირივით – ქალაქის ხედი,
სადაც სინათლის არტაშანი იკავებს ვაგონს,
ყველა სიგნალს ერთად იწოვს
ცოცხალ სხივისაგან აშლილი თვალი
და შორს, მთისწვერზე, წამომდგარი ეკლესიის
უხილავ ჯვარზე
წამოდებული პირჯვრისწერა
ერთადერთი ნიშანია, რომ მეტროს მოდგმაც
ცათა შინა ეთნოსისაა,
მინისქვეშა მდუმარებიდან
მარჯვენათი გაზის ბუშტუკებს უშვებს მალლა...
ხოლო მათხოვრებს და ინვალიდებს –
მუზეუმის ძველ თანამშრომლებს
არ ანაღვლებთ აქ რა დღეა, რა რიცხვია, რა საუკუნე.
მხოლოდ ბავშვებს შეუძლიათ აქ იხმაურონ ყვაველებივით...

გაზაფხული

არასოდეს „მომიყვანია ეს გაზაფხული“.
 ის მოდის ხოლმე პერიოდულად – კომისია,
 რომელმაც უნდა კიდევ ერთხელ შეამოწმოს
 ჩვენი სიცოცხლის ძველი უნარი.
 კომისია, რომელმაც უნდა ზუსტად აღნუსხოს,
 რამდენ კვირტს მალავს ხეების ტანი,
 ველ-მინდვრები – რამდენ ბილილას.
 რამდენ მზის სხივს – დღეების პეშვი,
 ბალახს – ქვისძირი, ბელტებს – მინა,
 სილურჯეს-ზეცა, სივრცეებს – ფრთები,
 რამდენ სიყვარულს – ადამიანის პატარა გული,
 რამდენ ვარსკვლავს – ჩამქრალი მზერა...
 მე არასდროს მომყავს ხოლმე ეს გაზაფხული,
 გეფიცებით. ვის რად უნდა ამხელა სტრესი,
 ამდენ სიბნელეს რა სინათლე ეყოფა მაინც?!
 კანონის ენა არავის ესმის,
 ყველას თავისი ზამთარი უყვარს –
 ხელს შეახოცავ თავისუფლად მოკლე დღეს და
 ყველაფერს კვამლს გადააბრალებ...
 თავადაც ხომ არ განუხებს, არც რამედ გაგდებს,
 არც გთვლის ა რ ა ფ რ ა დ.
 გაერიდეთ ამპარტავნულ ქრელ გაზაფხულებს,
 ეცადეთ, თვალში არსად მოხვდეთ ამ კომისიას,
 რადგან ყველაფერს მხოლოდ ფიარის გამო აკეთებს,
 დაგვაფეთებს, სხვა არაფერი
 დიდი ვინმე რომ გვეგონოს, რომ გვეშინოდეს...
 მთების სიმწვანეც გახრიოკდება,
 ამ ტყეების აფერადებაც,
 ეს ხეები ისევ ისე შეიბრუნებენ ძილს და სიყურეს,
 ეს ქუჩებიც ისევ ისე რუხთვალეზა უიმედობით იქნება საცხე,
 არავის ერთი თბილი სიტყვაც არ დასცდება,
 ჭორფლიც განა რა, მზეც შორსაა.
 ყველაფერი ფიარია, გაივლის, ნავა
 და არავინ შეგიმცირებთ დარდსა და ნალველს –
 სრული, მუდმივი შტატით არსებობს.
 სიმარტოვესაც აქ არაფერი დაემუქრება,
 ოღონდ ახლა გაუძელით ამოვარდნებს მზის სიზმრებიდან.
 ხელის გულს ვადებ აყვავებულ ნუშის ხეს და ასე ვიფიცებ.

არასოდეს არ დამაბრალოთ,
 „რომ გაზაფხული მე მოვიყვანე“.
 სადღა გვაქვს ძალა ადამიანებს მისი გაძლების.
 „ესეც გაივლის...“

მარილის მატარო

ძველი მალარო – მარილის შახტა –
 ადამიანის ცხოვრების გემო.
 ყველა ლუკმას რომ უნდა ეკმაროს,
 ყველაფერს ერგოს.
 შენც არ თავდები ამ კედლებივით,
 ფასიც გედება სიღრმესთან ერთად.
 არვინ გახსენებს, ყველა გგულისხმობს,
 გადრიან ღმერთსაც.
 თავს ინახავენ შენში უხრწნელად,
 სიმლაშისაგან უდგებათ სიტკბო.
 მალაროს თეთრად დაფიფქულ სხეულს
 სკნელის მზე იმკობს.
 თეთრია სისხლიც, იმედიც თეთრი.
 კედლებს ედება ლანდები ეკლის.
 ფიქრი, მალაროს ხელუხლებ მხრისა –
 უთქმელი ეთქმის.
 მარილის შახტა – ჩაბრუნებული
 ცრემლების კორძი, ტკივილი – მოსე.
 ვთხრით და ოდესმე ამოვიყოლებთ
 მეორედმოსვლას.

* * *

სულერთია, თუკი ცურავ,
 რომელ ნაპირს მიადგები,
 გაღმა იყოს, თუნდ გამოღმა,
 შენი თუ გაქვს იალქნები,
 წყალი იყოს, დე, გითვალონ
 მიღები თუ იარდები.
 ოღონდ წყალი იყოს სუფთა,
 სიტყვად ყველგან ივარგებდი.

სანიჩებს და სატივეს და
 სანავესაც მიაგნებდი,
 შენ თავს თუ არ ლალატობდი,
 თუ სიმართლეს იარგნებდი.
 ღვთის იმედი გქონდა ერთი
 და ზვირთს ზვირთზე მიათრევდი,
 შენად ვარსკვლავს რაც ემართა,
 იმ ბედ-იღბალს მიაბერდი.
 ჰა, გაცურე. სულ მზის შხეფებს
 მოაპნევდი-მიაპნევდი,
 რა პორტი და რის პირსები,
 ძველ ტკივილებს იახლებდი!
 ნავსადგურებს გაურბოდი,
 ჰორიზონტებს იაკვნებდი.
 დარდის გვარლებს ჭიმავდი და
 სილურჯეებს მიამქვრევდი...
 ხომ იცურე,
 ხომ იცურე,
 ქარიანი იალქნებით...

აგაზბპური სეზდა

ი-ს

შენ ლამაზი ხარ ამ იანვარში,
 იმ იანვარშიც იქნები ნაზი,
 და ყველა იტყვის, რა მაცდურია
 ეს ქალი, მხარზე ჩიტი რომ აზის.
 ვილაც კი, იმ ჩიტს დაემტერება,
 მიაყურადებს ყოველ ცისმარე,
 ბოლოს გაჩუქებს ოქროს გალიას
 წყალობად. შენ და ჩიტი იკმარებთ.
 და ერთადერთი ჭრელი ბუმბული
 გამოფრინდება გალიის გარეთ.
 ქარი წაიღებს, და წაიყოლებს
 თქვენი მშვენების ოქროსფერ კარვებს.
 გაჰფენს თვალუდგამ მინდვრებზე მახედ,
 მწუხრის ქარავნებს წაართმევს სადაფს,
 ავაზაკური იქნება სევდაც,
 ზმანებაც სავსე იმედის ზადით.

შენ სარკეებში დაგალამდება,
 ჩასთვლემს სალუქ მხრის ნაპირზე ჩიტიც
 და უცაბედი იანვრის თოვლი
 აგხსნის სასჯელს და ყველაფერს იტყვის.
 თოვლი – უბოლო გზების სიმბოლო
 ცის უხილავი ხიდების თალი.
 წაგიყოლიებს ერთ ფანტელი
 მარტოობითაც არასდროს დაგლლის.
 როგორ გიხდება ეს იანვარი.
 იმ იანვარშიც იქნები ნაზი.
 აგიხირდება ვინმე ოხერი,
 მზეშიც რომ თოვლის სურნელი აგდის...

დღე

ჩაიდნის სტვენამ დღის შლაგბაუმი მალლა ასნია.
 გასწიე, ნადი.
 დღესაც გაივლი კილომეტრებს შუფერხებლად,
 და თუ ვერაფერს გააკეთებ,
 ხომ ივლი მაინც,
 ნაბიჯების აგურებიდან აიყვან კედელს.
 ტელეფონის ზარების ცემენტს,
 ამბების ხრეშს,
 ძველი საქმის ამოთხრილ ორმოს,
 გადაულახავ პრობლემათა სქელ არმატურას,
 ყველაფერს ისევ
 დაუვლი და ფეხსაც წამოკრავ,
 წამოიკიდებ, მისწევ-მოსწევ,
 ხელებზე ისევ წამოიცვამ
 იმედების უკულმაპირის უხეშ ხელთათმანს
 ნაცნობ ნიჩაბს მოიკითხავ მეგობარივით,
 არავინ იცის, დღეს რა იქნება.
 ბედნიერებაც გამონაბოლქვად გადაქცეულა,
 ხსოვნის მძიმე მეტალების კონცენტრაციით
 სასიკვდილო შკალას გადასცდა.
 სადღა იპოვი ანკარა წყალს, სუფთა ჰაერს, ხეების შრიალს.
 სადღა ნახავ ან ისეთ სიცილს,
 ქვა არ ჰქონდეს მობმული ფეხზე...
 ჩაიდნის სტვენამ დღის შლაგმაუმი მალლა ასნია.
 ქარმა მაინც მოიტანოს მინდვრების სუნი
 ან ლიანდაგი გაიქცეს სხვაგან...

* * *

სითბო ჩაუდგა სხეულში წვიმას,
 თებერვალია... თბილია თოვლიც.
 ეს ყველაფერი რომ არა ახლა,
 ანდა, რომ იყოს შორიდან მოვლით
 ის, რაც ახლოა და საფეთქლებით
 (არა ღრიჭოდან, ფილმის კადრიდან)
 რასაც ეხები და ეხეთქები,
 არა წარსულს და არა ადრინდელს
 და რომ იპოვე მოულოდნელად
 გაუყინავი ბუდე კრაზანის.
 თბილია, თბილი ეს თებერვალი,
 მაგრამ საშველი ეს ხომ არ არის?!
 სველი ნაძვები, სუნი სიცოცხლის,
 გაზაფხულები მოვლენ და წავლენ.
 და სულ იქნება კაცი – მწყემსივით
 და გარს ეხვევა ტკივილთა არვე.
 ხო, მე ვაჭარბებ და ვაზვიადებ.
 კარგი, ბატონო, გავა ზამთარიც.
 ყველაფერია... მაგრამ საშველი,
 ჩვენი საშველი ეს ხომ არ არის?!

შნიგერსიტების ბაღში

განა ვბერდებით ან ვმელოტდებით,
 უბრალოდ, ბალი გაკრიჭეს ასე.
 აღარც იმ ფიჭვთან არ გელოდები,
 არც შეძახილი მიაპობს გამზირს.
 ალბათ, აშფოთებთ სიჩუმე მამებს.
 პანთეონური დგას მყუდროება.
 სულყველაფერი ისეა ირგვლივ,
 თითქოს ღამეებს დღე არ მოემა.
 რა თუ, მზე მოდის მაინც ერთგულად,
 მოდის და ეძებს გულთა სინათლეს.
 უკან ბრუნდება თუმც კი მეფურად,
 დგას დარცხვენილი და თავს იმართლებს
 ღამეთა შორის. დგას ატუზული...
 სიტყვაც უიღბლო. ხალხიც უბედო.
 ჩამქრალა ცეცხლიც გიზგიზა სულის,

რომელმა ქარმა უნდა უბეროს...
 სითეთრე – როგორც ზავის ალამი.
 და ყველაფერი ტრიალებს წრეზე.
 რაც გსურდა, სწორედ ის არსად არი,
 რაც გნადდა, სწორედ იმასვე ეძებ...

ზღაპარი სამშობლოზე

როგორ გვანვალეხ სიტყვა „სამშობლო“.
 აღარ ვიცით, სად გადავმალეთ,
 სად მივუჩინოთ ადგილი, რადგან
 აღარც ერთი კონტექსტი ირგებს.
 თავადაც ხვდება,
 საკუთარი თავის კუთხეში ატუზულა უხერხულად,
 დამნაშავედ თვლის უკვე ყველა. რა გაენყობა?!
 ნეტა, სიზმარში ხომ არ ნახულობს
 ასეთ თავის თავს?
 მიუკეტეს ცხვირის წინ კარი.
 აღარც ტექსტი, არც წარმოსახვა, არც სინამდვილე
 არ უთმობს ადგილს.
 თითქოს, ვილაცამ უჩინმაჩინის ქუდი დაჰხურა,
 საფარველი დაადო თითქოს,
 არის, არც არის.
 ალაგ-ალაგ ნაკვალევზე მოუჩანს გერბი,
 ექო ჰიმნსაც ახეთქებს ტინებს...
 ჭირის დღესავით გაურბიან ხსენებას და
 ახლომახლო თუ ჩაივლიან,
 შეშინებული აფურთხებენ „ფუი ეშმაკსო“.
 თუ შემთხვევით სადმე შეეხნენ,
 უნებურად, მაინც შეეხნენ,
 იფიცებიან, „არც კი ვიცნობდით,
 არასოდეს ვყოფილვართ მასთან“.
 მინისქვეშ მკვდრები იტანჯებიან,
 მინის ზემოთ ცოცხალთა მოდგმა.
 რამ ქნა ასეთი?
 რამ შეაძულა პოეტს, მღვდელს, ვექილს,
 გლეხს, დეპუტატს, მეცნიერს, სტუდენტს?
 მასწავლებლები ცდილობენ მხოლოდ
 სკოლების ძველ კატაკომბებში
 ლექსის ძონძებში გამოახვიონ

მისი სახელი – გალოკილი ძვალი, რომელსაც
 ერთადერთი, ღმერთის ნება თუ გაანედლებს.
 ბავშვებს ამ ძვლის ნაფქვავს ასმევენ, ცრემლში გარეულს,
 იქნებ, ასე დაამახსოვრონ.
 ჩვენი გულების ინკუბატორებს
 დიდი ხანია, გაუთიშეს იაფი დენი,
 დიდი ხანია, არც იაფი გაზი ინვის
 მარადიული ცეცხლის მშვიდი უდარდებლობით,
 აბა, სადღა გადავინახოთ, რომელ სათბურში, სახელი მაინც,
 უნინ ყველას ერთნაირად რომ გვარქმევდნენ,
 უნათლავებსაც?
 ბიჭებს, გოგონებს ყველას გვარქმევდნენ!
 ყველას გვშვენოდა, ნებისმიერ ასაკში მდგარებს,
 „სამშობლო“ გვერქვა, „სამშობლო“ გვეცვა,
 „სამშობლოს“ ვჭამდით, ვმღეროდით, ვწერდით...
 ახლა რა ხდება, თავის თავსაც აღარ ჰქვია, არაფრად უღირს,
 წვიმას სისველე აღარ ჰქონდეს,
 ქარიშხლებს- ქროლვა,
 მდინარეს – ჩქერი,
 ზეცას – სივრცე,
 ცეცხლს – სითბო და
 გაზაფხულიც მხოლოდ ქვებისთვის რომ მოდიოდეს,
 ასეა და რა გაეწყობა?!
 ხალხი კი – ნყება მოსიარულე ადამიანთა,
 კევსლა ღეჭავს – ბედნიერების გემოიანს.
 და იზეპირებს ახალ სახელებს:
 სამოქალაქო სოლიდარობა, აქტივობა, გენდერი, გრანტი,
 ფემინისტი, ელგებეტე, ლიბერალი, ციანიდი, სექტა, შაურმა...
 „გარდარეული სიყვარული“ სამშობლოსადმი
 არტეფაქტებად შემორჩენილი ფოლკლორსა და ვენახის კვლებში,
 გადაიღეთ, სანამ არსებობს, აღნუსხეთ, ზომეთ,
 შეიტანეთ გულის დავთრებში,
 რომ სამომავლოდ აღარ ეძებოთ საზღაპრო თემა და მოუყვეთ თქვენს
 შთამომავლებს,
 რომ აქ ჩვენი „სამშობლოც“ იყო,
 რომ ის იყო ულამაზესი, უძველესი,
 ნალკოტი იყო,
 რომ ზიზღის ჭია გაუჩნდა ერთხელ,
 რომ ჰყავდა მტერი გამუდმებით,
 რომ გმირებიც ჰყავდა სამშობლოს,
 რომ მისი ხმა – მისი სიმღერა ცასა სწვდებოდა,
 რომ გონიერიც ბევრი ჰყავდა, მოღალატეც, მოსიყვარულეც,

უგუნურიც, ზარმაციც, ფლიდიც,
სულ რომ ელოდა მხსნელს და რომ კლავდა, როცა იგი გამოჩნდებოდა,
სულ რომ სწამდა უკვდავება თავისი და
სულ რომ მღეროდა, დარდიანიც, ცოცხალიც, მკვდარიც..
რომ ის ხშირად ვერც იცნეს და
გლახა ეგონათ, უპოვარი ბოგანო კარზე...
საზღაპრე თემებს აქ რა დალევს,
ურჩხულები ცეცხლს რომ აფრქვევდნენ,
ყლაპავდნენ ყველას,
აგუბებდნენ მდინარეებს, ტყეებს ჩეხავდნენ,
გადარეკეს ხალხი შორეთში,
მონამლეს ყრმები,
ბეტონით ხერგეს ქუჩები და ყლაპეს ბავშვები,
გამოიყვანეს ზომბების მოდგმა,
ო, რა ზღაპრები გვაქვს მოსაყოლი შენზე, სამშობლოვ,
მაგრამ ეგ მერე,
თუ გადავრჩით, ეგ მერე იყოს...
ახლა იმდენად უხერხულია, „სამშობლოზე“ ილაპარაკო,
და იმდენად სამარცხვინოა მისი ხსენება,
მასთან ერთად შემალღებულზე ჯდომა, ბაასი,
რომ იქნებ, ავდგე და კოდური სახელწოდება გამოგიგონო,
გადაგმლო,
სანამ ჩვენში სავსემთვარობის მგლები ყმუიან...



ზაზა პიჭიდაშვიდი

სამი დიდი კომბინაცია

I

– გავიგე, მამა –
ყველა პატარამ არ იცის,
როგორ და რატომ უნდა მოიქცეს კარგად,
ცუდი რომ არის, სიტყვა გატეხოს თავისი,
თავის გატეხა რომ არავისი ვარგა;

როგორც ცუდია, ჩატეხოს სხვისი ფანჯარა,
იყოს უხამსი, განსაკუთრებით – გარეთ,
კიდეც – დაჩაგროს თავისზე უფრო პატარა,
ანდა – დასცინოს უფრო დაჩაგრულს მწარედ.

გავიგე, მამა – ზოგი ძალიან განიცდის,
გადაირევა, ისე მიიტანს გულთან –
სხვისი რაც არის, თუ არ აიღო თავისთვის –
რაკი – სხვისია, მაგრამ – თავისთვის უნდა.

ზოგმა ისმინა: ყოჩალი თუ ხარ – გადარჩი –
შენ ნუ მოგხვდება მუჯღუგუნი და მუშტი –
სუსტი ძმაკაცი იქვე გაცვალე მაგარში,
სადაც გამოდგეს მაგარზე უფრო სუსტი!..

გავიგე, მამა – დღეს შეიძლება, მეტკინოს
ლოყა, ცხვირი და გული მეტკინოს სულაც,
რამე ერთი-ორს კიდეც გამოვრჩე ერთი-ორს –
ვის სიკარგეზეც თურმე არავინ ზრუნავს... –

მაგრამ ეს წყლები – რაშიც ბავშვობა კიდია –
წავლენ-წამოვლენ-აორთქლდებიან ხელად,
და ნატკენებიც ისეთი დროებითია,
რომ ქორწილამდე დამავინწყდება ყველა.

ხოლო პატარებს – გადაქცეულებს დიდებად –
 თუ მოაგონებ იმ საქციელებს, ავებს –
 სირცხვილისაგან ლოყები აუნითლდებათ,
 სინანულისგან შემოიტყეპენ თავებს... –

ასეა, როცა წესრიგი არის დიდების, –
 მაშინ მართალი მხოლოდ ის არის ცამდის,
 ვინც არასოდეს, არაფრით, არასდიდებით
 უწესობას და უნამუსობას სჩადის;

მაშინ სამყარო სამართლის სამართავია,
 ნულის ტოლია უსამართლობის რისკი,
 რაც მთავარია, მთავარი სამართალია:
 კარგად იქნება, კარგი იქნება, ვინც კი!

მაშინ საკვებნი თუკი რამეა – სიკეთე,
 უხერხულია, ოღონდ სიკეთით კვებნაც...
 ჟამი იდგება – სულით და ხორციით ვილხენდე –
 როცა დიდების ჟამი იდგება ქვეყნად!..

ხოლო თუ ვინმე თავის ისეთი მტერია,
 ძველი ცოდვებით შემოებედა დიდებს,
 მტერს არ ეწეროს, იმ ვინმეს რომ უწერია:
 დედამინაზე დანყვევლილივით ვლიდეს –

შეუსვენებლად, უსასრულოდ და ვერსაით,
 ზურგი აქციონ, სადაც კი თვალი ჰკიდონ...
 ამ დროს, რა კარგად ყოფნა შეეძლო – ჩემსავით,
 ცუდად ყოფნა რომ არ აერჩია თვითონ.

II

– რასაც გვარიგებს დიდი გონი და გამრიგე –
 შენგან აქამდე ათასჯერ განაგონი –
 მესმის, მამაო –
 ოღონდ მაშინლა გავიგე,
 როცა გაგიღე გული და არა – გონი.

მესმის – სხვა საგნის გადამიღეჭავს ბილეთი,
 და აღარ ვიცი, ჩალა ვლეჭე თუ ცოდნა –
 რაკი დიდეთი, მე რომ მეგონა, ისეთი
 სულ არ გამოდგა, ან თუ გამოდგა – ოდნავ.

წატეხილია ყველა მოკლე და ცრუფეხი,
როცა ცხადია – ზოგ დიდსაც სული მისდის –
ფიცი გატეხოს – საშინელი და უტეხი,
თუკი გატეხა უკეთესია მისთვის;

ზოგი დიდია – განა დიდივით განიცდის –
პატარასავით მიაქვს პატარა გულთან –
თუ მოეწონა და ვერ იგულა თავისთვის,
რაც მოეწონა ანუ თავისთვის უნდა;

ზოგს შეუძლია – ბითუმად ანდა საცალოდ –
ძმაცაცი რაა – სამშობლო, როგორც ჩუსტი,
გაყიდოს ანდა სხვა სამშობლოზე გაცვალოს,
თუ გამოადგა სხვა სამშობლოზე სუსტი;

ზოგი გაიდებს ვინმე ხათრიანს ხიდივით,
ზოგი შეიბჯენს, როგორც ჯოხსა თუ ჭიგოს...
ზოგი დიდია – როდი იქცევა დიდივით –
მოგეჩვენება, ზოგი პატარა იყოს.

და თუ ასეთი მოჩვენებები მოხვავდა,
რალად გაცუდდეს ან ეს საცდური მსუყე –
რად არ მეტკინოს ლოყა, მეორე ლოყა და
ერთადერთ გულზე არაფერს ვამბობ უკვე...

ღორი ის არის, მარგალიტივითაც გამოძღეს –
არც დაუყარო – სადმე გამოთხრის ღორი...
მესმის, მამაო – ყოფა არ ჰქვია სამოთხეს –
ყოფა, ჰა და ჰა, იყოს სამოთხის ჰოლი.

თანაც, მონადენს თუკი ვენდობით ოხშივარს,
რომელიც არის, ყველაზე ცოტა, მყრალი –
უეჭველია, აქვე – სამოთხის ჰოლშივე –
ანტისამოთხის – არის მეორე კარი.

და ვიდრე აქეთ გამოსაცდელი იცდება,
იმ ორ კარს უკან ორი იღბალი იცდის –
რათა ერთისთვის ერთი გამოდგეს მისწრება,
ხოლო მეორე – ზედგამოჭრილი სხვისთვის...

და თუ ხანდახან ხარობს ავსულის გილდია,
თუკი ხეირის დახლი დაუდგამს ბოროტს –

მესმის, მამაო – წუთივით დროებითია,
და გაიხარებს, ვინც გაიხარებს ბოლოს, –

როცა კოცონზე შემოგვანყობენ ქოთნებად,
დაფაცურდება გულთამხილავი ციცხვი, –
შავგულიანი შავსულეთს მიეკუთვნება,
ნათელქვეყანას – გულნათელია ვინც კი;

კუპრით გაძლება მანამდე სისხლის მწოველი,
აიმწვერვალებს, ხრამში ვინც გადაყრილა...
და გასწორდება უსწორმასწორო ყოველი,
როცა ყოველი დადგება თავდაყირა, –

რომ იმკებოდეს სიკეთისაგან სიკეთე,
რომ სამართალი ქვამარილს აღარ ხრავდეს...
მედგას დროება: სული ვიყო და ვილხენდე –
სალხინებლიდან – უსასრულობის ზღვრამდე!..

ხოლო მავანი, აქეთ ავსულის მესავი,
იქით ავსულის ნაშიერებმა კვნიტონ... –
როცა შეეძლო, ცხონებულებო – ჩემსავით –
ოღონდ ნანყმედა არ აერჩია თვითონ!

III

ამ სტრიქონების ოქრომჭედლის თუ მლამბავის –
ან სულ ერთია – განაფულის თუ ხამის –
გასრულებულა სიცოცხლის მთელი ამბავიც,
როგორც ბავშვობა, ანდა სიზმარი ღამის.

რომ იფიქრებდი – ბედის ბორბალი დამდგარა
არ დადგებოდა, იგუგუნებდა „ჰოპლას“ –
ისე დამდგარა, იმის კვალდაკვალ დამდგარა
ყოფნის არყოფნა ანუ არყოფნის ყოფნაც.

ოღონდ კადრები თუკი არ შემოგთავაზეთ
ამა ქვეყნიდან – ზენა არის თუ ქვენა,
საერთოდ ენაც არ მომიბრუნდა ამაზე –
საერთოდ კიდევ თუ მომიბრუნდა ენა –

იქნებ, როგორმე ეს შეცოდებაც შემინდოთ; –
მაინც ვენდობით საყოველთაო სახადს –
ერთი დრო მოვა და როცა მოვა თქვენი დროც –
მოხვალთ და ნახავთ, თუკი რაიმეს ნახავთ;

მით უფრო, თქვენთან რაღა ხელი მაქვს, აბა, მე;
და უფრო მეტსაც გეტყოდით პირში მთქმელი –
თქვენთან, თქვენი ცის როცა მეხურა საბანი,
მგონი, მაშინაც არა მქონია ხელი...

აკი წარსულმაც – კიდობნიანმა პანდორამ –
უკვე მიიპყრო ზურგი, საჯდომი, კეფა, –
აქ რას მარგებდა – იქითობისას მარგო რა –
ან მაშიმშილა, ან ცრუიმედით მკვება...

მგონია, კიდეც გადაურა ბალახმა,
ვინ იცის, უკვე ჭიალუები ჭამენ...
რაც იყო, იყო – თუ რამე იყო გადაღმა –
ან თუ იქნება – აქ თუ იქნება რამე.

იქნებ, ამიტომ – წამოვშოტილვარ დამჯერად,
იქნებ, უხმოდაც – ამოვიძახი მალ-მალ:
ვისი ჯერია – ვინ მომატყუებს ამჯერად –
მამა... მამაო... მამა... მამაო... მამა...

აღე

შენს თავს ახტები ყოველდამით, როცა იძინებ.
შენს თავს ახტები ყოველ დილით/ყოველ შუადლით –
როცა ჰა და ჰა მიწრეტილი სიზმრის სიმნირეს
ვერაფერს მატებს სინამდვილის ყუის ყუათი.

შენს თავს ახტები, როცა რისკავ, შეეპასუხო –
კაკუნი თუა ან – ფიჭური ვიბროგანგაში;
როცა კერპივით გატიკნილ და მშიერ „ფეისბუქს“
მჭლე ზვარაკს ტენი რომელიმე ვინრო ხახაში.

შენს თავს ახტები, როცა სტრიქონს მიაჯახირებ –
კენკავ ზედაპირს გატკეცილი ელექტროფურცლის;
მით უფრო – როცა მისჩანჩალებ სოფლის ნახირებს
და მოძმე პირუტყვს რამდენიმე სიტყვასაც უცვლი;

როცა გადაკვეთ იმ ცისა და მიწის ნაკვეთებს,
სადაც თესავენ ქარს და მერე მკიან ქარიშხალს;

ან როცა ამცნობ მეკართანე-მინიმარკეტელს –
ლარი და ოცი ზედმეტი რომ გიანგარიშა;

როცა სიჩუმეს პულტიანი ხელი აფუჭებს
და თვალი ასდევს-ველარასდევს ახსნილ აღვირებს;
ან როცა ზემო მეზობელი თხილის ნაჭუჭებს
შენი ფანჯრის წინ ახვავებს და არც კი აგინებ;

თუ მიაცილებ, ვისაც წერამ შემოუბალთა
ტანზე სიცოცხლის არტახები ანდა რახტები
(ჰო, თორემ გამო ქორწილთა და იუბილეთა,
კარგა ხანია, საკუთარ თავს აღარ ახტები)...

იქნებ, ხანდახან ჰოროსკოპის ცალფერ ბადეში
არასახტომი დღეც გამოჩნდეს, როგორც ორი გზა –
გადააბიჯო საკუთარ თავს ზრდილი ბოდიშით
ან ცდა უიღბლო განიცადოს ლაჯებშორისმა.

მაგრამ სულ მალე კამარების ნაკრები მარჯვე
თავიქითეთის გადასავალს თავიდან შეგრთავს...
ბოლოს გამოვა – ერთი-ორჯერ ან იქნებ, სამჯერ
მაინც ყოველდღე, საშუალოდ, ახტები შენს თავს.

ვინ იცის, ვფიქრობ: შეგჩენია ალე-მანია,
სტომაქუძირო – ივსება და ველარ ივსება, –
რაკი მგონია, რომ ნახტომიც არ გინანია,
რომ არ იღლები, და საერთოდ, გეხალისება. –

მაშინ, როდესაც ამის მეტი არ არის ჩარა –
სწორედ იმიტომ, რომ დაღლილმა ვერ შეიკავე
და რომ სიცოცხლის (გზა სადღაა, მით უფრო – შარა)
ყველა ბილიკზე გამოტილხარ შენ – შენი თავი;

კიდევ იმიტომ, რომ მომდგარი მრავალი წლის წინ
თავს ანუ დიდი გასაყარის ბილინგვა-აბრას
აქეთ-იქიდან ჩავლებული ხელებით ციმციმ
გადმოგახტუნეს პირველად და ყველაზე მაგრად;

ხოლო მას შემდეგ აღარ დადგა შენი ხვალ თუ ზეგ,
და ისე მაგრად გადახტომა ველარ გარისკე,
თუნდაც ოთახში, რომელიმე მაღალ სართულზე,
დავუშვათ, ღია ფანჯარასთან, ღია ფანჯრისკენ.

ასე იცინა

დაგლის ტანის დივანზე და ლოყის მკლავზე შემოდება,
გარეთ გახვალ, ნახავ, შენი შემოდგომა გელოდება –

ისევ ისე ფერყვითელი, სუნსველი და გემომწიფე,
ფეხქვეშ ისევ დაძინილი ნოხის ნაფლეთს შემოგიფენს –

ნიავექარში სადარბაზოს ღია კარში შემოხვეტილს,
და გგონია, გარეთ იყავ – სახლში ახლა შემოხვედი –

სადაც შენი სული ფხიზლობს ან ფხიზელი ძილით სძინავს,
შემოსულხარ რაკი შარშან, იმის წინ და წინის წინაც,

შენი დარდის ეკალ-ბარდით, შენი ომით, შენი ნდომით,
და ამანაც შეგიფარა, თანაც – მთელი შემოდგომით...

გული აგიჩუყდება და მოგივა და შეგიხტება –
ასე იცის შემოდგომამ – შეგიჩვევს და შენი ხდება.

მაგრამ განა მარტო მაგან – ყინვის ეტლით ნასერი ცის
ზამთარმა და გაზაფხულმა და ზაფხულმაც ასე იცის.

ასე იცის ამ ქვეყანამ, სათნოა თუ მურდალია,
თავის პანოს, ხვატით დამწვარს თუ ყინულის სუდარიანს,

პროზის მსუყე საფლობებს თუ პოეზიის მიმქრალ ტონებს
შეგაჩვევს და შეგიჩვევს და მერე უცებ მიგატოვებს.

ბამოცხადება

თითქოს სულაც არ არსებობდე,
ამდენ ფოთოლს ქარი ბერტყავდეს,
ამდენ თმას – წლები,
ტაძრის შენება ტაძრობანას თამაში იყოს,
იქ სიარული – შესვენება
მობეზრებულ ცოდვათა შორის...

მაგრამ მე გიცნობ.

მე დავინახე მინისძვრისას
სხვების თვალებში და ჩემს გულში.

მე დავინახე, როგორი ხარ:
დიადი და ძღვევამოსილი –
როგორც ხავსი,
სასონარკვეთის მდინარეში
უკაცური და უდაბური ნაპირიდან
ჩაკიდებული.

პითომშანსონი

თუნდაც ცოტა მუქი ცა,
მინაც – ერთი მოკეცვა –
მუქთად როცა მოგეცა –
იცი – შანსი მოგეცა.
ძირს ნარი და ხავსია,
მაღლაც რაღაც მსგავსია –
ლამის ყველა შარზეა –
მაგრამ მაინც შანსია!

ამიტომაც – იტყვი, არა უშავსო,
გულში თუნდაც ურჯუკო და უხამსო –
რაკი გემცნო – ლეგიონთა ლეგიონს
გულისნაცვალს ყოფნის ნატვრა უჭამსო –
ვერ დაუძვრა ვინც მეზაჟე-გუშავსო –
ვერც აქამდე, აღარც პირი უჩანსო,
და დარდიან დაუბადებლობაში
ჩარჩენილა უსასოდ და უშანსოდ.

თუნდაც ცოტა მუქი ცა,
მინაც – ერთი მოკეცვა –
მუქთად როცა მოგეცა –
იცი – შანსი მოგეცა. –
რომ აკლიხარ ნავსიან
უშანსოთა შავ სიას –
უკვე ეგეც შანსია!
თუმცა მაინც შანსია...

ის მითხარი: უქონელს და ოხერსა,
 შენც არყოფნის არაფერი რომ გეცვა,
 და უეცრად უკვდავების ფართლიდან
 მოგიზომეს ყოფნა – ერთი მოკვეცა,
 მოაყოლეს თხელი – არა ორკეცა –
 ცა და მიწა, ეზო-კარი-ლობეცა –
 ანუ მაშინ, როცა შანსი მოგეცა,
 ის თუ იცი – რისი შანსი მოგეცა?

თუნდაც ცოტა მუქი ცა,
 მიწაც – ერთი მოკვეცვა –
 მუქთად როცა მოგეცა,
 მხოლოდ შანსი მოგეცა –
 არც ავსულის თავში ქვას,
 არც მომტვრევას ხელების –
 შანსი ნიშნავს: შანსი გაქვს
 შანსის გამოყენების.

მაგრამ კი არ დაუკარგავ ავში კარგს
 სააქაოს გველეშაპის შავ შიგანს, –
 შანსი რომ გაქვს და იცი, რომ შანსი გაქვს –
 აღიარებ – უფრო მეტი შანსი გაქვს.
 და ვინ იცის, მაგ ლაზერის მფლობელსა
 უბედობის ბოლო ბუდეც მოგენვა –
 მიგელწია, რისი შანსიც მოგეცა –
 რომ იცოდე, რისი შანსი მოგეცა.

თუნდაც ცოტა მუქი ცა,
 მიწაც – ერთი მოკვეცვა –
 მუქთად როცა მოგეცა,
 აკი შანსი მოგეცა. –
 მაშ, გაიძრობ ხან სიქას,
 ხან გაიცლი არაქათს –
 მაგრამ, რისი შანსი გაქვს,
 მიხვდე, შანსი არა გაქვს.

თუნდაც ცოტა მუქი ცა...
 მიწაც – ერთი მოკვეცვა,
 როცა მუქთად მოგეცა –

.....

ზობი ღამის ღოცვა

ლოდივით ღამე ჩამონოლილა.
ჩამოგვიარე, ღმერთო,
ყველას გვეყავი და გაგვწვდი.

ძილდაკარგულს ძილი უპოვე, ღმერთო,
დაამშვიდე და მიაძინე.
ბოროტი გული შეხსენი,
ბოროტება ამოსწმინდე და მოასვენე.
კეთილი გულის სიზმარი ნახე,
ბოროტება ამოსწმინდე და მოასვენე.

ღამეა. ღამე.
მოურჩენელი ძილში წაიყვანე, ღმერთო,
შენთან წაიყვანე, ან სადაც მიგყავს.
მოხუცს დედა მოანატრე და ეჩურჩულე,
რომ სიკვდილი ცუდი არ არის,
რომ სიკვდილში დედასა ნახავს.
ჭირისუფალს მიცვალებული დაასიზმრე,
ეუბნებოდეს, მე კარგად ვარო, შენ არ იდარდო.

ღამეა. ღამე.
გზაში მომკვდარი მოგზაური
ცოცხალ მოგზაურს აპოვნინე, ღმერთო,
ნადირს არ დაუტოვო.
ღამის ყაჩაღი
თავის ბილიკზე
უპატრონო განძს გადაჰყარე.
ვინც ბოლმითა სვამს, ისე დაათვრე,
იარაღი ვეღარ ასწიოს.

ღამეა. ღამე.
მინას მტკივან მუცელზე ხელი გადაუსვი,
ღამეა, ღმერთო, ახლა არ ეძრას.
ჭექა-ქუხილს ხმა ჩაუნე,
ალალ-მართალი ბავშვები არ წამოაფეთოს.
უჭეროდ მიძინებულისგან ღრუბელი წაიღე,
ჭერს თუ არ მიუტან,
უჭეროდ მიძინებულს არ დაანვიმო...

ღამეა – სიტყვას რომ გაგიგრძელებს.
ძალას რომ გართმევს იმედისას და მკრეხელობისას.
მართლა ლოდევით ჩამონოლილა,
თორემ განა შეგანუხებდი.

ასეთი ღამით უშენობა ძნელია, ღმერთო.

ღმერთო,
ამაღამ იყავი.

ლოცვა

ან ამდენ ხანს როგორ დამიფარე.
მე ხომ რაღაც შემიცვალეს –
ბილეთი ან ათასწლეული.

ან ამდენ ხანს როგორ დამიფარე.
მე ხომ რაღაც არ გამომატანეს –
რაღაც მომპარეს უსულგულო მეზაყუებმა,
ბარგი როცა ამოაქოთეს –
უკან აღარ ჩააბრუნეს
რაღაც ძალიან, ძალიან საჭირო.


ან ამდენ ხანს როგორ დამიფარე.
მე ხომ რაღაც მომატყუეს
იმათ, ვისაც პირველად ვენდე;
თან ისე მარჯვედ,
რომ ახლაც მჯერა.

ამდენ ხანს როდის დაგიფარავს
ქერი – დოლაბქვეშ,
მარილი – წყალში,
თევზი – ტაფაზე.

ან ამდენ ხანს როგორ დამიფარე.

თუნდაც ასე.

ყოვლადძლიერო.



გიზო თაყაიძე

ადრე ბაზაფხულის დილა

წამოიკიდა ქარმა ნისლი და
მთის მწვერვალებზე ფარდად გაჰკიდა,
ვიდრე ცა უბეს გადაიხსნიდა,
მზე გამოობრძანდა თავის ბაკნიდან.
მზე გამოობრძანდა თავის ბაკნიდან.
(გაცისკროვანდა თავად ბაკანი),
განახვანა სხივთა დიდი ბანკი და
გადამკრა სხივი – იატაგანი.
ყინვამ გახეხა ხეთა საყელო
და სანამ კვირტებს დააობლებდა,
გადმოაფინა ცამ ცისარტყელა
და გააგრძელა დავა ორბებთან...
წამოიკიდა ქარმა ნისლი და
მთის მწვერვალებზე ფარდად გაჰკიდა,
ვიდრე ცა უბეს გადაიხსნიდა,
მზე გამოობრძანდა თავის ბაკნიდან.

აპრილის დილა

შემომათენდა აპრილის ღამე,
ციცრის ფერით და ჭორფლით,
მზეს მოუჩანდა საყელო ხამი,
სერებს ჩრდილავდა ორბი...
ჩამოელვენტა სტრიქონი, ატმის
ნაპერწკლებიან კვირტებს,

ჟამი მოგაკლდა ორიოდ ადლი
 და უძილობა გიტევს...
 წამოგელანდა ბევრჯერ წარსული,
 ცას რომ ცრემლებად წასკდა...
 რომ გიჩემებდა თეთრი ასული
 სათავისოდ და... ბასტა!..
 ღვინისფერია ის სარეცელი,
 სადაც იძინე მთვრალმა,
 მერე იქ ძილი როგორ შეძელი,
 ჰაუ, პატარა ქალმა!..
 რამდენჯერ უნდა გაგიაპრილდეს,
 ავდარიც იქვე სახლობს,
 აწი რა უნდა გაგიადვილდეს,
 იქით წასულებს ნაღვლობ...
 გამოშუშდება ყველა ტკივილი
 უფლის კარებთან, როცა
 მუხლზე დადგები, თეთრი გვირილით,
 სასოებად და ლოცვად...
 შემომათენდა აპრილის ღამე,
 ციცრის ფერით და ჭორფლით,
 მზეს მოუჩანდა საყელო ხამი,
 სერებს ჩრდილავდა ორბი.

ის სახლი

სხვა ხალხის ისმის აქ ჟრიამული...

გალაკტიონი

როგორ მიყვარდა იმ სახლში შეველა,
 ბაბუის ყანწით ფუძის დალოცვა,
 ცას გაკანწავდა როდესაც ელვა,
 ფიფქს ჩამოყრიდა მღვრიე ცა როცა;
 როცა ბუხარი ყვებოდა ამბავს
 და სველი კუნძი ტიროდა ცრემლით...
 როს ფიცხი ციცქა ჯებირს და დამბას
 გაგლეჯდა, როგორც ეკალ-ბარდს ცელი...
 და დეკემბერის უძღები ღამე,
 გვეჩვენებოდა მოკლე და თბილი...
 ნუცა ბებიას: – იმღერეთ რამე!
 მისი „სულიკო“, თაფლივით ტკბილი...

მერე გაფრინდა ცაში ნუციკო,
 თან გაიყოლა „იმ დროის“ ეშხი,
 ჟამი მიქროდა, როგორც ქურციკი
 და ვაკვდებოდით ერთმანეთს ხელში...
 იმ სახლში ახლა მღერიან სხვები,
 საკვამურს ნისლავს რძისფერი კვამლი...
 დაბერებულან ეზოში მსხლელები
 და ენატრებათ ყივილი მამლის...
 P.S. არად აგდებდა მდინარის ლელვას,
 მონყენით იდგა ჭიშკარი, კვირას...
 როგორ მიყვარდა იმ სახლში შევლა,
 თეთრ ქვებთან ახლოს, რიონის პირას...

დამშვიდობება

რომ მოვა მატარებელი,
 რომ მოაკივლებს ბაქანს,
 წერილის დამტარებელმა,
 ერთი მითხარი, რა ქნას?!
 ჩამოიღია ცის ნამი,
 შხაპაშხუპა და თქორი...
 წერილს ის ერთი გიგზავნის,
 იმან დაგადო ტორი...
 გეყო, რაც იალ-კიალე,
 რაც მოხანი და თესე,
 ნა, ტაძრისაკენ იარე,
 უფლის ვირები მწყემსე!..
 მახსოვს, იმ ფერდობს თიბავდი,
 იმ მთაზე გედგა ძნაო,
 ჰა, მოდგა შენი თიბათვე,
 გული არ დაგწყდეს, ძმაო!
 არ გეყო? ვის მორჩენია!..
 თეთრი სიბერეც გშვენის...
 რაც გერგო, იგი შენია,
 მხოლოდ და მხოლოდ შენი!..
 როცა შვილები იტყვიან,
 შენი სათქმელიც ითქმის...
 სიტყვები შენკენ ილტვიან
 და ცოცხალი ხარ, თითქმის...
 თიხასთან დაძმობილდება,
 შენი ძვალი და ხორცი,

„უფრო და უფრო ბინდდება“,
 ნუთისოფელი მორცხვი...
 ორჯერაც მეტი ებოძათ,
 არ გეყოფოდა მაინც,
 რაც უნდა ბევრი გეკოცნა,
 აგრე გიყვარდა რაიც...
 ვერ აგივსებდა საჭურჭლეს:
 სიტკბო, სიმდიდრე, ფული,
 შეირგე, რაიც გაჩუქეს,
 ხარბია კაცის გული!
 რომ მოვა მატარებელი,
 რომ მოაკივლებს ბაქანს,
 ნერილის დამტარებელმა,
 მითხარი, მაშინ რა ქნას!
 ყელზე მოგეჭდოს ხვიარად,
 ცრემლი გადინოს მწველი?!
 ამსოფლად ქრისტემ იარა,
 ოცდაცამეტი წელი!..
 რომ ესურვილა დარჩენა,
 ამაღლებოდა ცაში?!
 იქ, სულის გადასარჩენად,
 მზად უნდა გყავდეს რაში...
 როცა მიგიხმობს მაცდურად
 და მოადგება ბაქანს,
 დაემშვიდობე კაცურად,
 სიცოცხლეს, – ლამაზ დაქალს...

პითარცა ერთი დღე

ჟამმა ურარტუს მთები დანისლა,
 კიდობანი და ნოე მღერიან...
 გაზაფხულს ელი, — გამომაისდა,
 მოიხედავ და ნოემბერია...
 ათასი წელი, ვითარც ერთი დღე,
 თვალწინ მარაოდ გადამეშალა...
 აი, ზაფხული, მოდგა შენი თვე
 და გავიხაროთ, ვიდრე მზე ჩავა!..
 რატომ მოვედი ან სად მივდივარ,
 შენით ცდუნება, დიდზე დიდია...
 თუ ამ სანუთროს ფეხზე ვკიდივარ,
 მეც არანაკლებ, ფეხზე მკიდია!..

ბაზაფხული და გომბობი

თქვენ გგონიათ, გაზაფხული იას მოჰყავს,
 ანდა ტყემლის ქარაფშუტა ყვავილებს?
 ო, როგორ ვგრძნობ სურნელებას შენი ლოყის
 და ყურს ვუგდებ სააპრილო ბლავილებს...
 თქვენ გგონიათ, გაზაფხული ატმის ცეცხლით,
 ანდა მერცხლის ფრთებით შემოფრინდება?
 ო, როგორ ვგრძნობ სიცხოველეს შაშვის კვერცხის
 და ყურს ვუგდებ წლების შემობინდებას...
 მალე მთები ნისლის ოფლით მოირწყება,
 მზე შეღებავს მწვანედ ოკრობოკროებს,
 ჩითის კაბა მოფრიალებს, მოირწევა,
 გაზაფხული ჩვენში მოჰყავთ გოგოებს.

თვალს რომ ბაბხელ...

შენს ძილს ვდარაჯობ, უთოფოდ და უიარალოდ,
 ვერავინ მიცნობს მაგ ქუჩაზე, გარდა თქვენების
 და ვარსკვლავები გადადიან ცაზე მალაყებს,
 მონმენი მრუმე ლამეების გადათენების...
 შენ ამ დროს ფშვინავ ნებიერად, თოთო ბავშვივით,
 თავსთუმლად გიდევეს უძინარი ჩემი ლექსები
 და მორღვეული ღამის ბინდი გზებზე გაშლილი,
 თვალს რომ გაახელ, დაიკემსება...

მე თქვენი!..

სალამი ზონზროხა ბიძიებს, –
 საქმოსნებს და ცბიერ თაღლითებს,
 კეთილნი გვერდზე რომ მისწიეს,
 და ქვეყანა რომ გაღლიტეს...
 სალამი უფორმო ღიპოსნებს, –
 მათ აღზრდას, ჩაცმას თუ საქციელს,
 ხალხი რომ დააჰიპნოზეს,
 ქვეყანა ბაზრად რომ აქციეს...
 სალამი უჯიშო მედროვეთ, –
 შავ ჯიპებს და ფერად ჰალსტუხებს...

ჩვენ, ვინაც სამშობლოს ვერ ვტოვებთ,
 დიდად არ მოვწონვართ ამ „ტრუხებს“...
 სალამი პიტალო მარქსისტებს, –
 უდღეურ ლენინის გოშიებს,
 რომლებმაც გააკრეს ჯვარს ქრისტე,
 მატყუარებს და როშიებს...
 სალამი ბოზებს და ჩათლახებს, –
 სამშობლოს სახელით მოვაჭრეთ,
 დღემდე რომ გვიჭერენ არტახებს,
 ბევრჯერ რომ მარჯვენაც მოგვაჭრეს!..
 სალამი, ჰო, ბევრი სალამი,
 მე თქვენი!.. დაისს თუ ალიონს...
 მანანდე არ დაჯდეთ, სანამ მე
 მაქ დავჯდე და თქვენთან დავლიო!..

მეთორმეტე

გახსოვთ, თორმეტი მოციქული,
 აქეთ და იქით სოფელი...
 ყველა ზრდასრული, მონიფული,
 მრწმენი და უარმყოფელი...
 გახსოვთ, მეთორმეტე, თორმეტიდან,
 თითქოს უზაკველი, მორცხვი და
 უფალს რომ მიეჭრა ორ მეტრიდან
 და უმონყალოდ კოცნიდა...
 გახსოვთ, ოცდაათი ვეცხლის ფული
 საუკუნეებს რომ ჰგებოდა...
 რასაც ვერ მოითმენს მერცხლის გული,
 როგორ მოითმინა იესომ!..
 როგორ იმარტვილა გოლგოთაზე,
 სად ხალხი გადატყუებდა...
 ყველა მეთორმეტე, ბოლო ხმაზე,
 ბლაოდა: – იუდა, იუდა!..
 თორმეტზე გაყავით დედამიწის
 მილიარდები და... კი უნდა
 ცოდნა, რომელიც დედამ იცის,
 შვილებში რომელია იუდა...
 ყოველი მეთორმეტე მოლაღატე,
 უცხვირპირო და უთვალო,
 უკვდავო, ზეცით მოგვანათე,
 შენ შეგვენიე, უფალო!..

მე მბპბი

რკინის ჯვრებზე გაყიდულმა თავადაზნაურობამ, იმპერატორის
საამებლად, მაიკო ორბელიანის უმანკოება გაიმეტა...

შენ გახდი მსხვერპლი იმპერატორის,
უჟმური ღამის იქმენ ტარიგი,
არვინ გამოჩნდა იქვე პატრონი,
ასე ინება ბედის გამრიგემ...
როგორ ელოდი, ალბათ, შენიანს,
ვინც არ ჩაკბეჩდა გარგარს ვირივით,
რომ აეკუნა დადეშქელიანს
რუსთა ხელმწიფე გაგარინივით...
ევახ, სად იყო თეთრი მხედარი,
ორლესულ ხმალზე ხელის დამდები
და ჩაესვენა ჩვენი მზე, დარი,
დედა ვატირე იმ თავადების!..
მე შენზე დარდით ღამე ვათიე,
ორბელიანის ქალო, მაიკო,
მე მაპატიე, მე მაპატიე,
მე მაპატიე, ჩემო დაიკო!..

აუხდენელი სურვილი

მოისურვილე უეცრად ვაშლი,
ვით იანვარში ბებომ – ატამი,
ვერ მოგართვი და დაგირჩი ვალში,
უნიათო და ბრიყვი ადამი...
ბევრჯერ მოგვიხდა ღამეთა თევა,
ბევრჯერ ვცოდე და რატომ მაქე მე,
ვაშლი რა იყო, ერთგულო ევა,
არ ვიცოდი და, მაინც მაგემე...
მე რომ მესურვა... არ გავთქვა მიჯობს,
თუმც ყვავილები, იქ ჩვენაც დავრგეთ,
სამოთხის კარი რომ დარჩა ღრიჭოდ,
მე ვინ დამნიშნავს იმ ბალში გამგედ...
ვერ აუხსნიათ, რა იშვა ადრე,
თეთრი კვერცხი თუ ჟრუნი ქათამი,
რა სამოთხეში?! უფრო მეტს გკადრებთ,
არ შეიშვება სახლში ადამი.



იზა ოსაფაიშვილი

ბაილიმეთ, დროებითია ყველაფერი

ადამიანს სევდა და ნაღველი სიცოცხლეს უმოკლებს, ღიმილი და ხალისი კი სიცოცხლეს უხანგრძლივებს. დრო სწრაფად მიფრინავს, წლები გვემატება ასაკის მატებასთან, თანდათან ჩვენი სილამაზე, მშვენიერება და მომხიბლელობა წარსულში რჩება. ჭაღარა, გაცვენილი თმები, გამეჩხრებული წარბები და წამწამები, დანაოჭებული სახის ნაკვეთები, ხელოვნური კბილები, ბეცის სათვალეები, მუხლებში გამოცლილი ძალა, ხელ-ჯოხი, ქუჩაში ზებრაზე გადასვლისას უცნობის დახმარება და თუ ყველაფერ ამას სკლეროზიც დაერთო, საკუთარ სახლსაც ვეღარ მივაგნებთ. ამ გარდაუვალი პრობლემების წინაშე დგას ყოველი ჩვენგანი, ყოველი მოკვდავი, რამდენი წლისაც არ უნდა იყოს იგი, თუ, რა თქმა უნდა, ნაადრევად თვითმკვლევლობით არ დაასრულა საკუთარი სიცოცხლე, რასაც უდიდეს ცოდვად ჩაიტანს სამარეში, თუმცა, უცოდველი ადამიანი ჯერ, ამქვეყნად არ დაბადებულა. ამიტომაც ყველა ახალშობილი წინასწარ დასტირის თავის გაჩენას, რადგანაც ადამისა და ევას ცოდვის შვილები ვართ. ვიცი, მკითხველო, გეჩქარება, თუ რისი თქმა უნდოდა ამ პატარა მოთხრობის ავტორს. ახლავე მოგახსენებთ: გჯეროდეთ, ღიმილი ერთადერთი უებარი წამალია ადამიანისთვის. ვინც ღიმილის ფასი არ იცის, ის ვერასოდეს გაიგებს, თუ რამხელა ძალა აქვს გულწრფელი ღიმილით მისაღმებას, მილოცვას. მინდა, მაგალითად, საკუთარი თავი მოვიყვანო, რათა მომბაძონ ზოგიერთმა სულიერად ზნედაცემულმა და ტვინით დაჩლუნგებულმა, ქარის მოტანილი ბუმბულივით მოფარფატე ადამიანებმა, რომლებიც შენ გიცქერის, მაგრამ გონებით სადღაც დაფრინავს, მე ასე მიმაჩნია, მათი პიროვნული გონება შერყეულია ან შემთხვევით გამდიდრებული და სრულყოფილად ამოვარდნილია თავისი კალაპოტიდან. ამიტომ მირჩევნია, ასეთი ადამიანებისგან შორს დავიჭირო თავი, რათა მათთან სიახლოვეთ, შესაძლებელია, მორალური ზარალიც მივიღო. ვიფიქრე, ვიფიქრე და ბევრი რომ არ გავაგრძელო, მინდა, კარგად დამაკვირდეს ნაცნობი თუ უცნობი ადამიანები და ისწავლონ ჩემგან კეთილი ღიმილი, სალამი და მოფერება. ათასჯერ გავიმეორებ, მედიდურნო, უფიცნო და ამპარტავანო, თუ არ იღიმებით და სალამის თქმას თავს არიდებთ, მაშინ თქვენ მთელი დედამიწის ზურგზე ყველაზე ჩამორჩენილ ადამიანად ითვლებით, აგრეთვე, საცოდავად და სასაცილოდ გამოიყურებით. გახსოვდეთ, ყველაფერი დროებითია ამ წუთისოფელში. გაუღიმეთ ყველას, ეს იქნება ახლობელი, მეზობელი, მშობელი, ბებია, ბაბუა, შვილი, შვილიშვილი, მოყვარე, ინკასატორი, ბანკირი, ბიზნესმენი, გამყიდველი, მწერალი, პოეტი, სტუმარი, მასპინძელი, თამადა, შუამავალი, ადვოკატი, პოლიციელი, საქმოსანი, სამთავრობო მოხელე,

ექიმი, პედაგოგი, მძღოლი, მეუღლე, დამლაგებელი, აფთიაქარი, ოქრომჭედელი, თერძი, ქალაქის მერი, გიდი, თუ სახელმწიფოს პრეზიდენტი. რაოდენ გასაკვირიც არ უნდა იყოს მკითხველისათვის, ჩემი დილა ასე იწყება: დილით ადრე ვდგები, საძინებელში კარგა მოზრდილ სარკეში ჩავიხედავ და საკუთარ თავს ღიმილით ვესალმები, შემდეგ ხელ-პირს ვიბან, მოკლე ლოცვას აღვავლენ, „მამაო ჩვენოს“ ტექსტით. შემდეგ ქრონიკული დაავადების გამო, მივიღებ საჭირო მედიკამენტებს, მსუბუქად ვისაუზმებ და დღის ბოლომდე შინ თუ გარეთ ვხვდები სხვადასხვა საქმეებით დაკავებულ ადამიანებს. ჩემი მათთან შეხვედრა ყოველთვის ღიმილით იწყება.

ეი, შენ, კისერგაშეშებული, რეზინის ლეჭვით გვერდი რომ ჩამიარე ბრიყვი გამომეტყველებით, ნუთუ ვერ ხვდები, დროებითა ყველაფერი; ჩემო ჩამორჩენილო და დაკარგულო, თუ სიყვარულის დეფიციტს განიცდი, მაშ, ვინა ხარ შენ? რა გიხარია? მე შენზე ძლიერი ვარ! რითი? სიძულვილს ვერ ვგრძნობ ჭკუათმყოფელი ადამიანებისგან და თუ ვინმეს ვეჯავრები, ის ავადაა, მას ჩემი უშურველი ღიმილი მოარჩენს, მერე ისიც მალე შემიყვარებს, ბოლმას გველის შხამივით ქვაზე დაანთხევს, საღებ რეზინას გადააგდებს და ლამაზი ღიმილით მომესალმება. ღიმილთან ერთად მოქმედებითი რიტუალებიც უნდა ჩაატარო, მაგალითად: ხედავ, ბავშვი ნაიქცა, ტირილი მორთო, მიდი, მიეშველე, გაუღიმე და ტკივილი გაუვლის. ვილაცას შია, თუ ეკონომიურად ვერ ეხმარები, გაუღიმე, მას გულზე მოეშვება და დამპურებლის მოლოდინით დანაყრდება. შენს მეგობარს ექიმმა განუკურნებელი დიაგნოზი დაუსვა, მიდი მასთან, გაუღიმე და ხელები ისე მაგრად მოჭხვიე, მთელს სხეულში იმედის ჟრუანტელმა დაუაროს. მტერი შეგხვდა? მასაც გაუღიმე, ის გაოგნდება და თავის თავს შეეკითხება, მე ხომ არ ვცდები? ალბათ, ვერ ვხვდები, როგორ მოვექცე კეთილ ადამიანებს, იქნებ გასაკიცხი ვარ?... რეგვენმა შეგაგინა? გაუღიმე და თვალეში ჩახედე, ის დაიბნევა, რადგან, შენ, მასზე ძლიერი მოეჩვენები. მეზობელს რაღაც შეეშალა, დაუფიქრებლად უსახური სიტყვები მოგახალა, მეორე დღეს კვლავ შეხვდით ერთმანეთს, შენ მიესალმე და გაუღიმე, ის ამის შემდეგ არასოდეს განწყენილებს, პირიქით, დაფიქრდება და მწარედ ინანებს. ქუჩაში მოხუცმა ქალმა ფეხი წამოიკრა და შიშისაგან ხელი ჩაგავლო, მიეშველე, გაუღიმე და ცოტა ხნით დაყოვნდი მასთან, გჯეროდეს ის აუცილებლად ლოცვით გაგაცილებს. თქვენ ჯილდო გადმოგცეს! მადლობას თუ ღიმილსაც დაურთავთ, ორმაგად გამარჯვებული გამოჩნდებით. იუბილარი ხართ! უამრავი სტუმარია დარბაზში 10, 100 თუ 1000 – ყველას გაუღიმეთ, რათა უფრო ბედნიერი განწყობა შეუქმნათ საზეიმო წვეულებას. თქვენი წიგნის პრეზენტაცია! თქვენ საპატიო ადგილზე ზიხართ, ყველამ ვერ მოახერხა პირადად თაიგულის თანხლებით, პირზე კოცნით მოელოცა, ზოგი კიდევ შორიდან ხელის აწევით მოგეფერათ, თქვენ ყველას გაუღიმეთ იმ დოზით, რომ თითოეულ ადამიანს მისწვდეს მაღლიერი ღიმილის სხივი. გჯეროდეთ, მალე მთელი დარბაზი ფეხზე დგომით, მქუხარე ტაშით დაგაჯილდოებთ. გაიღიმეთ, დროებითა ყველაფერი. შენს სახეზე თუ ღიმილს არ ვხედავ, როგორ გავიგო რომ ბედნიერი ხარ? იქნებ, მრუდე გზებით აიწყვე ცხოვრება და თვალეებს ვერ მისწორებ? იქნებ, ფულით იყიდე შენი კარიერა და დაკარგვის გეშინია? მაინც გაუღიმე ადამიანებს, რათა გადაფარო ის შავბნელი გზები, ასე მწარედ რომ გაგაბრუა და დაგიბინდა გონება. გაიხსენე დედა, რომელმაც თბილი ღიმილი მოგაგება, როცა ქვეყანას მოევილინე. გაიხსენე ის პირველი ბალის აღმზრდელი, ღიმილით რომ ჩავისვა კალთაში. გაიხსენე სკოლის პირველი მასწავლებელი, რომელმაც ღიმილით გადმოგცა და შეგაყვარა „დედა-ენა“. ასე რომ, გჯეროდეთ, ყველაფერი ღიმილით იწყება. ზრდასრულ ნორმალურ ადამიანს კულტურაზე და ეთიკაზე მითითება არ უნდა სჭირდებოდეს. ვისურვებდი ჩემი პატარა მოთხრობა წაეკითხა იმ შემთხვევით გამდიდრებულ ხეპრე მედიდურს რომელიც აგონიაშია ჩავარდნილი. ალბათ, წამსვე ამოიცნობდა თავის თავს. განა ამ ქვეყნიდან მსგავსი ადამიანები რაიმეს წაიღებენ? არც არავინ ითხოვს რისიმეს დატოვებას. თქვენი საჩუქარი ხალხისადმი დაუყვედრებე-

ლი სალამი და ღიმილია, გახსოვდეთ, თუ ღიმილს სიცოცხლეში უხვად აფრქვევთ, გარდაცვალების შემდეგ შენი სული ლალად იფრენს ზეციურ სამყაროში. არა, არა, უნდა მოგიტევეო, რადგან ვიცი, ეს ყველაფერი თავხედობით და უცოდინრობით გემართება. ძნელია, ისწავლო ნამდვილი კაცობა და ნამდვილი ქალობა. ღიმილი აუნონელი ოქროა, რასაც ძალდატანებით ოქროთიც ვერ იყიდი. გაიგე, დროებითია ყველაფერი, დროებითი! მე შენი სახლი არ მჭირდება, მე შენი მანქანა არ მჭირდება, მე შენი პრესტიჟი არ მაინტერესებს, მე შენი ფულები არ მჭირდება, მე შენი სილამაზე არ მშურს, მე შენი ცოლი არ მჭირდება, მე შენი ქმარი არ მჭირდება, მე შენი ცხოვრება არ მაინტერესებს, მე შენი კეთილი და თბილი ღიმილი მჭირდება. ღიმილი უნაგაროდ, უხვად, გულრწფელად უნდა დააფქვიო ნებისმიერი ადამიანის პირისპირ. ალბათ რაღაც დროში, ყოველ თქვენგანს პრობლემისა და სასო-ნარკვეთის მომენტი დაგდგომიათ, გამონაკლისი არც მე გახლავართ, მაგრამ ვეცდები, პირადი ემოციებით სხვებს თავი არ შევანყინო და თუ მაინცადამაინც – მიხდა, ჩემი გულისწუხილი მეგობარს ან ახლობელს გავუზიარო, ეს მაშინ, როცა უკვე გავუღიმიე და მყუდრო ადგილას ჩამოვჯექით. უპირველეს ყოვლისა, ღიმილიანი სალამი, შემდეგ კი – პრობლემების მოგვარება, თუ თემაზე საუბარი აუცილებლობას წარმოადგენს ორივე პიროვნებისათვის. მოგიტხრობთ საკვირველ და საინტერესო ღიმილზე. აი რა მიაბო 82 წლის მოხუცმა თავისი მამის მონაყოლიდან: 1937-ში დაბეზლების მსხვერპლნი დასახვრეტად გაგვამწესეს მოსკოვთან ახლოს, ქალაქ ბარინოვოში. დასახვრეტ ტრიბუნალზე 180 მსჯავრდებული გვარების მიხედვით ჩაგვამწკვრივეს, რაღაც 10 ნუთი იქნებოდა დარჩენილი ბრძანების გაცემამდე რომ უფროსმა ლეიტენანტმა გამოაცხადა: – ყურადღება! მთავრობის ბრძანებით უდანაშაულოთა სიაში მოხვდა 7 კაცი, გვარების გამოცხადების შემდეგ აღნიშნული პირები რამდენიმე ნაბიჯებით გამოვიდეს წინ. ყველამ თვალები დაეჭაჩეთ და სმენად გადავიქეციეთ, მოხდა საკვირველება, რიგით მესამე გამოცხადდა ჩემი სახელი და გვარი – ევტიხი შენგელია. ყურებს არ ვუჯერებდი, ჩემ გვერდით იდგა აზერბაიჯანელი, 29 წლის ვაჟკაცი, მან შეუდარებელი ღიმილით ამომხედა და კვლავ თავი დახარა. ვიდრე ცოცხალი ვარ, ის სახე და ღიმილი არასოდეს დამავიწყდება – დასახვრეტმა კაცმა ღიმილი მაჩუქა. იმის შემდეგ ძალიან შემიყვარდა აზერბაიჯანელი ხალხი. მე მათ დღესაც პატივს ვცემ. არ აქვს მნიშვნელობა, რა სჯულის და სადაური წარმომავლობის ხარ, მისი ღიმილი ჩემი გამარჯვების მიმანიშნებელი იყო. თუნდაც გავიხსენოთ კინოფილმ „ღიმილის ბიჭებიდან“ ასეთი ფრაგმენტი, როდესაც დაჭრილ თემურს ბოლოკა ტირილწარევი ხმის კანკალით, რადიოკავშირის „კაბელს“ ართმევს ხელიდან და თან ჰპირდება, მაგრამ იყავი თემო, მე მალე დავბრუნდებო, თემურიც სიმწრის ღიმილით გაჰყურებს მეზრძოლ ბოლოკას და ვიდრე თვალს არ მოეფარება, მათი ღიმილიანი სახეები ერთმანეთს იმედით შეჰყურებენ. შესაძლოა, აქ უადგილოც კი იყოს დიდი ბელადის – იოსებ ბესარიონის-ძე სტალინის ხსენება, მაგრამ არ შემიძლია, არ აღვნიშნო მისი მომწუსხველი მზერა და ღიმილი, რომელიც მტრის აგრესიას აჰიპნოზებდა, უკუღმართს წაღმა შემოატრიალებდა და კეთილ საქმეებს გააკეთებინებდა. მისი ღიმილის სიყვარულით მთელი რუსეთი სტალინის სურათს სახლში, დანესებულებაში, ტრანსპორტში, ჯიბის დოკუმენტებში სიამოვნებით აკრავდნენ. ნურც გაიკვირვებთ და ნურც გამკიცხავთ, ეს აბსოლუტური რეალობაა. მოწმეები გაინტერესებთ? რამდენიც გნებავთ, ყოველ სიტყვაზე პასუხისმგებელი გახლავართ, უტყუარი ფაქტებით. გავიხსენოთ კინოფილმი „ჯარისკაცის მამა“ როდესაც სამამულო ომში, რუსეთში კახეთიდან ჩასული გამწარებული მოხუცი მამა ნანგრევებში დაჭრილ გოდერძის იპოვის, მართლაცადა, მძიმე საყურებელია, როგორ უღიმის სულთამზრძოლი შვილი სახეშეშლილ გიორგი მახარაშვილს, რათა გულს იმედი ჩაუსახოს განწირულ ბერიკაცს უცხო ქვეყანაში.

1992 წელია, თბილისში ვცხოვრობ, ქალაქში გაუსაძლისი მდგომარეობაა, შიმშილი, განუკითხაობა და მხედრიონის აწყვეტილი თარეში. პური სულადობის მიხედვით ტალონებზე იყიდებოდა, მა-

ლაზიებში თუ პურის საცხობში, კილომეტრიანი რიგები იდგა. ორი შვილი, ერთი უნივერსიტეტის სტუდენტი და მეორე მე-8 კლასის მოსწავლე, მცირე პურის ნაჭრით ვასაუზმე და ისე გავისტუმრე სასწავლებელში, მე, კი, მშვიერი, პურის რიგში წავედი, თითქმის 3 საათია, ვდგავარ და არ მოვიდა ჩემი დრო, თვალეები დამიბნელდა, გული მიმდის, აუტანელი სიტუაციაა – ბავშვების ტირილი, მთავრობის ლანძღვა-გინება და აურზაური. ერთმა ახალგაზრდამ ლამის ტანსაცმელშემოხეულმა სამი პურით ძლივს მოახერხა რიგიდან გამოძვრომა, მე საცოდავი ღიმილით ამ ახალგაზრდას მკლავში ხელი ჩავავლე და ლუკმა პურის მოტეხვა ვთხოვე, მან დაუფიქრებლად ერთი პური მთლიანად მაჩუქა და იქაურობას გასცილდა, დღესაც ვფიქრობ, ნუთუ ჩემმა ღიმილმა გადამარჩინა?... სამადლოდ თითო ლუკმა პური იქვე გულწასულ ხალხს მეც გავუნანილე, შემდეგ კიდეც დიდი ხანი მომიწია იქ დგომა, რათა ჩემი კუთვნილი პური ამელო. იმდროისთვის ახალგაზრდა ვაჟის საქციელი მართლაც სასწაული იყო. პირიქით, ასეთ მომენტსაც შევსწრებივარ, როდესაც თორმეტიოდე წლის ბიჭმა მოხუც ქალს ხელიდან პური გასტაცა და გაიქცა. ცხოვრებაში რა არ ხდება, მაგრამ ძირითადი აქცენტი მაინც ღიმილებზე მაქვს გამახვილებული. მოდით, ტრაგიკულ ღიმილებს თავი დავანებოთ და გადავიდეთ სახალისო ღიმილებზე, მე პირადად, საერთოდ, მიყვარს ნამდვილ კურიოზებზე და ნამდვილ, ამბებზე წერა. მოგიტხრობთ ერთ-ერთ სასწაულ ცოლ-ქმარზე რომლის სიყვარულზე ლეგენდები დადის, ისინი ჩემი კარგი მეგობრები არიან. სახელსა და გვარს შეგნებულად არ ვასახელებ, თუმცა, როგორც კი ნაიკითხავენ ჟურნალ „ჭოროხში“ ჩემს მოთხრობას, უმალ ამოიცნობენ თავიანთ თავს. ვიცი, არ გამიბრაზდებიან, რადგან უპრეტენზიო ცხოვრებით ცხოვრობენ. ჰოდა, მოგიტხრობთ ამ წყვილის შესახებ: ჯერ აღვწეროთ მამაკაცი: მაღალი, ულამაზესი სახის ნაკვეთებით, გემოვნებიანი ვარცხნილობით, სამოსელით, დახვეწილი მანერით, განათლებული, ინტელიგენტი კარგი მანქანითა და ოჯახით უზრუნველყოფილი. ახლა გაგაცნობთ ამ მამაკაცის მეუღლეს. დაბალი, შავი, გრძელი ცხვირი, განწილი სასწაული ვარცხნილობით, უსახური სამოსელით, საშუალო განათლებით, დაბალი ინტელექტით, გამოგრეხილი ფეხებითა და ლამაზი კბილებით. მაგრამ მიაქციეთ ყურადღება, სადაც „მაგრამ“ არის მითითებული, როდესაც ამ შესანიშნავ მამაკაცს, ვიდრე დაქორწინდებოდა, ახლობელმა, ოფიციალურად დაუსვა კითხვა, ყოველგვარი ბოდიშის მოხდის გარეშე, თუ რატომ ირთავდა ასეთ უშნო ქალს ცოლად, მან მოკლედ უპასუხა: ამ ქალს ისეთი ღიმილი აქვს, მთელი მსოფლიოს ქალებს ვანაცვალებო, მას ვერავინ და ვერაფერი შეედრება ქვეყნად, ამიტომ, მე არ მინდა, სხვა დაეპატრონოს ჩემს მაცოცხლებელ ღიმილს, ის ულამაზეს ქალებზე მეტად ლამაზია.

გაილიმეთ! გაილიმეთ! გაილიმეთ! იწამეთ! თქვენ უსათუოდ გაიმარჯვებთ. თუ სალამს ღიმილს არ დაურთავთ, მაშინ თქვენი სალამი ფუჭია. გუშინ ამხანაგს საჩუქარი გადაეცით შენუხებული სახით, ღიმილის გარეშე, ვფიქრობ, ის საჩუქარი მფლობელისთვის არარაობაა. მე შენი სტუმარი ვარ, ვხედავ სუფრა გაგიშლია, მრავალი დასახელების ხორაგით, მაგრამ ოჯახის დიასახლისს სახე ჩამოგტირის, ღიმილს ვერა და ვერ ვხედავ, ლუკმა ლამისაა ყელში გამეჩხიროს, ნუთუ ვერ ხვდები, რა უგემურია შენი პურმარილი, მასპინძლო?... საცობის გამო სამსახურში ძალიან დამაგვიანდა, ნერვულობით ლამისაა, გული გამსკდომოდა, რომ არა ჩემი დირექტორის საპატიო ღიმილი.

ერთხელ ძალიან მაღალი წნევა მქონდა, მედიკამენტების მიღების შემდეგ დიდი ვერაფერი შედეგი მივიღე, იძულებული გავხდი, სასწრაფო გამომეძახა, რომელიც ოც წუთში ჩემს სახლთან გაჩნდა, ექიმი ძალიან კეთილი და ღიმილიანი აღმოჩნდა, ისეთი ტკბილი, სიტყვებით მესაუბრა, წნევა სწრაფად ნორმაზე დამიდგა. წასვლისას ღიმილითვე დამემშვიდობა და ღამით შესანიშნავად მეძინა. ჩემი ვაჟი და მისი მეუღლე საზღვარგარეთ გაემგზავრნენ სამუშაოდ, კარგა დრო იყო გასული, როდესაც მათი ყოფით ძალიან დავინტერესდი, განსაკუთრებით რძლისაგან მენყინა უყურადღებობა, როგორც ქალს. ბოლოს ინტერნეტის საშუალებით ჩემმა სიცოცხლე რძალმა, ისეთი ღიმილი

შემომავრქვია, ყველაფერი დამავინყდა. ო, რამხელა ძალა აქვს ჯანსაღ ღიმილს!... ერთ პატარა კურიოზს მოგიხსრობთ: ავტობუსის გაჩერებაზე ვდგავარ ბათუმში, ჩემთან ახლოს ბომა ქალი მოვიდა, ხურდა ფულებით სავსე ჯამით და დახმარება მთხოვა, მე ვუთხარი, სამგზავრო თანხაზე ოცი თეთრი მაკლია და აქეთ დამეხმარე-მეთქი, ქართული კარგად იცოდა, თვითონაც გაიღიმა და მეც ღიმილით ვესაუბრებოდი, მანიშნა, ხელი გაშალეო, იქნებ, გაგიკვირდეთ კიდეც, მათხოვარმა ბომამ მთელი ნაგროვები ხურდა მუჭაში ჩამიყარა, ჩვენ, ორივე, ვიღიმებოდით, ისიც კმაყოფილი იყო და მეც, რა თქმა უნდა, მალე თავისი ხურდა ბომას უკან დავუბრუნე და ღიმილით დავშორდით ერთმანეთს. ეს მომენტიც არასოდეს დამავინყდება. კარგად უნდა დააკვირდეთ ადამიანის ღიმილს, თუ რამდენად გულწრფელია იგი. თუ ღიმილი ერთჯერადი და მაცდურია, ნუ მოტყუვდებით ამოცნობაში, თორემ დამარცხდებით. ღიმილი მრავალგვარია: ღიმილი გულწრფელი, ღიმილი სიყვარულის, ღიმილი გამამხნეველი, ღიმილი მხარდამჭერი, ღიმილი ირონიული, ღიმილი დამამცირებელი, ღიმილი ნაძალადევი, ღიმილი ყალბი, ღიმილი კომპლექსური, ღიმილი სიმწრის, ღიმილი მაცდური, ღიმილი მომაჯადოებელი, ღიმილი ბოროტული, ზოგჯერ ღიმილის საშუალებით უზნეო და უსახურ ადამიანებს ჩაუდენიათ სასწაული ქმედებები, მაგალითად: გამოუძალავთ დიდძალი ფულადი თანხა. გაუძარცვავთ უმწეო და მარტოხელა მოხუცები. გაუუპატიურებიათ ქალები და არასრულწლოვანი გოგონები. გულუბრყვილონი დაუჩვევიათ ნარკოტიკებს, სიგარეტის წევას, ლოთობას, ქურდობას, სხეულით ვაჭრობასა თუ ათასგვარ სისაძაგლეს, აზარტულ თამაშებს. უკანონო იარაღის ტარებას და კაცთა კვლასაც კი. ბევრი რომ არ გავაგრძელო, გირჩევთ, მთელი სიცოცხლის მანძილზე, ვიცხოვროთ ჯანსაღი ღიმილით. გაიღიმეთ! გაიღიმეთ! გაიღიმეთ! ღმერთი ჩვენთანაა. ინამეთ და გაიმარჯვებთ.

31.03.2018 წ.



ვაჟა ოთარაშვილი

პოეტური დუბტი

ციკლიდან: „ლურჯა ცხენების მისტერიები“ –
გალაკტიონის და მერი შერვაშიძის სიყვარულის ისტორია

1

* * *

ქარი ქრის... დაგლიჯა ღრუბლები...
დათეთქვა... დაძენდა... დაფლითა...
ო, მერი, მომეცი უფლება,
ეგ ბაგე აგივსო თაფლითა...
ნეტა, თუ იხსენებ იმერეთს
და ლამის ზღაპარში – ჭინჭრაქას...
სჯობია პარიზულ ქიმერებს
ნატვრების დანთება იმ ჭრაქად,
ერთად რომ უსხედით ყველანი
მამიკო... დედიკო... ბებია...
და ცრემლად იქცევა მელანი –
იქამდე დარდების მთებია...
ქარი ქრის... ბობოქრობს აქ მარტი...
მე არაყს... შენ მანდ სვამ კვლავ მარტინს...
ქარი ქრის... დაგლიჯა ღრუბლები...
დათეთქვა... დაძენდა... დაფლითა...
ო, მერი, მომეცი უფლება,
ეგ ბაგე აგივსო თაფლითა...

2

ჯვრისწერა ღამით...

შენ ჯვარს იწერდი იმ ღამეს, მერი!...

გალაკტიონი

კვლავ დაგაბრუნე ივერიაში
ჩემი ლექსებით... ჩემი მუზითა...
არ ილუპება ის ერი მაშინ,
როცა სიცოცხლეს ხარკად ვუზიდავთ...
ღამით ჯვრისწერა ვინ მოიგონა,
თუ მოგიტაცეს მზაკერულად... ძალით...
შენ ჩემთვისა ხარ ვარსკვლავგოგონა,
მარადი სატრფო და ნატერის თვალი...
ესეც პარიზი... მონმარტი... სენა ...
ფრანგულ გარემოს ეჩვევი მერე...
ათრთოლებს მხოლოდ პოეტურ სმენას
უძვირფასესი სახელი: „მერი...“
როგორ მინდოდა შენთან ჯვრისწერა
და შენთან ღამის გაცისკარება...
გნატრობ... და ტანი მალლა იწევა...
სული კი ცაში დაიარება...

3

* * *

ღამეა... პარიზს ღრმა ძილით სძინავს...
ვერ აღწევს ქართულ ბუღბუღლთა კვნესა...
ცოტა დავთვერი და მტკვარზე წვიმა
წვეთებით მთვარის ჰოროსკოპს კემსავს...
მერი... ეს ხიდი ჭკუიდან შემშლის...
მილიციელის მესმის გინება...
ჩავყურებ მორევს... მტკვარია ჩემში
და თითქოს სისხლად მიედინება...
მერი, უშენოდ უკვე ვერა ვძლებ...
მიცახცახებენ ხელზე ვენები...
გალაქტიკაში შენ ერთს დაგეძებ,
მომაქროლებენ ლურჯა ცხენები...

4

* * *

გადმოცემით გალაკტიონმა შოკოლადის
ქალაღდზე ლექსი დაუნერა მერის 1947 წ.

ლექსს შოკოლადის ქალაღდზე გინერ,
ჩემო ტკბილო და ჩემო ლამაზო...
ეს ერთი ფილა ვიშოვე სიმნრით
და, სამნუხაროდ, მანდ ვერ გთავაზობ...
რა უცნაური სიტყვით მომმართე,
რა სიყვარულით მითხარ სათქმელი...
შენტვის მთანმინდა გავამონმარტე,
მამადავითზე გინთე სანთელი...

5

* * *

ჩემში ლივლივებს ლექსის ნოტები...
სიტყვის მუსიკა, მერი, მაოგნებს...
ბგერებში ისე განვიტოტები,
როგორც ფერებში მონე, ვან გოგი...
ნეტავი, ჩემთან იყო ამ ნუთას,
რომ შენს კულულებს ფრთხილად ვეფერო...
ეჰ, მონატრებამ გაასათუთა
აქ, თბილისური ღამის ელფერი...

6

* * *

მენატრები... ო, მერი...
უცნაურად მიზიდავ...
თმაკულულა ირემო,
მესტუმრე პარიზიდან...

7

* * *

გამომელვიძა... თითქოს, მეძახდი...
შენი ხმა ყურში ჩამჩურჩულებდა...

ფრანგულმა ღამემ ველარ შელახა
 სიზმარში კარგო, ხილვის ცდუნება...
 ძილში მივიღე შენი წერილი...
 გამომალვია ნატვრის ნამქერმა...
 გთხოვ, მიატოვო სენაც... ლევილიც...
 სულთა ხანძარი აღარ ჩაქრება...
 ტრფიალის ტანჯვას მთანმინდის მთვარე
 მამადავითან აუნთებს სანთელს...
 მერიიიი!... ცხოვრება გამიცისკარე,
 თბილისის ციდან პარიზის ცამდე...

8

* * *

სადაა, ნეტა, ჩემი სატრფო, ჩემი ვარსკვლავი
 და ემიგრანტი დედოფალი ივერიისა...
 წითელრაზმელთა ეომება მგლურად მკლავს მკლავი...
 ანბანი რომ აქვს იმ ერს იისა...
 აქ, ხორხოცებენ ურჯულონი ურიცხვნი, ურცხვად...
 ლურჯა ცხენები ვერ უძლებენ უკვე მარულას...
 მთანმინდა ჩუმად ჩამონმინდავს ღამეულ კურცხალს,
 ვაჟა-ფშაველას თვალიდან რომ გამოპარულა...
 ეჰ, მერი... მერიიი... ქართველები მამულს ყიდიან,
 რომ ჩამოხვიდე, ველარ იცნობ თბილისის უბნებს...
 მტკვარზე ნახევარმთვარის მსგავსი შუშის ხიდია
 და რეალობა შენს ოცნებებს ვერ გააღრუბლებს...
 ყველა მთავრობა მუხთალია, თუმცა იმან ხო
 მტრების დაკვეთა შეასრულა, არა – ხალხისა...
 მერი, მანდ დარჩი, საქართველო რომ შეინახო...
 თუ მონატრებამ ძველებურად გაგახალისა...

9

37...

დღეს აკაცის ხეები მოჭრეს,
 ჩემი დარგული მწვანე ფიჭვებიც...
 თემურ-ლენგივით ჟამია კოჭლი:
 ხალხს ასახლებენ... ხვრეტენ... იჭერენ...

გაუსაძლისი ყოფაა, მერი...
ხატებთან სანთელს ველარ დაანთებ...
მაქვს პაპიროსის ჩამქრალი ღერი
და ცარიელი ძველი სანავთე...

10

* * *

იქნება, ჩემმა სიყვარულმა გადაგიარა...
მერი... იქნება, გაგიტაცა მონმარტმა... ლუერმა...
სული მოგელტვის, მარტო გალას ლექსი კი არა –
გესმის რითმებში საორლანო მუსიკის ურვა...
მაგრამ წამიერ ეჭვებს ფანტავს ლოცვები შენი...
ხატთან ვედრება: „ო, უფალო, გალას უშველე!“
და საჯანმრთელო პარაკლისი გელათში მშველის
და ამ ლექსებით ჩვენს სიყვარულს ტაძარს ვუშენებთ...

11

* * *

მადლობა, მერი, შენ მასწავლე ნამდვილი სევდა...
ციური ტრფობით დაიღვენთა ცრემლის ცვილები...
რის ეიფელი, მთანმინდაზე მთვარე შეჩერდა
და წინაპრების ახმაურდნენ თითქოს ჩრდილები...
მერი, მიყვარხარ... მონატრებას ლექსებით ვხატავ...
სულ სხვაა სიტყვის მელოდია, ფერი, მუსიკა...
ჩამავალმა მზემ ლიხის მთები ცად აიტატა...
ჩამო იმერეთს... მანდ პარიზში რაღას უზიხარ...
მერი არ გძინავს?... მონატრება საბნად გახურავს...
სიტყვაა ჩვენი მშველელიც და გადამრჩენელიც...
ნულარ იჯავრებ, თუ გეტყვიან რამეს ახერულად...
გახსოვდეს მუდამ: გალა გიხმობს!...გალას შენ ელი!...

12

**ბალაპტიონი მერის პარიზში,
ანუ ბარათი მავთულხლართებიდან...**

როგორ მინდოდა შენი ნახვა... შენი ალერსი...
მაგრამ უეცრად დაგატყვევა, ალბათ, პარიზმა...

დიდ ცოდვად აწევს, სამნუხაროდ, მოსეს ისრაელს,
რომ ვერ შეიცნო ღვთის ნათელი – ქრისტეს ქარიზმა...
კასპის კლდეები მატარებლის ფანჯრებს აწყდება...
ვერც მე შევძელი საფრანგეთში ჩამოსვლა ისევ...
მზე ჩადის... ქართლის სანახები ქრება... ბაცდება...
მაგრამ ხილვებში ჩემთანა ხარ კვლავ მოკისკისე...
ველარ მიშველის ვერც ვიიონი, ვერც ლამარტინი...
ველარც ჰიუგო ან მერიმე და პოლ ვალერი...
დღეს შენი ნახვა აღარ არის უკვე მარტივი:
მავთულხლართებში გაყურსულან შემოგარენი...
მერიიი... მოვიდა ჩემი სიტყვა – ჩემი ძახილი...
მჭრელია, როგორც სააკადის მძიმე მახვილი...

13

ოცნებების ბაპტიზმა

„გადმოგირეკავ...“ – მეუბნება ჩემი კულულა –
„რა საოცარი ტაძარია წმინდა თეკლასი...“
ნატვრის ლერწმები ერთურთისკენ გადაღუნულა –
შეყვარებულებს გადასხმიათ წყალი ემბაზის...
დაველოდები... ნეტარია ეს მოლოდინი...
რა დამრჩენია... საბჭოეთში, აბა რას იზამ...
ვზივარ დუქანში... ღვინოს ვწრუპავ ფრანგი ლორდივით
და ვგრძნობ სასმელმა ოცნებები გააპარიზა...
ეჰ, ჩემი მერი „კოკო შანელის“ მოდელი არი...
სიზმარში ვნახე, რომ გხატავდა მოდილიანი...

14

„მერი... შენ ერთი...“

გავიდა ჩემი გემი „დალანდი...“
თან წაიყოლა ხატება მერის
და ჰორიზონტზე ძლივსლა დავლანდე
ჩამავალი მზის ყაყაჩოს ფერი...
ჩამოწვა სევდა და სანაპიროს
ცრემლის სიმლაშე ზღვისას შეერთვის...
გალა მოისვრის ჩამქრალ პაპიროსს...
თანაც ბუტბუტებს: „მერი... შენ ერთი...“

15

ახალი მთვარის ფაზა...

ბორდოს ბორდოსფერ სიზმრებს...
თელავს გათელილ თელებს...
ქარის ბობოქარ ჰიმნზე –
გალა შემოჰხვევს ხელებს...
და შენ მოგართმევს მერი
ამ სიშორეთა ნაზავს...
ჰერი, ჰერი და ჰერი –
ახალო მთვარის ფაზავ!...

16

ჯვარცმის მისტერია

დღეს იუდა ქადაგებს, მერი, ამბიონიდან...
დღესაც გვერდზე გამდგარა, რა თქმა უნდა, პილატე...
უცოდველი მიპოვე, ნეტა, ერთი ორი და
ანდა უღალატობით ვინ მოგყვება დილამდე...
დღესაც ისევ სავსეა ხელისუფალთ ქისები...
ისევ გააქვთ ხორხოცი ფარისეველთ არმიას...
და გრაალის თასი კი ქრისტეს სისხლით ივსება
და ცრემლით ენამება თვალნი წმინდა მარიამს...
მაგრამ ქრისტეს აღდგომა – მისტერია ნათელი...
მძიმე ლოდი სამარის როგორ გადააგორა...
ღმერთო, გადამირჩინე, ერი – ჩემი ქართველი!...
ივერიელთ დაცემა, ღმერთო, არ გამაგონო!...



ეკუ კვანტადიანი

პოეტური დუეტი

ციკლიდან: „ლურჯა ცხენების მისტერიები“ –
გალაკტიონის და მერი შერვაშიძის სიყვარულის ისტორია

1

თბილისურ პარიზს...

თბილისში გელის კარები სახლის –
ნაბიჯებს წვიმის ხმაური ერთვის...
ქარი სარკმელთან თავს მინებს ახლის,
ხატებს აუნთე სანთელი ერთი...
მეც შემოვედი ოთახში ცალად,
გავხედე სენას – ხმა მესმის მტკვარის...
და ვეგებები უშენოდ გალა,
პარიზულ თბილისს – თბილისურ პარიზს...

2

ბასტილია...

გულამდე სწვდება ლექსები მხოლოდ,
ხან ილიმიან... ხან კი ტირიან...
ლა ტურის ბინის თავი და ბოლო
გადაიქცევა, ვით ბასტილია...

პარიზი ყველას იფარავს, ლტოლვილს,
 ცნობილია თუ მიუსაფარი...
 მხატვრული ტილო – შედეგის ტოლი
 მონმარტმა ქალაქს გადმოაფარა...
 რითმის ფერების ვეძებე გამა,
 მტანჯავს სიშორე... ვტირი ფარულად...
 ვერვინ ვერ შეძლო შენსავით, გალა –
 ტრფობა აეხსნა ტრიუმფალურად...

3

* * *

მარტი ხანდახან ამინდს აურევს,
 მაინც ვარდებში მოჩანს ვერსალი...
 ვით ნიჰილიზმი შოპენჭაუერს
 და გაღიმება მაღამ დე სტალის...
 აქ, სევდიანი არ უნდა ჩანდე,
 მომწონს ოცნება და მოლოდინი...
 მოგზაურობა უყვარდა შარდენს,
 მე კი შოპენი და ბოროდინი...
 უკრავენ შტრაუსს, ბახსა და ბიზეს,
 თითქოს გაცოცხლდა მუზის სულეთი...
 ამ მარტოობის დაგეძებ მიზეზს...
 უშენოდ – ყველგან არის სულერთი...

4

* * *

ბროლის ქაღები ვენეციური,
 თითქოს თვალს ქრიან სალონურ კაფეს...
 ჩვენი ტრფობაა ეს ზეციური,
 რომლისთვის გზები პარიზშიც ვკაფე...
 და შოკოლადის პატარა ფილებს,
 იზოგებ ზოგჯერ წამლის აბებად...
 ზედ ქიმზე ეკვრის რკინის ეიფელს
 შენგან მოძღვნილი დითირამბები...
 ისე აკლდება დღეებს სინათლე,
 ვით კაზის სიგრძე ევროპულ მოდას...
 ქართულ ტაძრებში ანთებულ სანთლებს,
 შენი ლექსები ლოცვად მოჰქონდა...

მიერთმევ ღვინოს და ითვლი წამებს...
 ღმერთმა შეგარგოს, როგორც ზედაშე...
 ეს სიყვარული შენით ვინამე,
 ვერ დაგვაშორეს, გალა, მე და შენ...

5

შენთან მთანმინდა – ჩემთან მონმარტი...

გათენდა... ნელა მივედი ხატთან –
 ლოცვამ ამბავი შენი მიაბო...
 თბილისის ზეცის ლაყვარდებს ხატავ
 და ქარტახილებს მკერდით მიაპობ...
 გადავიკითხე ლაისტი... რემბო...
 თან ნარიყალას ვფიქრობ მაღლობზე...
 თითქოს, შეჩერდა ცხოვრების ტემპი –
 ჩამოდი დროზე...
 კვლავ სიმბოლიზმი ეძებს სიმბოლოს...
 შენი ლექსებით მე შემომნატრი...
 ყოველთვის ვბრძოლობთ, თუმც რჩება ბოლოს
 შენთან მთანმინდა, ჩემთან – მონმარტი...

6

სიშრმალისტური ფერწერა

ჟინჟლავს წვიმა... ფოთლებიდან ჟონავს...
 მანდ თუთა გაქვს – იმერულად ბჟოლა...
 მზე ანათებს ისე, როგორც ყოლო
 ღრუბლებიდან... სიომ შემაჟრჟოლა...
 იასამნის ყვავილს იისფერად
 სურნელება დავუხატო, ვცდილობ...
 მერე უცებ ქარმა დაუბერა,
 როგორ უნდა შენგან დამაცილოს...
 ბნელ ოთახში სევდიანი ქალის
 სილუეტი იკვეთება მკრთალად...
 გალა – მუზად ჰყავს სალვადორ დალის...
 მე კი მამკობს ლექსით ჩემი გალა...

7

შენგედრა

არსად შევხვედრივართ ერთურთს სადმე...
 მართლა არ გიცნობდი ადრე სულაც...
 შენ – თბილისურად მომესალმე...
 მე – გაგიღიმე პარიზულად...

8

ბალკტიონის „მერი...“

ვისხენებ ახლა იმ ცას –
 ვარსკვლავთ ეფარა ფარი...
 და უკვდავებად იქცა
 მუზეუმის დედოფალი...
 ისევ სურვილი ამხელს,
 შეეფაკლება ღანვი...
 ლექსად გაიწვდი ამ ხელს –
 პარიზს დარდები აწვიმს...
 განთიადია... ზეცას
 გადაჰკრავს ბორდოსფერი...
 ჰგავს პოეზიის მერცხალს
 გალაკტიონის „მერი...“

9

* * *

ეტლის ბორბლები იცვლებიან ავტომობილით...
 ამჟამინდელი ფენომენი... დროის ფაქტორი...
 ღამე გაუხდა ჯავრისაგან ავტორს ძმობილი...
 ვკითხულობ ბარათს, მიყვარს ე მაგ ლექსის ავტორი...
 აქ, ივერია გულით დამაქვს... გზები ივლისმა
 მწვანით შემოსა... ყვავილების ცქერით გართულა...
 შენმა ლექსებმა პარიზიც კი გაათბილისა
 და საფრანგეთში ჩემი ყოფა გააქართულა...

10

ჯემა-ქუხილი თბილისის ცაზე

სულში მოისმის გრძნობის ხმაური
 სავესე ტრფობისგან ღრმა შინაარსით...
 ლექსად მომიძღვენ ქათინაური,
 ნაზია, როგორც შტრაუსის ვალსი...
 პარიზის მეტრო აყრუებს სმენას,
 შენგან მაშორებს რამდენი მილი...
 ნელი ნაბიჯით მივყვები სენას...
 დღეს ოპერაში გველის ბელინი...
 მივირთმევ ისევ ფრანგულ კრუასანს
 და ქართულ პურის სურნელს ვიხსენებ...
 მაკრთობს მხატვრობა დე ლა კრუასი...
 სასადილოში ღვინოს გისხამენ...
 კანკალით მიგაქვს ბაგესთან ჭიქა,
 მევიოლინე უკრავს ბეთხოვენს...
 უცებ თბილისის ცამ დაიჭეჭა...
 მოგონებებით გამოგეთხოვე...

11

37...

37 როგორ ბობოქრობს...
 მამულს დაატყდა რეპრესიები...
 თავისუფლებას ადებენ ბოქლომს
 და განწირულთა ფურცლის სიები
 აშრიალებენ ქარში მზაკვრულად
 ყოველი წუთის მიძიმე განაჩენს...
 ქრისტე ისევე ჯვარზე გაკრულა
 და დედა ღვთისა თუ გადაგვარჩენს...
 ო, ნუ მეხილოს მუხლზე დაცემა
 ჩემი ერისა, შენც ხომ მანდა ხარ...
 და რადიოთი სჭექს გადაცემა...
 ნეტა, შემეძლოს, ვიდგე მხარდამხარ...
 ჰიუგო წერდა „ოთხმოცდაცამეტს...“
 37-ის სისხლიან ქარით
 ველარ დაიტევეს ქართული ცა მეტს
 და გასცრეცია მზეს მინანქარი...

12

* * *

შენთვის დღე ღვინით,
ჩემთვის – დე ვინი...
ზედ ჩაი ღიმნით
და პაგანინი...
ბანკის კრედიტი – შენი ვერდიქტი...
შენ – ლექსის ბანი, მე კი – მონბლანი
თმას გამითეთრებს... ვით ქართულ თეთრებს
ვითვლი დარდებს და გათვალიერებს...
შენკენ გაქრება დასალიერი...
დასავლეთს ახსოვს რობერ სპიერი...
თუმცა გვაშორებს ჟამი ცბიერი...
შენა ხარ ჩემი ჟაკიც... პიერიც...
აქაც ქართული თან მდევს იერი...
...თვლემენ ნისლიან ორთქლში დღეები,
ვით სენის გასწვრივ ორქიდეები...

13

* * *

მიგზავნი ბარათს ლექსებით ისევ,
ნისლს დაუფარავს მთანმინდის ხედი...
სევდისგან გული რად გადამივსე,
ემიგრანტობის მწარეა ხვედრი...
მომენატრება ტფილისი ძველი,
პოეზიაზე სჯა-მასლაათი...
ნელა ირწევა ხის სავარძელი
და ყრუდ გუგუნებს კედლის საათი...
უშენოდ, ნეტა, როგორ გავძელი?...
ვკითხულობ ლექსებს... მსურს გავარკვიო...
შენ გადმოლახე სივრცის მანძილი,
თუ მე ვარ შენთან მანდ, გალაკტიონ...

14

* * *

შადრევანივით შამპან-არდენში,
შამპანურივით მოსჩქებს სევდაო...

მოგონებები ისევ შარს მდებენ
 და მონატრების მეცა ელდაო...
 საქართველოში იყო შარდენი,
 ამბობდნენ, ცოტა გაქართველდაო...
 მოდილიანი მონპარნასიდან
 დარჩა ოცნების მონ სენიორი...
 ერთს ამოგარჩევ პოეტს ასიდან,
 რადგან ერთია გალაკტიონი...

15

მერის წუხილი...

შენს ნახვას ხელს ვერ უშლიან,
 ვერც ნისლი თვალთა, ვერც – ლიბრი...
 გულს ნიგნად გადაუშლია,
 შენთვის ფრანგული ვერლიბრი...
 ვიცი, გიხილავ, მოვა დრო...
 სევდაა ჟამს რომ აძნელებს...
 დარდებმა, თითქოს, მომადნო,
 დავეძებ ცისფერყანწელებს...
 ფასი ტრფობისა ძვირია,
 ლექსი მაჩუქე... მოგენდე...
 ვით მარგალიტის მძივია,
 მკერდით გატარებ ყოველდღე...
 ვწუხვარ, ერჩიან ქართველებს,
 მანდ დროა ისევ შავბნელი
 და კაცს სულს ამოართმევენ...
 აქ, მოდა... კოკო შანელი...
 ყოველ გაზაფხულს ქართული
 მომაგონდება მიმოზა...
 შენზე ფიქრებში გართული,
 თავს ფრანგულ შლაპით ვიმოსავ...

16

კპარტი სვეტიცხოველთან

როგორც დროშები ფხოველთა,
 ღრუბლებს გამლიათ აფრები...

ჰგავს კვართი სვეტიცხოველთან
ანგელოზს ცაში აფრენილს...
კვლავაც შადიმანს ლალატით
ქართლის ცა რად შეუზარავს?!...
სააკაძის ხმალს დავნატრით
და ვახტანგ მეფის მუზარადს...
მზე შუბის ტარზე დახრილა,
ჯვართან შეიკრა კამარა...
მეფე ერეკლეს მახვილმაც
მტრის ჯავრი დაასამარა...
გალა... დროშები ფხოველთა,
გაშლილან როგორც აფრები...
ჰგავს კვართი სვეტიცხოველთან
ანგელოზს ცაში აფრენილს...

– ანტიკური მოაზროვნეები ყველაფერს პოლიტიკას უკავშირებდნენ, დღეს კი საქმე მთლად ასე არ არის. მანიფესტაციის განსაზღვრება ასეთნაირად არ მიესადაგება ხელოვნებას, რადგან ხელოვნების უშუალო მიზანი სათნოებას არ გულისხმობს. – მეუბნება პავლე.

– პლატონის აზრით, „გრძნობათა წინაშე, გაშლილ სამყაროზე უშუალო დაკვირვება მეტს ცოდნას გვაძლევს, ვიდრე თუნდაც უდიდესი მგოსნის მიერ შეთხზული პოემის კითხვა“. ამაზე რას იტყვი? – ვუსვამ კითხვას თანამოსაუბრეს.

– შეიძლება მართალი იყოს პლატონი, მაგრამ ხომ არსებობს დანტე ალიგიერი? – მიმტკიცებს თავისას პავლე. – განა დანტეს უნახავს ჯოჯოხეთი, რომ უშუალო დაკვირვება ენარმოებინა მასზე? ან რომელ ფილოსოფოსს უნახავს იგი, რომ მის შესახებ აზრი გამოეთქვა? დაკვირვებამ ცხოვრების მიმართ, პლუს გენიის წყალობამ მისცა დანტეს შესაძლებლობა მისებურად გაეაზრებინა ჯოჯოხეთის სცენები და როცა კითხულობ გჯერა მათი. მაშინ, როცა პლატონის აზრით, ხელოვნება აძინებს კაცს და მატყუარა სიზმრებს ჰგვრის. მხატვრული შემოქმედება ფილოსოფოსობა და ჭეშმარიტების ძიება კი არაა, არამედ სიცრუეში ჩაძირვა და სულის გაბინძურებაა, რაც ჩემთვის მიუღებელია.

– ალბათ, ამიტომაც თქვა არისტოტელემ ამაზე, რომ „პლატონი გენიოსია, მაგრამ ჭეშმარიტება უფრო მეტია“.

– დიახ, დიახ, „სახელმწიფოს“ მეათე წიგნში პლატონი წერს: ძალიანაც, რომ გძაგდეს მასხარის პიროვნება, თუ დაინყებ გადაჭარბებული სიამოვნებით მასხრობის მოსმენას, თეატრში იქნება ეს თუ კერძო საუბარში... მოგივა ის, რომ თვითონაც მიჰყოფ ხელს იმას, რაც სხვებში მოგწონდა. პლატონი ჭეშმარიტების ნაცვლად ჭორებით კვებავს საზოგადოებას. – ამყარებს ჩემს ციტირებას პავლე.

– კომედია ნაკლებად მომწონს და მიზიდავს, მის ნახვას და მსახიობის ტაკიმასხრობას მოლა ნასრედინის ოხუნჯობის კითხვა მირჩევნია, თუმცა ამას ვერ ვიტყვი თეატრსა და კინოში სანდრო ჟორჟოლიანისა და აკაკი კვანტალიანის განსახიერებულ როლებზე. – ვერთვები საუბარში მე.

– პლატონის აზრით, საქმეზე პოემების წერას, ნაკლები მნიშვნელობა აქვს, საქმესთან შედარებით. ერთი სიტყვით, მან იცოდა სინამდვილის ზედაპირი, მისი გარეგნული ქერქი და არა ამ სინამდვილის არსება.

– იგივე პლატონის შეხედულებით, ტრაგედიაც ზნეობრივად რყვნის საზოგადოებას, თავისი ქცევით არც ტრაგედიის გმირები ემსგავსებიან ბრძენთ. არადა, პირიქით მგონია, – ვამტკიცებ მე. – განა შექსპირის „ოტელო“ რყვნის საზოგადოებას? ან გნებავთ მოქმედი მსახიობები? მე კინოში მინახავს ლოურენს ოლივიეს „ოტელო“. მიუხედავად ინგლისურის არცოდნისა, იმდენად კარგი იყო, არც მჭირდებოდა თარგმანი. შთამბეჭდავად გამოიყურებოდა, როგორ ტიროდა ოტელო, მთელი თავისი აგებულებითა თუ არსებით ქვითინებდა – ეს რა ჩავიდინეო. ალბათ, თვით პლატონისთვის მისანვდომი რომ ყოფილიყო ეს სანახაობა, მაინც არ იტყოდა ამდაგვარად.

– პლატონი ამბობს: „ბრძენი ის არის, ვისაც აქვს უნარი თავისი გრძნობების ბატონი იყოს... თავისი სულის მგრძნობელობითი ნაწილი დათრგუნოს სულის გონიერი ნაწილის საშუალებით“. ასე რომ, მისი აზრით, ეჭვიანობაც უნდა დათრგუნოს ბრძენმა. სხვა შემთხვევაში დავინახავთ უბრალო ცხვირსახოცმა სანამდე მიიყვანა ადამიანი. ოტელო, ვერ იმორჩილებდა თავის გრძნობებს, ვერ ბატონობდა მასზე. ფილოსოფია კი აძლიერებს სულის გონიერ ნაწილს, რომლის საშუალებით ვეუფლებით ჩვენს ვნებებს, ჩვენს მგრძნობელობას, ე. ი. ჩვენი სულის უგუნურ ნაწილს. – ამბობს პავლე.

– გეთანხმებით. მაგრამ, რა კავშირშია ხელოვნებასთან ეჭვიანობა, ან კიდევ გრძნობების მოთოკვა? პირიქით, მგონია, რომ, რაც უფრო ტემპერამენტია და ემოციურია მხატვარი, მით უფრო

საინტერესოა მისი შემოქმედება. – გამოვთქვამ საკუთარ მოსაზრებას მე. – არისტოტელეს აზრით, „მიბაძვა რომელსაც ეწვევა ხელოვნება ყოველი არის ტიპიზაცია“. იგი ეწინააღმდეგება, არ იზიარებს თავისი მასწავლებლის, პლატონის, კონცეფციას და ამბობს: ვინც აზროვნებს... აზროვნების პროცესში სიამოვნებას განიცდის... სწორედ ხელოვნება არის ისეთი მოქმედება, რომელიც თავისთავად არის სასიამოვნო. უპოემოდ ცხოვრება წაართმევდა კაცს ადამიანური არსებობის ერთ-ერთ ნიშანს და დაამსგავსებდა მას ბიოლოგიურ მოთხოვნილებათა მიერ დამონებულ პირუტყვს. ასეა, ჩემო კარგო, სანამ ადამიანი არსებობს, ყველაფერს აქვს თავისი მეორე მხარე. იგივე არისტოტელეს აზრით, გენიოსი მხოლოდ ხელოვნებაში შეიძლება იყოს ადამიანი, სადაც ინტუიციით უნდა განჭვრიტოს ბევრი რამ, რასაც ფილოსოფიასა და მეცნიერებაში ვერ იზამ.

– ხელოვნება იმიტომ კი არ არსებობს, რომ კაცს დაანახოს ის სასიხარულო საგანი, რომელსაც ხელოვანი ბაძავს. ძალიან არასასიხარულოც რომ იყოს, თუ კი იგი მოექცა ხელოვნების ჩარჩოებში, სწორედ მაშინ ხდება სასიხარულო. – არისტოტელეს სხვა ციტირებას მთავაზობს პავლე.

– არა მგონია, ბატონო პავლე, მთლად მასე იყოს. ვერ დავეთანხმები არისტოტელეს ამ აზრს, იმიტომ, რომ ხელოვანმა უნდა იცოდეს რა დახატოს და რა – არა. მაგალითად, ჩაის პლანტაციებში დასახატავია თუ არა ჩაის ბუჩქი, ან რომელიმე ქარხანაში რკინის მილები? – ვაცხადებ მე.

ბატონ პავლეს გაელიმა. – სწორედ მაგაშია საქმე. მხატვარს დიდი განათლება და ხედვა სჭირდება იმისთვის, რომ იცოდეს რა დახატოს და რა – არა. არც ერთი ძველი იტალიელი მხატვრებისგან არ მინახავს ვინმეს ყასაბი დაეხატოს, გიგო გაბაშვილს კი დახატული აქვს. სხვა ბევრ მხატვართანაც მინახავს მსგავსი რამ. ხელოვნება უნდა აღწევდეს კანონზომიერების ჭვრეტამდე და ამით ეძლევა მას ესთეტიკური სიამოვნება.

– განა ყასაბი არ არის პრაქტიკული პიროვნება? – შევედავე თანამოსაუბრეს. – კი არის და უდავოდ ცალკე პორტრეტი შეიძლება დაიხატოს მასზე. – თავადვე გავეცი პასუხი დასმულ კითხვას. – მაგრამ, თუ ხელში არ დააჭვრინე სისხლიანი ხორცი რა ესთეტიკას მიანიჭებს მნახველს. ზოგჯერ ბოროტმოქმედსაც ხატავენ, მაგრამ არა იმგვარად, რომ სხვებს დაანახონ რა კარგი საქციელი ჩაიდინა ამ კაცმა, პირიქით, იმგვარად, რომ ბოროტმოქმედება სხვებმაც არ ჩაიდინონ. ამის მაგალითია ლაოკონი, რომელსაც გინდა დაეხმარო და ბავშვებიანად იხსნა გველისაგან.

პირიქითაა, ილია რეპინის „ივანე მრისხანე“, რომელიც სიბრალულის მაგივრად ზიზღს იწვევს, თუმცა ამ შემთხვევაშიც გეცოდება შემლილი მამა, რომელსაც ვერ დაუმორჩილებია თავისი თავი და ნერვები. ნამუშევრის აღქმა აღქმაა. მთავარი მაინც ისაა, როგორ მიუდგება ხელოვანი გადმოსაცემ თემას. არისტოტელე ამბობს: ...ხელოვნებამ ქვეყანა ისე უნდა წარმოადგინოს... როგორც არის ეს ქვეყანა სინამდვილეში. ამაზე მეტი მხატვრულ რეალიზმზე არა უთქვამს რა. ამიტომაცაა საჭირო ვნებებისგან სულის განწმენდა (კათარზისი) და გულწრფელობა. რა თქმა უნდა უფლისადმი.

წმინდა მღვდელმთავარი იოანე ოქროპირი (მთავარეპისკოპოსი კონსტანტინეპოლისა) ამბობს, რომ „ფსალმუნების წერის დროს, მეფის სასახლის ახლოს ჭაობში ბაყაყი ყიყინებდა. გაიცა ბრძანება განედევნათ იგი, მაგრამ ამის შემდეგ მეფემ სამგზის ნახა... დიდი ბაყაყი, ესე იგი გომბეშო, რომელმაც უთხრა მას: „არ დაგანებებ შენ... რომ ადიდო ღმერთი, როგორც შენ არ დამანებე მე, ვადიდო ის“. მაშინ მეფემ თქვა: „ყოველი აქედით უფალსა“. ამით იოანემ მოიყვანა მაგალითი ებრაელთა მეფის, დავითის, ცხოვრებიდან. მაგალითი იმისა, რომ ყოველი ადიდებდეთ უფალსო. მეც მაქვს შიში უფლისა იმ ქვეყნად არ მითხრას: აბა ერთი შენ რა გააკეთე ჩემთვისო. ასე, რომ იოანესი არ იყოს, არც უფლის დიდება მოგიტანს ცუდს.

უცებ ბატონმა პავლემ საუბრის თემა შეცვალა და ისევ თეატრზე ჩამოაგდო სიტყვა.

– სიბრალულიც შეიძლება დამღუპველი აღმოჩნდეს თუ იგი ზომას გადააჭარბებს. ტრაგედია სიბრალულისა და შიშის ცოცხალი ემოციები უნდა აღუძრას მაყურებელს. მაყურებლის აღლევების გარეშე მხატვრულ ნაწარმოებს დაეკარგებოდა ყოველგვარი ეფექტი. თეატრი არის თავისებური კლინიკა, დრამატურგი არის ექიმი, ხოლო ტრაგედია არის ის წამალი, რომელმაც ვნებით დაავადებული სული უნდა განკურნოს. – ასე ამბობს არისტოტელე, მაგრამ ილია ამბობდა: „თეატრი ერის სარკეა“.

თეატრი სჭირდებათ მაშვრალთ, ტანჯულთ და გაუბედურებულთ და არა ბედნიერთ, არა იმათ ვისაც მსუბუქი და გახარებული სული აქვთ, ვისაც არაფერი არ აწუხებთ. ღმერთებს თეატრი არ დასჭირდებათ და ისინი ვერავითარ სიამოვნებას ვერ ნახავენ თეატრალურ წარმოდგენაში. თეატრალურ სცენაზე წარმოდგენილი ტრაგედიით ღიზიანდება მაყურებელი, ამიტომაც არ მიმართა მავრის თეთრ კანიანად ჩვენება მართებულად, იგი შექსპირმა იმიტომ წარმოადგინა მავრად, რომ უფრო მძაფრი გაეხადა სიყვარული და ამით დიდი საფიქრალი გაუჩინა მაყურებელს. ჩვეულებრივი ცხოვრება და ჩვეულებრივი ადამიანი ვერ მისცემდა მოკვდავს ისეთ აღზნებას, რასაც იგი თეატრებში „ოტელოს“ წარმოდგენაში ნახულობს.

– არისტოტელეს მოძღვრებით „გრძნობა არის კაცის ბუნებრივი ნაწილი და როგორც ასეთს... მოკვლა კი არ სჭირია, არამედ – მოვლა. თეატრიც უვლის გრძნობებს, აძლევს მათ თავისუფალი გაქანების საშუალებას“, მაგრამ ნიჰილიზმით დაავადებული ადამიანი ყველაფერს თავისებურად აღიქვამს. – ჩავერთე საუბარში მე.

ერთხელ საშიში ღელვის დროს პერონმა (ნიჰილიზმის მამამთავარმა) მიუთითა მეზღვაურებს ღორზე, რომელიც არხინად იწვა გემბანზე გოჭებთან ერთად. აი ასეთი უნდა იყოს ბრძენი... სულაც არ აქცევს ზღვის ღელვას ყურადღებასო. თუ ცხოველად იქეცი ადამიანი, მაშინ არც ღელვის შეგეშინდება და არც ცურვის არცოდნის.

შიშის აღძვრისა და სიბრალულის საშუალებით ტრაგედია აღწევს ვნებათა განწმენდას. სიბრალულიც ტანჯვაა ტანჯვის მიმართ, ანუ, თანატანჯვა. ტრაგედია იწერება მხოლოდ ისეთი მაყურებლისათვის, ვისაც აქვს შემეცნების ნიჭი და შეუძლია ამის გამო სიბრალული და შიში განიცადოს. „ტრაგედია... სიბრალულისა და შიშის აღძვრის ოსტატობა“.

– ყველა ადამიანი განსხვავდება ხასიათში სიავითა და სათნოებით, შემოქმედება კი ან ბუნებისაგან კარგად დაჯილდოებული კაცის საქმეა, ან – გადარეულის. ამათგან, პირველებს აქვთ უნარი სხვადასხვა ფორმა მიიღონ, ხოლო მეორენი ესთეტიკოსები არიან. ამას პლატონზე აქცენტირებით მოგახსენებ. – მეუბნება ბატონი პავლე. – პლატონი იმასაც ამბობდა „ზომიერება სიამოვნებისაგან და სურვილებისაგან თავშეკავებაა“. ამაშიც უნდა დაეთანხმო, მაგრამ ეს იმდროინდელი ხელოვნებისათვის (ოქროს შუაღელი) არის დამახასიათებელი და მაგაში ვერ გაამტყუნებ პლატონს, იმიტომ, რომ ანტიკური ხელოვნება ვერ ეგუება გადაჭარბებას.

თუ ჩვენ სინამდვილეში ვნახეთ სამფეხა ცხენი, ის მშვენიერი სანახაობა კი არა, საზიზღრობა იქნება. ქართულ ზღაპარში გვხვდება მსგავსი არსება. მაგალითად, სამფეხა რაში, რომელიც ზეპირსიტყვიერებიდან სახვით ხელოვნებაში გადატანილი, ასევე, მშვენიერი ვერ იქნება, იმიტომ, რომ ეს მართლაც საოცარი ცხოველი ბუნებამ ოთხი ფეხით შექმნა. ადამიანის თვალისთვის ასეა შერჩეული მასზე. ამიტომაც, თვალისთვის უხეში და შეუგუებელია სამფეხა ცხენი, თანაც – არაესთეტიკური.

– გასაგებია, ბატონო პავლე, მაგრამ ბერძენებმაც ხომ შექმნეს კენტავრი? პართენონის ბარელიეფშიც გვხვდება ფიდიასის „კენტავრომახია“ – როგორც „გიგანტომახია“, ისევე ბრძოლა „კენტავრებთან“. ეს მოტივი ზევსისა და აპოლონის ტაძრებშიაც გვხვდება, რენესანსმაც წინ წამოწია ეს თემა. ჩემთვის პირადად სანდრო ბოტიჩელის „ვენერა და კენტავრი“ არის თითქმის გათანაბრებული

ბერძნების ხელოვნებასთან. მართლაც რა მოხერხებულად და დიდებულადაა კენტავრის თავი და-
მორჩილებული ქალღმერთის უნაზეს თითებს!

– ჩემი აზრით, მაინც ვერ მოახერხეს ბერძნებმა ორი მშვენიერი სხეულის შერწყმა. ცალკე კი ორივე მშვენიერია. როგორ ერწყმის ისინი ერთმანეთს ჰარმონიულად, სწორედ ესაა საკითხავი. – მერთვება საუბარში პავლე. – მართალია, ლეგენდებში მოხდენილად უღერს, რომ აქილევეს კენტავ-
რი ქირონი ზრდიდა და ასწავლიდა სიბრძნეს, მაგრამ ეს ყველაფერი კარგია ზეპირსიტყვიერებაში. მშვენიერების პრინციპებისთვის მიუღებელია – ცხრათავიანი დევი ან ჰადესის ძალი „ცერბერი“, რომელსაც, ასევე, მრავალი თავი აქვს. რეალობაში არსად გვხვდება ერთი სხეულის ორი თავი. გამო-
ნაკლისი ბუნების შეცდომაა. ზოგჯერ ხომ მახინჯიც იბადება? ორთავიანი ხბო, ხან კიდევ – ოთხფე-
ხიანი ქალი. არ ვიცი, ჩემთვის პირადად მიუღებელია კენტავრის მშვენიერება ფერწერასა და ქანდა-
კებაში.

ამ საუბრით დავშორდით იმ დღეს ბატონი პავლე და მე.

მერე იგი ინგლისში გაემგზავრა. დაბრუნებიდან მეორე დღეს შევხვდით ერთმანეთს. უცნობ სა-
მყაროსთან მისი უშუალო შეხების დეტალები მაინტერესებდა.

– დღეს 12 იანვარია. როდის ჩამობრძანდით ინგლისიდან? – ვეკითხები ბატონ პავლეს.

– გუშინ, დილის 6 საათზე. – მპასუხობს ის და თითქოს ჩემს გულისნადებს მიხვდაო, ძუნწად, მა-
გრამ საზღვარგარეთულ შთაბეჭდილებებზე მაინც მესაუბრება. – სხვათა შორის, არის მსგავსებები
აქაურობასა და იქაურობას შორის. იქაც კლასებად დაყოფილია საზოგადოება. იქაც ახლოს ვერ
მიხვალ მდიდრებთან. ძალიან სიძვირეა იქ.

– ნახეთ მუზეუმები?

– კი, როგორ არა, მაგრამ ერმიტაჟი უფრო მდიდარია თავისი კოლექციებით, ვიდრე ინგლისის
რომელიმე მუზეუმი.

ამის შემდეგ ის უცებ ცვლის საუბრის თემას და მეკითხება:

– ვინ დანერა „რომეო და ჯულიეტა“?

– შექსპირმა, თითქოს არ იცოდეთ. – ვპასუხობ მე.

– იცი რას გეტყვი. ნამდვილი ამბავია, მანამდე ვინმეს დაუნერია „ბანელო“, მაგრამ შექსპირმა
უკეთ დანერა და ჩვენც შექსპირის ვინამეთ. ჩემი აზრით, რომანტიზმის იქით ვეღარ განვითარდა
ხელოვნება. რა თქმა უნდა ახალი. ან პიკასოს დაემსგავსები ან რაფაელს.

– ბატონო პავლე, დრო ცოტათი იცვლება. ყველაფერი იმ დროშიც ასეთივე იყო, ოღონდ დაფა-
რული. – მოკლე განმარტებით ვკმაყოფილდები მე.

– ფიზიკური შრომა კაცს ანადგურებს. რამდენადაც მას არც დრო აქვს და არც მოცალეობა.
ქართველი გლეხი ღამითაც კი ამინდს დარაჯობდა – ხვალ არ განვიმდეს, ვაითუ ყანაში წასვლა
ვერ შევძლოო. – მეუბნება პავლე. – ყველაფერი, რაც ხელოვნებაში კეთდებოდა, ელიტარული კლა-
სისთვის კეთდებოდა. შენ რომ ამბობ, ხალხს ანგარიში უნდა გაუნიოს მხატვარმაო, არ არის ეგრე.
ეგ კომუნისტების ლოზუნგია... ხალხი? ხალხი ბრბოა, როგორც მდინარე და სტიქია მიედინება თა-
ვისთვის. ძველი მხატვრები დიდ გასამრჯელოს ითხოვდნენ თავიანთი ნაწარმოებებისთვის. ყველა-
ფერი შეკვეთით კეთდებოდა დიდი შრომისა და თავდადების ფასად. ამიტომაც იქმნებოდა დიდი
ხელოვნება.

– კი მაგრამ, ბატონო პავლე, თქვენ ხომ წარმოთქვით ფრაზა – შრომა ანადგურებს კაცსო. თუ
მასეა, მაშინ ლეონარდოც უნდა მოეკლა შრომას.

– არა, მაესტრო, მე შემოქმედებით შრომას არ ვგულისხმობ. ლეონარდოს მეცნიერული ნაწა-
რმოებებიც შემოქმედებითია, ის არც იმაში დამცირებულა, რომ მისი მოსწავლე რაფაელი იყო.

– განა შემოქმედებითი არ არის ყველა შრომა, – შევეპასუხე მე. – მაგალითად, მამულაიშვილი არსებობდა, მგონი, მცხეთაში, რომელსაც ყვავილების ბალი ჰქონდა მოშენებული. მან მ. კვესელავას თხოვნა შეასრულა – ქვაზე ამოსული ყვავილი მოუტანა – „შეხედე სიცოცხლე ქვაზეც კი ხარობსო“.

– ესეც ელიტარულს უკავშირდება. – თავისას გაიძახის პავლე. – გაიხსენე კ. გამსახურდიას „დიდოსტატის მარჯვენა“: „რაოდენ შიმშილისა და მსხვერპლის ხარჯზე აშენდა სვეტიცხოველი. სიყვარულიც, რომ სიყვარულია იგიც კი მეფე გიორგიმ წაართვა არსაკიძეს“. განა რუსთაველისეული სიყვარული და არსენა ყაჩაღის სიყვარული ერთი და იგივეა?

– ამით იმის თქმა ხომ არ გნებავთ, რომ გაუნათლებელი კაცი რაინდად ვერ ჩაითვლება? – ვუსვამ კითხვას თანამესაუბრეს.

– დიახ, ცხოველურ ინსტიქტებს აყოლილი და სულით დაცემული ადამიანი ვერაგია, ვერაგი თუ არა, ეგოისტი. თუ არა და – დაკომპლექსებული.

– ამაში ვერ დაგეთანხმებით, ბატონო პავლე. კეთილისა და ბოროტის კვალიფიკაციები სწორედ არისტოკრატიულ მორალთან შეპირისპირებაში იბადება. – ვერთვები მე. – „ბოროტი“ მონათა მორალში არის ყველაფერი ის, რაც ბატონთა მორალითაა გამართლებული. „კეთილი“ ყველაფერი, რაც დაჩაგრულის, სუსტის, არსებობას გააადვილებს. მონათა მორალში ბატონთა შეფასებების სრული გადაფასება ხდება. წოდებრივად მაღალი ადამიანი და მისი სულიერი მდგომარეობა კვალიფიცირებულია როგორც „ბოროტება“, „კეთილი“ კი – უძლური, ტანჯული და ღატაკია.

გაგრძელება იქნება

ჩვენის ლეგაციისთვის დაბრუნების 140-ე წლისთავისთვის



ილია ჭავჭავაძე

სამართვლის მბრძოლი

შინაური მიმოხილვა, 1879 წელი, თებერვალი.

ყოველ მხრიდან ისმის, რომ ჩვენი მოძენი – აჭარლები და ქობულეთლები ძალიან ცუდს მდგომარეობაში არიან და ნუგეშსაც ჯერ-აქამომდე არსაიხილავთ მოელიან. წარსულმა ომებმა თუმცა ყველას მიაყენა აუცილებელი ზარალი, მაგრამ აჭარა და ქობულეთი ყველაზედ მომეტებულად დაისაჯა. ამას ეჭვი არ უნდა: აჭარა და ქობულეთი ომის მოედნად გახდა ბედმა, იქ იდგა ცალკე რუსის ჯარი და ცალკე ოსმალისი. ჯარების დგომა, ნამეტნავად ერთი-ერთმანეთზედ სამტროდ გალაშქრებულისა, რასაკვირველია, კეთილს არ დააყრიდა ხალხს საზოგადოდ და უფრო იმ ხალხს საკუთრივ, რომლის მამულშიაც ჯარები იდგა და რომლის ბედი წინათვე არავინ იცოდა, ვის ჩაუვარდებოდა ხელში. ამიტომაც აშკარაა, არც რუსი გაუფრთხილდებოდა ხალხის სიკეთესა და არც ოსმალს; არც რუსი მოიქცეოდა გულმტკიცეულად და არც თათარი. „დროების“ №32-ში კარგა ცხოვლად არის აწერილი გ. წერეთლისაგან ის საცოდაობა, რასაც წარმოადგენდა ქობულეთი ომის დროს და ომის მერმეთაც. ჩვენ დარწმუნებული ვართ, რომ არამც თუ გადამეტებულია, რასაც გ. წერეთელი გვაუწყებს, არამედ იმის ნატამალიც არ უნდა იყოს, რაც საცოდაობა აჭარას და ქობულეთს მიადგა ომის გამო. აოხრება ტყეებისა და მინდვრებისა, წვა და ბუგვა სოფლებისა, დანიოკება ხალხისა, გარდახვეწა ზარდაცემულთა მცხოვრებთა, ამის გამო წარამარად დაღუპვა ხალხის ქონებისა, რომლის ნაღებაც თან არ შეიძლებოდა, უხვნელ-უთესავად დარჩომა. ბოლოს სიკვდილი და სისხლის ღვრა – ესენი სულ იმისთანა თვისების უბედურობაა, რომელიც დიდხანს გასწევს და დიდხანს იქნება საგრძნობელი, თუ მთავრობა ეხლავე ხელს არ შეუწყობს ხალხსა. არ დააკვირდება მის აწინდელს მდგომარეობას, არ მიუშველება ფულით, თუ სხვა ღონისძიებითა და თუ დროებით მაინც არ ამოუშვა იმ მოვალეობისაგან, რომელიც ხაზინის ინტერესს შეადგენს. ეს უკანასკნელი მაინც აუცილებელი საჭიროებაა ქობულეთის და აჭარისათვის, თუ მთავრობას ჰსურს დაანახვოს ხალხსა თვისი უკეთესი მხარე, რომლითაც იგი მართლა-და სანატრელია ყოველი კაცისათვის, სახელდობრ – ის მხარე, რომლითაც სახელმწიფო თავის უწმინდაეს მოვალეობად უნდა აღიარებდეს ხალხის შველას ყოველთვის და გაჭირვების დროს ხომ უფრო. მის კეთილდღეობისათვის წადილს, მზრუნველობას და მზურვალე გულდადებას, და ამ შემთხვევაში ზოგვა და ძუნწობა საბოლოო საქმის წახდენა და

ღალატია სახელმწიფო საქმისა. ეგ შველა და ხელუხვობა სახელმწიფოსი მით უფრო არის სასარგებლო, რომ თითონ სახელმწიფო არაფერს დაჰკარგავს: ხალხი, ფეხზედ წამომდგარი, უფრო უკეთესი ღონეა სახელმწიფოსათვის, ვიდრე დავრდომილი და სულით და ხორციტ გათახსირებული; მარტო გულმოგებული და ფეხგამაგრებული ხალხია უშრეტი წყარო სახელმწიფოს სიმდიდრისა და ძალისა. აქ ყოველივე შესანიშნავი, ყოველივე სანთელ-საკმელი გზას იპოვის, გლეხისა არ იყოს, და სახელმწიფოს გარდამეტებით დაუბრუნდება. ჩვენდა სამწუხაროდ, ისმის, რომ ეს სანატრელი მხარე მთავრობისა ფეხადგმული არ არის ჯერ აჭარასა და ქობულეთში, თუმცა მოხელეთა შორის იმისთანა პატიოსანი და ხალხის გულშემატკივარი კაციც არის სხვათა შორის, როგორც თავ. გრიგოლ გურიელი, მაგრამ ხომ მოგეხსენებათ, ერთის მერცხლის ჭიკჭიკი გაზაფხულს არ მოიყვანს...

ნამეტნავად კინტრიშის მაზრაა თურმე საშინელს ყოფაში და გაჭირვებაში. რომ მართლა იგი ყოფა და გაჭირვება საშინელია მარტო ის ამტკიცებს, რომ თითონ მთავრობას საჭიროდ დაუნახავს იმისი გამოცხადება საქვეყნოდ. ვინ არ იცის, რომ ამისთანა ამბების გამოცხადება მთავრობას ყოველთვის ეძნელება და ემძიმება. სჩანს მართლა დიდი უბედურება უნდა ტრიალებდეს კინტრიშის მაზრაში, რომ მთავრობა იძულებული იქმნა ეგ უბედურება ყველასათვის ეუწყებინა. მთავრობა მიშველებია კიდეც გაჭირვებულს ხალხს, მაგრამაო იგი შველა საკმარისი არ არისო. ჩვენ ეს არ გვესმის! რატომ იმდენად არ მიშველებიან, რამდენადაც საკმარისია? რაო? სახელმწიფოს იმოდენა ღონე აღარა აქვს, თუ სხვა რამ მიზეზია? განა ამისთანა შემთხვევაში, უღონობის გარდა, სხვა რამ მიზეზიც შეიძლება რომ იყოს! უღონობა კიდეც ჭკუაში მოსასვლელი არ არის: სახელმწიფოსათვის ერთის მაზრის შენახვა, თუნდ მთელს წელიწადს, წვეთია ზღვისათვის. ვფიქრობთ და ვერ მოგვიფიქრნია, რით ავხსნათ ეს ნამცეცების მიწვდა, როცა ხალხი ერთის მთელის მაზრისა შიშველტიტველი, მშიერ-მწყურვალის თვის გარშემო ჯოჯოხეთსა ჰგრძნობს. ან სულ ჰო, ან სულ არა. აქ ორ წყალ-შუა დგომა უადგილოა და ამაზედ მეტიც, თუ სწორეს გვათქმევინებთ...

ჩვენ ამითი იმისი თქმა კი არ გვინდა, რომ რაკი მთავრობა ამისთანაებში მოვალე და ყოვლად-შემძლებელი ღონე, ჩვენ გულ-ხელი დავიკრიფოთ და გულგრილად ვუყუროთ ჩვენის ძმების უბედურებას, გულგრილად და თუნდ ცარიელის გულისტკივილითაც შევყუროდეთ, როგორ თრთის და იკრუნჩხება შიშველი ბავშვი სიცივისაგან, როგორ უკვდება იგი კალთაში შიმშილისაგან ძუძუგამმრალს დედას. როგორ ტყის ნადირსავით დაძრწის ღონემიხდილი დამშეული მამა, იმედ-დანთქმული, რომ რითიმე მიეშველოს შიმშილისაგან სულთმობრძავს ოჯახსა. გარბის ამ ოჯახიდან შორს, რომ თავისის თვალთ არ დაინახოს გულსაკლავი სურათი კარზედ მოდგომილის სულთამხუთავისა, არ დაინახოს თავისის ცოლის, თავისის შვილის, თავისის დის, თვისისა და ტომის სასონარკვეთილი ყოფა, არ გაიგონოს თავისის ყურით ამოო ძახილი ცოლისა: „კაცო, გვიშველე, ვიხოცებით“, საცოდავი კნავილი ბავშვისა: „მამავ, პური, მამავ, პური“... გარბის თითონაც დამწვარი და დადაგული შიმშილისაგან, გარბის შორს, შორს... გარბის და ჰგრძნობს, რომ სამუდამოდ ეცლება ხელიდან ყოველივე ის, რისთვისაც სცხოვრობდა, რისთვისაც სულდგმულობდა, რისთვისაც იღვწოდა, ყოველივე ის, რაც მისთვის ყველაზე უძვირფასესია... ჰგრძნობს და გულს უბზარავს მწვავე ტკივილი სასონარკვეთილებისა, უიმედობისა და უღონობისა. ან არა და დგას ამ საშინელის სურათის წინ – უღონო, უილაჯო, თვალებ-ჩაცვივნილი, ნაწილებ-ამომწვარი შიმშილისაგან, დგას და უყურებს, რომ თვალწინ უკვდება ცოლი, უკვდება შვილი, უყურებს და იწვის, იდაგვის, რომ არსაიდან ხსნა არ არის, არსაიდან შველა, და თუ რამ ნუგეში აქვს, ეგ ის ნუგეშია, რომ მეც შიმშილი დღესა თუ ხვალე ამომხდის დაუძლურებულს სულსო და ჩემს ცოლ-შვილს საიქიოს შევეყრებო... იცით მერე ამისთანა ყოფა რა ტანჯვაა, ნამეტნავად მაშინ, როცა ხედავ, რომ გარშემო მთელი მაზრა, ათას-ათასი ღვთის-კერძო ადამიანი წივის, კივის: „გვიშველეთ, შიშველები, მშივრები ვიხოცებით!“ ეგ მთელი ჯოჯოხეთია, მთელი!..

აბა ახლა წარმოიდგინეთ ეს ჯოჯოხეთი რამოდენად გაძლიერებული უნდა იყოს იმ კაცის გულში, რომელიც მაგ ყოფაშია ჩავარდნილი და გვერდით ხედავს თავის ძმას, რომელსაც შველა ცოტად თუ ბევრად შეუძლიან და არ შველის. ქართველობავ, ნუ იქ მაგ სამარცხვინო საქმეს... ხელი გაუწო-

დე შენს ძმებსა და დებსა, რომელნიც დღემდინ შენთვის დაკარგულნი იყვნენ და რომელნიც დღეს შენთანვე მოვიდნენ! შევენივნეთ, რითაც შეგვიძლიან, ფულით, საჭმლით, საცმლით, ხორაგით! ამას ითხოვს ყველასაგან საზოგადოდ კაცთმოყვარეობა და ჩვენთვის კი საკუთრად ზნეობითი მოვალეობაც ძმისა ძმის წინაშე. შევენიოთ და ვაჩვენოთ ქვეყანას, რომ კაცთმოყვარეობა ჩვენი თვისებაც არის, ვაჩვენოთ, რომ ძმათა სიყვარული ჩვენშიაც ისე ყოვლად შემძლებელია, როგორც სხვაგან, ვაჩვენოთ, რომ ჭირში ჩვენც ვიცით დახმარება, ვაჩვენოთ, რომ ძმობა, ერთურთობა, ერთმანეთის შველა და გატანა უქმი სიტყვა არ არის ქართველობისათვის!.. აქ უკან დახევა სირცხვილია და ყველასათვის და ჩვენთვის ხომ სირცხვილზედ მეტიც... ჩვენ გაჭირვებულების ძმები ვართ, ძმები!.. ეს არასდროს და არას შემთხვევაში არ უნდა დაივიწყოს ქართველობამ... ამ ძმობაში გამოიკვანძა ჩვენი ბედი. ამ ძმობამ ჩვენი ბედნიერების კვირტი უნდა გამოიტანოს. ქართველობაც, ჩვენი უწმინდაესი ვალია, უნდა მივეშველნეთ!.. ღარიბნი ვართო, ვიძახით, მაგრამ ქვეყანაზედ მარტო ღარიბმა იცის – რა არის შველა. რა არის ძმობა გაჭირვებაში.

ამიტომაც უფრო იმედი გვაქვს, რომ ყოველსფერში გულუხვი ქართველი, ქველის საქმეში უფრო გულუხვობას გასწევს და არ დაიზარებს გაჭირვებულ ძმათათვის შესანიშნავს; რედაქციები „ივერიისა“ და „დროებისა“ ყოველ-დღე მზად არიან მაც შესანიშნავის მისაღებად. ჩვენ ვურჩევთ, რომ შემწირველთა უფრო „დროების“ რედაქციას მიჰმართონ, რადგანაც „დროება“ ყოველ-დღე გამოდის და ამის გამო მას შეეძლება ყოველ-დღე აუწყოს საზოგადოებას შეწირულის ფულის ანგარიში და ამასთანავე შემწირველთა სახელებიცა.

აბა, ქართველობაც, ეხლა შენ იცი, როგორ დაანახებ თავს ახლად შემოერთებულს ძმებსა! ეხლა შენ იცი, როგორ დაუმტკიცებ ქვეყანას მამაპაპათ ანდერძს: „ძმა ძმისთვისა და შავ დღისთვისაო!“ ეხლა გამოჩნდება, ეს ანდერძი შენთვის ცარიელი სიტყვაა, თუ სავსე საქმეა!.. ახლა გამოჩნდება, შენ მარტო დღევანდელს დღეზედ ხარ მიბმული, თუ ხვალისთვისაც სწუხ და ჰფიქრობ!..

ყოველივე ეს უბედურობა, რომელიც თავს დასცემია აჭარა-ქობულეთს და მისი უნუგეშოდ ყოფნა – დიდს განსაცდელში ჰყრის ახლად შემოერთებულ ქვეყნის მცხოვრებელთა. რუსულ გაზეთ „Горю“-ში დაბეჭდილი იყო კორესპოდენცია და მერე სხვა გაზეთებშიაც გადაბეჭდილი, რომ აჭარლები აყრას ჰფიქრობენ და ოსმალეთში გადასახლებასაო. ამის მიზეზი იცის, როგორც ეტყობა, კორესპოდენტმა, მაგრამ გამჟღავნება მისი „შემთხვევისა გამო სხვისა და სხვისა“ ვერ მოუხერხებია. რუსული გაზეთები კი ამბობენ, რომ ხალხის აყრა და ჩვენიდამ გადასახლება ოსმალეთში ისეთი მძიმე და ღირსშესანიშნავი ამბავია, რომ აქ დამალვა ნამდვილის მიზეზისა ცოდვა არისო და დიდი დანაშაულიო სახელმწიფოს წინაშეო. ჩვენც ამ აზრისა ვართ, მაგრამ რას იქ...* (აქ ცენზურის მიერ ამოღებულია ადგილი) თუ მართლა აჭარა აიყრება და გადასახლდება, საკვირველი რამ იქნება, თუ შენც იტყვი, მკითხველო! ხალხი რათ უნდა მიიზიდებოდეს ოსმალეთში...* (აქ ცენზურის მიერ ამოღებულია ადგილი) მერე როგორ? თავისს მამა-პაპეულს ბინას, სახლს, კარს, მამულს, დედულს, მამათა სალოცავს, მამათა საფლავს, – სულ ყველაფერზედ ხელს უნდა იღებდეს ხალხი და ოსმალეთში მიდიოდეს, გაგონილა!.. საკვირველი ამბავია!.. ნუთუ, რაც უნდა იყოს, რუსეთის ხელში ყოფნა არ უნდა ერჩივნოს, ვიდრე ოსმალეთის ხელში? ნუთუ ხალხი სტოვებს ყველაფერს, რაც კი მისთვის ძვირფასია, სტოვებს – ვიმეორებთ – მამულს, დედულს, სახლ-კარს, ადგილს, საცა დაიბადა, საცა გაიზარდა, საცა უმარხია დედა, მამა, ძმა, – და მიდის სად? ოსმალეთში...* (აქ ცენზურის მიერ ამოღებულია ადგილი) რაო, რა ამბავია? მოჩვენებაა შეშინებულის გონებისა, თუ მართალი ამბავია!..* (აქ ცენზურის მიერ ამოღებულია ადგილი) რათ მირბის ხალხი, მერე როგორ მირბის? ვიმეორებთ – სულ ყველაფერს სტოვებს, რისთვისაც კაცი თავს იკლავს ხოლმე მთელი თავისი დღენი, რისთვისაც ზრუნავს დაბადების დღიდგანვე, რისთვისაც იღწვის და ამ წუთისოფელის ტანჯვას ითმენს, რაც უყვარს, რასაც შესტრფის, რასაც შეჰხარის, რასაც დღესასწაულობს, – დიაღ, სტოვებს და მიდის სად?...* (აქ ცენზურის მიერ ამოღებულია ადგილი) ოსმალეთში!..

ეს რა ამბავია, რა ამბავია!.. ადამიანი კიდევ ადამიანია ქვეყანაზედ, თუ განადირდა, გამხეცდა, რომ გვერდით ადამიანს ვეღარ იყენებს, ვეღარ იშვინებს, ვეღარ ითვისებს! ხალხი თავის ათას-წლო-ბით დამკვიდრებულ ბინიდან იშლება და მიდისო... ეს დაუჯერებელი, ტვინის შემარყევი ამბავი მხოლოდ შეიძლება მაშინ მოხდეს, როცა ხალხს ეტყვიან, ან აქ სიკვდილი, ან იქ სიცოცხლეო. სხვა არა მიზეზს არ შეუძლიან ხალხს ასე თავი გამოამეტებინოს, ასე ხელი ააღებინოს თავის ბინაზედ, თავის მამულზედ, თავის დედულზედ და გარდახვეწოს ვინ იცის საით... რამ მიიყვანა საქმე იქამდის. ამ განწირულებად, ამ სასწრაფო კეთილშეშობებამდე? რამ და იმანაო, ამბობენ ყველგან, რომ ამ ახლად შემოერთებულ ქვეყანას კალიასავით მიესია თურმე ყველა კალიაზედ უფრო მსუნაგი, უფრო ხარბი, უფრო გაუმადლარი წვრილი ჩინოვნიკობა. რამდენიმე კაცის გარდა, ასეთები არიან თურმე დანარჩენები, რომ როცა იმათს ამბავს ლაპარაკობენ, თმა ყალყზედ დგება. ამათ შორის, საცა გამოგდებული სამსახურიდან კაცი იყო თურმე, საცა გამოუსადეგი, უხეირო, თავზედ-ხელაღებული იყო, იმ ახალ ქვეყნებში მოხელეობა მიიღო. აბა რა კეთილს დააყრიან ხალხს? აბა რა მხრით დაანახებენ ისინი რუსის მთავრობასა, რუსის მმართველობასა? არავის ეჭვი არა აქვს, რომ თუ ეს სამარცხვინო საქმე მოხდა და აჭარა გადასახლდა, ბრალი იმათ უნდა დაედოთ, ვინც მოხელეთაგანი აქამდის მიიყვანს საქმეს...

ღირსება და სიკეთე რომელიმე მთავრობისა, ხალხისაგან ცნობილი და აღიარებული, სთესავს ხალხში იმ სიყვარულის თესლს, რომელიც მეტად სანატრელი უნდა იყოს ცნობიერად მომართულ და მიმართულ სახელმწიფოსათვის; და მარტო ეს სიყვარულია სათავედ ყოველ იმისა, რაც კი შეადგენს სახელმწიფოს ძალასა და ღონეს, იმიტომ რომ მარტო სიყვარულით აღფრთოვანებული ხალხია საიმედო ყოველს განსაცდელში, რაც კი სახელმწიფოს ისტორიის გზაზედ შეემთხვა ხოლმე, მარტო სიყვარულით გულგამთბარს ხალხს შეუძლიან სიცოცხლისა და ქონების განირვა სახელმწიფო კეთილდღეობისათვის, მარტო სიყვარულით გაძლიერებულის ხალხით შეიძლება იმისთანა სასწაულები მოახდინოს სახელმწიფომ, რომლის მაგალითები ბევრია ისტორიაში და რომელიც დღესაც გვიკვირს და გვაოცებს. საცა ეს სიყვარული არ არის, იქ სახელმწიფო ფულუროა, ფუყეა, ერთი ლაზათიანის ქარის შემობერვა და იმისი გადამსხვრევა ერთია...

უმაღლესი სფერა მთავრობისა საზოგადოდ...* (აქ ცენზურის მიერ ამოღებულია ადგილი) მეტად მიუწვდომელია ხალხის თვალისათვის. ისე შორსა სდგას იგი ხალხზედ, ისე იშვიათად დაენახება ხოლმე ხალხის თვალს, რომ ძნელად თუ ხალხი მას პირისპირ გაიცნობს, და თუნდ ძალიან კარგიც იყოს, მისი სიკარგე, მინამ ხალხამდე ჩავა, მრავალ ხელში გაივლის ხოლმე და ამის გამო ვინ იცის რა სახით ეჩვენება. თითონ ხალხიც საზოგადოდ, და დაბალი საკუთრივ, ისე მომწყვედილია თავის ვინრო ავ-კარგიანობაში, მისი ყოველდღიური საჭიროება ზედგამობულია ისეთს წვრილმანს საგანზედ, რომ ძნელად თუ მიეცემა მიზეზი პირისპირ შეხედეს მთავრობას და მით იხელთოს შემთხვევა მისი ავ-კარგიანობა აწყოს. ყველგან უმაღლეს მთავრობის და ხალხის შორის სდგას ხოლმე მთელი რაზმი მოხელეებისა, რომელნიც მახლობელნი გამომეტქმელნი არიან უმაღლესის მთავრობის წადილისა, მიმართულებისა და ავ-კარგიანობისა, ხალხი თუ იცნობს მთავრობას, ამ მოხელეებით იცნობს, რადგანაც იგინი არიან მისდა მახლობლად, მათ უდგათ მის ცხოვრების დირეზედ ფეხი, იგინი განაგებენ ყოველ-დღეს მის ავსა და კარგსა და ყოველ-დღე თვალწინ ტრიალებენ. უმაღლესი მთავრობა თუნდ კარგიც იყოს, შესაძლოა მოხელეების წყალობით ხალხმა აითვალწუნოს იგი უმაღლესი მთავრობა და იმდენად დაფრთხეს, რომ მამაპაპეული ბინაც მოიშალოს და ცხრა მთას იქით გადავარდეს, ოღონდ თავი ცოცხალი დააღწიოს. ამიტომაც კეთილად, გონიერად და ცნობიერად აგება ხალხის მახლობელ მმართველობისა, კაი კაცების შერჩევა – შეადგენს ერთს იმისთანა უპირველეს და აუცილებელს საჭიროებას, ურომლისოდაც მთავრობა კი არ არის, წენვა-გლეჯაა, ზედმისევაა, თავზარია ხალხისათვის. ამის შემდეგ ნულარ ჰკვირობთ, რომ დღეს, მეცხრამეტე საუკუნეში, რამოდენიმე მაგალითი ვნახეთ ხალხის მამა-პაპეულ ბინიდან აყრისა და გარდახვეწისა... დეე, ამაზედ ჩვენს შემდეგი ისტორიკოსი განცვიფრდეს, ჩვენ კი ეს გულისტკივილით შევნიშნოთ და შევიტანოთ ჩვენს მატთანში...

ი. ჭავჭავაძე, თხზულებანი, თბ., 1957, გვ. 466-475.



უკუპი ნარიათი

დღეგანდელი ღხინი...

ბატონებო!

ბევრი ქართული ღხინი გვინახავს, ხშირად დავსწრებივართ სუფრაზედ, სადაც ჩვეულებრივი მოლხენა და გულგახსნილობა ყოფილა, მაგრამ ისიც კი არ დაგვრჩენია შეუნიშნავად, რომ ხანდახან ამ მოლხენის დროს ზოგიერთ მოლხინე ქართველების მხიარულ სახეს ჭმუნვის ღრუბელი გადაჰკრია, თითქოს იმათ იმ დროს რაღაც სწყვეტდათ გულსა. თითქოს ისინი მაშინ რაღაცას ინაკლისებდნენ იმ მდიდარ სუფრაზე.

დღევანდელი ღხინი კი, ვხედავთ, სხვაგვარია: მხიარულება უნაკლულო და სიხარული უღრუბლო! და რას უნდა მივანეროთ ეს? თუმცა თვითუფი თქვენთაგანიც კარგადა გრძნობს ამას, მაგრამ მე მაინც ვიტყვი, რომ ამის მიზეზია დროთა ვითარებისაგან დაშორებულის ჩვენის მოძმეების, რომლის წარმომადგენლებიც აქა ბრძანდებიან, დღეს ხელახლად ჩვენთან შემოერთება და ძლიერად შეკავშირება.

დიაღ, ბატონებო, დღეს ჩვენ შეგვიძლიან მივიდეთ ჩვენის წინაპრების საფლავებთან და ჩავსძახოთ, რომ მათი ანდერძი ჯერ კიდევ არ გაგვიფუჭებია.

და რა იყო, ბატონებო, ეს ანდერძი?

...აქ მე ნამეტანს არას ვიტყვი. ეს ანდერძი იყო: დედაენა და ერთობა! ამავების სადიდებლად ბევრი შრომა გაუნევია და დიდი მსხვერპლი შეუწირავს ჩვენს ნეტარხსენებულს მამა-პაპებს.

პირველი, ესე იგი, ენა, ისე მდიდრულად შეუკაზმავთ და ისეთი გემოც მიუციათ, რომ ჯერ კიდევ ვერ მოგვიხერხებია მისი დავიწყება, და არა თუ ჩვენ, იმ ჩვენ მოძმეებსაც, რომელნიც რამოდენიმე საუკუნის განმავლობაში დაშორებულები გვყავდნენ, იმათაც კი შერჩენიათ დედა-ენა ტკბილად სასაუბროდ.

მეორე, ესე იგი, ერთობა. ისე მდიდრულად შეუმუშავებიათ და ისეთ გვარად აუბეჭდავთ, როგორც გარეგანის, ისე შინაგანის, საკუთრად ქართველის ერის საკუთვნელ ნიშნებით, რომ დღესვე ქართველი ერთის შეხედვისთანავე იცნობა. ესევე ნიშნები დარჩენია ჩვენს მოძმეებსაც: ამის დასამტკიცებლად შორს ნულარ წავალთ. – საკმაოა, რომ აქვე, აი სუფრაზედ მივიხედ-მოვიხედოთ.

ახლა ვხედავთ, რომ ჩვენის წინაპრების დანაპირები აქეთაც და იქეთაც შენახულა და ამით სჩანს, რომ ჩვენ შორის ძმური კავშირი თურმე არასოდეს არ ყოფილა მოშლილი!

დიაღ, დღემდი თუ ცალ-ცალკე შეგვინახავს ის ანდერძი, დღეს უფრო ადვილათ და ძლიერად ავასრულებთ, თუკი ძმურად მივცემთ ერთმანეთს ხელს, დავადგებით ერთ გზას და მივმართავთ ერთ მიზანს.

აქ ესეც უნდა მოვიხსენიოთ, რომ იმ ჩვენს სამაგალითო მამა-პაპებს, სხვათა შორის, ერთი დიდი ღირსებაცა ჰქონდათ: მტრის და მოყვრის პასუხის გება! ვისგანაც კი რამ კეთილი დაუნახავთ, ერთი ათასად გადაუხდიათ.

ამ ღირსებებს ნურც ჩვენ ვიქნებით მოკლებული: ვინც ჩვენ კეთილს გვიქადებს, და ვინც აგვისრულებს დანაპირებს, ჩვენც ვეცადოთ მისთვის სამაგიეროს გადახდა და დავუმტკიცოთ სიყვარული...

თუ ჩვენი მამა-პაპები ადევნებდნენ თვალს ქვეყნის მოძრაობას, ნურც ჩვენ ვიქნებით თვალდახუჭული...

მზად ვიყოთ, რომ ბედს, საიდანაც უნდა მოდიოდეს, კარი გავუღოთ, – და უბედობას ვენინააღმდეგოთ!

ეს იქნება იმ ანდერძის სისრულეში მოყვანა.

მაგრამ რომ კიდევ უფრო გავძლიერდეთ, ვიცნოთ ჩვენი თავი, დავაფასოთ ჩვენი წინაპრები და თვალყური ვადევნოთ დროთა ვითარებას, საჭირო არის, რომ ვეცადოთ ჩვენი შვილების გამოზრდას... მივცეთ გზა განათლებას, და შემდეგ იმათ ენერგიას და ცოდნას მამებმაც დავახმაროთ ჩვენი გამოცდილება და ისეთ შეერთებულად ვიღვანოთ, რომ ჩვენ წინაპრებთან პირშავად არ დავრჩეთ.

გაზ. „დროება“, №239, 1878.



ბრიგოდ ორბედიანი

რა ბზიხარია?

ბატონებო! რას მოასწავებს დღეს ჩვენი აქ შეყრილობა? რა გვიხარია? რასა ვდღესასწაულობთ? კრება ესე წარმოგვიდგენს სასიხარულო მას სანახავსა, როდესაც ერთის დედისა შვილნი, შავის ბედისა გამო, განშორებულნი, დიდხანს ერთმანეთისათვის დაკარგულნი, – ანაზღეულად, მოულოდნელად შეხვდნენ, იცნეს ერთმანეთი და გადაეხვივნენ გულითადი სიყვარულითა.

ჩვენცა, აგრეთვე, საქართველოს შვილნი, ვიყავით დაკარგულნი ერთმანეთისათვის საუკუნობის განმავლობაში; ბევრი ვიტანჯეთ მტერთაგან, ბევრი გაოხრება გამოვიარეთ, მაგრამ მაინც კი არ დაგვიწყებია დაშორებული ჩვენი ძმები. თვალი, გული გვეჭირა თქვენკენ, ბატონებო, და ვინატროდით, როდეს აღმოვა ჩვენი მზე შეერთებისა.

და აი, დღეს გვისმინა ღმერთმაცა და დღეს ჩვენს შორის ვხედავთ დაშორებულთა ძმათა, მოხარულნი ვმადლობთ უფალსა და ვევედრებით, რომ შეერთება ესე ჩვენი იყოს უკუნითი უკუნისამდე შეურყევლად... და დღეის იქით ლხინშიაც, ჭირშიაც უნდა ვიყვნეთ ჩვენ ერთად, ვითარცა ერთნი დედასაქართველოს შვილნი.

გაზ. „დროება“, №239, 1878.



შერიფ ხიბშიაშვიდი

ჩვენ გვინდა ბანათლები

კაი იქნება, ბატონებო, რომ აჭარლებიც ქართველებთან იყვნენ შემოერთებული, მაგრამ თუ იგი არ მოხდა, საცაა უნდა იქნეს, ვინატროთ, ბედნიერად იყვნენ. განათლება სჭირდება, ბატონებო, იმათ. ამდენი ახალგაზრდაი კაცები ხართ, განათლებულები, წადით, გაიცანით, ზოგიც აქ მოიყვანეთ, სკოლა გამართეთ, ასწავლეთ... და ასე უნდა... აბა, რა ძმა ხართ, თუ ისე აბდღურად დატოვებთ.

გაზ. „დროება“, №126, 1878



ემსპედიციის დღიშრობი¹

30 ივლისი, კვირა. გაღმა ქორაით უნდა დავინწყოთ მუშაობა. მცირე დასახლებაა მასისის მარჯვენა სანაპიროზე, შემალლებულ ადგილას, გაშენებული.

შენიშვნა: სათავეში მდინარეს მასისს ეძახიან, დაბლა – ელიასხევს. პირველი სახელი დაბადების ადგილის მიხედვით შეურქმევიათ, მეორე – იმ სოფლის მიხედვით, რომელსაც ჩამოუვლის და შუაზე ყოფს. აქაც იგივე მეორდება, რაც შავშეთში: შავშეთისწყალს სათავეში ფაფართი ჰქვია, დაბლა – შავშეთისწყალი...

გზად სასტუმრო „მასისთან“ გავჩერდით. მევლუდ დოლენჯოლი გამოგვეგება, ჩვენი მეგობარი და მასპინძელი. იქვე, ეზოში, ძელსკამზე ჩამოვსხედით. ბარემ ვიტყვი, რომ მევლუდი კარგი მექართულეა და, რაც მთავარია, დიდი ინფორმაციის მატარებელი; ამიტომაც, სადაც კი დავიმართოვებთ, ვცდილობთ, მოვათხოვინოთ რამე, ისიც გვიამბობს დაუზარებლად...

დღესაც, ჩვენი შეხვედრისა და მოკითხვის შემდეგ, ვთხოვეთ მევლუდს, ადგილის სახელები ჩაგვანერინო.

– **წყალი არი დამდგურებული** (აქ: დამდგარი – ავტ.), **სახტომიდან დევწყოთ:**

ჯარის სანვენი (მდრ.: ხარი ათალი)...

მერე ერთი ოჯახის ქოხები არი, იქ წყალი არი, ხელ ვერ შეყოფ, მოდრიკავს. დღეს გევნეს, პიკნიკი იჯებიან, დიდი სასონი (სასვენი – ავტ.) არი, სანჩხრის თავი. სანჩხრის თავში ყოფილა *სატყეპი,

კულუშისი წყალი,

პეტრაჲ **დურგი (ზურგი – ავტ.),

დიდი დურგი,

ნონოლ ტბაჲ,

დიდ ხაშული,

ლომბი ტბავი (ლომის ტბა – ავტ.),

სარცხი ტბავი – კვირაში ერთი დღე სარცხელი დრო ყოფილა, იმ დროზე ხალხი გევდოდეს, სარცხელს იქმოდეს.

*სატყეპი – საინტერესო სიტყვაა, სამჭედლოს მნიშვნელობით. მჭედელი სცემს (უროთი), ტყეპავს||ტყეპავს რკინას. ტყეპა ტაოურში ცემასაც ნიშნავს: ქორწილში „გავსტყეპეთო პარხლელები“, – უთხრა ერთ დღეს მალხაზსა და ზაზას მევლუდმა (მალხაზმა მომანოდა ინფორმაცია).

**დურგი გამოთქვა მევლუდმა, იგივე გაიმეორა ჩაკითხვის შემდეგ.

დავაკვირდეთ მევლუდის თხრობის მანერას: დაასახელებს გეოგრაფიულ სახელს და მოაყოლებს განმარტებას.

¹ დასასრული. დასაწყისი იხ. ჟურნალი „ჭოროხი“, № 2, 3, 2018 წ.

ცოლმა დაუძახა ლაპარაკში გართულ მე-
ლუდს, შემოდის სასტუმროში.

– **რასმე ვწერავთ და მოვალ!** – გასძახა მე-
ლუდმა. შემდეგ მომიბოდიშა, მალე მოვალ და
სასტუმროს კოლში შევიდა.

„მასისის“ ეზოში ვართ. ჯგუფებად დგანან
ექსპედიციის წევრები: ვინ ახალჩამოსულ მე-
რაბ ხალვაშსა და ადამ მახარაძეს ელაპარაკება
მდინარისპირა ფანჩატურში, ვინ მანქანასთან
დგას და აბოლებს, ვინ კიდევ ფოტოგრაფირებ-
თაა დაკავებული. მე, ქალბატონი თინა და მაია
ვსხედვართ თაკარა მზის ქვეშ მეველუდის მო-
ლოდინში...

აი, მეველუდიც გამოჩნდა ცოლისგან თავდა-
ხსნილი. გვერდით დამიჯდა და ერთი ამბავი მო-
მიყვა, ვფიქრობ, საინტერესო:

„**სარცხელი დღე არ ყოფილა, ბიჭი გასულა,**
სარცხი ტბაში შეხედავს კი, ლამაზი გოგო
იბანავს, თმები დიდი აქ. მივა, გეხედავს კი,
გოგო დენახავს კაცს, ჩეფლობა (აქ: ჩაყვი-
ნთავს) **და დემალვის** [წყალში]. **სავარცხალი**
დარჩა გოგოს. [ბიჭი] **სავარცხალს ასწევს და**
მეპრის, *წუმუვა ასე. გოგოც ადგება კი ტა-
რალი (სავარცხელი – ჩამწ.) **არ იქნება, იტირა-**
ვს. ი ტარალი დიდი ოქროდან ყოფილა. ბიჭის
უკნიდან წუმოვა [ქალი]. **ჩქარა და ჩქარა ბიჭი**
ჩუმუა აქე, ჭამის უკნედან (აქ: წინ) **ჩუმუა.**
ის გოგო ფერი გოგო ყოფილა. უთქვია [ბი-
ჭისთვის], **ნაჩუქარია, ვისმე უჩუქებია.**

ჩვენ რაცხას გვაჩუქებენ, შევნახავთ.

ბიჭს უთქვია კი, დავქორწილდეთ!

დაქორწილდენ.

ქალი ფიქრობს, ტარალ მეპრის, წავა.

ტარალი კაცმა დამალა, ქალი ვერ მეპრის.
ბაღნები მეწერებთან, არ ულაპარაკია. ხუთ
წელ უკან იპუებს ტარალს. გექცევა, წავა. ამ
კაცს უთხრა: მე იქ გავალ [ტბაში], **სისხლი თუ**
დენახე, წადი, თუ ვერ დენახე, მელოდე.

გავა ტბაზე. ამას [ქალს] **აღარ შუშუვებენ**
ტბაში, დაჰკლვენ. კაცი გევა, ტბა სისხლია-
ნია... წუმუა. ორი ღარჭი დარჩა. იმიდან არიან
ფერიანნი“.

მშვენიერი ლეგენდაა ფერი ქალისა და სო-
ფლელი ბიჭის სიყვარულზე. ადრეც მომისმე-
ნია ანალოგიური თქმულება ელიასხევეში. ბარემ
აქვე მოვიტან ძველ ჩანაწერს:

„...**იმ ტბაში ემე ყოფილა, ფერი. იცით**
ფერი? ჰოდა ისეც (აქ: ისიც) **არ ვიცი, ილაპა-**
რიკებენ, წორია, მართალი. ინტკორ ჩვენი ა-
ილა არი, სანჩხერ არი, შილალე, იმის თავ არი
ასე ბევრი, დიდი ვაკე. იქ აილაში მიდიან. იქ
გასულან აილაში. ერთი ბიჭი რამ ყოფილა,
საქორწინებელი ბიჭი. გასულა იმ ტბაზე ერთ
დიღზე კი. ხედავს ფერი გოგო ტალრუჯობს
და იმა დეაშიკება. რა არი ეს დეაშიკება? ის
ფერი გოგო ჩუმუყვანია სახში, მარა [ქალს] **ბევრი**
ვერ უცოცხლია კარზე. ერთი კვირა
დამდგარა. უთქვია, წიმიყვანე სახლისკეო.
მუყვანია. ტბაში შესულა [ქალი], [ბიჭს] **დუ-**
უნახია კი, სისხლი ამოსულა, დუჟკლიან. ასე
ილაპარიკებენ ძველი კაცები, ბერები“.

ეს ამბავი რეჯებ ქესკინმა მომითხრო 1995
წელს.

მეველუდის მონათხრობში ერთი ინფორმა-
ციაა საყურადღებო, რომ **ფერი ქალის** ჩამო-
მავლებს უწოდეს **ფერიანნი**. ელიასხევეში გავ-
რცელებული ერთი ქოხის სახელის, შტო-გვარის
წარმოშობა უკავშირდება „ფერის ქალის“ ლეგენ-
დას...

სხვა ქოხის სახელების შესახებაც უნდა იყოს
გადმოცემები ტაოს მექართულე სოფლებში,
სხვა თქმულებებიც, ყველაფერს მოძიება და ჩა-
წერა უნდა. ყველაფერი უნდა ჩავინეროთ, რაც
ჯერ კიდევ ახსოვთ ტაოელებს. დღეს არ თუ ვე-
რჩანერილი სიტყვა თუ სახელური ან ზმნური
ფორმა, დამხმარე სიტყვაც კი, ხვალ შეიძლება
ვეღარ მოვისმინოთ. მენანება ყოველი დაკარ-
გული სიტყვა. ჩვენი მთავარი ვალიც ესაა, ჩა-
ვინეროთ და შევინახოთ ყველაფერი, რასაც მო-
ვისმენთ, რასაც მოგვითხრობენ ტაოელები.

დუგურში წადითო დღეს, გვთავაზობს მე-
ველუდი, სოფლებიდან პიკნიკზე წავიდნენ, ხალხს
იქ ნახავთო. მე საქმე მაქვს, მოვაგვარებ და ამო-
ვალო, – გვეუბნება.

– და ეს დუგური დაილაა თუ საპიკნიკე?

– **უნინ დუგური სოფელი ყოფილა, ყურძენი მოვდოდა!**

– მთაში, მასისის კალთებზე, ვაზი ხარობდა?

– **იხარებდა: ჯინეში, ცხენი ძუძუ, კარული, კურტაჟ|კურტაჟ.**

ჯინეში და **ცხენის ძუძუ** კლარჯეთშიც ხარობდა, **კარული** და **კურტაჟ** ჭოროხის ხეობაში დღემდე არ შეგვხვედრია...

– დაუფეროთ მევლუდს და ნავიდეთ დუგურში! – ასეთია ექსპედიციის გადაწყვეტილება.

მევლუდი გზას გვასწავლის!

მანქანაში ჩავსხედით და გზას დავადექით...

გზა მაღლა-მაღლა მიიწევს, ორ საათამდე დაგვჭირდა დუგურში ასვლამდე.

დუგური მასისის მთის ძირშია, ალპურ მდელოებზე. კარვები გაუშლიათ მოპიკნიკეებს პატარა მდინარის, – მასისის ორივე მხარეს: ცეცხლს აჩალებენ, ზოგი ჩაისთვის წყალს ადუღებს, სხვები – მაყალზე ხორცს წვავენ... ერთი სიტყვით, დიდ სამზადისში არიან დუგურის სტუმრები.

მოლაპარაკეს ეძებენ ექსპედიციის წევრები: კარვებთან მიდიან, ეცნობიან მოპიკნიკეებს. მე მდინარის გაღმა, მარცხენა ნაპირზე გავედი, იქ, სადაც წყაროა, ცივი, ხელს რომ ვერ ჩაყოფ ისეთი და სადაც რამდენიმე ოჯახი სუფრას შლიდა.

წყაროსთან მივედი, მევლუდის ნაქებ წყაროსთან. წყალი დავლიე. ყურში ჩამესმის მევლუდის სიტყვები: „ხელს ვერ ჩაყოფ წყალში, [ცივია], საზამთროს ჩადეფ, გასკდება“. წყალი ცივი კია, მაგრამ ხელი რომ ვერ ჩაყო ისეთი არა. სხვა რა ვთქვა, საზამთრო არ ჩავგიდვია წყაროში, არ გავვისინჯავს, გასკდებოდა თუ არა, მრავალთაგან იმ უბრალო მიზეზით, რომ არ გვექონდა. „წყალში ხელ ვერ ჩაყოფ“ ფრაზეოლოგიზმია ჭოროხის ქვეყნებში გავრცელებული, წყაროს სიცივის ხარისხის მაჩვენებელია იგი.

წყაროსთან ძმები ჩეიჯანები (ჩეჩეჯები) და მათი მამა ჰაკი გავიცანი. ავუხსენი, ბათუმიდან მოვედით-მეთქი, უნივერსიტეტის პროფესორები ვართ, თქვენზე წიგნს ვწერთ და მასალებს ვაგროვებთ-მეთქი...

ჩანს, მოეწონა ჰაკის ჩემი ნათქვამი, გვერდით გამიხმო, ქვაზე ჩამოვსხედით...

რამდენიმე წინადადებით მომიტხრო ჰაკიმ მის შესახებ: 74 წლის ვარ, იმამი ვიყავი, ახლა ემექლი (პენსიონერი) ვარო. ბურსაში ვცხოვრობ შვილებთან და მათ ოჯახებთან ერთად. ახლა აქ ამოვედით, დაბლაა ჩემი სოფელი, ათი დღის შემდეგ ბურსას წავალთო.

ჩანს, უყვარს ჰაკის მშობლიური მთები: ფეხზე გაუხდია, პერანგის ლილები შეუხსნია... სიამოვნებს მთის სუფთა და გრილი ჰაერი.

ჰაკი მზადაა სასაუბროდ. მკითხე, რაც გინდაო, მეუბნება.

– ჰაკი ბატონო, ადგილის სახელები ჩამანერინე, შემდეგ სხვა ამბებიც მომიყევი, სოფელში გაგონილი ძველი და ახალი ამბები.

სანაცრიე,

საპნკინალო,

მადენი (გობლულებზე ხმარობენ – ინფ.),

სასლიპავი – იქ სამოცდაათი ქოხი ყოფილა, გოლი ყოფილა კიდევ.

პატრაჟ მასისი, კრატერი არი იქა, ვულკანი ჩუმოსულა.

ჭიშკარი,

ქორსანაცრიე.

ბევრი უნახავს და გაუგონია იმამყოფილს; ცდილობს, გაიხსენოს და მომიტხროს. ერთი ასეთი ამბავი მომიყვა:

„ქელაზორი არი, იქომ საყდარი ყოფილა, ქეშიში მჯდარა, სომეხი. დილაზე ამდგარა, მასისზე თეთრი რამ დუუნახია. [კაცები] გაგზანა, მიდით, ნახეთო.“

მისულან, უწვენიან, ხელი დამზრალა, წუმულიან, დამდნარა.

[ქეშიმს უთქვამს] აქ აღარ დეიდგომებო, ამდგარან, წესულან“.

იგივე თქმულება მცირე სხვაობით ჩავიწერე 1995 წელს ელიასხევში. ბუნებრივად გამიჩნდა კითხვა: პირველად ნახეს ტაოელმა სომხებმა მასისზე თოვლი? იქ ხომ მთელი წლის განმავლობაში დევს იგი? აბა, სომხები|ერმენები რომ ამტკიცებენ, ტაო ჩვენი ისტორიულად?!

ნეტავი, რატომ გაჩნდა ეს თქმულება? ვიცი, მიპასუხებენ, მარადიული გაზაფხულის იდეაო ჩადებული ამ თქმულებაში. კი ბატონო, მჯერა! მაშინ სხვა კითხვას გავცეთ პასუხი: ქელაზორის მონასტერში რატომ მაინცდამაინც სომეხი ქეშიში იჯდა?

კიდევ ერთი სევდიანი ისტორია მომითხრო ჰაკი ჩეიჯანმა სომეხი ბიჭის სიყვარულის შესახებ:

„აქ ერთი სომეხი ბიჭი ყოფილა, ოღვილო. ქართველი გოგო დაამიკვებია. უთქმიან კი, ქვეთ სადგიყანა (სადიკე ყანა – დააზუსტა მთხრობელმა – ავტ.), რუ არ ხყოფილა, უთქვიან ქი, აქ რუ მეყვანე, გოგო'ნა მოქცეთ. აქ ერთი კილდე ყოფილა, ფინთი კილდე, გასაჭრელი, წყალი რომ მოვდეს. იმანაც იმ რიყეში შიშა მოზიდა, დაჯოხა კილდეზე. უნთია ი შეშა, ქვა გუუცხელებია, იმის უკან წყალი დუუსხმია, ი ქვა ისე გუუფრენია, ისე გუუჭრია, წყალი მუუყვანია.

– აჰა, რუ მეყვანე, გოგო – მომე!

გამოჰკიდებიან, შენ'ნა დაგკლათო!

გუმუქცევლა, გუმოსულა იქა (ხელით მაჩვენებს ადგილს მასისს გაღმა ფერდობზე – ავტ.), ყვერე გუუკეთებია, წყალი დუუგუბებია, გუუფრენია და გესულა იმ ნვერზე. ლომბი ტბა არი, იგი გაფრენილა და ნუულია. იეთის ბიჭი თაზე აყუდებულა, თა (აქ: ქვა – ავტ.) შექნილა, ახლაც ჩანს (ჰაკი მაჩვენებს „გაქვავებულ ბიჭს“ – ავტ.)“.

იმავე თქმულების ელიასხევეურ ვარიანტში მოტყუებული ბიჭი კლდიდან გადაუგდიათ, „დაბლა ჩავარდნამდი უძახია კი: ღმერთმა იმ წყლით მოსარწყავი ქალაყანა ქვიანი ქნასა და არ ამოვდესა. ჰოდა, ის დაილა ისე ქვიანია, მეტი კაჟ ქალაყანა არაა და იმა ილაპარაკებენ კი: ისე იმ სომხი ბიჭ ადე დუუდვია და იმი ბრალია. ამ დაილას კუპრეთი ქვია“².

– რატომ გატეხეს სიტყვა გურჯებმა? – შევეკითხე ჰაკის.

– სომეხს ქალს არ მიცემდენ აქაურები! – მიპასუხა მთხრობელმა.

– კი მაგრამ ხომ დაპირდნენ, პირობაც დაუდეს...

– არ მიცემდენ, ისე იყო...

კონკრეტული პასუხი არ აქვს ჰაკის ჩემს კითხვაზე, მაგრამ იცის, რომ არ მისცემდნენ.

– ბატონო ჰაკი, აქაური გვარები, „ქოხის სახელები“ ჩამანერინე!

დოლენჯანი||დოლენჯიანი (მდრ.: დოლენჯოლი||დოლენჯაშვილი),

სალიანი,

სოითრანი<*სოითრიანი,

იბრიმიანნი,

თათარიანნი,

დენგიზიანნი,

მეძალენი,

ხამწვანნი,

მოხლიკიანნი,

მუთაფიანნი,

ბასტაები,

ვოლელიანნი,

არხვიანნი,

ხიტიანნი,

დეღუზიანნი,

ჩეიჯანნი.

თითოეულ „გვარს“ საფუძვლად მამაკაცის სახელი (ზოგჯერ ქალისაც) ან მეტსახელი უდევს, თუმცა ყოველთვის ნათელი არაა იგი: გასაგებია – **მეძალე**, მაგრამ გაუგებარია **მოხლიკი**, **ხამწვა**...

ჰაკისთან საუბრიდან რამდენიმე ფრაზას ცალკე მივაქცევ ყურადღებას:

– თოვლი *ფაჟ ნუმუა, წყალიდან ღვარი ნუმუა.

*ფაჟ – ზვავის მნიშვნელობითაა ნახმარი.

– ვინმე რომ ავად გახდება, *ვამცხომლებთ: ქვაბში წყალ ადუღებ, ჯელაღინი ხალი გედეახურავ, გიდიეყუდები ზედა, კარქა დაგცხება, გამთელდები...

² მ. ფალავა, მ. ცინცაძე, ე. მაკარაძე, რ. დიასამიძე, ლ. თანდილავა, ტაოური მეტყველების ნიმუშები. ბსუ სამხრეთ-დასავლეთ საქართველოს სამეცნიერო კვლევითი ცენტრი, კრებული, IV, ბათუმი, 2005, გვ. 149.

***დამცხომლება** – გაციების, შეციების ანტონიმია, **დაცხომას** ნიშნავს.

როგორც ვთქვით, ჩვენ ახლა ალპურ ზონაში ვართ, ზღვის დონიდან 2000 მეტრზე მაღლა, მასის მწვერვალის ძირში. აქ ძველად სოფელი იყო, მეუბნება ჰაკი, დილით იგივე თქვა მევლუდმა, ვაზი ხარობდაო, ახლაც არისო ვაზის ძირები, რამდენიმე ჯიშიც დაგვისახელა...

მოდით, ავიდეთ, მაჩვენეთ ვაზის ძირები... მსურს, დავრწმუნდე, ამ სიმაღლეზე სოფლის არსებობა მაეჭვებს. მაეჭვებს ისიც, აქ, 2000 მეტრზე მაღლა ვაზი რომ ხარობდა... საზაფხულო საძოვრები რომ იყო, სარწმუნოა, მაგრამ ვაზი ალპურ ზონაში... ვერ დავიჯერე.

არ ნამიყვანა ჰაკიმ ვაზის ძირების სანახავად, ღორღია, ვერ დაინახავო...

ბავშვობა აქ გავატარეო, ჰაკიმ. ერთხელაც ვნახე, გარეული თხები ჩამოსულიყვნენ, შევშინდი, მამასთან გავიქეციო.

– ნუ გეშინია, ნყლის დასაღვად იქნებოდნენ ჩამოსულიო.

– ზამთარი დიდი იცის დუგურში?

– **დიდი თოვლი მოვა, „ფაც ნუმუა“**, მეუბნება ჰაკი, **„ეფსობა ჭევი“**.

კარგა ხანს ვისაუბრე ჰაკისთან. ამასობაში სუფრა გაშალეს და სადილზე მიგვიწვიეს. ექსპედიციის სხვა წევრებიც გამოვიდნენ ხევს გაღმა. სადილზე უარი ვუთხარი, მაღლობა გადავუხადე ჰაკის, დავემშვიდობე და წყაროსთან შეკრებილებთან მივედი...

მაღე ჩვენი წამოსვლის დროც დადგა. ფოტოები გადავიღეთ მასისის ძირში და დავტოვეთ დუგურ აილა.

გზად მიტოვებულ სოფელში ვისადილეთ. ჩვენს წინ მაღალი მთაა, ქვიან-კლდოვანი და ძნელად მისადგომი. გვითხრეს, მთაზე „ძველი ციხეაო“ (ისე, კაცმა რომ თქვას, სადაა ახალი ციხე?!). მთის ძირიდან ვაკვირდებით. მსურს, ავიდე და ადგილზე ვნახო. ფერდობზე ავედით მერაბი, მალხაზი და მე. აქედან კარგად ჩანს მწვერვალი, სადაც, სავარაუდოდ, ციხე უნდა იყოს; ნაშენის კვალი არ შეინიშნება.

– არ ღირს ასვლა, არაფერი ჩანსო, – მალხაზმა.

დავეთანხმეთ და უკან გამოვბრუნდით.

დაბლა დავეშვით. მანქანიდან ვაკვირდები დასახლებას: ტერასებზე გაშენებული სოფელი უბნებადაა დაყოფილი, „ქობის სახელების“ საცხოვრისებად. სახლები, ქობები ტიპური ტაოურია...

ივლისის ბოლო დღეებია. ტაოელები ჭალებში გასულან, თიბავენ, ზამთრისთვის თივას იმარაგებენ, დაბლა ჩამოაქვთ და „ეზობებში ჯოხავენ“.

ხვეკეში მევლუდი შეგვხვდა, მანქანა გააჩერა:

– **მთაში მოვდოდი, დიგინახეთ, გული გემეხსნა!**

– მევლუდ, ქობის გაღმა მაჰალეში გვსურს გავიდეო...

– **დაბლა ჩახვალთ, ზედაკე შუხხვევთ და ახვალთ**, – გზას გვასწავლის მევლუდი, **სალამოს ხვეკეში გელოდებით, ხალხი მოვა, ვაფერჯულო’ნა...**

ბარემ ვიტყვი: დილით შევთანხმდით, რომ მევლუდი სალამოს „მასისის“ ეზოში ხვეკელებს შეკრებდა და „აფერჯულებდა“. ჰოდა, ფერხულზე გველოდება ამ სალამოს მევლუდი. ფერხულთან ერთად ვიხვარათებთ ხვეკელებთან.

– აუცილებლად მოვალთ-მეთქი, – ვპირდები მევლუდს.

აღმართი ავიარეთ და ქობას გუნეე მაჰალეში ავედით.

გუნეე მაჰალე, – გაღმა ქობაა, არაა დიდი დასახლება: ერთ ტერასაზე გაშენებული ოცამდე ქობია სულ. მანქანიდან გადმოვედით და დასახლებაში შევედით. ვხედავთ, ქალები მოდიან სოფლის გზაზე. გამოველაპარაკეთ, გვიუცხოვეს, არ ისურვეს ჩვენთან ხვარათობა.

– გაღმა კაცები არიან, იმათ ელაპარაკეთო, – გვითხრეს თურქულად.

ორმოცდაათიოდე მეტრი გავიარეთ: რამდენიმე მამაკაცი სახლის მშენებლობაზე მუშაობდა, ბეტონი აჰქონდათ მაღლა სართულზე...

– „კოლაე გელა“, – მივმართეთ მათ სოფელში გაგონილი თურქული სიტყვათშესამებით და იოლად საქმის კეთება ვუსურვეთ.

მადლობა გადაგვიხადეს კეთილი სურვილი-სათვის, თავად კი მუშაობა განაგრძეს.

– რამდენი ქოხია გუნე მაჭალეში? – ვეკითხებით ერთს, რომელიც არ მუშაობს, სავარაუდოდ, სახლის პატრონს.

– ქართული ცუდად ვიცითო, – გვეუბნება თურქულად.

– მეზობელ სახლებში არიან ქართულის მცოდნეები?

– ცარიელია, არავინ ცხოვრობსო აქ, – გვპასუხობს.

ვატყობ, არ სურთ ჩვენთან საუბარი. ასეც ხდება, რამდენიმე ათეულ კილომეტრს გაივლი, დამლაპარაკეს კი ვერ ნახავ და ხელცარიელი გამობრუნდები. მეორეცაა და სოფლის მცხოვრებლებს მოხეტიალე უსაქმურები ვგონივართ, მოცილილები და ხშირად ჩვენთან საუბარი დროის უქმად ხარჯვად მიაჩნიათ. მახსოვს, შავშეთში მითხრა ერთმა იმერხეველმა: ნეტა თქვენ, რაფერ მიცლილი ხართო...

ძნელია სოფელში მუშაობა. ზოგადად არაა იოლი მასალის მოპოვება-ჩაწერა. ველზე გასულს ყოველთვის არ წყალობს ბედი...

სოფლის შესასვლელში გაჩერებულ მანქანასთან დავბრუნდით, ველოდებით ექსპედიციის დარჩენილი წევრების მოსვლას თამარი, ტარიელი და მე. თამარს „მოძაგდა“ ერთ ადგილას დგომა, სახლების ფოტოებს მაინც გადავიღებო და სოფლის ორღობეში შევიდა. რამდენიმე წუთის შემდეგ დაბრუნდა და მითხრა: გზისპირას ორი მამაკაცი დგას, მიდი, ეგებ დაალაპარაკო.

გავყევი თამარს. პირველივე სახლის ეზოში ორი გუნე მაჭალელი, – აჰმედ სარიყაია და აბდულაჰ თორამანი გავიცანი. ორივე ლაპარაკობს ქართულად, აჰმედი – უკეთ.

აჰმედი და აბდულა ქალაქში ცხოვრობენ, დიდ ქალაქში, ბურსას, იქ საქმობენ; ზაფხულს ატარებენ მშობლიურ სოფელში, რამდენიმე დღის შემდეგ ქალაქსა და საქმეს დაუბრუნდებიან.

იქვე, ძველი ტაოური სახლის ეზოში, ძელსკამზე ჩამოვსხედით მე და აჰმედი, აბდულა ხის

მორზე ჩამოჯდა. მალე მესამეც მოვიდა, ჩვენთან ახლოს დადგა...

– **ესაც ჩვენი სიძე, აბდულა ოზურთ!** – გამაცნეს ახალმოსული.

– სიძე ქართულად ხვარათობს? – ვკითხულობ.

– **არა, სიძეა და...**

მასპინძლებს ავუხსენი ჩვენი მოსვლის მიზეზი და მიზანი. საქმე მოგვიწონეს, დახმარებაც აღგვითქვეს.

გულნაკლული მივდიოდი ქობაეს გაღმა მაჭალედან, ახლა კი საქმის ასე შემობრუნება მახარებს და იმედით განმანყობს.

სოფლის გვარები, „ქოხის სახელები“ ჩაგვანერინეთ პირველად! – ვთხოვ ახალგაცნობილებს.

- ველიოლი,**
- ტურციანი,**
- ქაჩოები,**
- ყემბერები,**
- სულოლი,**
- ზეინიანი,**
- ბექირიანი,**
- ფოირაზები,**
- ნებიანი,**
- თულულიანი,**
- კუდიანი.**

ჩამოთვალეს სოფლის „გვარები“ აჰმედმა და აბდულაჰმა. ყურადღება მიიქცია ერთმა გარემოებამ, კერძოდ, გვერდიგვერდ გამოიყენება –**ებ**'იანი და **ნ**'არიანი მრავლობითის ფორმები: **ბექირიანნი** და **ქაჩოები, ყემბერები** და **ზეინიანნი...** ვფიქრობ, საყურადღებო ფაქტია. და კიდევ, აქვე პასუხი უნდა გაეცეს კითხვას: რატომ ასახელებენ „ქოხის სახელებს“ მრავლობითის ფორმით? განა საკმარისი არ იყო მხოლობითში დასახელება? რასაც ზოგჯერ ვხვდებით კიდევ: ველიოლი, სულოლი, ტურციანი... დასმულ კითხვაზე პასუხი სოფლის უბნების სახელებმა გაგვცეს: ყოველ უბანში ერთი სულაღე, ერთი „ქოხის სახელი“ ცხოვრობს, ხშირად რამდენიმე ოჯახად გაყოფილი: ყემბერები, ქაჩოები, ბექირიანი, კუდიანი... ამიტომაცაა,

რომ სოფლის უბნის სახელი და „ქობის სახელი“ ერთმანეთს ემთხვევა.

– ადგილების სახელებიც ჩამანერინეთ-მეთქი, ვთხოვე ინფორმატორებს.

– **აქედან წვედით, ბევრი არ ვიცით, რასაც გეცხსენებთ, ჩაგანერინებთ!** – გვითხრა აჰმედმა:

- ნეკნარი (<*ლეკნარი),
- ვაკე,
- დიდი ვაკე,
- ბიკრიეთი (<*ბირკიეთი?),
- ფოროხოვლი (<*ფოროხოული),
- ნასელავი,
- წყაროთ’,
- ლელევი (<*ლელეური),
- კორდნალი,
- გენიჭევი,
- ნისქვილიკარი,
- ლათცორო<*ლათსორო, ც:ს მონაცვლეობით),
- საკიზლო (<*საკიზილო, შდრ. კიზილჯული),
- სახაზო,
- *ძველი აგარა,
- კილდიათი,
- **საცური,
- უკან მთა|უკანი მთა,
- ომერიან კარი,
- ალიან კარი.

*ყურადღებას მივაქცევ ტიპონიმს „ძველი აგარა“. სახელი ქვაბაას გაღმა მთის ფერდს ჰქვია, სადაც ძველად დაილები იყო. მიტოვებული დაილები 1995 წლის ექსპედიციის დროს გვაჩვენეს. შემდეგ „გეზრაკა“, გადაიწვა „ძველი აგრები“. დღეს „აგრები“ არსადაა, სახელილა – დარჩა მის სახსოვრად.

**საცური – ადგილი, სადაც მორებს აცურებენ.

აბდულაჰი და აჰმედი ცდილობენ, დააკმაყოფილონ ჩემი ცნობისმოყვარეობა; რაც მთავარია, არ მერიდებიან, თავისუფლად ხვარათობენ. ჩვენს საუბარს მოხუცი ქალბატონი, რომელიც ეზოში „საქმობდა“, შორიდან უგდებდა ყურს, ჩვენთან მოსვლას ჩვენი უცხოობა უკრძალავდა.

ვაკვირდები მის ფუსფუსს. შეუმჩნეველი არ დარჩენიათ ჩემი დაინტერესება რესპონდენტებს, ამ სახლის პატრონიაო, ამიხსნეს.

ძველი ტაოური სახლის ეზოში ვსხედვართ, სახლი საკმაოდ დიდია: ქვემო სართული გათლილი ქვითაა ნაშენი, მეორე – ხისაა. მალე ექსპედიციის სხვა წევრებაც შეიკრიბნენ ჩვენ გარშემო. მერაბმა სთხოვა ქალბატონს, გადამაღებინეო სახლის ინტერიერი.

ნება დართო ქალბატონმა, თავად შეუძღვა სახლში აპარატომომარჯვებულ სტუმარს.

ჩვენ კიდევ ეზოში ვაგრძელებთ საუბარს. რამდენიმე საინტერესო ფრაზა ჩავინერე აჰმედისა და აბდულაჰის დიალოგიდან:

- არ *გიმზირონ, ჰო!
- **ვებნევი, თქვენი სისხლიდან ვარა.
- ჩვენი გურჯები ვხედავ, მეხარება, ჰამა ბევრი ცივი არიან.

– ბათუმ წამოდი, ***ლორი წინილა’ნა დიკიკლაო.

*ტაოურში უფრო გავრცელებულია მზერა ყურების მნიშვნელობით.

**თქვენი სისხლიდან ვარა – თქვენი ნათესავი ვარო, „ი თქმაა“. საყურადღებოა ძველი ქართულისებური ზმნური ფორმა „ვარა“ (შდრ. მე ვარა, შენ ხარა).

***ლორი წინილი – აქ: გოჭი.

რუსების ბოროტების შესახებ ქვაბაას გუნე მამალეშიც მოგიტხრობენ:

„აქ ერთი ებე იყო, დიდი ქალი. იტყოდა, ქირუსი მოსულა, *ლობები გუულიან, დეკაცები – მუუკტუნებიან. აქიდან გადმუვლიან (ხელით მაჩვენებს ქვაბაას თავზე წამოყუდებულ მთას – ავტ.). მოკლეს კაცებივო, ქალებიც ზოგი საყვარლები ნუყყვანიან, **აჯახეს დეკაცები რუსი ასკერები, ღენჭები დუუკლიან, ხელში რაცხა ქონდენ, გუმუდეს, სახლები გახრაკეს...“

*ლობები გუულიან – ლობები დაუნგრევიათ.

**აჯახეს დეკაცები – აქ: დედაკაცს დანა|ხიშტი ჩასცეს. ჯახება – დარტყმა, ჩაცემა.

მონათხრობში ორი კონსტრუქცია იქცევა ინტერესს:

ა. „ქალებიც ზოგი **საყვარლები წუყყანა**“ (სახელობითი ვითარებითის (საყვარლებად) ნაცვლად).

ბ. „**აჯახეს დეკაცები რუსი ასკერები**“ (შდრ. აჯახეს დეკაცებს რუსმა (ან: რუსის) ასკერებმა).

ორივე კონსტრუქცია ენის უცოდინრობის შედეგია და არა დიალექტური ნორმა.

გუნეა მაჰალედან წამოვედით და ქობაძე გავლით ბალხიბარში წავედით. გადასახვევი შეგვეშალა, ყურადღება არ მივაქციეთ ლაპარაკში გართულებმა; მალე ხეობაში ჩავედით. უკან დაბრუნებას ვარჩიეთ, შემოვლითი გზით წავსულიყავით: ცენტრალურ გზაზე გავედით, პარხლისწყლისა და ელიასხევის ხერთვისიდან ნახევარ კილომეტრზე მეტი ვიარეთ სარიგოლისაკენ, შემდეგ მარცხნივ შევუხვიეთ და ბალხიბარში ავედით. მანქანა მოშორებით გავაჩერეთ, ფეხით გავედით სოფელში. ბარემ ვიტყვი, რომ დასახლებაში სამანქანე გზა არ შედის, სოფელთან მთავრდება. სახლებს შორის ვინრო ბილიკებია მხოლოდ. ორღობეს მივუყვებით. პირველყოფილი გარემო იშლება ჩვენ წინ. ირგვლივ ყველაფერს სიძველის ელფერი დაჰკრავს, რაღაც იდუმალებას მოუცავს გარემო. მარტოობის განცდა გვეუფლება, მიტოვებულ სოფელში დავაბიჯებთ. ბოლოს ერთ სახლს მივადექით. შუახნის მამაკაცი გამოვიდა ბავშვთან ერთად. გავვეცნო: თელათ შირინი ვარო, ორმოცდაერთი წლის, აქაური. ძელსკამზე მიგვითითა, „**დაჯექით, წყალი ჭუუგდო (sic) და მოვალო**“ მოგვაცხა და სადღაც გაუჩინარდა. სახლის ქვეშ მობრდილი რუ გადის, იქვე დოლაბის დიდი ქვაა, ჩვეულებრივი ნისქვილის ქვას არ ჰგავს, უჩვეულოდ დიდია. არხში წყალმა ჯერ იკლო, შემდეგ მთლიანად შეწყდა. ჩვენს ქვემოთ ღრმა ხევია, სადღაც სიღრმეში ცენტრალური გზა ჩანს. ვათვალიერებთ სოფელს, ფოტოებს ვიღებთ.

მალე თელათიც მოვიდა.

– ეს რა ქვაა? – კითხულობს მერაბი დოლაბის ქვაზე.

– **მუუტანიან კაცები, დინგი, ისენი უქნიან, მუჭით (აქ: ხელით) გუუხრეტიან, დინგი უქნიან, ქერი დუუნაყიან ხელით. ბეჭით მუუტანიან აქ [ქვა].**

თელათის მოთხრობით, ეს ქვა ხელის ნისქვილის უნდა იყოს. ქერს ნაყავდენო ხელით. ეამაყება, რომ „ბეჭით მუუტანიან“ ამოდენა ლოდი. ჩემთვის გაუგებარია სინტაგმა „დინგი უქნიან“. დინგი „ღორის ცხვირია“ (საბა), მაგრამ „დინგის ქნა“ რას უნდა ნიშნავდეს? თუშურში „დინგის“ ერთ-ერთი მნიშვნელობაა „დიდი ზომის სანაყი ქვა“³. ჩანს, **დინგს** იგივე მნიშვნელობა აქვს ტაოურში. ახლა გავიგე, – „**სანაყი ქვა**“.

– თელათ, ყანა-ბახჩის სახელები ჩამანერინე! – ვთხოვ მასპინძელს. ჩვენს დასახმარებლად შემართული თელათი მკარნახობს:

კუშალი,
რუ ძირი,
ჯეა (<ჯევი),
ფირიალო,
ტაჩქანტური(?),
გივნარი,
ვაკე,
***პაპაშლარი||პაპაშები (იქ ძიან და! პაპაშებ**
ჯევი, იქ ძიან და! – განმარტა თელათმა),
ონახათკარი,
შირინები,
ბასლიანი,
თოზალები,
პანაები,
პაჩელიანი,
ეიბიანი,
ომარიენნი,
ლიტრიანნი (შდრ.: ლიტრევი||*ლიტრები),
დელიანნი,
ჭარაბიანნი,
აბდლიანნი.

*ორთაბათუმის თემში, ყოროლიწყლის ხეობაში გვხვდება გეოგრაფიული სახელი **პაპაშ-**

³ ალ. ლლონტი, ქართულ კილო-თქმათა სიტყვის კონა, თბ., 1984.

ლავა, ჩამოუდის იმავე სახელწოდების მდინარე, ყოროლისწყლის მარცხენა შენაკადი. ტაოური პაპაშები და ორთაბათუმის პაპაშლავა საერთო ფუძის სახელებია. იგივე ფუძე გამოიყოფა ზემოაჭარულ სოფლის სახელში პაპოშვილები<*პაპაშვილები. დასახელებულ გეოგრაფიულ სახელებში პაპა მამაკაცის სახელი ჩანს.

„იქ ძიანო“ „გვარები“, ამიტომაც ქვიაო ეს სახელები. გულნატკენია თელათი, რომ სოფელი სავსე იყო, მაგრამ დაიცალა, „აქ იყვნეს, ჰამა ბოინე წევნეს“. თავად ვერ წარმოუდგენია სხვაგან ცხოვრება, აპროტესტებს კიდევ ქალაქურ ყოფას: „არ მინდა იქოვრობაჲ, აქ კაჲა, ერთი ბინა შინა რაჲნა იქნას?“ აქაური ქარაფები და ხევ-ხუვები უყვარს და არ ეთმობა. ძალიან ცოტაა დღეს თელათისთანა კაცები ჭოროხის ქვეყნებში. უმეტესობა ტოვებს წინაპართა საცხოვრისს და ბედის საძიებლად ქალაქში მიდის. ვერც სოფლიდან წასულ ტაოელს, კლარჯსა და შავშს გავუმტყუნებთ...

ქართულ არხებს უყურებს თურმე თელათი, მაგრამ ლაპარაკს ვერ ხვდება, „ბევრი ცქვიტა ხვარათობენ, ვერ მივხვდები იმა ხვარათობა. იმათ უთხარი, ქი ნელა იხვარათონ, მივხვდეთ...“ ერთხელ, იგონებს თელათი, ბალხიბარი „...გუმოსნიეს, „იმედი“ კანალში ჩვენი თავი ვისეირეთ“.

– ძველ სურათებში მინახავს, აქ ხის სახლები იყო, ახლა ქვის სახლებია, ძველი რა იქნა? – კითხულობს მალხაზი.

– გახრაკულა, *ხამიდან უშენებიან. **ეთომიშ დორთა გახრაკულა, ხამიდან უშენებია კაცები. სამი სახლი არ გახრაკულაო, თელათმა, ზემოდან ჩანსო.

*ხამიდან – ხელმეორედ, ხელახლა, კვლავ; თავიდან, განმეორებით⁴.

**ეთომიშ დორთ – 74, გულისხმობს 1974 წელს, როცა ბალხიბარი გადამწვარა.

– ეს რაა? – ვეკითხები თელათს ეზოში მდგარ ძველ ნაგებობაზე.

– *სამჯე არი, თივა'და დაჯოხო.

– ამას რას ეტყვი, ხეზე რომ ადის? – ციყვზე ვეკითხები.

– კაკლი მყავი.

1995 წელს „კაკლიმყვარი“ ჩავინერეთ ციყვის მნიშვნელობით, ახლა – „კაკლიმყავი“.

*სამჯე – ადგილი, სადაც ნამჯას ინახავენ.

ბილიკით სახლში მიგვიყვანა თელათმა. მეუღლე გამოვიდა მისი ჩვენთან შესახვედრად. სახლში შეგვიპატიჟა, ჩვენ კარზე საუბარი ვამჯობინეთ.

– თელათ, ბევრი მეფა (ხილი – ავტ.) ჩანს თქვენს სოფელში. ყურძენიც გქონიათ, რა ჯიშები ხარობს აქ?

– თურვანდა (თეთრია – მთხრობელის განმარტება), კურტაჲ – ძველი ყურძენია, შავი, ცხენი ძუძუ, კარული... აქოვრობაჲ ბოვრი ყურძენია, ბოვრი გახმა...

– ამას რას ეტყვი?

– ატამია, ერთი სამხრაჲ არი (აქ: სახრაჲი), არ გეჲობა; აჲ – გეჲობა (გვიჩვენებს ატმის მეორე ხეს – ავტ.) *ძგულეში.

– სხვა რა ხილი გაქვთ?

– თუთა არი, ბალი არი, სხალი არი... თამ ასხია.

*ჩემთვის მთლად გასაგები არაა „ძგულე“, მაგრამ რამდენადაც სახლში (რომ გეჲობა – ავტ.) ატმის შესახებ საუბრობს თელათი, შუაზე გაიპობაო, იქნებ გულში გაიპობაო, გვეუბნება.

– კაცო, ამდენი ყორე ვინ აშენა? ამდენი ქვა საიდან მოზიდეს?

– დედებს ზრუგით მუუტანიან [ქვა] და უქნიან. ზურგით ქვა მუუზიდიან, მიწა მუუზიდიან, ყანა გუუკეთებიან...

წარმოვიდგინოთ, რა ჯაფა გაუნწევიათ ბალხიბარელებს, ქვაბაელებს, ბალხელებს, ელიასხვეელებს, იეთლებს... ზოგადად ტაოელებს, დავაკება რომ შეექმნათ და დაერგოთ ან დაეთესათ: ქვა ზურგით მოზიდეს და ყორეები|ყვერეები აშენეს, მიწაც ზურგით მოზიდეს და დავაკება შექმნეს...

– სკები გაქვთ? თაფლს ყიდით?

⁴ შ. ნიჟარაძე, დასახ. ნაშრ.

– **თაფლსა ჭვამთა, დარჩება – გაყვიდით!**

მცენარეთა სახელები მაინტერესებს, ვკითხულობ.

– ამას რას ეძახით? – ხელით ვაჩვენებ ყორვებს, ქვევებს შორის ამოსულ ბალახზე.

– **ყვავილი!**

– ესენი?

– **ტუტა – შავი, თეთრი – თუთა!**

ჩანს, ბალახბარში განასხვავებენ **ტუტასა და თუთას**, განსხვავება ხელოვნურია, მაგრამ მაინც ყურადღებამისაქცევი.

– რა ჰქვია ამ მსხლებს?

– **აჲ ბანგურა სხალი, აგი – ბირყიმი სხალი.**

ვაშლი მოგვართვა ქალბატონმა, აგერ აგერიფო. ჭამეთო, გვაძალებს თელათი, კიდევ მოდითო, გვპატიჟებს, ყურძენი დამნიფდება, ჭვამითო.

– რა ჰქვია ამ ვაშლს?

– ***ზლაფული ვაშლი!**

– სოფელში მარტო ხართ?

– **მარტოჲ არა! [ბევრი] ბურსისკე ნევდენ, ჭკვიდამ არ არიან, მუშაობა მოძაგნეს.**

სალ გონებაზე მყოფად არ მიაჩნია თელათს, ვინც წინაპართა კერა დატოვა და სხვაგან წავიდა; მუშაობა მობეზრდათ და იმიტომ წავიდნენო, – წასვლის მიზეზს ეძებს მთხრობელი.

***ზლაფული** –ზაფხულის ნაცვლად: ზაფხული>*ზხაფული (ხ'ს გადასმის იშვიათი შემთხვევა)>ზლაფული (ღ:ხ მონაცვლეობით, რომლის საფუძველიც ნაპრალოვანთა ასიმილაციაა).

თელათისა და მისი მეუღლის მეტყველებაში შესამჩნევია ტონური მახვილი:

იმხნა ნეკერ ვდგე'მნით; ბგანები წამაასხი, შეჭა'მე...

ხშირად აღვნიშნავ, ამა თუ იმ სოფლის მეტყველებაში ტონური მახვილი შეიმჩნევა-მეთქი. აღვნიშნავ იმიტომ, რომ ყველგან არ ჩანს იგი.

ბოლო ფრაზები ჩავინერე შირინების კარზე. ჩაიზე გვეპატიჟებიან, უარს ვეუბნებით, ღამდება, დროა, სასტუმროში დავბრუნდეთო... კიდევ მოსვლის დაპირებით ვემშვიდობებით სტუმართმოყვარე შირინებს.

კვლავაც დავბრუნდებით ბალახბარში, სოფელში, რომლის ორღობებსა და ბილიკებზე ძველი ტაოელების ნაკვალევი ჯერაც იკითხება.

31 ივლისი, ორშაბათი. დილით ექსპედიცია რამდენიმე ჯგუფად დაეყავით:

1. არქეოლოგები – მერაბ ხალვაში, ზაზა შაშიკაძე, ჯიმშერ ჩხვიმიანი და ადამ მახარაძე ჭოროხის ხეობას აუყვებიან მატერიალური კულტურის ძეგლების შესასწავლად;

2. მალხაზ ჩოხარაძე, ნუგზარ მგელაძე, მალვინა ფუტკარაძე და მე ექსპედიციის მანქანით **უტავის|უთავის** ხეობაში ვიმუშავებთ;

3. თინა შიოშვილი, მათა ბარამიძე და თამარ სირაძე სასტუმროში დარჩებიან, მოგვიანებით ახლო სოფლებში გავლენ;

5. რამაზ ხალვაში იუსუფელში წავა სამუშაოდ.

საუზმის შემდეგ გზას დავადექით.

სარიგიოლზე გავჩერდით, უტავის გზა ვიკითხეთ. საჩაიეში გურჯები ისხდნენ, ჩაიზე მიგვიწვიეს: ფუათ სოლმეზი, მემედ ფოირაზი, ისმაილ ილმაზი, ქების იარჯი – გაგვეცნენ.

საჩაიე სარიგიოლის თავში, ქუჩის მარცხენა მხარესაა, მეპატრონე ქართველია...

მცირე ხანს ახალგაცნობილებთან ვისაუბრეთ. ყველა რესპონდენტი თავისებურად საინტერესოა. ჩანს, გრძელი ზამთრის დღეებში, სხვა დროსაც, მარტოდარჩენილებს უფიქრიათ, დაკვირვებიან საკუთარი თუ მეზობელი სოფლის მეტყველებას, მსგავსება-განსხვავებანი „დაუდგენიათ“, ახლა ჩვენ გვიზიარებენ „კვლევის შედეგებს“:

ქალს იეთში დუუძახებენ **ბრო,**

ხევაიში – ნო,

ქობაში – გნო,

სახელს არ იტყვიან, „**გნო, მოდი აქო, დუუ-ძახებენ**“.

– კაცს (აქ: ქმარს) როგორ დაუძახებენ ქალები (აქ: ცოლები) ბალხში?

– **ბერო! სხვა კაცი თუა – ძმაო: ძმაო, შემომხედე!**

მსჯელობას მემედ ფოირაზი განაგრძობს:

– ჩვენ წყალსა ჭევ ვუძახივარ, აბლი (აქ: პატარა) – ნაკადია.

მომისმინე – ყური დიმიგდე!

ჩვენ გვარებზე უკნიდან –იან მოვა: კავლიანი, ქორელიანი, ყურდიანი, აილიანი, მაჰმადიანი, კოიდიანი, – განაგრძო ისმაილ ილმაზმა.

ვერ დაინუნებს კაცი სარიგიოლელი გურჯების დაკვირვებებს. მცირე ხანში საყურადღებო ინფორმაციები შევკრიბეთ საჩაიეში. შემდეგ უტავის გზაც გვასწავლეს მასპინძლებმა: დაბას გასცდებით, ხიდს გადავივლით, მარჯვნივ შეუხვევთ და ხეობაც დაინყებთ.

ხეობაში შევედით. გზა დასახლებების თავზე გადის, გზის ქვეშ სოფლები თუ სოფლის უბნებია გაშენებული, ბალ-ვენახებით და ძველი თუ ახალი სახლებით. გზა მალლა-მალლა მიიწევს.

აღვნიშნავ, რომ მთელი ხეობის სახელია **უტავი**, დასახლებები მხოლოდ უბნებია მისი. ვფიქრობთ, ახალ მოვლენასთან გვაქვს საქმე, კერძოდ: ხეობაში გაშენებული პატარა სოფლები ჩვენს დროში ერთ სამუხტროში||სამამასახლისოში გააერთიანეს და ხეობის სახელი უწოდეს...

ჯამის უბანში გავჩერდით. გზისპირას მდგარ პირველივე სახლთან მივედით. მანქანის ხმაზე ეზოში ჯერ ცნობისმოყვარე ბავშვები, მალე კი იმათი მამა, სავამ სარიც (ხოლოლარ) გამოვიდნენ.

ეზოში მდგარ ფანჩატურში მიგვიწვია სავამმა. ყველაფერს რძის მძალე სუნი ასდის. ჩანს, ყველს ახმობენ ბელელში. სუნთქვა მიჭირს, ვცდილობ, არ შევიმჩნიო. მალე ქალბატონმა ჩაი და აირანი მოგვართვა...

სავამი ახალგაზრდა კაცია, ასე 30-35 წლის, შავგრემანი. ჩვენი სტუმრობის მიზეზი ავუსხენით. დახმარება აღგვითქვა.

– სავამ, უტავის მაჰალეების, ყანა-ბაღის სახელები ჩაგვანერინე!

ჯამე მაჰალე,

არუზე მაჰალესი,

ქეთევრე<*ქეთურ’ი?

სოფიგილი,

ბალლიქ მაჰალესი,

კერევლათ მაჰალესი.

უტავის ექვსი უბნის სახელი ჩაგვანერინა სავამმა, შემდეგ – მეზრეების:

ნაქერავ,

ანუთხევი,

ჯელიჯვარ (<*ძელიჯვარ?),

დიდმუხა.

უტავის უბნებისა და მეზრეების სახელწოდებათა ერთი ნაწილი ქართულია, ესენია: **ქეთევრე** (<ქეთურე), **კერევლათი**, **ნაქერავი**, **ანუთხევი**, **ჯელიჯვარი**, **დიდმუხა**. მეორე ნაწილი – თურქულია: **ჯამე მაჰალე**, **არუზე მაჰალე**, **სოფიგილი**, **ბალლიქ მაჰალე**.

ჩვენი დაკვირვებით, **ჯელიჯვარ** <*ძელიჯვარ’ისაგან **ძ:ჯ** მონაცვლეობით.

შვენიშნავ, რომ ადგილის ძველი, ქართული სახელები თანდათან დავიწყებას ეძლევა. და ეს არცაა გასაკვირი, რამდენადაც ხეობა მთლიანად მეთურქულა. ქართული გეოგრაფიული სახელები და ზოგიერთი თქმულება-გადმოცემა ქართული კუნძულებია ხეობის მკვიდრთა მეხსიერებაში.

– სავამ, შენ რომ ადგილის სახელები დაგვანერინე, უმეტესობა ქართულია. სხვა ადგილების, – ჯამე მაჰალე, არუზე მაჰალე, სოფიგილი, ბალლიქ მაჰალე ქართული სახელები ხომ არ იცი?

– არა, მეტი არ ვიცი!

– უტავში ვინ ცხოვრობს? აქაურები მოსულები ხართ თუ ადგილობრივები?

– ძველად ქართველები ყოფილან, ახლა აღარ ვიცი [ქართული]. ჩვენი წინაპრები ქართველები ყოფილან. დედები იტყოდნენ, ჩვენი მამები ქართულად ლაპარაკობდნენო, ჩვენ კი აღარ ვიცით ქართული.

ასი წლის წინ, როცა ხეობაში ექვთიმე თაყაიშვილმა იმოგზაურა, უტაველები ქართულად ლაპარაკობდნენ, – შემასხენა მალხაზმა.

უტავში შექმნილი ვითარების შესაფასებლად ექვთიმე თაყაიშვილის მოგზაურობის გახსენება დროული იყო...

მნიშვნელოვანია, რომ სავაშ სარისა და ექვთიმე თაყაიშვილის ცნობა ერთმანეთს ემთხვევა.

– სავაშ, უტაველების ძველი გვარები/ლაღობები გვითხარი.

– **ხოლოლარ** (მდრ. ხოლოები), **დეველარ** (მდრ.: დევეები), **ალიგილარ** (მდრ. ალიგილები).

გვარები თურქული აფიქსითაა გაფორმებული, მაგრამ სახელის წარმოების წესი ქართულია, ისეთივე, როგორც – მექართულე ტაოში.

– მეტი არ არის?

– სხვა არ ვიცი. ჩვენი სოფლიდან ბევრი ყარსში წავიდა, გადასახლდა. ხუთასამდე ოჯახი იყო, სამასამდე დარჩა. ახლა ახალგაზრდობა სამუშაოდაა წასული, სოფელში ქალები არიან მხოლოდ.

– თქვენი სახლი ახალია, ქვით ნაგები, ძველი სახლი გახსოვს, ალბათ, როგორი იყო?

– ძირში ახორი, II სართული სახლი, საცხოვრებელი, თავში – ბელელი. ახლა შეიცვალა, ახორი ეზოში გავიტანეთ. ძველ ახორში ძროხების გვერდით **ქომ**'ი (გომი? – ავტ.) იყო, ახლა ცალკე აქვთ.

– ამას რას ეძახით? – კარტოფილზე ვეკითხები.

– **ქართოლ!**

– ამას?

– **ჯიმჭარი...**

– იცით, რომ ეს ქართული სახელება?

– ვიცი! მე ვიცი, რომ ჩემი წინაპრები ქართველები იყვნენ, სხვისი – არ ვიცი.

სოფელს ძველი ჯამე აქვს, ორიარუსიანი და მოჩუქურთმებული. სავაშმა არ იცის, ვინ ააშენა იგი, ან როდის ააშენეს.

ბილიკით ჯამესთან ავედით. მართლაც, საინტერესო ნაგებობა ჩანს, ვათვალიერებთ, ვიღებთ, ჩუქურთმებს ვაკვირდებით...

ჩუქურთმები ხელითაა ნაკვეთი. ჯამე ახლაც მოქმედია, მთელი უტავი აქ ლოცულობს თურმე. ჯამიდან გამოვედით.

– ამას რას ეძახით? – ქვის ყორეზე ვეკითხები.

– ზოგი **ქაპს** ეძახის. **ყორექორე** 'საც ამბობენ მოხუცები.

უტაველთა რამდენიმე თაობა ქართულად აღარ ლაპარაკობს, ზოგიერთი ქართული სიტყვა ჯერ კიდევ ისმის მათ თურქულში.

ჯამიმაჰალედან მალლა, სოფიგილში, ავედით. დოღანების კარზე გავჩერდით. ახალგაზრდა ქალბატონს დაელაპარაკა მალვინა, ჩვენი მოსვლის მიზეზი აუხსნა. თითქოს არც გაკვირვებია, გაჩერდა და თანდათან ჩვენი საუბარიც აეწყო. მალე შუახნის ქალბატონი და მემედ ალი დოღანი მოვიდნენ. ბარემ ვიტყვი, რომ ქალებმა სახელები არ გვითხრეს, დაგვიმალეს.

– ბათუმიდან არიან სტუმრები, – წარუდგინა ჩვენი თავი ახალმოსულებს ახალგაზრდა ქალბატონმა.

უცხოთა გაგონებაზე შუახნის ქალბატონმა მუხტარს დაურეკა, ჩვენი აქ ყოფნის შესახებ მოახსენა „მამა მარჩენალს“ უტაველმა „ასინეთამ“, შემდეგ მალვინას მიანოდა ტელეფონი, აუხსენიო, მუხტარს ვინ ხართ და რა გინდათო.

კარგა ხანს ესაუბრებოდა მალვინა მამასახლისს, უხსნიდა, ვინ ვიყავით და რისთვის დავდიოდით აქაურ სოფლებში... ბოლოს გვითხრა: ნება დაგვართო მამასახლისმა, იმუშავეთო. საუბრის დეტალები ჩვენთვის აღარ უთარგმნია. აღარც ჩვენ მოგვიკითხავს.

ახლა, როცა „მარჩენალმა“ იცოდა, ჩვენც თავს უფლება მივეცით, კითხვები დაგვესვა დამხვდურებისათვის.

ადგილის სახელები ჩაგვანერინეთ-მეთქი, ვთხოვე ქალბატონებს.

ლეღევანი <*ლელოვანი,

საფუსქეთ'ი <*საფუსქედი(?),

ჭორეველი <*ჭოლეველი <ჭოლეული,

ავაზან'ი,

ნახსეთინაქსეთ'ი,

ხუნესი,

ჯელიჭვარი <*ძელიჯვარი,

მადენ'ი,

ლობილთხევ'ი,

***კალმაჰათ,**

ანუთხევ'ი,

ისმეგილ'ი,

სანაჯიეთ'ი,

დიდქეთი,

კალვან*⁵კალოვანი.

გაგვიმრავლდა უტავის გეოგრაფიული სახელები რიცხოვნობად და, რაც განსაკუთრებით თვალშისაცემია, უმეტესობა ქართულია, მხოლოდ ორიოდ ჩანს თურქული: **მადენი** და **ისმე-გილი**.

*ყურადღებას იქცევს **კალმაჰათი***⁵**კალ-მასათი***⁵**კალმახეთი**.

კალმახეთი კალმახის სახლეულის საცხოვრის ალნიშნავს.

ბალხი, **ბალხიბარი** და **ქაჯისკარი** ელიასხევში, **კალმახეთი** უტავის ხეობაში საინტერესო ფაქტია. სამივე გეოგრაფიული სახელი ამირანის მითთან გვაკავშირებს.

ერთი საყურადღებო ფაქტიც მოგვანოდა ახალგაზრდა უტაველმა ქალბატონმა: ძველიდან ჩვენ ქართველები ვყოფილვართო. ეს სოფელი არ ყოფილა ქართველების, მაგრამ გვეუბნებიან, ქართველები ხართო.

სხვა ადგილებიდან ვართ მოსული, – ხაზგასმით თქვა მეორე ქალბატონმა, – უტაველმა „ასინეთამ“ და ასეთი ამბავიც გაიხსენა: **თანჯიათი** ყანის სახელია. ეს მოსულმა მასწავლებელმა რომ გაიგონა, გურჯები ყოფილხართო, თქვა.

ახალგაზრდა ქალბატონის თხრობაში მნიშვნელოვნად გვეჩვენება განცხადება: „ძველიდან ჩვენ ქართველები ვყოფილვართო“. თუმცა დარწმუნებული არაა, ეჭვებშია, ამიტომაც იტყვის, „გვეუბნებიან, ქართველები ხართო“.

მეორე რესპონდენტი იტყვის: „სხვა ადგილებიდან ვართ მოსული“, მაგრამ მასწავლებლის ნათქვამსაც მოაყოლებს: „გურჯები ყოფილხართო“ რომ უთქვამს „თანჯიათის“ გაგონებაზე. ისიც საინტერესოა, საიდან იცის მოსულმა მასწავლებელმა „თანჯიათი“ რომ ქართულია?

ჩანს, უტაველთა ცნობიერებაში ჭიდილია, გურჯები არიან თუ – არა. მათ მეხსიერებაში ფერმკრთალდება ქართულთან კავშირის ხსოვნა. შესაძლებელია, უტაველებმა ერთ დღესაც

ირწმუნონ მოსული მასწავლებლის ნათქვამი – „გურჯები ყოფილხართო“ და სარწმუნოდ სოფლის ქართული გეოგრაფიული სახელები და მათ თურქულ მეტყველებაში დალექილი ქართული სიტყვები მოიყვანონ: **ქართოლი**, **საყელო** (ძროხის საბმელი), **ჯიმჭარი**, **კედელი**, **პანტა**, **მუმლი**, **ავაზანი**, **ჭერი** (ღობზე გადებული სარი – ავტ.), **ჯოლა**, **ხალბაკევი** (მიკროტოპონიმია) და სხვა მრავალი.

– **ჯოლა** რაა-მეთქი, ვიკითხე.

– **ჯოლა? აბანი ჯოლაა, სახლის – თუთა**, – აგვიხსნა ქალბატონმა.

ჯოლა, ჩანს ფონეტიკურად სახეცვლილი (**ჟ:ჯ** მონაცველობით) **ჟოლა** < **ჟოლია**. ვხედავთ, აქაურები ლექსიკურადაც განასხვავებენ შინაურ და ველურ თუთას ერთმანეთისაგან.

ემსჯელობთ თაკარა მზის ქვეშ ყორეზე ჩამომსხდარნი: ქალები აქტიურობენ, სავაში – გვისმენს. ბოლოს ისიც ალაპარაკდა, კითხვა დაგვისვა მოსულებს:

– ჩვენთან სათივეს **კალტავარს** ეტყვიანო.

კალტავარი გურჯულია თუ არა?

ექსპედიციის წევრებმა მე შემომხედეს, ჩემგან ელოდებიან პასუხს.

– ქართულია-მეთქი კალტავარი, არ დავფიქრებულვარ, ისე ვთქვი. კალტავარის ქართულობას სავაშისა და სხვების ცნობიერებისათვის აქვს მნიშვნელობა. მოგვიანებით დავფიქრდი კალტავარზე. სათივის მნიშვნელობით **მერევი** ვიცი აჭარულიდან, **ქორი** ვიცი შავშეთიდან, **კალტავარი** პირველად გავიგონე...

ჩანს, ესიამოვნა ჩემი პასუხი სავაშს.

აშკარაა ფიქრობს უტაველი სავაში აქაურ ქართულ სახელებზე: **ტიხპირი** (ქართულის არმცოდნის წარმოთქმული **ტყისპირი** უნდა იყოს), **ფუჭი**... ეს კი არა, **არდუჯი**||**არდუჩი** (უთხოვარი – ავტ.)⁵ იცის, დღეგრძელი ხე რომაა და მისი მოჭრა რომ დასაღია.

სოფიგილიდან წამოვედით და **ბალაძეების** (ბალაზელარ) უბანში გავჩერდით. უცხო მან-

⁵ შდრ.: არდუჭი – მცენარე (წინვოვანთა ოჯახიდან), ზოგან „მადა“საც ეძახიან. შდრ.: საბა: მადალოში... იხ.: შ. ფუტკარაძე, ჩვენ-ბურების ქართული, ბათუმი, 1993, გვ. 383.

ქანის დანახვაზე მოტოციკლეტით მომავალი მემედ დოლანი გაჩერდა, გაგვეცნო, საიდან მოხვედითო, დაინტერესდა. გაიგო რა ჩვენი ვინაობა და მოსვლის მიზეზიც, დახმარების სურვილი გაუჩნდა.

სოფლის უბნების სახელების გახსენებით დაინწყო:

დუთდერე <*თუთდერე, შდრ.: თუთისხევი.
ყიშლა,
არდუშლი,
ჩააღზი,
ფიშხეთი,
ახალთა,
ჭეშნევ,
ბაღლიქ,
ბალაზელარ,
ემედოღლუ,
***ტუბეთელარ,**
სოფიგილ,
გუნგუზე,
არუნზე,
ქეთევრე,
თომელთ’.

***ტუბეთელარ’** ტოპონიმში გამოიყო **ტუბეთ-ე-ლარ**. შდრ. **ტბ-ეთ-[ე]-ებ-ი**. –**ლარ** თურქული მრავლობითობის სუფიქსი ახალი დანამატი უნდა იყოს. ყურადღებას იქცევს ასევე **ტუბ’ფუძე**. ვითომ სრულხმოვნობითაა ნაკარნახევი იგი?

სოფლის უბნების შემდეგ მეზრეების სახელები ჩავინერეთ:

ნაქერავ,
ჯელიჯვარ,
კალმახათ,
დიდმუხა,
ხუნეს,
ანუთხე (<*ანუთხევე?),
ნახსეთ’
ლობილთხევე’
კალვან’ (<*კალოვან),
დიდქეთ’ (<*დიდქედ’),
დერექეთ’ (<*დერექედ’),
სირთაილა,

საფუზარა (*საფუძარა),
გოჭიეთი.

სოფიგილში ჩანერილი რამდენიმე გეოგრაფიული სახელი განმეორდა, მაგრამ მაინც ჩავინერეთ, თუნდაც განსხვავებული ბგერათმეცნიერების გამო შდრ. **კალმაჰათ** და **კალმახათ**.

დაბოლოს ყანების სახელები:

დუზლარ,
საზუნე <*საზვინე,
სასელიათ’
შალოთქეთ,
ჭირბოლო,
ჭანჭახ’,
დუბე,
ვარღანეთ,
ხალბაკევ’
ჩაილარ’.

რამდენიმე ტოპონიმს მივაქცევ ყურადღებას:

– **ჭეშნევ’**სა და **ხალბაკევ’**ში –ევ სუფიქსი გამოიყოფა. კიდევ ორი ერთეულით გაიზარდა –**ევ** სუფიქსიან ტოპონიმთა რიცხვი.

– **ბალაზელარ** (<*ბალაძელარ შდრ. ბალაძეები). ამავე რიგისა უნდა იყოს **გუნგუზე** (<*გუნგუძე) და **არუნზე** (<*არუნძე). სამივე თურქულად გამოთქმული ქართული გვარ-სახელია.

– მეზრეს სახელად მთხრობელმა დაასახელა **გოჭიეთი**. დღეს მექართულე ტაოშიც აღარავინ იცის გოჭის მნიშვნელობა, იტყვიან – **ლორინი-ნილი**. ტოპონიმმა შეინახა **გოჭ’** ფუძე.

დაბოლოს, მემედ დოლანის მიერ დასახელებულ გეოგრაფიულ სახელთა უმეტესობა ქართულია, რაც მნიშვნელოვანია. მართალია, უტავის ხეობა მეთურქულეა უკვე, ბოლო ასი წლის განმავლობაში უტაველებმა ქართული უარყვეს, მაგრამ მათ ცნობიერებაში ქართულის კვალი მთლიანად არ ნაშლილა.

მემედი დაგვემშვიდობა და მოტოციკლით ზემო უბნებისაკენ წავიდა, ჩვენ – **გუდასხევში**, აწინდელ **ოზგუვენში**, წავედით.

გუდასხევი ღრმა ხეობაა. გზა მაღალ ფერდობებზე გადის, მგზავრი ზემოდან დაჰყურ-

ებს ხეობაში ჩაკარგულ მდინარეს. სოფელი ერთ ფერდობზეა გაშენებული, ჩანს ტერასები, ტერასებზე – ნათესები: კარტოფილი, ლობიო, არცთუ მრავალფეროვანი ხეხილი. სოფელს ჩამოუდის რუ, სარწყავი არხი, რომელიც არწყულებს გუდასხევის ბაღებსა და ყანებს.

გუდა საკუთარ სახელად ჩანს ძველ საქართველოში. მოვიყვანთ 616-619 წლის წყისის ნარწერას თქმულის საილუსტრაციოდ: „ესე ჯწი ქსი მე კოსტანტი ძწ სტეფანესმან და გუდასმან აღჰუმართე სახელსა მცხეთისა ჯწისასა ნასყიდევსა ქუეყანასა ზწ სცწდ ჩწდა ცოლისა და შვილთა ნოებერსა იწ ამწ“⁶.

გუდასხევში სწორედ საკუთარ სახელს – **გუდა**’ გამოვყოფთ. საკუთარ სახელს – **ელია** ვხედავთ **ელიასწევში**.

11 ოჯახიან დღეს გუდასხევში, გვითხრა ჯანან ქუშილიძე. ზამთრობით **მახათეთში** (ახლა – ქუთლუჯაში) ჩავდივართო, იქ გამოვიზამთრებთ, ზაფხულში აქ ამოვალთო... ჯანანი, ჩვენი ინფორმატორი, ახალგაზრდა ქალია, ბევრი არაფერი იცის სოფლის შესახებ, გარკვეული ინფორმაცია მაინც მოვიპოვეთ გუდასხევის შესახებ.

სოფელში გავრცელებული „ქობის სახელები“ ჩაგვანერინა ჯანანმა, მოგვიბოდიშა, ბევრი არ ვიციო:

- ქაზაზლარი შდრ. ქაზაზები
- მემოლარი – მემოები
- პალიქლარ – პალიქები
- დურაქლარ – დურაქები
- თულუშლარ – თულუშები

ლაღაბებით იცნობენო გუდასხეველები ერთმანეთს.

ლაღაბი გვარების შესაბამისია სოფლის ტოპონიმებიც: **ქაზაზები, მემოები, პალიქები, დურაქები, თულუშები**.

გუდასხევის უბნის სახელწოდებები აღნიშნავს კონკრეტული დიდი ოჯახის ჩამომავლების საცხოვრისს:

- ქაზაზები** – ქაზაზის ჩამომავლების უბანია;

- მემოები** – მემოს,
- პალიქები** – პალიქის,
- დურაქები** – დურაქის,
- თულუშები** – თულუშის.

ბარემ აქვე ვიტყვით, რომ **მახათეთის** ფუძეც ადამიანის საკუთარი სახელია – **მახათა** (შდრ. გვარი – მახათაძე). მახათეთი მახათას ჩამომავლებით დასახლებული უბანია.

ანალოგიურ ფაქტებზე ყურადღებას იმიტომაც ვამახვილებთ, რომ დასახლების იგივე პრინციპი დასტურდება ჭოროხის სხვა ქვეყნებშიც: აჭარაში, მაჭახელში (გამოკვეთილად), მისი კვალი ჩანს შავშეთსა და კლარჯეთშიც. ვფიქრობთ, სოფლის განსახლების ეს ტიპი საერთოა მთელი ჭოროხის ხეობისათვის.

გუდასხევიდან წამოვედით და დევთისაში ჩამოვედით. სოფელი იუსუფელი პარხლის გზაზეა. ჯამესთან გავჩერდით, ძელსკამზე ჩამოვჯექით, დამლაპარაკეს ველოდებით. ჯამიდან სამოცს გადაცილებული მამაკაცი გამოვიდა, **თაჰირ დუმანი**. გავეცანით.

თაჰირი ქურუკ ხევეკელია, დევთისას ხიდსქითა უბნელი.

გეოგრაფიული სახელები ჩაგვანერინა თაჰირმა:

- ჯარათი,**
- ძველი ბარი,**
- წვერი ნალი,**
- სათივრე დელე,**
- ლოროვლი,**
- ბახჩები,**
- ხევნარი,**
- პარხალა.**

მნიშვნელოვანია, რომ ყველა გეოგრაფიული სახელი ქართულია.

სოფლის ლაღაბებიც ჩაგვანერინეთო, ვთხოვთ თაჰირს:

- ქოფდიანი,**
- ქოდალიქო,**
- კავლიანი,**
- მუსიანი,**

⁶ კ. დანელია, ზ. სარჯველაძე, ქართული პალეოგრაფია, თბ., 1997, გვ. 34.

**ისმაილოლიანი,
ზურნები,
ეიბანი.**

ჩამოთვლილი ლაღბებიდან გამოვყოფ სახელს **ისმაილოლიანი**, ორმაგი სუფიქსით (-ოლი, -იანი) ნაწარმოები ქობის სახელი. გამოვყოფ იმიტომაც, რომ ანალოგიური წარმოება ახალია ტაოს საკუთარ სახელთა ნომენკლატურაში.

სარიგოლში ავედით. მალაზის გამყიდველს ვთხოვეთ, ზღაფორში გაგვყოლოდა. არ დაიზარა, გაგვყვებითო, მაგრამ გაირკვა, რომ სოფელში მანქანით ასვლა შეუძლებელი იყო: გზის მშენებლები ბეტონს აგებენ და ვერ გაივლითო.

აქ ვისაუბროთო გამყიდველმა. სკამები და გვიდგა.

უპირველესად ვიტყვი, რომ ზღაფორი მეტურქულე სოფელია. არც ჩვენმა ინფორმატორმა იცის ქართული, თუმცა აღიარებს, რომ მისი წინაპრები გურჯები იყვნენ.

– ყანა-ბაღჩების სახელები ჩაგვანერინო, – ვთხოვეთ მასპინძელს.

**ვანი,
აკაკეთი,
ხაჯიოლდერე,
ჯამი ყაფისი (მდრ. *ჯამი კარი),
გირგოლეთ (მდრ. *გრიგოლეთ),
შავლაღეთ,
ჭოღეთ,
თუხათ,
კოზანეთ,
ჩარმანეთ (<*ჭარმანეთ?),
წუმახეთ,
ხოსიღეთ,
ხოსტეგარა (<*ხოსტაგარა?),
ბენარა,
საბზოვან (<*საბზევან?),
სეფეგარა (<*სეფაგარა),
უბან,
ჩილიქეთ (<*ჩილიქედი),
ხორქ (<*ხორკ?).**

დასახელებული ყველა გეოგრაფიული სახელი ქართულია, გამონაკლისია **ხაჯიოლდერე**

და **ჯამი ყაფისი** (იგი ქართული **ჯამი კარის** თურქული თარგმანია), სჭარბობს –**ეთ** სუფიქსიანი სახელები. ყურადღებას მივაქცევ რამდენიმე ტოპონიმს: **თუხათ**, **წუმახეთ** (<წუმახ!), **ხორქ** (||ხორკ), სამივე ძველი ფენა ჩანს ტაოს ტოპონიმიში.

რამდენიმე მეტსახელიც ჩაგვანერინა მალაზის მეპატრონემ:

დურსუნლარ მდრ. დურსუნები,
ტულუსლარ – ტულუსები,
ყარ[ა]ლალარ – ყარალები,
შუქრილარ – შუქრიები,
მემიშლარ – მემიშები,
კოკრილერ – კოკრიები,
ყადილერ – ყადიები.

ყველა სახელი თურქულადაა გაფორმებული **ლარ||ლერ** სუფიქსით. ისინი თითქოს შესაბამისი ქართული ქობის სახელის (მეტსახელი გვარის) თარგმანია, ანდაც მისი ყალიბითაა ნაწარმოები.

1 აგვისტო, სამშაბათი. მშვენიერი დილაა. სასტუმროს პატრონი, ჩვენი „ქართველი ძმა მუხო“ კარგა ხანია, ფეხზეა, მზისგან გადახანძულ ეზოს რწყავს... ვისაუბრეთ. სოფლებში წასასვლელად მოვემზადეთ. ქალბატონების მოლოდინში ბაღში ვსხედვართ. ვსაუბრობთ გუშინდელზე, დღევანდელ სამუშაოს გვეგმავთ. მუხოც მოვიდა, ჩვენთან ჩამოჯდა, დილის ჯაფით დაღლილი. კარგა ხანს ვისაუბრეთ. როგორც მოგახსენეთ, მუხო ადრე მძლოლი ყოფილა, თურქეთის მრავალი პროვინცია მოუვლია, ბურსაში თევზის საოჯახო მეურნეობა უნახავს, გადაუწყვეტია ანალოგიურის მონყობა მშობლიურ კუთხეში. მდინარისპირა მინდორი, სადაც ახლა სასტუმრო „აგარა“ და თევზის მეურნეობაა განთავსებული, მუხოს ოჯახის საკუთრება ყოფილა, დანარჩენი საკუთარი შრომით შეუქმნია: ქობები სასტუმროსათვის, აუზები – კალმახებისათვის, რუ გამოუყვანია პარხლისწყლიდან, ეზო-კარში წინვოვანი მცენარეები გაუშენებია, ბაღში ფარშევანგები გაუშვია... სამოთხე შეუქმნია საკუთარი და ოჯახის ნევრთა შრომით.

ირგვლივ ყველაფერს გამრჯე და გემოვნებიანი კაცის ხელი ატყვია. მუხოს სიამოვნებს ჩვენთან ყოფნა, მიყვარსო განათლებულ ხალხთან საუბარი. მრავლისმნახველია ჩვენი მასპინძელი. ვინ აღარ სტუმრობს „აგარას“: ადგილობრივი თუ უცხოელი ტურისტი, ართვინის გუბერნატორი თუ თურქეთის მეჯლისის წევრები... ხეობაში მოსული სტუმარი მუხოს „აგარაში“ მოჰყავთ აქაურ მასპინძლებს. ჰოდა, მასპინძლობს მუხო შინაურს თუ გარეულს, დღითიდღე იზრდება მისი ნაცნობების წრე...

დღეს ექსპედიცია ორად გაიყო:

პირველი ჯგუფი: თინა შიოშვილი, მაია ბარამიძე, მალხაზ ჩოხარაძე, ნუგზარ მგელაძე, თამარ სირაძე, რამაზ ხალვაში, მალვინა ფუტკარაძე და ტარიელ დიასამიძე ქართულენოვან სოფლებში იმუშავებენ.

მეორე ჯგუფი: ზაზა შაშიკაძე, მერაბ ხალვაში, ჯიმშერ ჩხვიმიანი, ადამ მახარაძე და მეჩვერელში მივდივართ, იუსუფელს ზემო სოფელში, ჭოროხის ხეობაში თუხარისის ციხის შესასწავლად.

იუსუფელიდან სპერისაკენ მიმავალ გზას დავადექით, გავიარეთ თექ ყალე, დორთ ქილისა, მალე ცენტრალური გზიდან მარჯვნივ შევუხვიეთ და ჩვერელში ავედით. სოფელი ჭოროხის მარცხენა ნაპირზეა გაშენებული, მდინარისპირა ველზე და მთის ფერდობებზე. მანქანა ოქუხ დერესა და მდ. თუხერისის ხერთვისში გავაჩერეთ და სამხრეთის კედლიდან ციხეზე ავედით.

საშინლად ცხელა...

თუხარისზე ადრეც ვყოფილვარ. დღეს მეორედ ვარ ციხეზე. მიზიდავს ძნელად მისადგომი ციხეები, სიძველეები ზოგადად. მიხარია, კომპებიდან რომ გადავხედავ ციხის მიმდებარედ გაშენებულ სოფლებს, მეციხოვნესავით ვუთვალყურებ გარემოს... ხშირად ვფიქრობ ჭოროხის ქვეყნებში მიმობნეულ სიძველეებზე, ეკლესიამონასტრებსა და ციხეებზე, სარწყავ არხებზე, ხიდებზე, სანახალებზე... ყველაფერს წმ. თამარის სახელს რომ უკავშირებენ ჭოროხის ქვეყნელები. აჭარელთა, შავშთა, კლარჯთა, ტაოელ-

თა, სპერთა მეხსიერებას სხვადასხვა ნარატივში დღემდე შეუნახავს თამარის სახე: თამარი დიდი დედოფალია, გამრჯე და მზრუნველი თავის ხალხზე...

თამარი ზრუნავს სოფლებზე: გაჰყავს არხები, აშენებს ეკლესიებს, მონასტრებს, ციხეებს, ებრძვის მომხდურებს. არაფერს იშურებს ქვეყნის სამსახურით დამაშვრალი: ნყალი მოჰყავდა ტაოელთათვის, წითელი დაელია თურმე, ნაწნავები მოიჭრა, გაყიდა და ალებული ფულით არხის მშენებლობა დაასრულა. ნაწნავების გაყიდვა მოუხდაო დედოფალს ოთხთა ეკლესიის მშენებლობისას... ვინ იცის, რამდენი გაჭირვება გადაიტანა ქვეყანასა და ხალხზე მზრუნველმა დედოფალმა.

სამხრეთის კედელთან დავსხედით, სული მოვითქვით და მუშაობას შევუდექით: არქეოლოგები ხელჩასაჭიდ ფაქტებს ეძებენ ციხის დასათარიღებლად. ვხედავთ, კომპის გვერდით ადგილობრივ „არქეოლოგებს“ თუ ოქროსმადიებლებს ღრმა თხრილი გაუჭრიათ. მერაბი აკვირდება თითქმის სამმეტრიან ორმოს: სხვადასხვა ფენა შეიმჩნევაო, გვეუბნება, ჩვენი გასაკეთებელი საქმე გაუკეთებიათო განძის მადიებლებს! ნახანძრალიც ატყვიანო მინას...

– ნახანძრალი გასაკვირი არ უნდა იყოს. ვინ იცის, რამდენჯერ გადაწვეს და დაანგრიეს თუხარისი! – ვამბობ გულისტკივილით.

თხრილში კერამიკის ჭურჭლის ნაშთები ჩანს. ვცდილობთ, მივწვდეთ, მაგრამ ვერ ვახერხებთ.

კარგად ვისვენებთ ისტორიულ ძეგლთან. დალილობა გვეხსნება, ვერც მწვავე მზეს ვგრძნობთ... წარსულთან იდუმალ დიალოგში გადის საათები. ეს ის დროა, ცოცხლად რომ ვეხებით წარსულს, თანაზიარი ვხვდებით წინაპართა საქმისა...

თუხარისი ზემოდან დაჰყურებს ჭოროხისპირა ველებს, ათ საუკუნეზე მეტია, დარაჯობს მათ. ციხე იცავს, ასევე, **ოქუხ დერეს** (მდრ. ქართ. ხარის ხეობა||ხევი. ხარის ხევად მონათლა ახალმა ნათლიამ **თუხერისი** <თუხარისი – ავტ.) სანახებს, მწვანეში ჩაფლულ ხეობასა და

სოფელს. ჭოროხისპირა ველებიცა და მასზე გაშენებული სოფლებიც მალე წყლის ქვეშ აღმოჩნდება, დიდი ენერგოპროექტი შეინირავს მას და ტაოს, ზოგადად საქართველოს, ძველი ისტორიის ნაწილსაც. ბებერი თუხარისი კიდევ ხელოვნური ტბის „მცველად“ იქცევა.

ციხის ეზოში, ჩრდილო მხარეს, ჭის მსგავსი ნაგებობის ნაშთები შეინიშნება, შესაძლებელია, ბუნებრივი მაცივარი ჰქონდათ აქ გამართული. წესად ყოფილა ციხეებში „მაცივრების“ მოწყობა.

მზე აცხუნებს! გადახანძულა ირგვლივ მთები, გახრაკულა, როგორც მექართულე ტაოელი იტყვის. ჭოროხი და ოქუზდერე აცოცხლებს ჩევრელსა და თუხარისს.

ჩრდილო კოშკითა და მიმდებარე გალავნით იწყება ციხის ისტორიაო, – ასკვნიან მერაბი და ჯიმშერი, – დანარჩენი ნაწილი გვიანდელი ჩანსო.

საყურადღებო დასკვნაა თუხარისის ისტორიის გასააზრებლად.

ციხე ავზომით: $36 \times 36 = 936$ კვადრატულ მეტრს.

ციხის კედლები დაუმუშავებელი ქვითა და დულაბით არის ნაგები. კედლების სისქე ერთ მეტრზე მეტია...

ერთი შესასვლელი აქვს თუხარისს სამხრეთიდან, სხვა სამი მხრიდან მიუვალა იგი, იცავს მტკიცედ ნაგები კედლები და ბუნებრივი ზღუდეები.

სამხრეთის კოშკთან მოვიყარეთ თავი. აქ შედარებით გრილა, კოშკის კედლებში ვერ აღწევს მზის მხურვალეობა, ვსაუბრობთ. მხოლოდ ჯიმშერი განაგრძობს ციხის დეტალურ შესწავლას: დაძვრება კედლებზე, ზომავს კედლის სისქეს, აზუსტებს დეტალებს, ყველაფერს რვეულში ინიშნავს, უღებს ფოტოებს...

კარგა ხანია, ველოდებით, როდის დაასრულებს ჯიმშერი მუშაობას, დღესვე გვნადია ქისკიმში წასვლა და ქისკიმის ციხის შესწავლა.

კარგა ხნის ლოდინის შემდეგ ჯიმშერი ჩამოვიდა ციხის კედლებიდან. თუხარისის შესწავლა დავასრულეთ, დადგა ქისკიმის ჯერი...

იუსუფელი-ისპირის გზაზე გავედით, რამდენიმე კილომეტრი ისპირისაკენ ვიარეთ, შემდეგ მარცხნივ შევუხვიეთ და აღმართებს შევუდექით. ექვს კილომეტრზე მეტი გავიარეთ უკაცრიელ გზაზე: ახალნაშენი სახლი გამოჩნდა, რაც სოფლის დასაწყისად მივიჩნიეთ. მალე ქისკიმში ვიყავით. ზღვის დონიდან 1600 მეტრზე მაღლა დასახლება. ველზეა გაშენებული ქისკიმი – თავისი ქუჩებითა და ორღობეებით.

შეძლებული სოფელი ჩანს ქისკიმი: კეთილმოწყობილი სახლები, მოვლილი ეზო-კარი, ბალ-ვენახები და სათესები, სახნავები, ჯიშინი საქონელი და სხვა მრავალი ამის თქმის საფუძველს გვაძლევს.

ქუჩა ამწეს გადაუკეტავს, ელექტრონის ბოძს ცვლიან მუშები, წვალობენ, უჭირთ ძველის ამოღება და მის ნაცვლად ახლის დაყენება. მანქანა გავაჩერეთ. იქვე მდგომ მამაკაცებს ვეკითხებით ციხის ადგილმდებარეობას.

– გვაჩვენებენ, მაღლააო ციხე, მთის წვერზე. იქით ვიყურებით, საითაც გვაჩვენებენ. ვერაფერს ვარჩევთ. ვერც იუსუფელი-ისპირის გზიდან დავინახეთ ციხე.

ვერაფერს ვხედავთ, ვამბობთ.

მაღლა, მთაზე არისო ციხე, – დაბეჯითებით გვეუბნებიან ქისკიმელები. ჩვენც გვჯერა მათი ნათქვამი.

ორღობეს მაღლა ავუყევით ახალგაზრდა ქალაქელი ქისკიმელის, ოსმანის თანხლებით.

ქალაქელი ქისკიმელი ვუნოდე ოსმანს, რამდენადაც იგი მშობლებთან ერთად ბურსაში ცხოვრობს, იქ გაიზარდა, წელს უნივერსიტეტში ჩარიცხულა, ახლა ზაფხულს წინაპართა სოფელში ატარებს, ბათუმში ჩამოსვლაზეც ფიქრობს, მეგობარი მყავსო თქვენს ქალაქში...

სოფლის გარეთ გავედით. გზიდან ვუყურებთ ციხეს, თითქოს რაღაც ნაშენი განირჩევა მთაზე.

ოსმანი გვიყვება, ნამყოფი ვარო ყალეზე, მეზერიაო იქ, აუზიცააო ციხის ერთ მხარეს, წყალს აგროვებდნენო შიგ...

წყლის მარაგი ნამდვილად დასჭირდებოდათ მეციხოვნეებს, იმდენად მაღალზეა ციხე, იქ ნა-

რმოუდგენელია ბუნებრივი წყლის არსებობა, არც რუს გაყვანა შესაძლებელი მიუვალი მთის წვერზე.

ჯიმშერს ვეთათბირები, მე და შენ ავიდეთ-მეთქი ციხეზე, სხვები თუ უარს იტყვიან. მჯერა, ზაზა აგვიბამს მხარს.

გზას მივუყვებით. მთის ფერდობებს ვათვალიერებთ, ციხისკენ მიმავალ ბილიკს ვეძებთ, ანდა მარჯვე ადგილს, საიდანაც შევძლებთ სიმაგრეზე ასვლას.

მერაბი, ზაზა, ადამი და მე ვსაუბრობთ, ჯიმშერი იქვე ტრიალებს. ოსმანი ზაზას უხსნის რაღაცას თურქულად, ხელით აჩვენებს მთისკენ. უცებ აღმოვაჩინეთ, რომ ჯიმშერი აღარაა ჩვენს შორის. პირველად ვიფიქრეთ, სურათებს იღებდა ორლობეში, ალბათ, ჩამოგვრჩაო გადაღებით გართული.

სოფელში ჩამოვდით. ჯიმშერი არსად ჩანს. ბოლოს ოსმანმა გვიხსნა: ადგილიც გვაჩვენა, აქედან შეუყვამო მთის ფერდობებს ჯიმშერი.

ვჯავრობ!

ვჯავრობ ორი მიზეზით: ჯერ ერთი, რატომ არ გვითხრა და ისე წავიდა; მეორეცაა და, მართლ რატომ წავიდა, ჩვენ ხომ აქ იმიტომ ამოვედით, რომ ერთად ავიდოდით ციხეზე... მეც ხომ მსურდა, მენახა ქისკიმის ციხე?

ზემოდან დავყურებთ ქისკიმს: მშვენიერი დასახლებაა, მწვანეში ჩაფლული, სოფლის უკან, ხევში, ტერასებია, ხელოვნური დავაკებები სახნავ-სათესად.

ქისკიმელებთან ვსაუბრობთ!

– ზაზა, ჰკითხე ერთი ამათ, ამ ვაზის სახელე-ბი თუ იციან? – ვთხოვ ზაზას.

– *საფერავ’,

**ქეჩი მემესი (შდრ. თხის ძუძუ),

***ქუზუ გოზი (შდრ. ბატკნის თვალა),

****კაროლ (<კარულ’ი?),

**** ხათხულ’ (შდრ. ხალთურ’ი),

**** თულრანდა,

**** ჩოჩხასი (შდრ. ჩოჩხათი!).

– რა კარგი ჯიშები დაგვისახელეს! – აღფრთოვანებას ვერ ვმაღავ.

*საფერავი აქამდეც ამოსულა! ჩანს, მთელს საქართველოში იყო გავრცელებული ვაზის ეს საინტერესო ჯიში.

**ქეჩი მემესი შდრ. „თხის ძუძუ“. სხვაგან, დუგურში და კლარჯეთში, ცხენის ძუძუც ჩავინერეთ. დუგურში იციან კარულიც.

***თ. ქუზუ გოზი, შდრ. ქართ. ბატკნის თვალა. კლარჯეთში „ხარის თვალა“ (თ. ოქუზ გოზი) დავადასტურეთ. ორივე ჯიში ქართული ჩანს: ქუზუ გოზი – წვრილმარცვლიანი ყურძენია, ოქუზ გოზი – მსხვილმარცვლიანი.

„თხის ძუძუ“, „ცხენის ძუძუ“, „ბატკნის თვალა“, „ხარის თვალა“ საყურადღებო სახელებია სახელდების თვალსაზრისითაც.

****თულრანდა, კაროლ (<კარულ), ხათხულ’, ჩოჩხასი – ოთხივე ქართული ჯიშია, ვეუბნები ადამს. არც სხვების ქართულობაში მეპარება ეჭვი. „ქეჩი მემესი“, „ქუზუ გოზი“ ქართული სახელწოდებების თურქული თარგმანია-მეთქი, ერთი „საფერავს“ ვერ მოუხერხეს ვერაფერი, თორემ იმის თურქულ სახელწოდებასაც შემოგვთავაზებდნენ.

გავიხსენებ ერთ ცნობას, ნ. მარის დღიურებში რომაა დაცული: მკვლევარმა „ატ მემესის“ გვერდით დაადასტურა „ცხენის ძუძუ“. აღსანიშნავია ისიც, რომ „ცხენის ძუძუ“ ახსენა ქართულის არმცოდნე ჭედილემა. XX საუკუნის დასაწყისში კლარჯეთში ახსოვდათ „ცხენის ძუძუ“, ვაზის ერთ-ერთი ჯიშის ქართული სახელი.

ვფიქრობ ვაზის გადარჩენილ ჯიშებზე ჭოროხის ხეობაში. ხმამაღლა ვფიქრობ, იმიტომაც, რომ ვაზი ქართველთა იდენტობის მნიშვნელოვანი ნაწილია.

და კიდევ, ვაზის ქართული ჯიშების პოვნის ერება ტაოს ამ კუთხეში, კიდევ ერთი ნიშანია იმისა, რომ ჭოროხის ხევის ეს ნაწილი ისტორიული ქართული პროვინციაა და არა...

სოფლის ორლობეებში დავდივართ. გაპარული ჯიმშერის (ჯიმის) ჩამოსვლას ველოდებით. არ ჩანს, იგვიანებს. ვნერვულობთ. სოფელიც ამჩნევს ჩვენს ნერვულ მოძრაობას. ოთხი საათი მაინც გავიდა ლოდინში. რა აღარ ვიფიქრეთ...

როგორც იქნა ჯიმი გამოჩნდა, სალ-სალამათი და მთელი, თუმცა დაღლილი, მაგრამ კმაყოფილი. ოსმანი შეხვედროდა ჩვენამდე ციხიდან ჩამოსულს, ბიძამისის ოჯახში მიიყვანა, წყალი დააღვინეს, სული მოაბრუნებინეს დაღლილს.

– რატომ გაგვეპარე, ხომ ვთქვით, ერთად ავიდეთო ციხეზე? მარტო რატომ წადი? რამე რომ შეგემთხვას, არ ფიქრობ? რა უნდა გააკეთო ჯერ უცხო მხარეში და შემდეგ მთაში მარტომ? – საყვედურით ვავსებ ჯიმის.

– წავედი და...

– გეძახით, ხმას არ გვაძლევ, გირეკავთ, არ გვპასუხობ!

– არ მესმოდა!

– ასეთი რამ აღარ გაიმეორო! კარგი, რა ნახე?

– წავიდეთ, დროა, მანქანაში ვილაპარაკოთ, წინ დიდი გზა გვიდევს, – გთავაზობს ზაზა.

ვემშვიდობებით ოსმანსა და სხვებს, მოვლივართ.

– კარგი ციხეა, ძნელი ასასვლელია, მაგრამ ავედი. ქისკიმის ციხე უყურებს ერსისის ციხეს, სხვებსაც ჭოროხის ამ სექტორში. ჩანს, ინფორმაციის მთავარი მიმღებ-გამცემი იყო ქისკიმის უსახელო ციხე.

ბარემ ვიტყვი, ქისკიმის ციხე, სახელი პირობითია, ჩვენ ვუნოდეთ უსახელო სიმაგრეს სოფლის სახელწოდების მიხედვით.

დღე მიილია. ხოჯამ სალამოს ლოცვაზე (ახ-შანამაზზე) მოუხმო მორწმუნეებს. ბინდი ჩამონვა პარხლის ხეში. სასტუმროს ეზოში ვსაუბრობთ დღის შედეგებზე, დაგვიანებულ ვახშამსაც მოთმინებით ველოდებით...

2 აგვისტო, ოთხშაბათი. გათენდა. შავ ღრუბელს დაუფარავს ტაოს ცა. წვიმას აპირებს. დღეს სამუშაოდ არ წავალთ, საექსკურსიოდ გამოვიყენებთ დღევანდელ დღეს; რამდენიმე ძეგლის ნახვა გვაქვს გადაწყვეტილი, კერძოდ: ხახულის, ოშკის, იშხანის, ოთხთა ეკლესიის. თუ მოვასწრებთ ესბეკშიც ავალთ.

მოგზაურობა ხახულით, ჩვენგან უშორესი ტაძრით დავიწყეთ. თორთუმისწყლის ხეობას მალლა ავუყვით. მშვენიერია ღრმა ხეობაში

განოლილი მდინარე, მაღალი კლდეებით გარშემორტყმული. არაერთხელ ვყოფილვარ ამ კუთხეში, ამ გზაზეც გამივლია მრავალჯერ; ამ ხეობის ყოველი ხილვა ახალი ემოციებით მავსებს. ვფიქრობ... ვდარდობ ჭოროხის ხევის ზემონელის ხვედრზე. ერთ დროს ქვეყნის მენინავე კუთხე, ერთიანი საქართველოს იდეის დამბადებელი, ქართული მწერლობისა და ზოგადად, კულტურის დიდი მოამაგე ჩამოცილდა ერთიან საქართველოს და სხვა კულტურის ნაწილად იქცა. ჭოროხის ქვეყნების დიდი ნაწილი „შეერთო უცხოთა“, მაგრამ მიწას დღემდე ატყვია ქართველი კაცის ნაფეხურები, გაფერმკრთალებული და დანაცრებული. დრო შლის ქართულს ამ კუთხეში, მაგრამ რაღაც გადარჩა, რომელსაც ვეძებთ და აღვწუხავთ, ხანდახან იქ ვპოულობთ, სადაც არ ველოდებით. თუნდაც ვაზის ქართული ჯიშების პოვნის რად ღირს ტაოს იმ ნაწილში, რომელსაც სხვები იჩემებენ, აღარაფერს ვამბობ ისტორიულ ძეგლებზე...

ფიქრებში დრო გავიდა. ხახულის მონასტერთან ვართ უკვე. მანქანიდან გადმოვედით და ტაძრის ეზოში შევედით. ახალგაზრდები სხედან ძელსკამზე, ყურანის კურსების მსმენელები უნდა იყვნენ, ხოჯის მომლოდინენი.

ეკლესია დაკეტილია. გასაღები ხოჯასთანაა, ხოჯა კიდევ სოფლის ჩაიხანაშია და ჩაის მიირთმევს. ხოჯა განაგებს ქრისტიანულ სალოცავს. ესეც ტაოს ტრაგიკული ისტორიის ერთი ეპიზოდია: „ახალმა პატრონებმა“ გადალებეს ხახულის მოხატული კედლები სადამდეც მისწვდნენ, შემდეგ მეჩეთად გადააკეთეს იგი, უფრო სცადეს გადაეკეთებინათ, რადგან თავად ქრისტიანული სალოცავი არ დაყვა უცხოთა ნებას, არ გადაკეთდა ჯამედ. დღესაც ატყვია ხახულის კედლებს ძველი ფრესკების კვალი...

ჯამე გახსნეს ქრისტიანულ ტაძარში თურქებმა თუ გამუსლიმანებულმა ქართველებმა. ზარებისა და ქრისტიანული გალობის ნაცვლად ეზანის ხმა ისმის წმინდა ხახულში საუკუნეზე მეტია. არც ის უნდა დავივიწყოთ, რომ ჯამედ ქცევამ დანგრევას გადაარჩინა ტაძარი, მოუარეს ახალმა პატრონებმა „თავიანთ სალოცავს“.

საშინლად ცხელა. დასიცხულები ვხედავ-
ლებთ ტაძრის ეზოში. თამარი აღფრთოვანებული
ათვალისწინებს ხახულს, სურათებს იღებს,
ჩვენც გვიღებს, სანთლებს ანთებს... თამარის
გასახარებლად ღირდა ხახულში ჩვენი დღევან-
დელი სტუმრობა.

ხოჯა მოვიდა. გაგვიღო ტაძრის კარი.

– სანთლების დანთება შეიძლება? – ეკითხე-
ბიან იმამს.

– არა, დასაღია, სანთლების დანთება გარეთ
შეიძლება!

არ გაგვიკვირვებია ხოჯის უარი, დასტური
უფრო გაგვიკვირებოდა...

ტაძრიდან გამოვედი. კარგა ხანს ძელსკამზე
ვიჯექი და ჩვენი ექსპედიციის წევრების ფუს-
ფუსს ვუყურებდი. შემდეგ ავდექი, ხახულს შე-
მოვუარე, ტაძრის გარშემო გაშენებულ ბაღში
გავიარე, სიმშვიდე დამეუფლა, შინაგანი სიმ-
შვიდე, აფორიაქებულს რომ განყნარებს. როცა
დავბრუნდი, სურათებს იღებდნენ ჩვენები ტა-
ძრის ფონზე, მეც გადავიღე რამდენიმე ფოტო
მათთან ერთად.

მანქანაში ჩავსხედით. მალა ავუყევით ხევს.
მდინარის გაღმა, მაღალი მთის ქიმზე, ნანგრე-
ვები ჩანს, მცირე ბაზილიკა სოფლის სამლოცვე-
ლოდ აშენებული.

ხახულიდან წამოვედით, უზუნდერეში ვისა-
დილეთ და ოშკი წავედით.

ტაძართან მისასვლელი გზა მოუასფალტები-
ათ; აღარ ანუხებს მგზავრს მტვრის ბული, მან-
ქანის გავლის შემდეგ რომ დგებოდა შარაზე.

უჭირს ოშკს, ძლივს დგას ფეხზე ბებერი,
შველას სთხოვს მომსვლელს, მომლოცველ ქა-
რთველს მაინც, მშველელი არსაით ჩანს. არავის
ესმის სახურავჩაქცეული და ხავსმოკიდებული
ტაძრის მუდარა... შიში მიპყრობს, ფეხზე თუ
დამხვდება მეორედ მოსულს. იგივე განცდა მე-
უფლება ოთხთა ეკლესიაში. რამდენს გაუძლე-
ბენ ლოდინით დაღლილი „მიტოვებული ტაძრე-
ბი?“

გზიდან ოშკი გამოჩნდა. მადლობა ღმერთს,
ფეხზე დგას კვლავაც!

კარგა ხანს ვიტრიალეთ ტაძრის ეზოში, სა-
ნთლები დავანთეთ, სურათებიც გადავიღეთ
დღევანდელი დღის სამახსოვროდ.

ოშკიდან იშხნისაკენ წამოვედით.

საკმაო გზაა ოშკიდან იშხნამდე, დროც საკ-
მაო მაქვს ფიქრისათვის მანქანის სავარძელზე
მოკალათებულს, თუმცა, ახლა ფიქრიც მიჭირს,
ერთმანეთში მერევა ყველაფერი...

გზა გაილია. ცენტრალური გზიდან გადავუხ-
ვიეთ და იშხნის აღმართებს შევუდექით. გვცხე-
ლა. აღარც წყალი გვაქვს მანქანაში. სოფელში
ავედით, ჯამის ეზოში გავაჩერეთ მანქანა. იქვე
წყალი მოდის, ცივი...

ფეხით ჩავედით ტაძრის ეზოში. რესტავრაცია
თითქმის დასრულებულია. სიცოცხლე და-
უბრუნდა იშხანს, „იშხანი გადარჩა“, იშხანს დან-
გრევა აღარ ემუქრება...

ტაძარში არ შეგვიშვეს მცველებმა, რესტა-
ვრატორები მუშაობენ, დასაღიო შესვლა.

რას ვიზამთ, უნდა დავემორჩილოთ აკრძალ-
ვას.

ეზოს ვათვალისწინებთ, ბევრი სიახლეა იშხ-
ნის ეზოში: არქეოლოგიური გათხრების შემდეგ
აღმოჩნდა ძველი ნაგებობის საძირკვლები, სხვა
სიძველეები.

კარგა ხანს დავყოვნდით იშხანში. მშვენიერი
სანახავია რესტავრირებული ტაძარი. ჩემთვის
გაუგებარია, რატომ არ მოშალეს ახალმშენებ-
ლებმა ეკლესიის მარცხენა მხარეს მინაშენი, ვე-
რაფრით რომ ჯდება ჯვარგუმბათოვანი ტაძრის
არქიტექტურაში.

სურათებს ვიღებთ და ვემშვიდობებით იშხა-
ნს; ვემშვიდობებით იმედით, რომ შემდეგ მოს-
ვლაზე დასრულებული იქნება სარესტავრაციო
სამუშაოები და განახლებული ტაძრის ნახვის
შესაძლებლობა მოგვეცემა...

მანქანაში ჩავსხედით და იშხნიდან წამოვე-
დით. ცენტრალურ გზაზე ჩამოსულებმა ესბეკ-
ში წასვლა გადავიფიქრეთ, უკვე გვიანია, ცაც
იქუფრება სანვიმრად... სჯობს, ოთხთა ეკლესი-
აში ავიდეთ.

იუსუფელში ჩავედით, იქიდან – ოთხთა ეკლე-
სიაში.

წვიმა წამოვიდა მსხვილი და ცივი, სულხან-საბა რომ იხსარს უნოდებს. მალხაზი და თამარი არ მოერიდნენ განუწვას და თავსხმა წვიმაში ავიდნენ ტაძარში. სხვები კარგა ხანს მანქანაში ვისხედით და წვიმის გადაღებას ველოდით, მაგრამ ამაოდ. ვატყობთ, არ აპირებს გამოდარებას. იმედგადაწურულებმა ჩქარი ნაბიჯით ავიარეთ აღმართი...

სანთლები დავანთეთ ბათუმიდან ამ დღისათვის სპეციალურად წამოღებული, ფოტოები გადავიღეთ ტაძარში და ტაძრის ეზოში, მადლობა შევწირეთ უფალს, რომ ტაძარი ფეხზე დავვხვდა...

უკვე გვიანია. სასტუმროში ვბრუნდებით. ამაღამ ბარგს ჩავალაგებთ და სახვალიოდ მოვემზადებით.

ხვალ, 3 აგვისტოს, ექსპედიცია „ტაო 2017“ დასრულდება.

ხვალ ექსპედიციის უმეტესი ნაწილი სახლში დაბრუნდება. მალხაზ ჩოხრაძე, ზაზა შაშიკაძე და მე დავრჩებით, უნიეში გადავალთ და რამდენიმე დღე მუჭაჯირთა შთამომავლების სოფლებში ვიმუშავებთ.

3 აგვისტოს, საუზმის შემდეგ, დავემშვიდობეთ სასტუმრო „აგარას“ და გზას დავადექით. კარგად გვიმასპინძლა ტაომ, – საყურადღებო მასალები შევავროვეთ, ფოლკლორული, დიალექტოლოგიური, რამდენიმე მნიშვნელოვანი მატერიალური კულტურის ძეგლი შევისწავლეთ. ასე რომ, ვფიქრობ, ექსპედიცია წარმატებული გამოდგა...

8 აგვისტოს, გამთენიისას, გამოვიარეთ სარფის სასაზღვრო-გამშვები პუნქტი და ბათუმში დავბრუნდით.

განსჯა. დასრულდა კომპლექსური ექსპედიცია „ტაო 2017“. ექსპედიციამ ათი დღე იმუშავა ისტორიული ტაოს სოფლებში. ახლა, როდესაც მასალები გადავწერეთ, ექსპედიციის დღიურები გადავიკითხეთ და ახალი თუ დამატებითი ინფორმაციით შევავსეთ, დადგა დრო, შევაჯამოთ საველე მუშაობა, ვისაუბროთ მის მთავარ შედეგებზე, რომელიც, ვფიქრობ, შთამბეჭდავია.

I. ჩავინერეთ დიალექტოლოგიური მასალები, რომელიც უაღრესად მნიშვნელოვანია, უპირველესად, ტაოური კილოს პროფილის დასადგენად, მეორეს მხრივ, ქართული დიალექტოლოგიისათვის, ზოგადად. ახალი მასალები კიდევ მეტად გვიმტკიცებს აზრს, რომ შესაძლებელია ტაოური კილოს ერთიანი პორტრეტის შექმნა; და ეს მაშინ, როდესაც ისტორიული ტაოს დიდი ქვეყნის მხოლოდ ერთი ხეობის რამდენიმე სოფელში და მთის გადაღმა ბინათში ისმის ქართული.

ელიასხვეველთა მეტყველებაში მთელი თავისი მრავალფეროვნებით წარმოჩნდა ტაოური დიალექტი:

– ტაოურში დაჩნდება ჯ ბგერა, თუმცა მას ჩვეულებრივ ცვლის ხ', სხვაგვარად, არ აქვს სიტყვათგანმასხვავებელი, დისტინქტური ფუნქცია.

– როგორც სხვა სამხრულ კილოებში, ტაოურშიც გვხვდება ა, რომელიც ი'ს პოზიციური ვარიანტია და ქმნის დამავალ დიფთონგს, იშვიათად – აღმავალს: თურქულიდან შემოსულ სიტყვებში ყ ბგერის გადმოსაცემად: აალი, აულურთი...

– ტაოურ გამოთქმაში ისმის ირაციონალური (ჟ) ხმოვანი, დასტურდება C-C პოზიციამში...

– გარკვეულ პოზიციამში დაჩნდება უმლაუტიანი ხმოვნები. ვიტყვით, რომ ტაოურს, სხვა სამხრულ კილოებთან შედარებით, მეტად ახასიათებს უმლაუტი თუ „უმლაუტის მსგავსი მოვლენა“ (ნ. ქუთელია), თუმცა აქაც იგი „გამოუყენებელი შესაძლებლობა“.

– დასტურდება ტონური მახვილი, რომელიც ფიქსირებულია და სიტყვას მოუდის ბოლოდან მეორე მარცვალზე. სამხრულ კილოთაგან ტონური მახვილი ყველაზე კარგად ტაოურს დაუცავს, თუმცა ნაშთის სახით სხვა კილოებშიც დავადასტურეთ.

– ჩანერილ მასალებში ჩანს საყურადღებო სახელური და ზმნური ფორმები: სახელისა და ზმნის ფორმანარმოებაში ტაოური ზოგჯერ ძველქართულისებურ ფორმებს იყენებს, ზოგ-

ჯერ – საკუთრივ დიალექტურს. სახელური და ზმნური ფორმებით ტაოური მკვეთრად გამოკვეთილი დიალექტია.

– მნიშვნელოვანია წარსული მრავლობითის ფორმები ტაოურში: ამალიანნი, ქოდიანნი, კავლიანნი, მუსიანნი... თანხანი მრავლობითის ფორმები არ დაგვიდასტურებია.

– ყურადღებას იქცევს ზმნის მრავლობითობის **-ეს** სუფიქსიანი, ძველქართულისებური წარმოება: **აკეთებს** (ერთი), მრავალი – **აკეთებდეს**.

– განსაკუთრებულ თავისებურებებს ტაოური ამჟღავნებს ლექსიკაში: დადასტურდა ისეთი სიტყვები, რომელიც სხვაგან არ გვხვდება: **მარქვალი** – კარტოფილი, **ხვართობა** – ლაპარაკის მნიშვნელობით და სხვ.

– ყურადღებას მივაქცევთ „ქობის სახელებს“, ე.წ. ლაღბ გვარებს, შტო-გვარებს, რომელიც ტაოურში უმეტესად **-იან** სუფიქსითაა ნაწარმოები. ძალზე იშვიათად გვხვდება **-ძე(>ზე)** თი ნაწარმოები „გვარები“, სხვა სუფიქსით ნაწარმოები სახელებიც. **-იან** სუფიქსიანი წარმოება უძველეს ფენად უნდა იქნას მიჩნეული.

– როგორც მეთურქულე, ისე მექართულე ტაოში ჩავინერეთ გეოგრაფიული სახელები, რომელთა დიდი ნაწილი ქართულია, ქართული სიტყვასწარმოებელი აფიქსებით ნაწარმოები, გვხვდება არაქართული ტოპონიმებიც. ტოპონიმიში ნათლად ჩანს ტაოს უძველესი მოსახლეობის კვალი.

– დავაფიქსირეთ ვაზის ქართული ჯიშები: საფერავი, კარული, ჩოჩხასი... მეთურქულე ტაოში ვაზის ქართული ჯიშების „აღმოჩენა“, ვფიქრობთ, მნიშვნელოვანია. ვაზი ხომ ნაციონალური იდენტობის მნიშვნელოვანი კომპონენტია.

II. ექსპედიციამ ჩაინერა საყურადღებო ფოლკლორული მასალები. როგორც პროფესორი თინა შიომვილი ამბობს, განსაკუთრებით მდიდარია ტაო „მითოსური ნარატივებით“. თამამად შეიძლება ითქვას, რომ ტაოს ზეპირსიტყვიერებამ ცხადად შემოინახა არქაული დარგობრივი ღვთაების, წყლის განმასახიერებელი,

ე.წ. „ფერი ქალის“, „ფერი დეკაცის“ (ფერი დედაკაცის) სახე და მისი ფუნქციები. თუ საქართველოს სხვა კუთხეებში ეს მითოსური პერსონაჟი უკვე დეგრადირებულია და დემონად გამოიყურება, ტაოურ ნარატივში შენარჩუნებული აქვს ღვთაებრივი ფუნქციები.

– ტაოს ფოლკლორმა, კლარჯულის მსგავსად, შეინახა მარადიული გაზაფხულის, ანუ დაკარგული სამოთხის, მითოსის საყურადღებო ვარიანტები. მართალია, ეს მითოსური ეპოქა თამარის სახელს აღარ უკავშირდება, იგი ჩანაცვლებულია ქრისტიანი მღვდელმსახურით, რაც კიდევ მეტად საინტერესოს ხდის საქართველოს ამ კუთხეში რელიგიათა ურთიერთმიმართებისა და ქრისტიანული მსოფლმხედველობის ევოლუციის პრობლემას.

– დაფიქსირდა მცირე წარღვნის ლეგენდის საინტერესო ვარიანტი და თქმულებანი დემონურ პერსონაჟებზე.

– ტაოში კარგადაა შემონახული ფოლკლორის ტრადიციული ჟანრები: შელოცვა, ანდაზა, გამოცანა, საყოფაცხოვრებო, სატრფიალო და საქორწილო ლირიკა, მახვილსიტყვაობა, წყევლისა და დალოცვის ნიმუშები...

III. ექსპედიცია აკვირდებოდა ტაოელთა ყოფასა და ტრადიციულ კულტურას. ჩვენი დაკვირვების ობიექტივში მოექცა:

– ტაოური სახლი ადგილობრივ რელიეფსა და კლიმატს მორგებული: I სართული ქვისაა, იქ ბოსელია გამართული. ბოსელში შემოღობილი ადგილია **პირტყვისათვის** (წვრილფეხა საქონლისათვის: ცხვარი, თხა... – ავტ.), რომელსაც ტაოელი **ქორს** ეძახის; მეორე სართულზე საცხოვრებელი გაუმართავთ, მესამეზე – სათავსო: ბეღელი და სათივე. სახლის სართულები შიგა კიბით უკავშირდება ერთმანეთს...

– ტერასული მეურნეობა: მცირემიწიანია ტაო, ამიტომაც ტაოელი იძულებული იყო ეშენებინა **ყორეები|ყვერეები**, მოეზიდა მიწა და შეექმნა ხელოვნური დავაკება, სადაც ხნავდა და თესავდა, აშენებდა ხეხილს...

– ტაოური სოფლის დასახლება „ბუდობრი-
ვი დასახლება“, რაც გულისხმობს: სოფელში
შტო-გვარები, „ქობის სახელები“ ერთად სახლო-
ბენ და ქმნიან სოფლის უბანს. დასახლების ტი-
პით ტაო ენათესავენა ჭოროხის სხვა ქვეყნებს
და მთელს საქართველოს.

ტაოს ეთნოგრაფია ქართული ყოფის მნიშ-
ვნელოვანი ნაწილია.

IV. ექსპედიციამ შეისწავლა „ციხემრავალი
ტაოს“ მატერიალური კულტურის ძეგლები, ცი-

ხეები, ეკლესიები, საცხოვრებელი სახლები.
განსაკუთრებით მნიშვნელოვნად მიგვაჩნია ჭო-
როხის ზემონელში თუხარისის, ქისკიმის... ცი-
ხეების, ასევე იშხანს გაღმა ესბეკის ციხისა და
სამონასტრო კომპლექსის შესწავლა.

ექსპედიცია „ტაო 2017“, დასრულდა. მოპოვე-
ბული მრავალფეროვანი მასალა მნიშვნელოვნად
გაამდიდრებს ჩვენს ცოდნას ისტორიული ტაოს
შესახებ და, რაც მთავარია, იგი საფუძვლად დაე-
დება მრავალპლანიან მონოგრაფიას „ტაო“...



ადექსანდრა ჩხაიძე

სელიმ ხიმშიაშვილი – ოსმალეთის ხელისუფლების სტრუქტურის უზრჩი მოხელე

სელიმ ხიმშიაშვილი ცხოვრობდა და მოღვაწეობდა XVIII ს. მეორე ნახევარსა და XIX ს. დასაწყისში. ის რეგიონული მასშტაბის გავლენიანი პოლიტიკური ფიგურა და დაუღალავი მებრძოლი იყო. აღნიშნულ პერიოდში ისტორიული სამხრეთ-დასავლეთ საქართველოს ტერიტორია მთლიანად ოსმალეთის იმპერიის საზღვრებშია მოქცეული და მის ადმინისტრაციულ-ტერიტორიულ რაიონებს შორის განაწილებული. ამ დაპყრობილი ტერიტორიის მნიშვნელოვანი ნაწილის, სამცხე-საათაბაგოს, ადგილას ძირითადად ჩილდირის (ახალციხის) ვილაეთი იყო შექმნილი. მას ტრადიციულად გამაჰმადიანებული ჯაყელები მართავდნენ ფაშის ტიტულით. XVIII ს. ბოლოს მთიან აჭარაში დაწინაურებული სელიმ ხიმშიაშვილი ჯაყელების სერიოზული მეტოქე და ორჯერ (1803-1809 და 1812-1815 წწ.) ჩილდირის ვილაეთის ფაშა ხდება. ოსმალეთისათვის ეს იყო რთული პერიოდი საერთოდ და რთული რეგიონი კონკრეტულად.

აღნიშნულ ვილაეთში იმ დროს მიმდინარე პოლიტიკური მოვლენები ორგანულადაა დაკავშირებული საერთო იმპერიულ პროცესებთან და მათი მხოლოდ ერთად განხილვაა მიზანშეწონილი.

XVIII ს. მეორე ნახევარში ოსმალეთის იმპერია ფლობდა ტერიტორიებს ევროპაში, აზიასა და აფრიკაში. ამით ის აკონტროლებდა მნიშვნელოვან სავაჭრო გზებს. გაერთიანებული ჰყავდა მრავალი, განვითარების სხვადასხვა დონეზე მყოფი ხალხები და ტომები. ის ჯერ კიდევ მძლავრი ქვეყანა იყო. ამასთან ამ სიმძლავრეს შინაგანი დაძაბუნება ჰქონდა დაწყებული. აქ არსებობდა სამხედრო-ფეოდალური სისტემა, ეკონომიკა ჩამორჩებოდა განვითარებული ქვეყნების დონეს, ქვეყანა სუსტი ცენტრალიზაციით გამოირჩეოდა. ფეოდალთა ნაწილს პორტასაგან* თავი სულ უფრო დამოუკიდებლად ეკავათ. ეს განსაკუთრებით ეხებოდა იმპერიის პერიფერიებს.

XVIII ს. მეორე ნახევრისათვის ოსმალეთის იმპერიაში მნიშვნელოვანი მოვლენა გახლდათ დაპყრობილი ხალხების ლტოლვა დამოუკიდებლობისაკენ. ამ თვალსაზრისით აქტიურად მოქმედებდნენ ბალკანეთის ნახევარკუნძულის ხალხები-ბულგარელები, სერბები, ბერძნები, ალბანელები და სხვები. ისინი არა მარტო ფეოდალურ, არამედ პოლიტიკურ, კულტურულ და რელიგიურ დისკრიმინაციას განიცდიდნენ. ანტითურქულ მოძრაობას ადგილი ჰქონდა იმპერიის სამხრეთით, არაბულ ქვეყნებშიც. აღმოსავლეთით კი თავისუფლების მოყვარული ქურთები, ასევე, დამოუკიდებლობის-

* პორტა – ევროპის ქვეყნებში იხმარებოდა როგორც ოსმალეთის მთავრობის, ზოგჯერ იმპერიის სახელწოდება („ბრწყინვალე პორტა“, „მაღალი პორტა“ და სხვა).

კენ ისწრაფვოდნენ. ამავე პერიოდში ლაზეთში, მის მთიანეთში, ლაზები ჯერ კიდევ ინარჩუნებდნენ მნიშვნელოვან თავისუფლებას და თავს არიდებდნენ დამპყრობელზე დამოკიდებულებას. ჩილდირის ვილაეთში და მის მიმდებარე რაიონებში მცხოვრები ქართველი და სომეხი მოსახლეობაც თავს უცხოვად გრძნობდა ოსმალეთის იმპერიის ფარგლებში და ასევე ილტვოდა დამოუკიდებლობისაკენ.

XVIII ს. მეორე ნახევარი ის დროა როცა გაძლიერებული რუსეთის იმპერია ჩრდილოეთიდან მოინვედა ძალით თუ ნებით. ბალკანეთზეც და კავკასიაშიც ის ოსმალეთის სერიოზული კონკურენტი იყო. 1801 წ. რუსეთის იმპერიამ დაიპყრო ქართლ-კახეთის სამეფო და ამიერკავკასიაში ოსმალეთის იმპერიის უშუალო მეზობელი გახდა.

სტამბოლში, გაბატონებული კლასის ნაწილი ხედავდა გართულებულ მდგომარეობას და რეფორმების გატარებით ფიქრობდა ცენტრალური ხელისუფლების განმტკიცებას. ცვლილებათა აუცილებლობა შეგნებული ჰქონდა სულთან სელიმ III (1789-1807 წწ.). ქვეყნის გაძლიერების მიზნით, იგი შეეცადა რიგი გარდაქმნების გატარებას. თუმცა მის მცდელობას მწვავე დაპირისპირება მოჰყვა. საქმე შეიარაღებულ შეჯახებამდეც კი მიდიოდა. რუსეთ-ოსმალეთის (1806-1812 წწ.) ომის დაწყების შემდეგ, 1807 წ. ის ტახტიდან ჩამოაგდეს და სულთანი გახდა რეაქციონერი მუსტაფა IV. მის წინააღმდეგ სტამბოლისკენ დაიძრა რეფორმების მომხრეთა შეიარაღებული ძალები. მუსტაფა IV ბრძანებით სელიმ III მოკლეს, თუმცა თვითონ მუსტაფა IV ტახტიდან ჩამოაგდეს და სულთანი გახდა მაჰმუდ II (1808-1839 წწ.). მან ხანგრძლივი მმართველობის მანძილზე ფრთხილი, თუმცა გარკვეული ზომიერი გარდაქმნების განხორციელება მოახერხა.

როგორც ვხედავთ XVIII ს. მეორე ნახევარი და XIX ს. დასაწყისი საკმაოდ რთული პერიოდი იყო ოსმალეთის იმპერიისათვის. მოძველებული სამხედრო-ფეოდალური სისტემა დეცენტრალიზაციას, სეპარატიზმს უწყობდა ხელს. რეფორმები არ იყო ეფექტური. ეკონომიკა ვერ ვითარდებოდა, ქვეყანა რუსეთთან ომებში წარუმატებლობას განიცდიდა.

იმპერიის დედაქალაქიდან დაშორებულ, მთა-გორიან ჩილდირის (ახალციხის) ვილაეთში ბრწყინვალე პორტას ხელისუფლების გავლენა დიდად ვერ აღწევდა და ისიც, ძირითადად, ამ პროვინციის ფორმალური, უმნიშვნელო მორჩილებით კმაყოფილდებოდა. მით უმეტეს, რომ აღნიშნული რაიონი საქართველოს სამეფო-სამთავროების, ხოლო 1801 წლიდან რუსეთის იმპერიის მეზობლადაც მდებარეობდა და ფრთხილი პოლიტიკის გატარება იყო საჭირო. აქ ძლიერი ფეოდალები ჯაყელები და სელიმ ხიმშიაშვილი თავს შედარებით დამოუკიდებლად გრძნობდნენ, როდესაც მათ შორის მწვავე დაპირისპირება მიმდინარეობდა პირველობისათვის, რაც ცხადია ერთიანი სახელმწიფოს ფარგლებში არანორმალური მოვლენა იყო, თუმცა ამ ამბებს ბრწყინვალე პორტა შორიდან უყურებდა. შეიარაღებულ დაპირისპირებას იმპერიის სხვა კუთხეებშიც და დედაქალაქშიც ჰქონდა ადგილი. ის ჩილდირის ვილაეთში მიმდინარე პოლიტიკურ პროცესებში აქტიური ჩარევისაგან თავს იმის გამოც იკავებდა, რომ აქ, საზღვარზე, სადაც სხვადასხვა ეროვნების ხალხები ცხოვრობდნენ, მდგომარეობა არ დაეძაბა. როგორც კავკასიის მმართველი 1809-1811 წწ. გენერალი ალექსანდრე ტორმასოვი 1809 წ. წერდა: პორტა ამ სასაზღვრო მხარეს ძალზე ცოტა ყურადღებას აქცევს და იზღუდება მხოლოდ იმ ფაშის დამტკიცებით, რომელიც გაძლიერდება, აქვს ბასრი მახვილი და ჩამოაგდებს საკუთარ მოწინააღმდეგეს (1.785).

ხიმშიაშვილთა წარმომავლობაზე სხვადასხვა მოსაზრება არსებობს (2.318-319). ჩვენთვის ცნობილია, რომ მათი პირველი წარმომადგენელი აბდული საზოგადოების დაბალი ფენიდან ყოფილა, რომელმაც აჭარის სანჯაყ ბეგობას მიაღწია (2.478). იგი 1784 წ. გურიაზე თავდასხმისას მოკლეს. სავარაუდოდ, სელიმ ხიმშიაშვილი დაიბადა 1755 წელს (2.319). თურქული ლიტერატურის მიხედვით, მან დაამთავრა სტამბოლის სასწავლებელი, შემდეგ კი სამხედრო სასწავლებელი, დააწინაუ-

რეს ბრიგადის გენერლად (3.5). იგი აჭარის სანჯაყ ბეგი ანუ აჭარის მფლობელი უნდა გამხდარიყო მამის სიკვდილის შემდეგ. როგორც აღვნიშნეთ, დაბალი კლასიდან აღზევებული აბღული გურიაზე თავდასხმისას მოკლეს, რაც სელიმის დანიშნაურებას შეუწყობდა ხელს. რაც მთავარია, სტამბოლში განათლებამიღებულს გააჩნდა ძლიერი, პიროვნული ქარიზმატული თვისებები.

აჭარის სანჯაყ ბეგს ძირითადად ევალებოდა გადასახადების აკრეფა და სამხედრო კონფლიქტის დროს გარკვეული რაოდენობის ჯარისკაცის გამოყვანა. იმ პერიოდში ოსმალეთის იმპერიაში ზოგი ლენის მფლობელი სხვადასხვა მოსაზრებით თავს არიდებდა უშუალო მოვალეობას – გამოეყვანა ჯარისკაცები თავისი სამფლობელოდან და მონაწილეობა მიეღო სამხედრო კონფლიქტებში. ანალოგიურად 1787 წ. სელიმიც თავს არიდებს საკუთარ მოვალეობას (2.345).

აჭარა ჩილდირის ვილაეთში შედიოდა და ერთი შეხედვით აჭარის მმართველს ჩილდირის მმართველების ჯაყელების დავალებები უნდა შეესრულებინა, მაგრამ სელიმი ანგარიშს არ უწევდა თანამდებობრივად მაღალ იერარქიულ კიბეზე მყოფ პირებს.

ჩვენს ხელშია 1804 წლით დათარიღებული გურიის მფლობელის, მარინას* წერილი კავკასიის მმართველის (1802-1806 წლებში) პავლე ციციანოვის (ციციშვილის) მიმართ. წერილში ვკითხულობთ: როცა საათაბაგოში ფაშა იყო ისაყი, მასთან თხოვნით წავიდა სიმონ გურიელი,** რომ მისი სამფლობელო გაეთავისუფლებია. ეხლანდელი ფაშა ხიმშიაშვილი მაშინ აჭარის მფლობელი იყო. იმ დროს აჭარლები არად აგდებდნენ ახალციხის ფაშას ისაყს. აჭარლები უკან გამობრუნებულ სიმონს თავს დაესხნენ, ერთი მსახური მოუკლეს, სხვები დააკავეს. თვითონ სიმონი ხიმშიაშვილმა თავის სახლში წაიყვანა (4.541). მართალია, შემდეგ სელიმმა სიმონი გაათავისუფლა, მაგრამ ეს სხვა საკითხია. ჩვენთვის საინტერესოა წერილის მოყვანილი მონაკვეთი. ისაყი ახალციხის ფაშა იყო 1791-1792 წლებში (5). სიმონ გურიელიც მასთან ამ პერიოდში უნდა წასულიყო. რაც შეეხება მის თხოვნას, ეტყობა საქმე ეხება ქვემო გურიას, რომელსაც ოსმალები XVIII ს დაეპატრონენ. უფრო ზუსტად ქვემო გურიის ჩრდილოეთ მხარეს. კერძოდ, ციხისძირის მიდამოებს და მის ჩრდილო ტერიტორიებს, ქობულეთს, ხინოს, რომელიც ოსმალთა მფლობელობაში გადავიდა XVIII ს. 70-იან ან 80-იან წლებში (4.539, 544).

სიმონის ვიზიტის მიზანი უშედეგოდ დარჩა. ჩვენ კი ამ შემთხვევაში ყურადღებას ვამახვილებთ იმდროის აჭარის სანჯაყ ბეგის, ესე იგი აჭარის ლენის მფლობელის, სელიმ ხიმშიაშვილის და მისი ხალხის თვითნებობაზე. ფაშასთან ვიზიტად მყოფ გურიის მთავარს კაციც კი მოუკლეს, თვითონ მთავარი სიმონი კი დააკავეს. მარინა პირდაპირ წერს, რომ აჭარლები არად აგდებდნენ ახალციხის ფაშასო. როგორც აღვნიშნეთ, ოსმალეთის იმპერიაში ცალკეულ ფეოდალთა სეპარატისტული ტენდენციები ჩვეულებრივ მოვლენას წარმოადგენდა. მაგრამ აჭარის ლენის მფლობელი სარგებლობდა არა მარტო თავისი სამფლობელოს რთული რელიეფური პირობებით და მეომარი მოსახლეობით, სადაც ის თავს დაცულად გრძნობდა, არამედ იმითაც, რომ აჭარელი ბეგები თავიანთ ლენს ფლობდნენ იურთლუქისა და ოჯაქლიქის წესით. ამ წესის მიხედვით ადგილობრივი ბეგები სარგებლობდნენ საგადასახადო და ადმინისტრაციული იმუნიტეტით და პასუხისმგებლები იყვნენ უშუალოდ სულთნის წინაშე (6.192,231). სულთნები კი შორს იყვნენ და სერიოზული პრობლემების წინაშე მყოფებს არ ეცალათ შორეული პერიფერიისთვის, ძნელად მისავალ ადგილებში მცხოვრები მეომარი ხალხისა და მათი ფეოდალისათვის. საერთოდ ჩილდირის ვილაეთში არსებული მიშვებულობისათვის, იქაური სამოქალაქო, სისხლისმღვრელი დაპირისპირებისათვის. XVIII ს. ბოლოს და

* გურიის მფლობელი (Владительница) მარინა – ასეა საბუთში. აღნიშნულ პერიოდში გურიის მთავარი იყო ქაიხოსრო ბატონიშვილი. მისი მმართველობის პერიოდია 1797-1809 წწ.

** სიმონ III გურიელი – გურიის მთავარი 1788-1792 წწ. – წერილის ავტორის მარინა წერეთლის მეუღლე.

XIX ს. დასაწყისში კი ჩილდირის ვილაეთში პირველობისათვის სერიოზულ დაპირისპირებას ჰქონდა ადგილი. ასე გრძელდებოდა სანამ (1808 წ.) ტახტზე ავიდა მაჰმუდ II, რომელსაც ჰქონდა სურვილი და მცდელობა შედარებით მაინც გამოესწორებინა ქვეყნის მდგომარეობა.

სელიმ ხიმშიაშვილს, სანამ ფაშა გახდებოდა, ჰქონდა ყაფუჩი ბაშის (სახლთუხუცესის) ტიტული. ასეთივე ტიტულს ატარებდა მისი მეტოქე შერიფ ჯაყელი სანამ (1790 წ.) ფაშა გახდებოდა. ასევე, ერთი პერიოდი ყაფუჩი ბაში იყო სელიმის შვილიც, მის საგვარეულოში ყველაზე დანიშნაურებული აჰმედ ხიმშიაშვილი.

XVIII ს. ბოლოს ჩილდირის ვილაეთში ფაშობისთვის ბრძოლაში შეიარაღებული დაპირისპირება ჩვეულებრივ მოვლენას წარმოადგენდა. ოსმალური წყაროების მიხედვით, 1800 წ. აჭარის სანჯაყ ბეგი სელიმი აუჯანყდა ჩილდირის ვილაეთის ფაშას შერიფ ჯაყელს (7.142). დროთა განმავლობაში მისი წარმატება განვითარდა. რუსეთის არმიის გენერალ-მაიორმა ლაზარევმა 1802 წ. ოქტომბერში ციციანოვის უპატაკა, რომ მიიღო ცნობა სელიმ ალას მიერ ახალციხის ალების შესახებ, შერიფ ფაშა გაიქცა (4.301). 1803 წ. 10 თებერვალს ციციანოვი იმპერატორს ატყობინებდა, რომ ახალციხის ფაშად დაინიშნა ვინმე რეჯები. ხოლო სელიმ ალა ხიმშიევმა, რომელმაც განდევნა შერიფ ფაშა, მიიღო მუსელიმის* თანამდებობა ახალციხის ფაშას განკარგულებაში (4.903-904).

ჩილდირის ვილაეთის მაღალი რანგის ჩინოვნიკმა სელიმ ალა ყიფიანმა 1803 წ. 21 აგვისტოს ციციანოვი ჩააყენა საქმის ყურში, რომ ყაფუჩი ბაში** სელიმ ხიმშიაშვილი გახდა ახალციხის ფაშა (4.894). შედეგად, ციციანოვის მიერ 1803 წ. 14 ოქტომბერს ვორონცოვისადმი გაკეთებული წარდგინების მიხედვით: ახალციხის რეჯებ ფაშა შეიცვალა სელიმ ხიმშიევით, მე მას და ახალციხის უპირველეს ჩინოვნიკებს გაფუგზავნე საჩუქრებით (4.895). ერთი თვის შემდეგ, 15 ნოემბერს სელიმ ფაშამ თავის წერილში ციციანოვის მიმართ ჩამოთვალა საკუთარი მდგომარეობა და უფლებები, რომ ის იყო „ქ. ყოვლად სანატრელი და დიდებით სავსე ხელმწიფის ვეზირი სრულიად ჩილდირის, მისი ალეთის და ფარშის (ფოთის – ა. ჩ.), ბათუმის და ზღვის კიდეთა მპყრობელი და სხვათა და სხვათა უფლებათა მქონებელი, სამთუღიანი სელიმ-ფაშა“ (4.900).

როგორც აღვნიშნეთ, 1801 წ. ქართლ-კახეთის სამეფოს დაპყრობის შემდეგ რუსეთის იმპერია ამიერკავკასიაში უშუალოდ დაუმეზობლდა ოსმალეთის იმპერიას, კერძოდ, ჩილდირის ვილაეთს. რუსეთის ადგილობრივი ხელისუფლებისათვის, ცხადია, ცნობილი იყო, როგორც ოსმალეთის ფეოდალური ჩამორჩენილობის საფუძველზე იქ არსებული სეპარატისტული ტენდენციები, ისე ჩილდირის ვილაეთის, სხვა იქაური რაიონების ისტორიულად ქართული წარმომავლობა და სელიმ ხიმშიაშვილის წარმოშობით ქართველობა. სელიმ ხიმშიაშვილსა და რუსეთის კავკასიურ ხელისუფლების წარმომადგენლებს შორის არა მხოლოდ ოფიციალური, არამედ ფარული კავშირიც გაიბა. სავარაუდოდ, სელიმის ოცნებას შეადგენდა სამცხე-საათაბაგოს აღდგენა და მისი მმართველობა. რადგან ეს უკიდურესად რთულ ამოცანას წარმოადგენდა ამიტომ ის ამ ეტაპზე უფრო პრაქტიკულ ამოცანას ისახავდა.

ეს იყო ჩილდირის ვილაეთის მყარი ერთპიროვნული მმართველობა, სულ ერთი იყო სად, ოსმალეთის იმპერიის თუ რუსეთის იმპერიის შემადგენლობაში. რუსეთის მიზანს შეადგენდა ჩილდირის ანუ როგორც თვითონ უწოდებდნენ, ახალციხის ვილაეთის შეერთება თუნდაც იქ მმართველად, სელიმ ხიმშიაშვილი ყოფილიყო. ამასთან, სელიმისა და რუსეთის კავკასიური ხელისუფლების ურთიერთობა განსაკუთრებული ნდობით არ გამოირჩეოდა. რუსეთის კავკასიური ხელისუფლება სელიმის კარიერას უარყოფითად აფასებდა, ამასთან, ხაზს უსვამდა მის სეპარატიზმს. აქ უპრიანია

* მუსელიმი, იგივე მუთესელიმი – იყო ფაშის მოადგილე გადასახადების აკრეფის დარგში.

** ეტყობა, მუსელიმობის შემდეგ მან მალე მიიღო ყაფუჩი ბაშის თანამდებობა.

მოვლენებს ცოტა გავასწროთ. კავკასიის მმართველი 1809-1811 წლებში გენერალი ა. ტორმასოვი 1809 წ. 20 სექტემბერს რუმინანცევს წერდა, რომ სელიმმა ვერაგობით გაიკაფა გზა ფაშობისაკენ, ხოცავდა რა იმ ხალხს, რომლებიც მას ეხმარებოდნენ. მას შემდეგ, რაც ძალადობით გახდა ფაშა, ის არასოდეს არ ემორჩილებოდა პორტას; არ აღიარებდა არც ერთი სერასკირის უფროსობას (1.785). დროის მოთხოვნით ხელისუფლებისათვის ბრძოლაში გამოწვეული სიმკაცრე დასტურდება თქმულებითაც: „ხალხური გადმოცემით, სელიმი „ძალიან ზალუმი“ (მრისხანე, დაუნდობელი – ა. ჩ.) კაცი იყო. მისთვის კაცის და ბუზის მოკვლა ერთი იყო“ (8.69). სერასკირი თანამდებობაა, ოსმალეთის ჩრდილო-აღმოსავლეთით მას ერზრუმის ფაშა ფლობდა და საჭირო შემთხვევაში ჩილდირის ვილაეთის ფაშა მას უნდა დამორჩილებოდა. სელიმის ურჩობას მის მიმართ ადასტურებს კავკასიის მმართველი 1806-1809 წწ. გრაფი გუდოვიჩი. 1808 წ. 31 აგვისტოს ის რუმინანცევს წერდა, რომ ახალციხის სელიმ ფაშა, როგორც ცნობილია, არაფერში არ ემორჩილება სერასკირს (9.570).

სელიმ ხიმშიაშვილის ზოგჯერ თვითნებური საქციელი, ცხადია, გამონაკლისს არ წარმოადგენდა. თუკი ის ეურჩებოდა ხელისუფლების ზემდგომ საფეხურზე მყოფ პირებს, სამაგიეროდ, მისსავე სამფლობელოში თვითნებობდნენ დაბალი რანგის მოხელეები. ეს იყო ქვეყნის საერთო მდგომარეობის გამოხატულება. სულთნისადმი მორჩილება, ფორმალური მაინც ყველასათვის სავალდებულო იყო, მაგრამ, ადგილებზე დისციპლინა მოიკოჭლებდა. კანონები ქმნის სისტემას, როცა სისტემა მოძველდება და ვერ პასუხობს დროის მოთხოვნებს, საჭიროა კანონების შეცვლა. ეს კი მაშინ საკმაოდ რთული საქმე გახლდათ. სელიმმა სულთანს მისწერა, რომ თვითონ, მისი ნათესავები და მთელი გურჯისტანი სულთნის ერთგულია (მსგავსი ლაქუცი საჭირო იყო – ა. ჩ.), მაგრამ ადგილობრივი მოხელეები გურჯისტანში ცუდად იქცევიან (2.412).

1806-1812 წწ. მიმდინარეობდა რუსეთ-ოსმალეთის ომი. კავკასიის საომარ ასპარეზზე ჩილდირის ვილაეთი სასაზღვრო ზონას წარმოადგენდა. იქ ჯარების დისლოკაციას, მათ მომარაგებას და გადაადგილებას მაქსიმალური ხელშეწყობა სჭირდებოდა. უდიდესი მნიშვნელობა ჰქონდა აბორიგენი მოსახლეობის განწყობას და მზადყოფნას საომარი კონფლიქტის დროისათვის. ამ დროს კი, 1806 წელს, გრაფმა გუდოვიჩმა მიიღო სადაზვერვო ინფორმაცია, რომ იქაური სელიმ ფაშა თავს არიდებდა ომში აქტიურ ჩარევას. ის, მიუხედავად ერზრუმის სერასკირის იუსუფ ფაშას ბრძანებისა, იმ მიზეზით, რომ გლეხებისთვის დროა Молотить хлеб (ე. ი. პურის ლენვის – ა. ჩ.), არ აპირებდა გამოეყვანა საჭირო რაოდენობის ჯარისკაცი (9.577). 1807 წლის ზაფხულში ერზრუმის სერასკირმა იუსუფ ფაშამ არაერთხელ დაავალა ჩილდირის ვილაეთის ფაშას ყარსის დაცვისათვის გაეგზავნა დამხმარე ჯარი, თუმცა უარს იღებდა, სელიმი იმიზეზებდა, რომ ჩემს სამფლობელოს რუსების საფრთხის გამო ვერ დავტოვებო (9.615, 616, 617).

1810 წ. დასაწყისში შერიფ ჯაყელმა მოახერხა სელიმ ხიმშიაშვილის დამარცხება და ჩილდირის ვილაეთის ფაშა გახდა, სელიმი აჭარაში გაიქცა. ხელისუფლებაზე ისედაც გაჯიუტებული, დამარცხებამ სულ გააბრაზა. გენერალი ორბელიანის 1810 წ. 13 სექტემბრის მოხსენებიდან ტორმასოვის მიმართ ვგებულობთ, რომ სელიმი ფაქტიურად შპიონურ ინფორმაციებს აწვდიდა რუსებს. თუმცა, თვითონ ორბელიანი წერდა: „მე არ ვიცი ეს თუ არის სრული სიმართლე“ (1.769).

მიუხედავად თვითნებობისა, ოფიციალურად სელიმი ყოველთვის ოსმალეთის ხელისუფლების წარმომადგენლად ითვლებოდა და რიგ შემთხვევაში მის ინტერესს ატარებდა. ამ თვალსაზრისით რუსეთის ხელისუფლება საქმეს რეალურად აფასებდა. (1.773). მაგრამ ამასთან, სელიმის სეპარატისტული საქციელი ძალზედ შორს წავიდა. მან თავისი პირველი ფაშობის პერიოდში გატარებული პოლიტიკის გამო პორტას გაბრაზება დაიმსახურა. 1811 წ. 2 ივნისს როცა ჩილდირის ვილაეთს შერიფ ჯაყელი მართავდა, ხოლო სელიმი აჭარაში შეიძლება ითქვას იმალეობდა, კავკასიის მმართვე-

ლი ტორმასოვი გენერალ სიმონოვიჩს წერდა, რომ ოტტომანთა პორტას წინაშე დამნაშავე სელიმ ფაშა ვერასოდეს გაბედავს გამოვიდეს მისი გამაგრებული ადგილებიდან ვერც ჩვენს დასახმარებლად, ვერც ჩვენს წინააღმდეგ. შეიძლება დაკარგოს შთამომავლობითი სამფლობელო აჭარა და სი-ცოცხლეც (1.774).

1811 წლის 7 ნოემბერს კავკასიის ახალი მმართველი – მარკიზი ფილიპე პაულუჩი* რუსეთის იმპერიის სამხედრო მინისტრს უპატაკებდა, რომ ახალციხის ყოფილი ფაშა სელიმი თავს არიდებდა ოტტომანთა პორტას მორჩილებას (10.182), თუმცა ომი ჯერ კიდევ დამთავრებული არ იყო და სულთანი მაჰმუდ II გადამწყვეტ ნაბიჯებს არ დგამდა ჩილდირის ეიალეთში სეპარატიზმის აღმოსაფხვრელად.

მიუხედავად იმისა, რომ ოსმალეთის ცენტრალური ხელისუფლებისათვის სელიმ ხიმშიაშვილი არ იყო სასურველი მმართველი 1812 წელს მდგომარეობა მაინც სელიმის სასარგებლოდ შეიცვალა. ეტყობა პორტას რუსებთან ომის წარუმატებლობის ერთ-ერთი დამნაშავედ ჩილდირის ვილაეთის ფაშა შერიფ ჯაყელი მიაჩნდა. ომის დროს, 1811 წ. რუსებმა დაიკავეს ახალქალაქი, რაც თურქებისათვის აქ მნიშვნელოვან ზარალს წარმოადგენდა. ახალქალაქი ჯავახეთის ცენტრი იყო. ახლა კი ფაქტიურად რუსების ხელში გადადიოდა ახალქალაქის სანჯაყი, რომელიც ეკონომიკურად მდიდარი რაიონი და ქართლ-კახეთის უშიშროებისათვის მნიშვნელოვანი სტრატეგიული პუნქტი გახლდათ. თუმცა უნდა ვთქვათ, რომ ბუქარესტის ზავით (1812 წ.) ოსმალებმა ახალქალაქი დაიბრუნეს.

შერიფი კარგა ხანია ითვლებოდა აქაურობის შეუფერებელ მმართველად. 1812 წელს სელიმმა შეძლო მისი დამარცხება და სულთანმაც მას ფაშობა დაუბრუნდა. 1813 წ. 10 ნოემბერს სელიმ ფაშა წერილში მამია გურიელისადმი ჩამოთვლის თავის სამსახურებრივ მდგომარეობასა და უფლებებს. ეს ჩვენს მიერ ზემოთ აღნიშნული 1803 წლის მისი მდგომარეობის გამეორებაა მცირე ცვლილებებით. მოვიყვანოთ 1813 წლის საბუთის ამ მონაკვეთს: „ქ. ყოვლად ამაღლებული და დიდებით სავსე, ცათა სწორი ხელმწიფეთ ხელმწიფისაგან სამართლად პატივცემული ვეზირი ჩილდირისა, ახალციხისა და მისი ვილაეთის მპყრობელი, ბათუმისა და ზღვის კიდეთა სხვათა და სხვათა უფლებათა მქონებელი, დიდებული და ბედნიერი სამთულიანი სელიმ-ფაშა მოგახსენებთ“ (10.510).

XVIII ს. მეორე ნახევარსა და XIX ს. დასაწყისში ოსმალეთმა რუსეთთან სამი ომი გადაიხადა და სამივე ოსმალეთისათვის წარუმატებლად დასრულდა. სულ უფრო მეტი ადამიანი ხვდებოდა, რომ ეს ქვეყნის ჩამორჩენილობის ბრალი იყო და საჭიროება მოითხოვდა ცვლილებების მოხდენას.

მაჰმუდ II სულთნის ტახტზე ასვლის (1808 წ.) შემდეგ ოსმალეთის იმპერიაში მდგომარეობა შედარებით შეცვალა. სულთანმა იმპერიის ჩრდილო-აღმოსავლეთშიც მოჰკიდა ხელი სეპარატიზმის აღმოფხვრას. სულთნისათვის, პორტასთვის იქ მმართველად ყოვლად მიუღებელი იყო როგორც სელიმ ხიმშიაშვილი, ისე შერიფ ჯაყელი; მიუღებელი იყო მათი სისხლისმღვრელი, სამოქალაქო დაპირისპირება, პირველობისათვის ბრძოლა, თვითნებური საქციელი, სუბორდინაციის დარღვევა, ერზრუმის სერასკირისადმი და პორტასადმი ურჩობა, რაც ომის დროს უდისციპლინობას იწვევდა. შესაძლოა, ცნობილი გახდა რუსებთან ფარული კავშირიც.

ამიტომაც, 1815 წ. ჩილდირის ვილაეთის ფაშა სელიმ ხიმშიაშვილი ოსმალეთის ხელისუფლების დავალებით სიკვდილით დასაჯეს. ჩვენთვის არ არის ცნობილი დასჯის კონკრეტული მიზეზი. ძირითადი მიზეზი შეიძლება სელიმ ხიმშიაშვილის პოლიტიკური მოღვაწეობა, კერძოდ, მისი სეპარატიზმი და თვითნებობა, მის ადგილას უფრო ლოიალური პირის დანიშვნა გამხდარიყო.

* 1811 წლიდან კავკასიის მართავდნენ მარკიზი ფილიპე პაულუჩი და ნიკოლოზ რტიშჩევი. სამართავი ტერიტორია მათ შორის იყო გაყოფილი. 1812 წელს ფ. პაულუჩი წაიყვანეს და მმართველი გახდა ნ. რტიშჩევი.

კავკასიის მმართველი 1811-1816 წწ. გენერალი ნ. რტიშჩევი 1815 წ. 10 მაისს ერზრუმის სერასკირს წერდა, რომ სელიმ ფაშა მოხვდა ოტტომანთა ბრწყინვალე პორტას სამართლიანი რისხვის ქვეშ და ძლევამოსილი სულთანის, თქვენი ხელმწიფის ნებით, თქვენ მიერ ჩამორთმეული აქვს ახალციხის მმართველობაო (10.819). თუკი ადრე სულთნები მტკიცედ არ ერეოდნენ აქაურ საქმეებში, ახლა რტიშჩევის მონაცემი ეჭვს არ უნდა იწვევდეს. დავალება აქაური ფაშას შეცვლის და მის ადგილას ერთგული ნომენკლატურული მუშაკის დანიშვნის შესახებ მაჰმუდ II-დან უნდა მოდიოდეს. ხსენებული წერილის თარიღიდან ერთი თვის შემდეგ, 10 ივნისს, გენერალი რტიშჩევი ვეიდემეიერს წერდა განვითარებული მოვლენების შესახებ: ერზრუმის სერასკირი ბაბა ფაშა არის იგივე ფეჰლე-ვან ფაშა. ჩამოვიდა რა ერზრუმში, მმართველობა დაიწყო სელიმ ფაშა ახალციხელის დასჯით. მის წინააღმდეგ გააგზავნა ჯარი, გააგდო ახალციხიდან და იქ დაამტკიცა თავისი ახლობელი (10.821).

შემდეგ განვითარდა ცნობილი მოვლენები. სელიმ ხიმშიაშვილი აჭარაში გაიქცა. ბაბა ფაშამ მის წინააღმდეგ სამხედრო ნაწილი გაგზავნა. სელიმმა ერთგულ ხალხთან ერთად თავი ხიხანის ციხეს შეაფარა. მოალყეებმა ციხე აიღეს, სელიმს თავი მოჰკვეთეს და მოკვეთილი თავი სულთანს გაუგზავნეს.

სელიმ ხიმშიაშვილის, როგორც ოსმალეთის სახელისუფლებო სტრუქტურის მოხელის, სამხედრო-პოლიტიკურ ქმედებებს სხვადასხვანაირი შეფასება ეძლევა. ზოგს იგი ურჩ ფეოდალად მიაჩნია, ზოგს კი ეროვნულ-განმათავისუფლებელი მოძრაობის ლიდერად, გამოთქვამენ აზრს, რომ მისი ქმედებები ხელს უწყობდა ქართული მიწა-წყლის გამოსხნას.

ვფიქრობთ, რომ ყველაფერი ეს ცალ-ცალკე აღებული, არასრულყოფილია. უპირველეს ყოვლისა, ის ფორმალურად აღიარებდა სულთნის უმაღლეს ხელისუფლებას და მეტ-ნაკლებად ასრულებდა თავის მოვალეობას. ამავე დროს რიგ სერიოზულ საკითხებში იჩინდა თვითნებობას ხელისუფლების ზემდგომი წარმომადგენლების მიმართ და წარმოგვიდგება როგორც ურჩი ფეოდალი, რაც იმდროინდელი ოსმალეთის იმპერიაში გამონაკლისს არ შეადგენდა. ნორმალური სახელმწიფოსთვის ყოვლად მიუღებელია სამოქალაქო ომი, რომელიც ჩილდირის ვილაეთში ერთადერთი მიზნით, ფაშის ტახტის დაუფლებისათვის გააჩაღეს სელიმ ხიმშიაშვილმა და შერიფ ჯაყელმა. ესეც იმ პერიოდში გამონაკლისს არ შეადგენდა.

სელიმ ხიმშიაშვილს ყოველთვის ჰქონდა აშკარა და ოფიციალური კავშირები საქართველოს მეფეებთან და მთავრებთან. ეს კავშირი არ ყოფილა და ვერც იქნებოდა ანტიოსმალური ხასიათის. მართალია, ოსმალეთის იმპერია დაძაბუნებული იყო, თუმცა დაშლილ-დაქუცმაცებული საქართველოს სამეფოები და სამთავროები უაღრესად სუსტნი იყვნენ ოსმალეთთან შედარებით. პირიქით, სელიმს უნდა გაეტარებინა საერთო ოსმალური პოლიტიკა დაშლილი საქართველოს სამეფო-სამთავროების მიმართ და ატარებდა კიდევ.

სულ სხვა საქმე იყო რუსეთის უზარმაზარი იმპერია. რუსეთის კავკასიურ ხელისუფლებასთან მისი აშკარა თუ ფარული კავშირების შესახებ უნდა შევნიშნოთ შემდეგი: სელიმის მოღვაწეობა ამტკიცებს, რომ მის მიზანს შეადგენდა პირველობისთვის ბრძოლა ისტორიულ სამხრეთ-დასავლეთ საქართველოში. თანაც მნიშვნელობა არ ჰქონდა სადაც არ უნდა ყოფილიყო ეს ტერიტორია, ოსმალეთის იმპერიაში, რუსეთის იმპერიაში, თუ (გამოვიდოდა) აღდგენილ სამცხე-საათაბაგოში. ის იშვიათად ენდობოდა ვინმეს, ისევე როგორც თვითონ არ იყო ბოლომდე სანდო ოსმალეთისა და რუსეთის ხელისუფლებისათვის.

არის აზრი, რომ სელიმ ხიმშიაშვილის ქმედებების, კერძოდ მისი თვითნებობის, სეპარატისტული ტენდენციების, სამოქალაქო ომში ჩაბმის შედეგად პროგრესული საქმე კეთდებოდა, რადგან ქართული მიწების გამოსხნას ეწყობოდა ხელი. უნდა ვთქვათ, რომ ქვეყანაში გაძლიერებული ანტი-

სახელმწიფოებრივი მოვლენები (ამ შემთხვევაში სელიმის ქმედებები) იყო უპირველეს ყოვლისა სახელმწიფოში არსებული უვარგისი სისტემის შედეგი. ამით სარგებლობდა ის თავისი დაულალავი ენერგიით ებრძოლა პირველობისათვის, რაც ხელს უწყობდა ქვეყნის ამ ნაწილში ოსმალეთის დასუსტებას. მოცემულ პერიოდში ოსმალეთის იმპერიაში იყო ჩამორჩენილი სოციალურ-პოლიტიკური სისტემა, ამიტომაც სუსტდებოდა სახელმწიფო და ფეხი ჰქონდა მოკიდებული უკანონობას. აქ კი გამოჩნდა ქარიზმატული ლიდერი, რომელმაც ცხოვრების მიზნად ერთ რეგიონში პირველობა დაისახა და იბრძოდა კიდევ სხვადასხვა საშუალებით. ამავე დროს ისტორიამ გვიჩვენა, რომ ოსმალეთის იმპერიის დაშლისთვის და ქართული მიწების გამოხსნისათვის მხოლოდ შინაგანი დასუსტება არ იყო საკმარისი. ამისათვის კიდევ ომები, განსაკუთრებით კი რუსეთთან ომები გახდა საჭირო. ოსმალეთის იმპერიაში ხან აქ, ხან იქ ადგილი ჰქონდა სეპარატისტულ მოძრაობას, მათ შორის, ყველაზე მწვავე ფორმებითაც, თუმცა მათი დაქსაქსულობის და სისუსტის გამო პორტა ახერხებდა ძალების მობილიზაციას და ქვეყნის ერთიანობის შენარჩუნებას. რუსეთთან ომებმა მდგომარეობა შეცვალა, მათ შორის ბალკანეთში გაჩნდა დამოუკიდებელი ქვეყნები. კავკასიის რუსეთის ხელში გადასვლის შემდეგ, აქ ოსმალეთისგან განთავისუფლებულ ტერიტორიებზე, მიუხედავად ცარიზმის რუსიფიკატორული პოლიტიკისა, ქართველებმა, ისევე როგორც სხვებმა, შეინარჩუნეს თვითმყოფადობა. რუსეთის დახმარების გარეშე სამხრეთ-დასავლეთ საქართველოს მოსახლეობა განწირული იყო გათურქებისათვის, რაც ფაქტიურად მოხდა კიდევ თურქეთში დარჩენილ ისტორიულად ქართულ ტერიტორიებზე.

სელიმ ხიმშიაშვილი ეროვნულ-განმათავისუფლებელი ბრძოლის ჭეშმარიტ ლიდერად, უფრო ზუსტად რომ ვთქვათ, მის სიმბოლოდ ბოლო მომენტში იქცა, როცა სულთანმა გასცა ბრძანება მისი დასჯის შესახებ და აჭარისკენ დაიძრა სადამსჯელო ჯარი, სელიმმა და მისმა მომხრეებმა ხიხანის ციხეს შეაფარეს თავი, თუმცა იგი შეიპყრეს და სიკვდილით დასაჯეს.

ზემოთქმულიდან გამომდინარე, სელიმ ხიმშიაშვილი დროის მიხედვით იყო: დასუსტების გზაზე მდგარ ვრცელ ოსმალეთის იმპერიაში სახელმწიფო მოხელეც, ურჩი ფეოდალიც, რეგიონში პირველობისათვის მებრძოლიც და ეროვნულ-განმათავისუფლებელი მოძრაობის სიმბოლოც.

წყაროები და ლიტერატურა

1. Акты Кавказскою археографической комиссии (КАК), т. IV, изданы в типографии главного управления наместника кавказского, Тифлиси, 1870.
2. ხიმშიაშვილები (წყაროები, ლიტერატურა, პუბლიკაციები) წიგნი I, გამომცემლობა „ალიონი“, ბათუმი, 2003.
3. ახმედ აჭარი, ხიმშიაშვილები ისტორიაში, ტურიზმის განვითარების ფონდის გამომცემლობა, ანკარა, 1995.
4. Акты КАК, т. II, изданы в типографии главного управления наместника кавказского, Тифлиси, 1868.
5. ვიკიპედია – თავისუფალი ქართულენოვანი ენციკლოპედია, ახალციხის ფაშების სია.
6. ნ. შენგელია, XV-XIX საუკუნეების საქართველოს ისტორიის ოსმალური წყაროები, თბილისის უნივერსიტეტის გამომცემლობა, თბილისი, 1974.
7. მურად ქასაბი, ოსმალეთის ქართველები, საქართველოსთან მეგობრობის ასოციაცია, სტამბოლი, 2012.
8. ა. სურგულაძე, რ. სურმანიძე, სელიმ ხიმშიაშვილი, თბილისი, 2013.
9. Акты КАК. т. III. изданы в типографии главного управления наместника кавказского, Тифлиси, 1869.
10. Акты КАК. т. V. изданы в типографии главного управления наместника кавказского, Тифлиси, 1873.
11. История стран Азии и Африки в новое время, издательство московского университета, 1971.



ტაბაღი (სარბის) ტაყაიძე

მხოლოდ სიმართლე და არაფერი სხვა!

საუკუნეზე მეტი ხნის მანძილზე არასწორი ინფორმაცია ვრცელდება ამბიციებით დასწეულებული პოლიტიკური ავანტიურისტის – სელიმ ხიმშიაშვილის შესახებ, რომელიც თურქეთის სულთნის, მაჰმუდ II-ის, ბრძანებით სიკვდილით დაისაჯა. ხალხს კი სურს მასზე გაიგოს სიმართლე. ქვემოთ მოცემულია უტყუარი ფაქტები მისი პოლიტიკური პორტრეტისათვის. ამ ფაქტების გაბათილების არავითარი შანსი არ არსებობს.

აი, სად და როდის დაიწყო მისი პოლიტიკური ამბიციების ავადმყოფური გამოვლინება:

„1797 წ. 20 აპრილს საბუდ ფაშა დიდი ზეიმით შევიდა ახალციხეში“ – ვკითხულობთ იოანე ხუცესის ქრონიკებში, ოცდამეთორმეტე გვერდზე. იგი იყო მეტად შეუბრალებელი პიროვნება. მან მხარის დასამორჩილებლად ბევრი მკაცრი ღონისძიება გაატარა.

აჭარის სანჯაყბეგს, სელიმს, მისი შიში ჰქონდა და ამის გამო მხარს უჭერდა ღონისძიებათა გატარებაში, მაგრამ გულში მაინც მისდამი ღალატი ედო.

საბუდ ფაშამ მხოლოდ ორი წელი გაძლო საათაბაგოს ტახტზე.

საათაბაგოს მკვიდრის, სულეიმან ფაშის შვილი შერიფ ჯაყელი ახალციხის ტახტიდან მამის გადადგომის ათი წლის შემდეგ, 1801 წ. მოულოდნელად შეიჭრა ციტადელში და აიღო იგი. აჭარის სანჯაყბეგმა, სელიმმა, დაინახა თუ არა ჯაყელ ათაბაგთა ტახტისათვის ცილობა, თვითონაც აჰყვა ქიშპის, ღალატისა და ყაჩაღობის ქარბორბალას. საამისოდ მოემზადა ათაბაგ შერიფ ჯაყელზე თავდასხმისათვის. შერიფი სულ რაღაც წელიწადნახევრის შემდეგ ჩამოაგდო ტახტიდან და თვითონ გახდა მესხეთის მმართველი. მცირე ხნის შემდეგ, იმავე შერიფმა იძია შური სელიმზე, დაიბრუნა ტახტი და 1810 წლიდან 1812 წლამდე განაგებდა მას. იმავე 1812 წლიდან 1815 წლამდე ხელმეორედ ავიდა ტახტზე სელიმ ხიმშიაშვილი. სულთანმა იცოდა, რომ საათაბაგოს ტახტი საუკუნოდ და სამკვიდრებლად ჯაყელ ათაბაგებს ეკუთვნოდათ. ამიტომ ოსმან ფაშას მცდელობას ტახტის შენარჩუნებისათვის ავანტიურად არ მიიჩნევდა. ბევრ რამეში იგი სულთანს არ მოსწონდა, მაგრამ რაკი საათაბაგო ტახტი მათ ეკუთვნოდათ, დუმლით ხედებოდა ფაქტს. გამოჩნდა თუ არა საათაბაგოს არადინასტიური გვარი – ხიმშიაშვილი, ეჭვის თვალს დაატანა მის საქციელს. ტახტის დასაპყრობად აღტყინებული ამბიციური სელიმი, სულთნის მითითებებს ზერელედ უყურებდა. სულთანიც, დარწმუნებული იყო, რომ იგი საათაბაგოს ტახტზე ვერ გაძლებდა და პირველ ხანებში მხოლოდ შენიშვნებით კმაყოფილდებოდა. შერიფ ფაშა ჯაყელის მიერ ჩამოგდებული სელიმი, მეორეჯერ რომ ავა-

ზაკური გზით ტახტზე ავიდა, სულთანმა აღარ აპატია და მისი სიკვდილით დასჯა გადაწყვიტა. სულთანმა დასაჯა იგი არა მარტო იმიტომ, რომ საუკუნეებში დამკვიდრებულ ჯაყელთა დინასტიურ გვარს პატივი სცა, არამედ იმიტომ, რომ სელიმში დაინახა აუტანელი პოლიტიკური ავანტიურისტი.

ავანტიურული სული სელიმს გენებით ჰქონდა მიღებული. მისი მამა – აბდულ ალა ხიმშიაშვილი, მეთვრამეტე საუკუნის ბოლოს მეზობელი კუთხის, გურიის, წინააღმდეგ არასამართლიანი ლაშქრობის დროს აკეთში მოკლეს (ამ ცნობას გვანჯდის თედო ჟორდანიას თავისი ქრონიკების მესამე ტომში, 389-ე გვერდზე). ამის შემდეგ აჭარის გამგებელი იყო მისი შვილი – სელიმი. იგი ისე გაჯიუტდა, რომ მის ზემდგომთ აღარ ემორჩილებოდა. ბოლოს, უფრო მეტიც, დალაშქრეს და შეიპყრეს იგი.

სელიმის პოლიტიკური პორტრეტისათვის საინტერესოა იმის გახსენება, რომ მისი თანამებრძოლი სელიმ ალა ყიფიანი, წარმოშობით ქართველი, ვერაგულად მოკლა იმის გამო, რომ მასში დაინახა მეტი ცოდნა, გამოცდილება და ღირსება. ამასთან ტახტის მეტოქე. ეს მისი ეჭვი გააძლიერა იმან, რომ სულთანმა ამჟამად გამოხატა სელიმ ალა ყიფიანის მიმართ სიმპათია და მას სერასკირის მუსელიმოზა უბოძა. ეს კი მხარის ხელმძღვანელობას ნიშნავდა, მართალია, სელიმ ხიმშიაშვილმაც მიიღო მუსელიმოზა, მაგრამ მისი ეს თანამდებობა ნიშნავდა ახალციხის ფაშის ხელისუფლების ქვეშ ყოფნას, ხოლო სელიმ ყიფიანისა – ნიშნავდა ვალეს უფროსობას.

სელიმ ალა ყიფიანი ქართლის მმართველობასთან კავშირის მომხრე იყო. ყიფიანის შვილიც ერთგული იყო ქართველებისა. ციციანოვი წერდა: „Он был действительно нам предан и усерден ко всем христианам“ – ვკითხულობთ აქტების მეორე ტომში, 903-ე გვერდზე.

სელიმ ხიმშიაშვილმა სელიმ ყიფიანთან ქართული ელემენტის გაძლიერება შენიშნა და ვერ აიტანა. ანგარიში არ გაუწია იმას, რომ სწორედ ყიფიანის დახმარებით შეძლო ახალციხის ტახტის მოპოვება, მისი დახმარებით მიიღო ფაშობა და მაინც მისი სიკვდილით დასჯა ბრძანა. ეს უსამართლობა ვერ აიტანა სელიმ ხიმშიაშვილის შვილმა და მამას დიდი წინააღმდეგობა გაუწია. სელიმმა შვილი შეიპყრო, ტყვედ ჩაიგდო ჩახანთან და ციხეში დაამწყვდია.

სელიმის შვილმა პარლამენტატორებს განუცხადა მამის წინააღმდეგ აჯანყების მიზეზი. ერთ-ერთ მიზეზად დაასახელა ის, რომ ფაშა იძულებულს ხდიდა (იგულისხმება მისი მამა – სელიმი) სრულიად უმიზეზოდ აეტეხა ბრძოლა გურიასა და იმერეთს შორის, რომ მანვე სრულიად დაუმსახურებლად დასაჯა მისი ყველაზე ერთგული თანამებრძოლი და სარდალი სელიმ ყიფიანი – ვკითხულობთ აქტების მეორე ტომის 145 გვერდზე.

1809 წლის ცნობით, „ახალციხე მთლიანად განუდგა სელიმ ფაშას. ამის გამო იგი აჭარაში გაიქცა...“ გურიის დედოფლის – მარიამის ცნობით, იმავე აქტების მეოთხე ტომში, 790 გვერდზე მითითებულია, რომ „სელიმი შუა ზაფხულიდან 27 ნოემბრამდე აჭარაში იყო სულ და ჩაკეტილი“.

სელიმს თუკი რაიმე სიმპათია ჰქონდა რუსეთისა, ეს იყო გამოწვეული იმით, რომ ყველაზე გაჭირვების დროს მას რუსეთის ჯარის იმედი ჰქონდა.


1810 წ. 5 მარტს, დაკარგა ტახტი. სტეფანე ნავროზაშვილის ქრონიკებში 45-ე გვერდზე ვკითხულობთ: „5 მარტს აჭარელი მოშალეს და გაიქცა მეტად დამარცხებული და შერცხვენილი“. რამდენჯერმე გაქცევის შემდეგ, 1815 წლის მარტში, სელიმი უკანასკნელად გაიქცა. შვილები მამია გურიელთან შეაფარა და თვითონ კი ხიხანის ციხესიმაგრეში საიმედოდ ჩაიკეტა. „მისი დასჯა დევალა არზრუმის ბაბა ფაშას... ხირხათის ციხეში შეკეტილ სელიმს უღალატეს თავისივე მებრძოლებმა. სერასკირმა ციხე აიღო და სელიმ ხიმშიაშვილის ლეღვით აღსავსე და საინტერესო გზაც დასრულდა. მას თავი მოკვეთეს და სტამბულში გაგზავნეს“ – ამ ციტირებას აკეთებს ბატონი შოთა ლომსაძე აქტების მეხუთე ტომიდან და მიუთითებს 228-ე გვერდს.

მესხეთის პოლიტიკური აქტების I-V ტომები, სტეფანე ნავროზაშვილი, იოანე ხუცესი, თედო ჟორდანიას, შოთა ლომსაძე და სხვები სელიმ ხიმშიაშვილის პორტრეტს წარმოადგენენ სამეცნიერო მასალებზე დაყრდნობით. მათი აზრით, სელიმი იყო მსხვილი ფეოდალი, მმართველობისათვის მძიმე ამბიციებით დასწრებული, ტახტისათვის მებრძოლი ავანტიურისტი, ხელისხლიანი თვითმპყრობელი, რომელმაც ტახტზე მეორედ ასვლის შემდეგ, 1812 წელს, პირველი გაძევებიდან დაბრუნებულმა, მესხეთში ჩაატარა პოლიტიკური წმენდა. საათაბაგოს ტახტის კანონიერ დინასტიურ მონაცვლეობას წინ აღუდგა, მისი მიზეზით თხუთმეტი წლის მანძილზე მესხეთში მძაფრი არეულობა სუფევდა... თურქეთის ცენტრალური მთავრობაც სელიმს ურჩად თვლიდა შერიფ ჯაყელისა და ლივანის სული ბეგ ჯაყელის წინააღმდეგ ბრძოლის გამო, რამაც გამოიწვია ბრძანება მისი სიკვდილით დასჯის შესახებ.

ზემოთ წარმოდგენილი დოკუმენტური მასალები არის სელიმის არასრული პოლიტიკური პორტრეტი, რომელიც შეიქმნა საათაბაგოს ტახტზე მისი ორჯერ ასვლისა და იქიდან ბოლო სამარცხვინოდ გაძევების შემდეგ.

* * *

„აჭარას საქართველოსგან ვერ მოაცილებთ“, – ეს სიტყვები თითქოს სელიმმა წარმოთქვა. ეს სიტყვები ჩანერილია უცნობი ინფორმატორის მიერ, 100 წლის წინ, სელიმის დაბადებიდან კი გასული იყო 250 წელი. ვინ იცოდა ეს სიტყვები, რატომ მანამდე არ გამოჩნდა. მას ბეჭდური სახით ჩვენამდე არ მოუღწევია, არც ერთი ფოლკლორული მასალა სელიმზე არ მოიპოვება. იგი ზოგადი წარმოდგენებით შევიდა ლიტერატურაში. სელიმზე არც ერთ ქართველ მწერალს სიტყვა არ დასცდენია. ერთადერთი იყო ბატონი შოთა ლომსაძე, რომელმაც თქვა სელიმზე და თანაც გაანადგურა კიდევ. კარგი რამ თუ ითქვა მასზე, მხოლოდ აჭარაში. ისიც ყალბად. მას ადარებენ გმირს, პატრიოტს და ა. შ. საამისოდ კი არავითარი საფუძველი არ არსებობს. ხალხს უფლება აქვს, იცოდეს სელიმის სახით ვისთან გვაქვს საქმე.



„პრელესტ ბაბაღი“, ბარათაშვილის სურათი და ხინკბლი იმპერატორისათვის

ნეტავი არ წამეკითხა-მეთქი, როცა 2013 წლის ჟურნალ „ჭოროხის“ მე-4 ნომერში გავეცანი მსცოვანი მწერლის ჯემალ (სარგის) ჯაყელის სტატიას „ნიკოლოზ ბარათაშვილის ნამდვილი სურათი“. მეგონა, რომ ახალ აღმოჩენასთან გვექონდა საქმე, მაგრამ ვარაუდი გამიცუდდა. ბატონი ჯემალი ოთხმოცდაათს მიტანებული კაცია. ღმერთმა კიდევ დიდხანს და ჯანმრთელად ამყოფოს. ძალიანაც მიჭირს ამ ხნის კაცის ნაწერებზე შენიშვნების გასაჯაროება, მიუხედავად იმისა, რომ როცა დროს იხელთებს შემთხვევას არ უშვებს, არ გამლანძლოს. ამაზე ჩემი რეაგირება ნულის ტოლია, მაგრამ როცა საკითხი ეხება ტრაგიკული ბედის გენიალურ პოეტს ნიკოლოზ ბარათაშვილს, გაჩუმება არ შემიძლია.

ზემოთ დასახელებული სტატია, არც – მეტი, არც – ნაკლები, ავტორის ჩაუხედავობის ბრალია, თორემ ვასილ ჩაჩანიძის გამოკვლევა „ნიკოლოზ ბარათაშვილის პორტრეტის გარშემო“ რომ წაეკითხა, ასეთ უხერხულობაში არ ჩაიგდებდა თავს. ბატონი ჯემალი წერს: „...ისე ვართ მიჩვეული ნიკოლოზ ბარათაშვილის ფსევდო სურათს, შეიძლება გვეუცხოოს მისი ახლად აღმოჩენილი ნამდვილი სურათი“. მეგონა, ავშენდით და ეგ არის-მეთქი, მაგრამ ნურას უკაცრა-

ვად. სტატიასთან ერთად დაბეჭდილია უცნობი პირის ფოტო, რომელიც ახლად აღმოჩენილი კი არა, ცნობილია ბარათაშვილების საოჯახო ალბომიდან და „უცნობი პირის“ სახელწოდებით ინახება საქართველოს ლიტერატურული მუზეუმის ფონდში. იგი მუზეუმს გადასცა ბატონი ჯემალის სტატიაში ნახსენები „პრელესტ ბაბაღი“ ანუ ბაბაღე ჩოლოყაშვილის და გიორგი ბარათაშვილის შვილიშვილმა კონსტანტინე ივანეს ძე ბარათაშვილმა, 1946 წლის 11 სექტემბერს. ბაბაღეს უცნობი პირის სურათი მართლაც ეგონა ნიკოლოზ ბარათაშვილისა, მაგრამ ამას დაბეჯითებით ვერ ამბობს. ახლა იმასაც ვარაუდობენ, რომ სურათზე ლევან დიმიტრის ძე ბარათაშვილია გამოსახული. ზოგი ვარაუდით იგი უცხოელია. ბაბაღე ჩოლოყაშვილი-ბარათაშვილისა ქველმოქმედი და წარჩინებული ოჯახის პატრონი იყო. იგი მეგობრობდა ილია ჭავჭავაძესთან. 1882 წელს ვაჟა-ფშაველა მისი დახმარებით გაემგზავრა პეტერბურგში.

უცნობი პირის სურათზე, როგორც ჯემალი დაბეჯითებით, მაგრამ უსაბუთოდ „გვიმტკიცებს“, ნიკოლოზ ბარათაშვილი ვერ იქნება გამოსახული, რადგან „უცნობი პირი“ ექსპერტების აზრით, 40-45 წლისაა, ხოლო ნიკოლოზ ბარათ-

თავილი 27 წლისა გარდაიცვალა, 1845 წელს. ჩვენში ფოტოხელოვნება 1949 წელს შემოვიდა. რაც შეეხება სურათს, რომელიც პოეტის დამსოფომ გადასცა ილია ჭავჭავაძეს და ფოტოგრაფ დუბელირის ფოტოატელიესთან ერთად დაინვა იმავე ღამეს, დაგეროტიპული იყო.

სამწუხაროა, რომ ჯემალს „უცნობი პირის“ სურათი აღმოჩენა ჰგონია, რახან თავად პირველად ნახა. მის სტატიაში ვკითხულობთ: „ბაბაღე დიდ პატივს მიაგებდა მეუღლის ნათესავეებს, ბარათაშვილებს. სწორედ ბაბაღე სამოცი წლის განმავლობაში (საიდან იცის, – შ. ზ.) ინახავდა თურმე ნიკოლოზ ბარათაშვილის სურათს. ძნელი დასადგენია როგორ და რა ვითარებაში მოხდა პოეტის სურათი მის ოჯახში, მაგრამ ფაქტია. უნდა ითქვას, რომ მაშინ საკმაო იშვიათობას წარმოადგენდა ფოტოსურათები და ოჯახიდან ოჯახში (ვინ უთხრა, – შ. ზ.) დაატარებდნენ. ალბათ, ამ გზით მოხვდა იგი ბაბაღე ბარათაშვილის ოჯახში. აქ დაცული სურათი (ლაპარაკია უცნობი პირის პორტრეტზე, – შ. ზ.) დიამეტრიულად განსხვავდება მისი დღემდე ცნობილი პორტრეტისაგან, საიდანაც იხედება ერთი ვინმე (არავინ) თვალხატულა პიჟონი (ლაპარაკია ნიკოლოზ ბარათაშვილის აღიარებულ სურათზე, – შ. ზ.), რომელსაც არავითარი საერთო არ აქვს გენიალური ნიკოლოზ ბარათაშვილის სურათთან“.

ნათელია, რომ ამ სტრიქონების ავტორი არ იცნობს ბარათაშვილის პორტრეტის შექმნის ისტორიას, არ იცნობს ლადო გუდიაშვილის მო-

გონებებს, მით უფრო ჩემს სტატიას „ადამიანი, რომელსაც ღმერთმა აკოცა“.

ჯერ ერთი, რომ ლადო გუდიაშვილი და ტატოს დისშვილი გიორგი სუმბათაშვილი, რომელიც გაჭრილი ვაშლივით ჰგავდა ტატოს, ერთ სახლში ცხოვრობდნენ, ეს ვრცელი საუბრის თემაა. მეორეც, ლადო გუდიაშვილმა შეისწავლა და გაითავისა მიხეილ თუმანიშვილისეული ბარათაშვილის პორტრეტის ესკიზები. ამაზე დაყრდნობით შექმნა პოეტის პორტრეტი, რომელიც დაამტკიცა სპეციალურად შექმნილმა სახელმწიფო კომისიამ, რასაც ბატონი ჯემალი „ერთი ვილაც (არავინ) და თვალხატულა პიჟონს“ უწოდებს. ესეც გენიოსის კიდევ ერთი ტრაგიკული ბედისწერა. ბარათაშვილის პორტრეტები დამოუკიდებლად შექმნეს მხატვრებმა: ა. მრეველიშვილმა, ი. ქოქიაშვილმა, მ. თოიძემ. სამივე მათგანი ნიკოლოზ ბარათაშვილია.

რაც შეეხება ბატონი ჯემალის მოსაზრებას, რომ თიანეთში იმპერატორ ალექსანდრე პირველს ბაბაღე მასპინძლობდა და მისი განსწავლულობის გამო უწოდა „პრელესტ ბაბაღე“, არარეალურია, რადგან იმპერატორის მასპინძელი მთელი ქართველი თავადაზნაურობა იყო, ბაბაღე კი ნადიმის დიასახლისი გახლდათ. რაც შეეხება „პრელესტ ბაბაღეს“, იგი მაშინ უწოდა, როცა ბაბაღემ სტუმარი უხერხულობიდან იხსნა, როცა ხინკალი შემოიტანეს სუფრაზე და სტუმარმა არ იცოდა როგორ მიერთმია.

ეს ყველაფერი წყაროებით დადასტურებულია ვასილ ჩაჩანიძის წიგნში.

 **Գործեր 4** 2018
